



# SACERDOS CHRISTIANVS,

SEV

AD VITAM SACERDOTALEM  
piè instituendam Manuductio.

*In qua quicquid ad Christiani Sacerdotis mores, &  
actus debite componendos, iuxta Sacrorum Ca-  
nonum normam, & Sanctorum Patrum  
doctrinam requiritur; breuiter, ac di-  
lucide, & quammaximè ad  
praxim accommodatè  
proponitur.*

Authore M. LVDOVICO ABELLY,  
Sacerdote Parisiensi, & in sa-  
cra Theologiæ Facul-  
tate Doctore.

*Bibliothèque de la Faculté de Théologie de Paris*

*J. Cantaleoni*

R O M Æ,

Sumptibus Guillelmi Hallé sub signo  
Salamandræ regiae.



Typis Francisci Alberti Tani, M.DC.LVIII.

*Superiorum Permissu.*

*Sacerdotes tui, Domine, induantur iustitiam ;  
& Sancti tui exultent. Psalm. 131.*

*Hi sunt serui tui, fratres mei ; filii tui, Domini  
mei : quibus & voce, & corde, & litteris  
seruio. August. lib. 9. confess. cap. 13.*

*Nec prerogatiuam mihi met scientiæ, si hæc  
meis confacerdotibus charitatis intuitu  
prærogem, vendicabo ; aut vitæ perfectæ  
me esse fatebor, cum de vita perfectæ alios  
moneo : Sed potius ut cum hæc ad illos lo-  
qui audeo, simul cum illis quæ loquor audiā.  
Ambros. lib. de sacerdot. dignit. cap. 1.*



SANCTISSIMO PATRI  
ET DOMINO N. D.  
ALEXANDRO VII.  
PONTIFICI MAXIMO.



ACERDOTE  
Christianum  
ad oscula pe-  
dum Sancti-  
tatis tuę si-  
sto, BEATIS-  
SIME PATER,

*idque eo confidentius, quo non  
sine peculiari diuinæ providen-  
tiæ nutu, Illustrissimum eter-  
naque memoria dignissimum  
Franciscum Salesium Gebennē-  
sem quondam Episcopum Du-  
cem natus est; eiusq; auspicijs,  
ac veluti manuductione, iter si-  
bi propositum emetiri statuit.  
Et certè, nisi tanti viri merita  
intercederent, fateor illum te-*

nuitatis suæ sibi conscium nusquam ausurum fuisse, non modo Sanctuarium Apostolicum ingredi, sed nequidē eius intueri limina: deterruisset quippe fulgor Supremæ illius potestatis, quā uniuersus Orbis reueretur, propiusq; accedere prohibuisset. Sed conceptū ex reuerentia tremorē aliqua ex parte repressit, animumq; addidit, Optimi illius & piissimi Præsulis vox; quādo illum, quem Sacerdotum minimus, tanquam Maximum inter Pontifices, adeoq; Supremum totius Ecclesiæ Catholicæ verticē suspiciebat, etiā veluti omnium Ecclesiarum patrem amantissimū pariter & amatissimū agnoscendum, & fidenter, ipso præeunte, adeundum esse monuit. Quare iā propriæ pusillitatis oblitus ad pedes Sanctitatis tuæ prouoluitur, & veluti Optimo Patri, humillimus filius, omnē institutionis suæ rationē exponit, tuæque Apostolica authoritati, quanta

quantā maxīmā potest sui de-  
missione, subiicit: in qua quidē  
institutione, prāter id quod cor-  
rectione indiget, nihil à me ipsi  
suggeritum ex meo est: quin fa-  
teor omnia propē, quā in hoc o-  
pusculo recensentur, collecta  
esse, vel potius selecta ex ijs, quā  
in plurimis regni huius Chri-  
stianissimī locis, Illustrissimorū  
Prāfulum vigilantia & sollici-  
tudine fieri perspexi, tum in sa-  
cris Ordinationibus, tū in quo-  
tidianis Seminariorum exerci-  
tijs, tum etiam in varijs colla-  
tionibus inter viros Ecclesiasti-  
cos haberi solitis, quibus ipse à  
pluribus annis non modo saepius  
adsui, sed & interfui, ipsorumq;  
Prāfulum nutibus obsequens,  
operā meā utcūq; prābui: unde  
cū copiosa satis rerū Ecclesiastic.  
materia suppeditaret, anxius-  
que harerem, quā ratione, quo-  
ue ordine digerenda foret, ma-  
nū auxiliatricem obtulit supra  
laudatus, & semper laudandus

Gebe nneſis Antifites, bancque  
iniecit mentem, ut, quod ille in  
Philothea ſua ad verā cuiusli-  
bet Chriſtiani pietatem excitā-  
dam & promouendam perfece-  
rat, hoc in Chriſtiani Sacerdotis  
inſtitutione praſtarē: quod qui-  
dem, quātum in me fuit, exequi  
aggreſſus ſum; & ijsdē, quibus  
ille, veſtigijs inſiſtere, eadē via  
procedere, mihi propoſitum fuit.

Accipe igitur, SANCTISSIME  
PATER, vel potius ad infirmos  
throni tui Apoſtolici gradus de-  
poni permitte, Sacerdotale hoc  
ſpicilegium illius inclyti Præ-  
ſulis veluti manu compoſitum,  
delectumq; ex agro Gallicano,  
qui non minimi Eccleſiæ Chri-  
ſti portio eſt: in quo quidē, quā-  
uis aspirāte gratiæ cœleſtis au-  
ra, plurimi reperiantur Operarij  
Euangelici, Prælatorum ſuorū  
virtute, doctrina, ſapientia inſi-  
gnium, verbis edocti, ex emplis  
ſtimulati, & ad omnia munera  
Eccleſiaſtica debite peragenda  
ſem-

*semper & ubiq; paratissimi: tā-  
ta tamen animarū segetes un-  
dequaq; exuberant, tot circum-  
quaq; villa, castella, urbes, imò,  
& regiones albescunt ad mēse,  
ut licet numerosissimi existāt,  
pauci tamen adhuc aestimentur.  
adeoque si unquā, certe hoc ma-  
xime tempore Dominus messis  
obnixè rogandus sit, ut mittat  
operarios in messē suam. Quod  
dū omnes diuina gloriæ propa-  
gāda studiosi, feruidis assiduisq;  
precibus obtinere nituntur, Tu  
interim, SANCTISSIME PATER,  
qui Dei prapotentis in hoc in-  
feriori orbe vires gerens: omniū  
circumfers Ecclesiarum sollici-  
tudinē: quiq; tot populi Chri-  
stiani votis expetitus, tanto v-  
niuersorū & singulorum plausu  
& gaudio exceptus, veluti beni-  
gnū quoddam sydus, in ipso tuo  
exortu pacem, serenitatēq; Ec-  
clesiæ Catholicae tam diuturnis,  
sauiisque tempestatibus iactata  
portendere visus es. Tu, inquā,*

*inter alias hæreditatis Christi  
partes, quarum custodia tanto  
zelo inuigilas, Christianissimū  
hoc regnum paterna charitate,  
complecti, Apostolicisq; benedi-  
ctionibus cumulare nō desines:  
sūmaq; tua authoritate, ac Pa-  
storali prouidentia operam da-  
bis, ut ( quod iam à te fœliciter  
inchoatum est ) ex hac Christi  
vineâ, errorum qui succreuerūt,  
labruscæ reliquæ radicibus con-  
uellantur, veraq; & Apostolica  
fides, ac solida pietas magis, ma-  
gisque in animis fidelium stabi-  
liantur, ac roborentur: quod ut  
cœlesti gratia suffultus perfice-  
re valeas, uniuersâq; Christi Ec-  
clesiâ ad multos annos sanctis-  
simè regere, summis & imis vo-  
tis à Deo quotidie in sacro alta-  
ri suppliciter exposcit.*

**SANCTITATIS TVAE.**

*Humillimus, deuotissimus, & obse-  
quentissimus seruus*

*Ludouicus Abelly indignus Sacerdos*

*PRÆ-*





## PRAEFATIO,

*In qua Authoris consilium, Operis ratio, & ordo, multiplex-  
que fructus ex eo colli-  
gendus proponitur.*

**Q**UANTVM Ecclesiae  
Catholicae interfit, vt  
tales in eius ministerio  
Sacerdotes repe-  
riantur, quales sacrarum San-  
ctionum norma praescribit, hinc  
patet, non modò quòd illis con-  
credita sint spirituales parturi-  
gines (vt loquitur S. Chrysosto-  
mus) ac etiam ipsius Baptisma-  
tis partus à Deo commissus: neq;  
solum quod (vt ibidem subdit)  
per eos Christum induamus, v-  
na cum Dei Filia sepeliatur, &  
beati illius capitis membra effi-  
ciamur: Aut quod ipsis peccato-  
rum condonandorum autori-  
tas,

Lib. 7.  
de Sa-  
cerd.  
c. 9.

Lib. 2.  
de vit.  
ad c.  
2.

tas, ac (vt idem dicit) *omnium rerum cœlestium potestas à Deo concessa sit, omneque Iudicium à Dei filio illis traditum: proindeque sine his, neque salutis, neque promissorum honorum compotes fieri possimus. Sed præsertim quod (vt ait S. Prosper) ipsi veluti columna sint firmissima, quibus in Christo fundatis innititur omnis multitudo credentiũ: ex quo fit, vt vel vno illorum corruente, aut in vera pietate vacillante, periclitetur plurimarum animarum salus, & ipsa interdum Religio, ac fides detrimenta grauissima, inde accipiat.*

Quare præcipua hæc olim sacrorum Præsulum cura fuit, & etiam nunc est, vt non nisi maxime idonei, ad hoc diuinũ Sacerdotij ministerium, eueherentur; & qui euecti forent, vitam illius sanctitate dignam ducere, seque verbo, & exemplo cunctis fidelibus magistros ac duces, ad vir-

rutē præbere sedulò eniterētur.

Cum verò ad id plurima, & saluberrima media fuerint olim adhibita, & etiam nunc adhibeantur: tum maximè libri de sacerdotij Christiani dignitate, sanctimonia, muneribus, obligationibusque conscripti, velut assidui commonitores, ipsis sacerdotibus ad virtutis studium amplectendum excitandis, & in eo prouehendis, maximè contulerunt.

Et quidem cū inter antiquorum Patrum lucubrationes, plurima, eaque saluberrima documenta super hac re sparsim reperiantur: non defuerunt etiam inter illos plerique, qui opera integra ex professo in hunc finē ediderūt, qualia sunt SS. Dionysij, *de Hierarchia Ecclesiastica*, Cypriani, *de singularitate clericorum*: Ambrosij, *de sacerdotali dignitate*: Chrysostomi, *de Sacerdotio*: Prosperi, *de vita contemplatiua, & actiua*: Eiusdem, *de*

*dignitate Sacerdotij, de fuga dignitatũ Ecclesiasticarũ, &c. Germani Cõstãtinopolitani, de theoria rerum Ecclesiasticarum: Gregorij, Pastorale: Bernardi, de consideratione; cum declamationibus eiusdem: quibus meritò adiungi potest Hieronymi Epistola ad Nepotianum, cuius Sacerdoti & Clerico lectu dignissima; ut omittamus hic plurimas Summorum Pontificũ Decretales, Conciliorumq; tum Generalium, tum Provincialiũ Sanctiones super disciplina clericali editas, quæ ipsius Canonici Iuris maximam propè partem efficiunt.*

Sanè his nouissimis temporibus, benigniori cœlestis gratiæ aura aspirante, plures magni nominis scriptores, veteres illos piè æmulati, variis, iisq; perutilibus scriptis, spiritũ hũc sacerdotalem paulisper sopitum veluti denuo excitare, cunctosq; sacro ministerio mancipatos ad perfe-

fectionem status sui consecran-  
dā, quasi nouis stimulis additis  
prouocare studuerūt: inter quos  
R. P. Molina Carthusiensis exi-  
mium opus *de dignitate sacer-*  
*dotum*, totius ferme Cleri Chri-  
stiani suffragijs & votis appro-  
batum, in Ecclesiæ penū intulit.

Reuerendus etiā Pater Mete-  
zellus congregationis Oratorij  
Iesu Christi presbyter, pijsimū  
æquē ac eruditissimum librum  
*de sanctitate sacerdotij* publica  
luce donauit.

Illustrissimus item Præsul D.  
Franciscus Hallier domus Sor-  
bonicę Doct̃or, & sacre Theolo-  
gię Regius Exprofessor, à labo-  
ribus ob Ecclesię fideiq; defen-  
sionē susceptis immortalī me-  
moriam dignus, opere præclarissi-  
mo *de sacris Electionibus, &*  
*Ordinationibus* edito, Ecclesiam  
exornauit, simul & cōmuniuit.

Notissimus est præterea liber  
*de sanctimonialia Clericorum*: cu-  
ius iam duo eximia opuscula, *de*  
*fin-*

*singularitate vnius beneficij Ecclesiastici: & de residentia Pastorum*, in lucem prodierunt, quæ authoris sui tum eruditionem, tum præcipuum in tuenda disciplina Ecclesiastica zelum ubique spirant.

*Septem etiam tubæ Sacerdotales* ad instaurandam Ecclesiasticam pietatem, vitiaque opposita debellanda, denuò classicum hoc tempore insonuerunt, sedulitate, ac opera strenuorū quorundam sacerdotum, & in isto belli genere expertissimorum.

Sed inter omnes ( quod sine cuiusquam inuidia dictum sit ) præminet Illustrissimus, ac Reuerendissimus Dominus D. Andreas de Saussay Episcopus Tulensis, qui inter plurima, eaque per insignia pietatis ac eruditionis suæ monumenta, quibus Ecclesiasticæ Hierarchiæ splendore illustrauit, Panopliam suam, tum Clericalem, tum Sacerdotalem, tum Episcopalem, velut mysticam  
al-

alteram turrim Dauidicam in  
medijs Christi Domini castris  
excitauit, ex qua nimirum pen-  
dent mille clypei, omnis arma-  
tura fortium. De quo quidem  
opere, vt reliqua omnia filea-  
mus, hoc solum hic attexere li-  
ceat, ipso Apostolico ore lauda-  
tum fuisse, & ex eadem illa san-  
ctissima Sede, vnde veritatis o-  
racula exeunt, Panopliæ huius  
præconia promanasse: ex quo  
quilibet Sacerdos intelligere  
potest, quanti facere debeat id,  
quod ipse Sacerdotum Prin-  
ceps & Pater tanti æstimare vo-  
luit.

Prodiit etiã nuperimè liber  
hoc inscriptus titulo (*Medita-  
tiones super præcipuis veritati-  
bus tum Christianis, tum Ecclē-  
siasticis, &c.*) authore M. Mat-  
thæo Beuuelet Sacerdote Semi-  
narij sancti Nicolai de Cardi-  
neto Parisijs; cuius quidē quāta  
futura sit vtilitas, testatur vel  
vnanimis ipse piorum Ecclesia-  
sti-

fticorum consensus & affectus,  
quoad vsum omnium prope no-  
stræ Galliæ Seminariorum ex-  
ceptus est.

Neque vero vlli dubium est,  
quin hi supra relati, & plerique  
alij eiusmodi libri, ad promouē-  
dam Sacerdotū Christi religio-  
nem, pietatemque maximè con-  
ducere possint; plurimique ac  
saluberrimi ex ijs fructus, in vni-  
uersū Ecclesiæ Clerū deriuētur.

Verū salua tantis authoribus  
debita reuerentia, dicere liceat  
pauca adhuc ista esse, pro subie-  
cti adeo sublimis, excelsi, diui-  
ni dignitate, cui nulla eloquij  
copia, nulla ingenij fœlicitas,  
nulla eruditionis vbertas vn-  
quam satis esse possit.

Quare tantum abest, vt tot  
tamq; eximiis lucubrationibus,  
ab hoc opusculo in lucem eden-  
do illius author deterritus sit;  
quin potius vel ea ratione, ad  
hoc ipsum præstādum excitatus  
est; vt ij, quibus libuerit, ex eius  
le-



lectione intelligāt, quot & quā-  
ta adhuc super hac re dicenda  
superfint; neq; enim propositum  
illi fuit ea repetere, quę ab alijs  
copiosissimè, eruditissimè, & tū  
maximo pietatis sensū expressa  
sunt; sed alia quędam ex sacris  
Canonibus & sanctis Patribus  
excerpta, per modum compen-  
dij adnotare, quę ad vitam Sa-  
cerdotalem piè instituendam,  
in ijs maximè quę ad praxim  
spectant, apta & vtilia esse di-  
gnoscuntur.

Quę quidem cū plurima, ea-  
que maximè diuersa esse aduer-  
teret; neq; satis perspiceret, qua  
ratione, quoque ordine, tanta re-  
rum dicendarum copia in bre-  
uiculū aliquod ita redigeretur,  
vt & perspicuè, ac distinctè om-  
nia explicarentur, nihilq; tamen  
omitteretur eorum quę ad pro-  
positum facerēt: *incidit illi bo-  
num consiliū*, scilicet, vt quod  
non ita pridem Illustrissimus ac  
*dilectus Deo & hominibus, cuius*

*memoria in benedictione est*,  
Franciscus Salesius Episcopus  
Gebennensis, communis Chri-  
stianorum deuotionis ac virtu-  
tis promouendę gratia scēlici-  
ter expresserat, in aureo illo, ac  
gemmeo libello *manuductionis*  
*ad vitam pię instituendam*; hoc  
idem ad Sacerdotalem pietatē  
excitandam & iuuandam, licet  
longē dispari, nec vllatenus cō-  
ferendo penicillo, delineandum  
sibi proponeret.

Ideoq; tanti viri vestigijs vt-  
cūq; inharendo, & rationem, ac  
ordinem præfati libelli conse-  
crando, opus istud in quinque  
partes distributū est in quarum  
prima, de primo ad statū Cleri-  
calē ingressu, & dispositionibus  
ad illum prærequisitis agitur.

In secunda, de præcipuis ordi-  
num Ecclesiasticorū, ac præser-  
tim Sacerdotij functionibus.

In tertia, de virtutibus illis,  
quę Christianum Sacerdotem  
maximē decent.

In

In quarta, de tentationibus quibuidam & periculosis occasionibus, aduersus quas Sacerdos Christianus peculiari studio ac sollicitudine premunire se debet.

In quinta deniq; proponuntur media quædam & adiumenta Christiano Sacerdoti, tum ad profectum, tum ad perseuerantiam in virtute perutilia.

Quoniam vero ea, quæ super hisce Sacerdotalis disciplinæ capitibus dicenda erant, maximi momenti esse videbantur; ideo nihil ipse author ex proprio ingenio (de cuius exilitate, ac tenuitate satis superque sibi conscius est) afferre voluit; sed omnia & singula, vel ex sacris canonibus, vel ex sanctis Patribus, vel ex Illustrissimorum & piissimorum Præsulû praxi seligere, & selecta quantû potuit breuiter, distinctè ac dilucidè proponere conatus est, aut saltem in votis habuit.

Sic.

Sicq; non immeritò dici potest, huiusce libelli materiam ex illis purissimis fontibus hauriā esse; formam vero, distinctionēque, ac lucem ex præfato Illustrissimo Antistite Gebennensi veluti mutuo fuisse acceptam: à quo nihilominus, quoties occasio sese obtulit, multa & præclara, ad quasdam ministerij Sacerdotalis partes rite obeūdas, documenta desūpta sunt, & suo loco aptè reposita.

Atq; ea ratione libellus hic ita dispositus est, vt à quouis Sacerdote facilius comparari, cōmodiusq; ad manū haberi, & circūgestari posset; ex quo tamen velut ex sacro quodam adyto sanctos illos Ecclesiæ patres, de rebus ad ministerium suum pertinentibus secū colloquentes, pro libito auscultaret.

Quis porrò & quantus ex eo fructus sperari possit, experientia potius, & usu ipso, quam vlla alia ratione comprobandum

dum relinquitur. Nullus sane  
inficiabitur quotidianam ali-  
cuius ex illius capitulis lectionē  
cuius Sacerdoti nō nisi peruti-  
lem fore, vt sic aliquam muneris  
sui partem singulis diebus sibi  
in mentem reuocet, meminerit,  
que se Christi Sacerdotem ef-  
se, actusque suos ac mores,  
pro tanti ministerij dignitate,  
ac sanctitate sibi esse cōponēdos.  
Præterea quando secessum  
aliquem quotannis instituere  
voluerit, in eodem libello plu-  
rima reperire poterit exercitio-  
rū spiritualiū adiumenta, præ-  
sertim circa meditationes, qua-  
rū subiecta conditioni suæ ma-  
gis apta & apposita, cōmodiūsq;  
disposita ibidem reperiet: & si  
libuerit pro lectione spirituali  
totum hūc libellum percurrere,  
(quod fortasse alijs temporibus  
per negotia occupationesq; va-  
rias non licuit) id ipsi non nisi  
maximo solatio & profectui ef-  
se poterit.

Ex

Ex eodem etiam libello multa peti possunt, eaq; vtilissima pro ipsis collationibus Ecclesiasticis, quæ varijs in locis Illustrissimorū Episcoporū auctoritate institutæ sunt; imo omnium fere, quæ pietatem Sacerdotalem spectant, præcipua capita hic attinguntur, in illis tamē collationibus vberius, ac melius pertractanda.

Deniq; cum in Seminariis Ecclesiasticis crebrè fieri soleant spirituales instructiones; plurima in hoc eodem libello ex sanctis Patribus excerpta reperiuntur, quæ fusiùs in illis explicari, & accuratius expendi poterunt.

Faxit Deus Optimus Maximus, vt quod pro illius gloria susceptum est, licet pertenuè, ac nullius fere pretii opusculum; illud tamen, gratia cœlesti aspirante, ad eiusdem gloriæ incrementū conferre queat; & si nihil aliud ex eo expectandū sit, saltem pijs & eruditjs è clero viris, hanc iniiciat mentem, vt

foeliciùs, ac meliori pollice ope-  
ram impendere velint ad ea per-  
tractanda & exscribenda, quæ  
Christiani Sacerdotis religionē,  
pietatem, sanctimoniam, virtu-  
tes, munera, obligationes, aliæ  
que ad eius perfectionem  
conducentia quauis  
ratione spectare  
possunt.



APPRO.

APPROBATIO DOCTORVM.

**N**OS sacre Facultatis Parisiensis Doctores Sorbonici fidem facimus lectum esse à nobis atque examinatum librum cui titulus est (Sacerdos Christianus, seu ad vitam Sacerdotalem pie instituendam manuductio) Authore M. Ludouico Abelly Doctore Theologo, in quo nihil à nobis repertum est, nisi conforme doctrinae ac fidei Catholicae, ac bonis moribus. Datum in Sorbona die vigesima septima Ianuarij ann. 1656.

M. GRANDIN.

LE BLOND.

---

Imprimatur, si videbitur Reu. P. Mag  
Sac. Pal. Apost.

---

M. A. Oddus Vicesg.

---

Imprimatur si videbitur. Fr. Vincentius  
Guinifius Soc. Reuer. P. Fr. Raymundi  
Capisucci Mag. Sac. Pal. Ap. Ord. Præd.

INDEX





# I N D E X

PARTIVM, ET CAPITVM  
huius libri.

---

## PARS PRIMA.

De primo ad statum Clericalem ingressu, & dispositionibus ad illum prærequisitis.

### C A P V T I.

**Q**VAE sit Status Sacerdotalis excellentia, & dignitas? pag. 1.

2. De dispositionibus ad statum Sacerdotalem prærequisitis, ac primò de vocatione. 7

3. Quid sit vocatio ad statum Sacerdotalem, & qua ratione dignosci possit? 10

4. De illis qui à Deo minime vocati, ad Sacerdotium promoti sunt. 16

5. De spiritu Ecclesiastico. 19

6. De scientia Christiano Sacerdoti necessaria. 25

7. De innocentia vita, vel à Baptismo servata, vel per

- per pœnitentiam reparata, qua ad Sacerdotium  
requiritur. 34
- 8. De rectitudine intentionis ad sacrum Sacerdotij  
ministerium dignè suscipiendum requisita. 40
- 9. De alijs quibudam ad Ordinum Ecclesiasticorũ  
Canonicam susceotionem prerequisiteis. 45
- 10 Explicantur proxima & immediata dispositio-  
nes ad Sacramentum Ordinis dignè recipien-  
dum. 50

## MEDITATIO I.

- De beneficio vocationis ad statum Sacerdotalem,  
pag. 58
- 2 De scopo & fine vocationis ad statum Sacerdo-  
talem. 60
- 3 De donis & gratijs eximijs statui Sacerdotali  
annexis. 62
- 4 De gravitate peccatorum, qua committuntur à  
Sacerdotibus, alijsque personis Ecclesiasticis. 65
- 5 De morte eorum qui in sacris ministerijs v tam  
traduxerunt. 68
- 6 De ultimo examine & iudicio eorum, qui mu-  
neribus Ecclesiasticis functi sunt. 70
- 7 De luctuosissimo statu Sacerdotum damnato-  
rum. 73
- 8 De cœlestis gloria mercede pijs Sacerdotibus pra-  
parata. 76
- 9 De illecebris & vanitatibus mundi contemnen-  
dis, & cœlestis patria bonis à Christiano Sacer-  
dote toto affectu exoptandis. 79
- 10 De firmo vita Sacerdotalis p:è instituenda pro-  
posito concipiendo. 81

P A R S.

# PARS SECUNDA.

De præcipuis Ordinum Ecclesiasticorum, ac præsertim Sacerdotij functionibus..

## C A P. I.

- De functionibus Ecclesiasticis in genere.* 84.
2. *De functionibus & officijs Ordinis cuiusque proprijs in particulari.* 88
3. *De studio Orationis, cui Sacerdos præcipuo effectu incumbere tenetur.* 95
4. *De Meditationis, seu orationis mentalis exercitio cuius Sacerdoti per necessario.* 100
5. *De officio diuino à Sacerdote, alijsq; personis Deo sacris priuatim persoluendo.* 108
6. *De publica diuinorum Officiorum celebratione,* 114.
7. *De sacrosancto Missæ Sacrificio.* 120
8. *De Sacramentorum administratione.* 129
9. *De quibusdam obseruandis ad debitam Baptismi administrationem.* 137
10. *De recta dispensatione & administratione sanctissimæ Eucharistia.* 142
11. *De ijs quæ à Sacerdote obseruari debent in administrando Pœnitentiæ Sacramento.* 153
12. *De administratione Extremæ unctionis.* 162
13. *De Sacramento Matrimonij.* 166
14. *De verbi diuini prædicatione.* 170
15. *De Catechistica instructione.* 181

# PARS TERTIA.

De virtutibus quę Christianum Sacerdotem maximè decent.

## C A P. I.

De studio perfectionis, cui Sacerdos prapcipua cura incumbere debet. 188

2 De delectu virtutum qua Christianum Sacerdotem maximè decent. 192

3 De fide qua pollere debet Christianus Sacerdos. 198

4 De Spe, & confidentia in Deum cui Christi Sacerdos inniti debet. 202

5 De charitate & dilectione Dei, qua flagrare debet Christianus Sacerdos. 209

6 De intentione diuina gloria, quam in omnibus Christi Sacerdos spectare debet. 217

7 De charitate proximi, qua propria est Christiani Sacerdotis. 222

8 De Mansuetudine à Sacerdote Christiano adhibenda in tolerandis aliorum defectibus. 231

9 De Eleemosyna alijsque operibus misericordie, quibus Christi Sacerdos incumbere tenetur. 238

10 De fraterna peccantium correctione à Christiano Sacerdote faciendā. 246

11 De zelo, quo Christianus Sacerdos feruere debet. 253

12 De prudentia Christiano Sacerdoti necessaria. 261.

13 De modestia, qua Christianum Sacerdotem decet. 267

14 De castitatis Sacerdos ilis custodia. 274

De

- 15 De Mortificatione Christiano Sacerdoti pernecessariis. 280
- 16 De patientia virtute à Christiano Sacerdote peculiari studio consecranda. 286
- 17 De paupertatis affectu, qui Christiano Sacerdoti maxime competit. 291
- 18 De humilitate, quam peculiari cura Christianus Sacerdos affectari debet. 299
- 19 De obedientia superioribus præpositisque Ecclesiasticis à Christiano Sacerdote deferenda. 305
- 20 De Imitatione Christi, cui peculiari studio Sacerdos incumbere tenetur. 311
- 

## PARS QUARTA.

De tentationibus quibusdam, & occasionibus periculosis, aduersus quas Sacerdos Christianus peculiari studio ac sollicitudine præmunire se debet.

### C A P. I.

- De tentationibus in genere quibus Sacerdos impetitur, earumque remedijs. 318
- 2 De tentatione ambitionis, præsertim in appetitione beneficiorum, munerumque Ecclesiasticorum. 324
- 3 De luxu in vestibus, suppellectilibus, aliisque rebus à Christiano Sacerdote maxime cauendo. 329
- 4 De vana gloria illecebris à Christiano Sacerdote fugiendis. 334
- 5 De respectibus humanis à Christiano Sacerdote diuina voluntati posthabendis. 340

De

- 6 De inordinato propinquoꝝ affectu, quem Christianus Sacerdos compescere debet. 345.
- 7 De quibusdam periculosis conuersationibus con-  
tubernijsq; à Christiano Sacerdote vitādis. 348.
- 8 De franda potus cibique in Christiano Sacer-  
dote intemperantia, 355.
- 9 De oris, & lingua custodia Christiano Sacerdoti  
maxime necessaria. 359.
- 10 De otiositate à Christiano sacerdote fugienda. 367.
- 11 De modo cuius Sacerdoti in ludis & recreatio-  
nibus tenendo. 371.
- 12 De procurationibus rerum secularium alijsque  
mundi negotiationibus, & curis à Christiano Sa-  
cerdote fugiendis. 375.
- 13 De auaritia & cupiditate ab animo Christia-  
ni Sacerdotis radicatus extirpanda. 380.
- 14 De quouis scandalo sollicitè precauendo. 384.

## P A R S Q V I N T A.

De medijs quibusdam, & adiuuētis,  
quæ Christiano Sacerdoti, tum ad  
profectum, tū ad perseuerātiā in  
virtute, maximè cōducere possunt.

### C A P. I.

- Quantum intersit Sacerdotem Christianum in  
vera virtute progredi & perseuerare. 391.
- 2 Suggestuntur varia media quibus Christianus  
Sacerdos in progressu & perseuerantia iuuari  
poterit: quorum primum est, ordo vite, quem  
sibi ipso prescribere debet. 396.
- Se.

- 3 Secundum medium ad perseverandum, constans habitus tonsuraeque Ecclesiastica gestatio. 401
- 4 Tertium medium, conuersatio, & contubernium cum ijs, qui vita Ecclesiastica sanctimonia commendabiles se exhibent. 405
- 5 Quartum medium, crebra de rebus Ecclesiasticis collationes. 409
- 6 Quintum medium, frequens ac deuota sanctissima Missa sacrificij celebratio. 414
- 7 Sextum medium, specialis erga sanctissimam Virginem Deiparam deuotio. 419
- 8 Septimum medium, secessus annuus. 423

### MEDITATIO I.

Christus Dominus perfectissimum Sacerdotum exemplar. 431

- 2 Christi Dñi: vita, regula vita sacerdotalis. 433
- 3 Christi Domini virtutes ab eius Sacerdotibus praesertim confectanda. 436
- 4 Christi Domini humilitas. 438
- 5 Christi Domini patientia. 442
- 6 Christi Domini obedientia. 444
- 7 Christi Domini paupertas. 447
- 8 Christi Domini castitas. 451
- 9 Christi Domini mortificatio. 455
- 10 Christi Domini modestia. 458
- 11 Christi Domini prudentia. 461
- 12 Christi Domini charitas erga homines. 464
- 13 Christi Domini mansuetudo in tolerandis aliorum defectibus & peccatis. 468
- 14 Opera misericordiae qua corpus spectat à Christo Domino perfectissime exercita. 471
- 15 Opera misericordiae spiritualis à Christo Domino in praxim redacta. 474

Chri-

- 16 Christi Domini zelus ad procurandam & promouendam animarum salutem. 477.
- 17 Christi Domini zelus ad propugnandam diuinam veritatem. 480.
- 18 Christi Domini amor erga Deum Patrem. 483.
- 19 Christus Dominus sese omniaque sua ad gloriam Dei Patris sui referens. 486.
- 20 Christus Dominus actibus religionis incumbens. 489.
- 21 Christus Dominus discipulos suos modum orandi edocens. 492.
- 22 Christus Dominus orationis perfecta conditio- nes proponens. 495.
- 23 Christus Dominus Sacramentorum conficien- dorum & conferendorum potestatem discipulis suis tribuens. 497.
- 24 Christus Dominus corporis sui Sacramentum discipulis suis sumendum ac dispensandum tra- dans. 499.
- 25 Christus Dominus incruentum corporis sui sacrificium à discipulis suis offerendum insti- tuens. 502.
- 26 Christus Dominus gratia coelestis mysteria discipulis suis aperiens. 506.
- 27 Christus Dominus ad commanendum in se discipulos suos inuitans. 509.
- 28 Christus Dominus discipulos suos aduersus tentationes pramuniens. 512.
- 29 Christus Dominus discipulos suos ad perseue- rantiam adhortans. 519.
- 30 Christi Domini observantia & pietas erga san- ctissimam Virginem Matrem, cuius Sacerdoti imitanda. 518.

SACER-





# SACERDOS CHRISTIANVS,

SEV

Ad vitam Sacerdotalem pie  
instituendam manuctio.

## PARS PRIMA.

De primo ad statum clericalem in-  
gressu, & dispositionibus ad il-  
lum pręrequisitis.

## CAPVT PRIMVM.

*Quę sit Status Sacerdotalis  
excellētia & dignitas?*



**D**IGNVM est (inquit S.  
Ambrosius) ut dignitas  
Sacerdotalis prius cogno-  
scatur à nobis, deinde ser-  
ueatur à nobis: ut Psalmographi sententia  
queat

*Lib. de  
dignit.  
Sacer-  
dos. c. 2.*

queat repellere à nobis : homo cum in honore esset , non intellexit ; comparatus est immentis insipientibus , & similis factus est illis .

Quisquis igitur ad montem Domini ascendere , & ad illius usque verticem , Sacerdotium scilicet , pertingere cupit , prius apud se perpendat , quæ de illius præcellentia & sublimitate Sancti Patres , quæ ipsamet diuina oracula edixerunt : ut quanti ponderis & momenti sit munus illud quod suscipere intendit , perspiciat , seque ad illud ut par est suscipiendum , & postquam suscepit , exequendum , disponat .

Lib. 3.  
de Sa-  
cerdot.  
cap. 3.

Sacerdotium ( inquit S. Chrysostomus ) in terris quidem peragitur , sed in rerum caelestium classem , ordinemque referendum est : atque id perquam merito , quippe non mortalis quisquam , non Angelus , non Archangelus , non alia quavis creatura , sed ipse diuinus Paracletus ordinem huiusmodi disposuit . Deinde subdit , etenim qui terram incolunt , qui in terra versantur , his commissum est ut ea quæ in cælis sunt dispensent , ijs datum est ut potestatem habeant , quam Deus optimus neque Angelis , neque Archangelis datam esse voluit . Habent quidem & terrestres principes vinculum potestatis item , verum corporum solum ; id autem quod dico Sacerdotum vinculum , ipsam etiam animam contingit , atque ad cælos usque perua-

peruadit. Et alibi, Sacerdotium est ip- Homil.  
 so etiam regno venerabilius ac maius : ne 5. in il-  
 mihi narres purpuram, neque diadema, lud Isa.  
 neque vestes aureas; umbra sunt ista em- (in ann.  
 nia, vernisque flosculis leuior, &c. quo mor-  
 Medius fiat Sacerdos inter Deum, & tuus est  
 naturam humanam, illinc venientia Rex O-  
 beneficia ad nos deferens, nostras petitio- rias.)  
 nes illuc perferens, Dominum iratum  
 reconcilians, &c.

Quanto anima corpore prestantior est Const.  
 (ait S. Clemens) tanto est Sacerdotium Apost.  
 regno excellentius. l. 2. c. 34

Isidorus Pelusiota Sacerdotium as- Lib. 2.  
 ferit esse, omnium qua inter homines ex- Ep. 71.  
 petuntur velut extremam metam.

S. Ignatius Antiochenus vocat illud Epist. ad  
 omnium bonorum qua in hominibus sunt Smyrn.  
 apicem.

S. Gregorius Papa Sacerdotes nun- Lib. 14.  
 cupat, primam & nobilissimam mem- moral.  
 brorum Christi Domini partem. c. 16.

Et S. Hieronymus, Absit (inquit)  
 ut quidquam sinisterum loquar de ijs qui  
 Christi corpus sacro ore conficiunt, per Epist. ad  
 quos nos etiam Christiani sumus, qui Nepos.  
 clauces regni celorum habentes, ante diem  
 iudicii indicant.

Ipsi sunt Ecclesia decus, (inquit S.  
 Prosper, & ex eo Concilium Parisien- Lib. 2.  
 se) in quibus amplius fulget Ecclesia: de vit.  
 ipsi ianua ciuitates aeterna, et quos em- act. 2.  
 nes qui credunt in Christum, ingrediun-  
 tur

Con, Pa tur ad Christum : ipsi ianitores quibus  
 ris. sub data sunt clauces regni cœlorum ; ipsi etiã  
 Ludou. dispensatores regia domus .

& Lo- Iam si diuina scripturarum oracu-  
 thar. la consulamus , occurrer nobis S. A-  
 Impp.<sup>is</sup> postolus , qui Sacerdotes Christi Do-  
 prafat. mini adiutores , pro ipso legatione fungen-  
 tes , diuinorum mysteriorum dispensato-  
 1. Cor. 3 res , Dei homines , angelos denique nunc-  
 2 Cor. 5 cupat : & Christus Dominus eisdem  
 1. Cor. 4 amicos , imò & fratres suos agnoscit .  
 1. Timo Quid plura ? Ipse Spiritus Sanctus per  
 thei 6. os Psalmographi ( quod vix eloqui li-  
 1. Cor. citum est ) Deos esse affirmat , Deus.  
 11. ( inquit ) stetit in Synagoga Deorum , in  
 Ioan. medio autem Deos ipse dijudicat : Deos  
 15. vtrique non natura , aut essentia , sed  
 10a. 20. imitatione virtutis , & potestatis parti-  
 Psal. 81 cipatione .

Sed quorsum ista ? ad quid tot &  
 tam illustria status Sacerdotalis enco-  
 mia ? nunquid ad pompam ista pro-  
 lata esse credendum est ? aut vt indè  
 sacerdotes vanitatis auram aliquam  
 captarent , sibi que de status sui præ-  
 cellentia & dignitate blandirentur ?  
 & non potius vt sese in tantam celsi-  
 tudinẽ eleuatos non sine formidine in-  
 tuentes , de cauendo præcipitio solli-  
 citè cogitarent ; sibi que ac suis viribus  
 diffidentes , Diuinæque solummodo  
 gratiæ innixi , cum timore ac tremore  
 suam & aliorum salutem operentur ;  
 me-

memores illius effati, quia *exiguo facile* Sap. 6.  
*conceditur misericordia, durissimum verò* Luc. 12.  
*iudicium his qui præsunt, fiet. Et cui*  
*multum datum est, multū quæretur ab eo,*  
*& cui commendauerunt multum, plus de-*  
*rent ab eo.*

Beatus equidem Acepſimas insignis cap. 44.  
 in Oriente Monachus, (vt refert Theo-  
 doretus in Philotheo) tunc solum se  
 ordinari presbyterum passus est, cum  
 se breui moriturum præuidisset; asse-  
 rens se si diutius victurus fuisset, om-  
 ninò deuitaturum fuisse graue & terri-  
 bile onus Sacerdotij, cum pertime-  
 ſceret reddendam depositi rationem.

Præclarè omninò & appositè S. Au- Epist.  
 gustinus adhuc presbyter, ad Episco- 148.  
 pum suum Valerium scribens dicebat,  
*nihil esse quidem in hac vita, & maxime*  
*hoc tempore (de suo loquebatur, &*  
*potiori adhuc ratione de nostro intel-*  
*ligere possumus) facilius, & latius, &*  
*hominibus acceptabilius Episcopi, aut*  
*Presbyteri, aut Diaconi officio; si persun-*  
*ctoriè atque adulatoriè res agatur: sed*  
*nihil apud Deum miserius, & tristius,*  
*& damnabilius. Item nihil esse in hac*  
*vita, maxime hoc tempore, difficilius,*  
*laboriosius, periculosiusque Episcopi, Pres-*  
*byteri, aut Diaconi officio: sed apud De-*  
*um nihil beatius, si eo modo militetur,*  
*quo noster imperator iubet.*

Neque verò ista dicta sunt eo fine.

ut hi qui se Deo dicare, eiusque sacris altaribus mancipare exoptant, à proposito deterreantur. sed ut propositum suum attentè perpendentes, illud eo quo decet modo exequantur: id est, ut perspiciat, num vota & desideria sua Divinæ voluntati concordent? num à Christo Domino selecti & vocati sint, ut inter eius domesticos dinumerentur? Et si ita esse deprehendant, debitas ad divinum illud munus capeffendum dispositiones afferre curent.

*Serm. I.  
ad Cler  
in Archi  
episcop.  
Bonon.*

*Philip. I*

Etenim qui cœlesti vocatione præeunte, gratiæ Divinæ fideliter coöperantes, Dei Sanctuarium ingrediuntur, sicut semper de se humillimè sentire, sic divinam erga se munificentiam agnoscere debent; *neque id oneris aut laboris, sed potius magni privilegii, & inestimabilis erga se liberalitatis loco reputare*, ut aiebat Eminentissimus Cardinalis Palæota; ac proinde in infinita Dei misericordia spem firmissimam collocare, quod *qui cepit in eis opus bonum, ipse perficiet*.

## CAPVT II.

*De dispositionibus ad statum  
Sacerdotalem prærequisitis,  
ac primò de vocatione.*

**C**VM vt Sacrum Tridentinum, *Sess. 23.*  
Concilium edixit, *Divina res sit* *cap. 2.*  
*Sancti Sacerdotij ministerium* rationi cõ-  
sentaneum, est vt nullus ad illud nisi  
conuenienter dispositus accedat. Ne-  
que enim *sanctum dare canibus* licet; *Mat. 7.*  
*nec margarita ante porcos mittenda sunt,*  
& *Sancta* non nisi *Sanctis* conferri  
debent.

Inter alias autem dispositiones ad  
Sacerdotium prærequisitas ( de qui-  
bus postea ) vna ex præcipuis, & quã  
merito primam omnium dicere possu-  
mus, est vocatio Diuina: cui tanquam  
primario lapidi totius perfectionis Sa-  
cerdotalis structura innititur; & ex qua  
veluti radice, gratiæ reliquæ pro-  
deunt; *quos enim vocauit, inquit Apo-* *Rom. 8.*  
*stolus, illos & iustificauit, quos autem*  
*iustificauit, illos & glorificauit.*

Ex Euangelio quidẽ discimus quod  
Christus Dominus, prima Hierarchiæ

- Ecclesiasticæ fundamenta disponens ,  
hunc ordinem perpetuò deinceps ser-  
uandum stabilivit ; vt scilicet nemo se  
in eam intruderet , sed vt ipse pro suæ  
voluntatis beneplacito quos vellet ,  
*Mar. 3.* eligeret & vocaret ; vnde testatur  
S. Marcus quod *vocauit ad se quos vo-*  
*luit* , & quosdam quidem Apostolos  
sibi delegit , alios verò designauit di-  
*Joan. 15* scipulos ; quos postmodum alloquens ,  
*non vos me elegistis* , inquit , *sed ego elegi*  
*vos* , & *posui vos vt entis* , & *fructum af-*  
*feratis* : Ideò scilicet fructum allaturi ,  
quia electi & vocati : aliàs *sine me* ( ait  
idem Christus Dominus , ) *nihil pote-*  
*stis facere* : & S. Paulus aperte dicit  
*Ibid.* quod *nullus sumit sibi honorem* , *sed qui*  
*Heb. 5.* *vocatur à Deo tanquam Aaron* : Et cer-  
tè si quis perpendere velit , ex vna qui-  
dem parte , naturæ nostræ imbecillita-  
tem & fragilitatem : ex altera verò  
Sacerdotalis dignitatis sublimitatem ,  
& præcellentiam , eique annexas obli-  
gationes , nec non difficultates imple-  
xas , periculosasque tentationes quas  
experiuntur ij qui muneri suo satisfac-  
cere pro virili student ; facile digno-  
scet , specialissimis gratiæ Diuinæ au-  
xilijs , ad illud implendum opus esse :  
Quam porro gratiam expectare debet  
is , qui non vocatus , contra Diuini  
consilij dispositionem , ultro se in  
Christi Domini Sanctuarium intrusit &  
Nonne



Nonne merito timendum ipsi est, ne  
Rex ille cælestis exprobet, quomodo  
*huc intraſti non habens vestem nuptialem?*  
iubeatque illum, ligatis manibus &  
pedibus, mitti in tenebras exteriores.

Quis præterea explicet quã graua  
damna, quantas & quam funestas cla-  
des Ecclesia accipiat ab ijs, qui non  
vocati in eius Sacrarium irumpunt,  
& quodammodo Spiritus Sancti gra-  
tiæ vim inferunt? Vnde vt plurimum  
prodeunt Hæreses, emergunt scanda-  
la, sublequantur strages animarum,  
detrimenta que Diuini cultus, & alia  
mala innumera oboriuntur.

Hoc saltem serio cogitent, quod ipsi  
quoque insidiantur contra sanguinem  
suum, & moliantur fraudes contra  
animas suas: si enim (vt monet Apo-  
stolorum Princeps *vix iustus saluabi-  
tur*; si illi qui à Deo legitimè vocati  
sunt, eiusque gratijs affluenter instru-  
cti, vix muneri suo satisfacere, col-  
luctationemque aduersus principes &  
potestates tenebrarum sustinere que-  
unt; quid expectare, sed quid non  
timere debent ij, qui sine vocatione,  
sine gratia, sine vllis auxilijs, se in sa-  
crum ministerium ingerunt.

D. Chrysostomus dicit eos, tanquã  
nauem non saluerratam, nec armamen-  
tis instructam, in immensum pelagus  
precipites agere, nihil expedientes fluctu  
cap. 4-

Serm.  
98.  
de Tem.

um sanctum & asperitatem. Et S. Augustinus considerans terribilem illam Diuinæ iustitiæ vindictam erga Core, Dathan, & Abiron, quos hiatu terræ absorptos, & viuentes in infernum de rufos sacra testatur Historia, hoc (inquit) ideo ipsis euenit, ne quis presumptione superbi spiritus, non sibi à Deo datum Sacerdotij munus inuaderet.

l. de pra-  
script.  
cap. 43.

Appositè Tertullianus, ubi (inquit) metus in Deum, ibi grauitas honesta & diligentia adtonita, & cum sollicitudo & adlectio explorata, & communicatio deliberata, & promotio emerita, & subiectior religiosa.

### CAPVT III.

*Quid sit vocatio ad statum Sacerdotalem, & qua ratione dignosci possit?*

**V**ocationis illius nomine, intelligitur dispositio Diuinæ providentiæ, qua, pro suo beneplacito quosdam homines feligit, & segregat ad opus ministerij sui, ipsique qualitates & gratias ad id necessarias elargitur.

Dicitur 1. ( Diuinæ Providentiæ dispositio,) quia (vt Propheta loquitur)

tur) non est hominis via eius, nec viri est  
 ut ambulet & dirigat gressus suos. Et (vt  
 ait Apostolus) unusquisque proprium  
 donum habet ex Deo, unus quidem sic, 1. Cor. 7  
 alius verò sic.

2. (Qua pro suo beneplacito quos-  
 dam seligit, & segregat ad opus mi-  
 nisterij sui) sic enim prophetis & do-  
 ctoribus Antiochiæ Domino ministrā-  
 ribus & ieiunantibus, dixit Spiritus  
 Sanctus, Segregate mihi Saulum & Bar-  
 nabam ad opus ad quod assumpsi eos. Et  
 nullus ab eo quærere potest, cur ita- Act. 13.  
 facis: neque figmentum dicit ei qui se-  
 fecit, cur me fecisti sic? cum, vt monet  
 Apostolus, potestatem habeat, ex eadem  
 massa facere aliud quidem vas in ho. a. Rom. 6.  
 rem, aliud vero in contumeliam.

3. (Ipsisque qualitates & gratias ad 2. Cor. 5  
 id necessarias elargitur,) scit enim  
 quia non sumus sufficientes ne quidem  
 cogitare aliquid ex nobis, quasi ex nobis,  
 sed sufficientia nostra ex Deo est: proin- 1bid.  
 deque ad eius suauem prouidentiam  
 pertinet, vt quos seligit & vocat, eos  
 etiam idoneos faciat ministros noui testa-  
 menti.

Ea de causa, vas Electionis Paulus  
 in Epistolis suis, sæpiissime illud ingerit,  
 se vocatum esse Apostolum, & segrega-  
 tum in Euangelium Dei: quo maiorem  
 sibi suisque verbis conciliet authorita- Rom. 1.  
 tem: qui enim ab ipso Deo vocatus 1. Cor. 1

est Apostolus, haud dubiè præcellentem Apostolatus gratiam, & dona omnia ad illius perfectionem necessaria accepisse censendus est.

Iam verò quænam sint Diuinæ illius vocationis argumenta, & quibus notis quis dignoscere queat, vtrum ad statum Sacerdotalem à Deo vocatus sit nec ne? operæ pretium est hic inquirere.

Atque in primis supponenda est tãquam certissima doctrina Sancti Bernardi asserentis, *uniuersos in ordinibus Ecclesiasticis honorem quarentes propriũ, aut diuitias, seu corporis voluptates, populo quæ sua sunt; non quæ Iesu Christi, manifestè prorsus & indubitanter non eam charitatem quæ à Deo est, sed alienam à Deo, & quæ omnium malorum radix est, cupiditatem introducere.* Proindeque qui de ordinibus Ecclesiasticis cogitant, sedulo perspiciant, num tales sint; quales hi de quibus sanctus ille Pater conqueritur; sciantque se primos hac in parte sui ipsius iudices constitutos esse, inquisitionemque in seipso à semetipsis esse faciendam; an v. g. otij consecrandi, laborisue fugiendi causa? an ipse quæstus? Vel beneficii alienius captandi occasione? An honoris vel gloriæ intuitu? An denique humano aliquo respectu Sacerdotium appetant? Facile est enim  
super.

super his ordinatores ipsos & examinatores falsa: elatione aut specie virtutis decipere: *at verò, ut ait S. Chrysostomus, ipse qui ordinatus est dicere non potest se sibi ut alijs fuisse incognitum: si- cut ergo is grauiori supplicio puniendus est, quam illi à quibus ascitus, productus- que est, ita debet ipse accuratius quam il- li, suimet ipsius periculum facere.*

li. 4. de.  
Sacerd.  
cap. 2.

Posito igitur quod quis nullam in se prauam eiusmodi deprehendat dispositionem; inter alia Diuinæ vocationis argumenta, non vltimum locum obtinet inclinatio illa, & propensio ad cultum & obsequium Deo in statu Clericali seu Sacerdotali deferendum, quam quis in seipso à tenerioribus annis ad maturiorem vsque ætatem constanter expertus est: proprium enim est diuinæ sapientiæ, sicut *attingere à fine ad finem fortiter, sic & disponere omnia suauiter, ac proinde voluntatem hominis, ad excelsum illum statum, præparare, ac veluti per quosdam gradus paulatim eleuare.*

Sap. 8.

Videndum præterea, an suppetant qualitates, virtutesque saltem inchoatæ, quæ necessariæ sunt ad ordines tum digne suscipiendos, tum debite exercendos; v. g. doctrina sufficiens, vita irreprehensibilis, continentia donum, & alia simili de quibus postea: an etiam nulla subsit irregularitas, nulla

la cenſuræ innodatio, aut aliud quoduis canonicum impedimentum: *Quis enim volens turrim adificare, non prius sedens computat sumptus qui necessarij sunt, si habeat ad perficiendum; ne posteaquam posuerit fundamentum, & non potuerit perficere, omnes qui vident incipiant illudere ei, dicentes, quia hic homo cepit adificare, & non potuit consummare.*

Verum quoniam in proprijs plerumque seu virtutibus, seu defectibus dignoscendis cæcutimus; & vt loquitur S. Gregorius, *sape sibi de se mens ipsa mentitur, & fingit se de bono opere amare quod non amat, & de mundi gloria non amare quod amat.* Idcirco ad vocationem diuinam certius adhuc cognoscendam, tutissimum medium est proprij Prælati voluntas, eiusque iudicium: vt enim rectè monet Yuo Carnotensis; *Nulli ad sacros ordines sunt promouendi, nisi quos vita & doctrina, & Episcopalis auctoritas ad hoc agendum idoneos probat.* Et Concilium Tridentinum verbis expressis edixit *nullum ordinari debere qui Episcopi sui iudicio, non sit utilis aut necessarius Ecclesiæ.*

Si igitur ipse Episcopus ad Sacerdotium inuitet, imo compellat, (qui primis Ecclesiæ sæculis mos erat, *quæri magis quam querere* vt loquitur S. Bernardus) vox eius fideliter auscultanda est, ipsi fidenter obtemperandum, tan-

tanquam Christo, qui dixit Apostolis  
eorumque successoribus; Episcopis, qui  
*vos audit, me audit, & qui vos spernit*  
*me spernit.*

*mat. su-  
per Ecce  
&c.*

Quod si ( ut nunc fert Ecclesie in-  
dulgentia ) liberum cuique relinqua-  
tur suas dirigere vias, seque ipsum ad  
Sacra ministeria capeffenda offerre;  
saltem hoc cum debita sinceritate &  
submissione fiat, id est, ut & consilia,  
& opera, & alia quæcunque ad dis-  
positiones animi, corporisque plene  
dignoscendas conducentia, sincere  
coram Episcopo, aut eius in ordinan-  
dorum probatione & examine dele-  
gato patefiant, & ea quæ ipsi ad Ma-  
iorem Dei gloriam, Ecclesie vtilita-  
tem, & ordinandorum salutem, ma-  
gis expedire videbuntur, cum omni  
humilitate suscipiantur, & perfecta  
animi submissione impleantur, eiusq;  
iudicio & nutui fideliter obtemperetur.

*Lns. 10.*

Denique secessus à negotijs &  
turbis sæculi per aliquot dies in  
sanctis meditationibus, alijsque piete-  
tis exercitijs impensus; oratio crebra  
& perseverans, sapientis ac pij viri  
consilium, eleemosynæ, ieiunia,  
aliaque similia virtutis opera, pluri-  
mum haud dubie conferre possunt,  
tum ad lucem cælitus hauriendam;  
tum ad vberiores gratias accipien-  
das, quarum subsidio Divina volun-  
tas

16. SACERDOS  
ras. & melius agnosci, & perfectius  
impleri possit..

---

## CAPVT IV.

*De illis qui à Deo minime vo-  
cati ad Sacerdotium  
promoti sunt.*

**S**icut de nemine ad Sacerdotium,  
promoto temerè iudicandum est,  
neque eius vocatio leuiter in dubium  
reuocanda, aut super illa ingerendi  
scrupuli; cum, iuxta D. Gregorij sen-  
tentiam, plerumque euenire possit, ut  
quid unus laudabiliter expauit, alter  
laudabiliter appetierit: non tamen  
debet quisquam sibi super hac re adu-  
lari, sed interdum, ad maiorem con-  
scientiæ securitatem, expedit coram  
Deo perspicere, ac serio discutere,  
qua ratione ad ordines Ecclesiasticos  
quisque promotus fuerit; qualis fuit  
in sacrum ministerium ingressus? Ut  
si adlucente cælesti gratia se à Deo  
legitimè vocatum agnoscat, ipsi laudes  
& gratiarum actiones pro tanto bene-  
ficio debitas rependat; sin minus, op-  
portuna remedia quærere & adhibe-  
re curet.

Sicut enim quis sciens, & volens,  
nul-



nulla Diuinæ vocationis habita ratione, sese in Sacerdotium intruderet; haud dubiè seipsum in apertissimum salutis discrimen iniceret, peccando scilicet in Spiritum sanctum, quod quidem peccatum vix aut rarissimè dimitti ex Euangelio discimus: sic, qui sibi istud, ex ignorantia, incuria, aut quouis alio modo accidisse deprehenderet, seque absque legitima vocatione ad ordines Ecclesiasticos promotum agnosceret, non ideo desperare, aut animum penitus abicere, sed potius ad diuinam misericordiam confugere, & ea quæ huiusmodi defectui reparando apta sunt præstare deberet.

Ac in primis oportere illum de tanto peccato, nec non de innumeris aliis, quæ haud dubiè subsecuta sunt, poenitentiam agere, eaque lachrymis perfecta cordis contritione expressis, eluere, ac Deum offensum diuinis poenitentiae fructibus placare, & ad id conuenientia satisfactionis opera exercere: Deinde perspicere quod vitium? quis defectus? qualis obex dignam ordinum susceptionem impedierit? Et si quidem (vt ait S. Bernardus). *Epist. 17 ad Arant.* *vita sanctitas non præcessit, saltem sequatur.* Si praua aliqua intentio huius Sacramenti sanctitatem infecit, purgandus est animæ oculus, & simpliciter in Dei gloriam & honorem dirigenda.

gendus; & ut ait idem S. Pater, *bonas fac de cetero vias tuas, & studia tua, & ministerium tuum*. Si ignorantia obstitit, studiis sedulo incumbendum, & interea tamen ab illis ministerijs seu functionibus abstinendum est, donec scientiam & notitiam ad illa debitè exequenda requisitam is, cui deest, adeptus sit.

Denique non oscitanter aut perfuntoriè, sed toto animi conatu, ipsi laborandū est, ut virtutes ac dispositiones muneri suo rite obeundo necessarias acquirat: ideoque otium desidiamque fugiat, conuersationes noxias deuitet, ordinem sibi agendorum præscribat, vitam nouam inchoet, adhibito etiam pij ac prudentis confessarij consilio: & demum orationi humiliter ac perseveranter insistet, gratias necessarias à Deo enixè deprecetur, & in eius infinita misericordia firmissimam spem collocet, sicque animum erigat, atque ad pleraque difficilia quæ  
**Mat. 11** haud dubiè illi subeunda erunt, paratum exhibeat, memor illius Diuini effati *quoniam regnum cælorum vim patitur, & violenti rapiunt illud*.

## CAPVT V.

*De Spiritu Ecclesiastico.*

**S**Acra nos Historia docet, Deum è *Genes. I*  
 limo terræ primum formasse homi-  
 nem, eiusque corpore formato inspi-  
 rasse in faciem eius spiraculum vitæ, &  
 sic factum illum esse in hominem vi-  
 uentem. Quod tunc in creatione ve-  
 teris hominis, hoc idem in quolibet  
 eorum peragit, qui noui hominis Iesu  
 Christi expressam in sacris ministerijs  
 imaginem referre debent; Suscitatur  
 nempe de terra inopem *ut collocet eum*  
*cum principibus populi sui*, vocat eum,  
 porrigit illi dexteram suam, & in eo  
 partes omnes diuinis muneribus obe-  
 undis necessarias efformat: & tandem  
 ut idoneum illum faciat noni testa-  
 menti ministrum, Spiraculum vitæ Ec-  
 clesiasticæ, seu spiritum Ecclesiasticum  
 in animam eius inspirat; qui quidem  
 Spiritus adeo illi necessarius est, ut eo  
 deficiente reliquæ partes veluti abs-  
 que motu & vita remaneant: ita ut cui-  
 us Sacerdoti spiritum Ecclesiasticum  
 non habenti aptari possit illud Pro-  
 phetæ, à *Paster Idolum*: ò Sacerdos,  
 ò Idolum: sicut enim Idolum os ha-  
 bet.

*Psal.**Zach. II.**II.*

bet, & non loquitur; oculos, & non videt; manus & pedes, & nec palpat, nec graditur; sic & Sacerdos Spiritu illo destitutus.

1. Cor. Diuisiones quidem gratiarum, ministrarionum, operationum, sunt in Ecclesia, & (vt ait S. Paulus) *alii datur sermo sapientia, alij sermo scientia, alteri fides, &c. Hac autem omnia operatur unus atque idem Spiritus, diuidens singulis prout vult.* Denique, vt idem Apostolus edixit, *si quis Spiritum Christi non habet, hic non est eius: ac* proinde si quis Sacerdos Spiritum eiusdem Christi non habet, hic non est eius.
12. Rom. 8.

Cum igitur ex his constet quanti momenti sit vt quilibet sacris ministerijs initiatus Spiritum Ecclesiasticum in se habeat, de eo viuat, ab eo moueatur, per eum operetur; plurimi interest scire quis sit ille Spiritus Ecclesiasticus, quibus notis dignosci, & qua ratione acquiri & cōseruari possit.

- Ac in primis obseruandum est, nouum non esse hunc loquendi modum imo in scripturis frequenter vsurpatū.
- Luc. 9. Refert S. Lucas Angelum sanctum Gabrielem Zachariæ de filio nascituro dixisse, ipsum ante Saluatorem præitutum esse *in Spiritu & virtute Elia:*
- Exod. 33. & cum Apostoli Iacobus, & Ioannes aduersus Samaritas, qui Christo hospitium

pitium denegabant dixerunt, *visimus & dicimus ut ignis descendat de cœlo & consumat eos*, Respondit illis Christus, *Nescitis cuius Spiritus estis, non venit Filius hominis animas perdere, sed saluare.* Similia quoque ex veteri Testamento exempla suppetunt. Ecce (inquit Deus ad Moysem) *vocaui ex nomine Bezeleel, impleui eum Spiritu meo.* Agebatur tunc de arca fabricanda, & ad illud opus aptè peragendum, Deus artificē sibi deligit, vocat, & Spiritu suo replet. Et postquam idem Moyses Diuino iussu delegisset septuaginta seniores, qui secum regerent populum: Dixit ad eum Deus, *Auferam de Spiritu tuo, & tradamque eis ut sustentent tecum onus populi*, id est, eos participes faciam eiusdem Spiritus, quem tibi contuli, & per quem te aptum & idoneum feci ad tantum & tam graue ministerium adimplendum.

Num.  
11.

Ex quibus colligere possumus Spiritum Ecclesiasticum nihil aliud esse quam participationem copiosam Spiritus Christi, per quē fit, ut cum aptitudine & habilitate, cum promptitudine & alacritate, cum fortitudine & perseuerantia, functiones Ecclesiasticas quis exerceat, & munera omnia ad Sacerdotalem statum spectantia, peragat. Vnde facile est illius Spiritus Ecclesiastici notas perspicere, ac

utrum



virum quiuis Sacerdos spiritum huius mundi acceperit, an Spiritum qui ex Deo est dignoscere?

Is enim qui nec habet, nec habere curat aptitudinem & habilitatē ad ea debitē peragenda, quæ sunt Ecclesiastici muneris: qui non satagit adducere ea quæ requiruntur ad munus illud rectē ac decenter adimplendum; & contra, se aptum & habilem exhibet ad ea quæ sunt mundi, ad sæcularia negotia, ad litigia, ad vanas conuersationes, ad ludos, ad venationes, hic non habet Spiritū Christi, nec est eius.

Præterea, qui munera quidem Ecclesiastica peragit, sed perfunctoriē, oscitanter, cum tædio ac torpore; qui v. g. in templi alicuius suæ custodiæ demandati ornatu & decore seruando negligenter se gerit, qui in suppellectili & vestibus Sacris sordidus est, in Diuinis officiis tepidus, in alijs functionibus Ecclesiasticis obeundis remissus & cunctabundus; is haud dubiē Spiritu Christi non agitur; nescit enim tarda molimina Spiritus sanctus, & *maledictus omnis qui facit opus Dei negligēter; neque Christo Domino inseruendum ex tristitia aut ex necessitate, bilarem enim datorem diligit Deus.*

*Ierem.*  
48.

2. Cor. 9

Denique qui in muneribus Ecclesiasticis exequendis minimæ difficultati cedit, qui consueta pietatis exerci-

tia

tia facile relinquit, qui mundano timore concutitur, qui veritatem aut virtutem contra incredulos vel impios propugnare veretur, qui se Christi Domini seruum habitu, tonsura, reliquisque exterioribus, notis profiteri erubescit, is Spiritum non habet Christi, qui discipulis suis formam sequendi se præscribens; *si quis (inquit) vult venire post me, abneget semetipsum, tollat crucem suam, & sequatur me.* Quod perpeniens D. Chrysostomus, recte dixit Sacerdotalem ordinem magnum & excelsum animum requirere, vnde illationem hanc terrore quidem plenam, sed tamen veritati nimis consonam deducit; *non temere inquit loquor, sed ut affectus sum & sentio, non arbitror inter Sacerdotes multos esse qui salui fiant, sed multo plures qui pereant.* Quia scilicet pauci, imo pauciores sunt quam existimetur, qui celsitudinem illam ac magnitudinem Spiritus Sacerdotalis obtineant.

Vt igitur veniat in nos Spiritus ille Christi, vt maneat apud nos, vt in nobis sit & nobiscum operetur, totis animi præcordijs optandus est, & cum deuotione ac feruore inuocandus. *Optauit inquit Sapiens & datus est mihi sensus, innocui, & venit in me Spiritus sapientia.* Et ipse Christus Dominus pollicitus est, patrem suum cælestem.

Mat. 16

Homil.

3. in cap

1. Act.

A post.

Sap. 7.

lestem Spiritum bonum petentibus se daturum esse : vnde patet ad Spiritum illum Ecclesiasticum accipiendum maxime vtilem esse orationem, eam præsertim quæ sola mente peragitur, & quæ attenta diuinarum rerum meditatione, piisque affectibus constat, de qua plenius in secunda huius operis parte agetur.

Præterea librorum piorum, ac præsertim Sacrarum Scripturarum, maximeque noui testamenti lectio attenta & deuota, mundanarum oblectationū ac secularium negotiorum fuga, & contra conuersatio cum ijs personis in quibus Spiritus Ecclesiasticus elucet, atque in ministerijs, & functionibus sacris frequens & sedula exercitatio, plurimum conducere possunt ad eundem illum Spiritum tum copiose recipiendum, tum seruandum & fouendū.

*Psal. 50* Dicat igitur cum Psalmista, & ex intimo cordis affectu frequenter repetat quiuis ordinibus initiandus, vel iam initiatus : *Cor mundum crea in me Deus, & spiritum rectum innoua in visceribus meis : Ne proijcias me à facie tua, & Spiritum sanctum tuum ne auferas à me : Redde mihi letitiam salutaris tui, & Spiritu principali cōfirma me : docebo iniquos vias tuas, & impij ad te conuertentur.*



## CAPVT. VI.

*De scientia Christiano Sacer-  
doti necessaria.*

**S**I (vt loquitur S. Leo) vix in lai-  
cis tolerabilis videtur inscitia, (eorū  
scilicet quæ ad cuiusque officium per-  
tinent) quanto magis in eis qui presunt,  
nec excusatione digna est, nec venia. Quo-  
modo enim (inquit S. Bernardus) excu-  
sari possit in eo, qui se magistrum infan-  
tium, & doctorem insipientium proficetur?  
ignorans utique ignorabitur, imò & mul-  
tos ignorare faciet & ignorari. Vnde  
in Concil. Tolet. 4. dicitur quod in  
Sacerdotibus, ignorantia mater est cun-  
ctorum errorum: addi potest cuncto-  
rum pene vitiorum, scandalorum, &  
reliquorum malorum quæ in Ecclesia  
Christi oboriuntur.

Ponamus enim Sacerdotem, eorum  
quæ ad ministerium suum pertinent  
inscitia laborantem: hæc eius ignoran-  
tia primò impetit Episcopum ipsum, à  
quo siue ex inaduertentia, siue ex ni-  
mia indulgentia ordinatus est, eum-  
que participem facit omnium delicto-  
rum in quæ Sacerdos ignorans incur-  
ret. Et sic cum quem vt animæ suæ

Epist.

22. ad  
Cōstāt.in decla-  
mat. su-  
per (ecce  
nos) &c.

cap. 24.

B

paren-

parentem obseruare & amare tenetur, secum in eodem damnationis æternæ reatu inuoluet.

Præterea dedecus maximum adfert Ecclesiæ, ordinique Sacerdotali; in causa est cur sacrum ministerium vituperetur, Religio contemptui habeatur, ministeria sanctissima prophanentur, & sæpe impiorum irrisioni exponantur.

Sed quis explicare queat damna, & detrimenta quæ imperitus Sacerdos Christianis populis infert? Nonne ex Sacerdotum inscitia Hæreses vel originem duxerunt, vel incrementa maxima acceperunt? Nonne inde obortæ sunt superstitiones, vanæ obseruationes, & aliæ similes pestes quæ diuini cultus veritatem & sinceritatem toties infecerunt? Nonne ex illa scaturigine effluerunt prauis & corrupti mores laicorum, quando nec docetur, nec arguuntur: quando *pro pane lapidæ*, *Luc. 11* *pro pisce serpentem* ab ignaris & impro-  
*Mat. 15* uidis Sacerdotibus accipiunt; & si *cæcus cæco ducatum præstet*, nonne ambo in  
*Epist. 2.* *fontem cadunt?*

*ad O-* Verè, & cum maxima ratione  
*lymp.* S. Chrysostomus conquestus est vnum ex maximis Ecclesiæ populique Christiani infortunijs esse *si pro Pastore lupum*, *pro donem pro gubernatore*, *carnificem pro medico accipiat*, talis autem est  
*Epist. 137.* Sacer-

Sacerdos ignarus, qui cum neque  
pascere, neque dirigere, neque sana-  
re nouerit, *tantis obest, quantis praest,*  
vt ait S. Bernardus.

Denique Sacerdotis inscitia nulli  
magis quam ipsi non solum damnoſa  
est, sed est etiam onerosa: etenim *uir*  
*peritus anima sua suauis est:* at Sacer-  
dos imperitus sibi ipsi semper infestus,  
nullam animi quietem, nullam con-  
scientiae pacem experitur: in omnibus  
fere actibus suis haeret dubius & anxi-  
us, illic saepe trepidat timore ubi non  
est timor: nullius famae aut authorita-  
tis apud laicos habetur, nullus ipsi  
credere aut fidere potest: & saepissime  
in Sacrarum functionum exercitio  
notabiles incurrit defectus, & grauif-  
simis aliquando se sacrilegijs nescius  
implicat, à quibus tamen nullatenus  
inscitia sua exculatur: denique totam  
penè vitam suam in otio transigit, &  
ex otio in vitia plurima delabitur.

Ecol. 37

Et hoc est quod Deus olim per Pro-  
phetam conquestus est, *Speculatores*  
*eius caci omnes, nescierunt uniuersi, ca-*  
*nes muti non valentes latrare, dormien-*  
*tes & amantes somnia, ipsi pastores igno-*  
*rauerunt intelligentiam omnes in viam*  
*suam declinauerunt, unusquisque ad a-*  
*uaritiam suam, &c. Venite sumamus*  
*vinum, & impleamur ebrietate, & erit*  
*sicut hodie, & cras, & multo amplius.*

Isa. 56.

Cum igitur adeo non modo dam-  
nosa, sed & damnabilis sit Sacerdotis  
imperitia, videndum quænam scien-  
tia in eo requiratur; Seu quarum re-  
rû notitiâ habere debeat. Neque verò  
hic metas, aut limites imponere cogita-  
mus ijs, qui Diuinis humanisque scien-  
tijs in excellenti grâdu acquirendis in-  
cumbunt, eo fine vt aptiores sese ad  
gloriæ Diuinæ propagationem, Reli-  
gionisque ac pietatis Christianæ incre-  
mentum præstent: quærimus solum  
quæ scientia, & notitia viro Ecclesia-  
stico absolutè necessaria sit, itaut abs-  
que illa neque Sacerdotij onus tuta  
conscientia suscipere, neque postquâ  
suscepit, illius officia & munera debite  
peragere possit. Omissis autem pro-  
lixioribus super hac re disputationi-  
bus, hic tantum breuiter adnotabimus  
ea quæ communi & recepto Ecclesiæ  
vsui magis consona esse visa sunt.

Atque in primis ex communi Do-  
ctorum consensu Sacerdos Linguam  
Latinam callere debet, cum omnia  
fere Sacerdotalia munera, secundum  
Ecclesiæ leges, idiomate illo per-  
agantur.

2. Talem præterea fidei ac myste-  
riorum Christianæ Religionis notitiâ  
habere tenetur, vt & veritates Catho-  
licas ab erroribus damnatis & proscri-  
ptis dignoscere, & populo Christiano

ea quæ credere & facere tenetur, explicare possit.

3. Oportet insuper vt probe teneat quæ sint leges & obligationes sibi ab Ecclesia impositæ, vt illis plene satisfacere, & omnes ministerij sui partes implere possit v. g. qualiter officium diuinum recitare, bona Ecclesiastica impendere, habitum & tonsuram deferre, & alia similia obseruare, teneatur.

4. Debet etiam ea scire quæ sacras functiones, ac præsertim diuinum Missæ sacrificium, & Sacrosanctum Eucharistiæ Sacramentum populo Christiano administrandum spectant: v. g. quæ sit eius materia, forma? Quæ intentio, attentio, applicatio requiratur? Nec non qui ritus obseruandi? Qui defectus cauendi sint? Et qua ratione, quando inciderint reparandi?

5. Præsertim verò de ijs quæ ad Sacramentum Poenitiæ pertinent instructum esse illum conuenit; itaut nō modo ipse sacrum illud lauacrum cum debitis dispositionibus frequenter adire sciat, quo maiori puritate ac sanctitate ad Mysteria Diuina pertractanda sit semper & vbique paratus: verum etiam nouerit ea omnia quæ ex parte sua requiratur, vt ritè Sacramentū adeo necessarium fidelibus administrare queat, eisque ad illud fructuosè

recipiendum opitulari : cui quidem Poenitentiae Sacramento iungi etiam debet Baptismus & Extrema-unctio ; cum siue per necessitatem , siue per superioris delegationem eorum administratio variis in casibus ipsi competere possit .

Neque dicat quis se non eo fine velle suscipere aut iam suscepisse Sacerdotij ordinem, vt eiusmodi Sacramentorum administrationi se immisceat, sed solummodò vt Missae Sacrificio celebrando, cantui Ecclesiastico, aliisque minoribus officiis incumbat : quia Sacerdoti Christiano talentum diuinitus in ordinatione acceptum pro libito in terram defodere, aut gratias & facultates in huius Sacramenti susceptione collatas, in vacuum recipere licitum non est : seruus siquidem inutilis proicitur in tenebras exteriores .

Quamuis enim nullus Sacerdos priuata auctoritate Mysteriorum Dei dispensationem sibi arrogare debeat ; paratum tamen se & dispositum semper exhibere tenetur, ad ea praestanda quae proprius Praelatus, cui reuerentiam, & obedientiam pollicitus est, iniungere voluerit .

Verum concedatur Episcopum cum eo super hac re indulgere, nec eum ad vilius vnquam Sacramenti administrationem virgere ; nonne occurrere potest,

test, & quidem nō infrequenter, casus aliquis extremæ necessitatis, in quo quivis Sacerdos non modo potest, sed etiam strictissime tenetur moribundo cuipiam per Sacramenti alicuius collationem opitulari: v. g. si infans recens natus de vita periclitetur, si aliquis adultus morbo aliquo repentino ad ultimum vitæ spiritum redigatur, si vulnere lethali sauciatus, aut improvise aliquo casu oppressus iam animam agat, nec alius adsit Sacerdos, nisi is qui nullatenus se administrandis Sacramentis immiscere velle professus est, & ideo ea quæ ad eiusmodi ministerium pertinent scire neglexit: quid tunc ager? In quas angustias se cum ipso moribundo redactum conspiciet? cum Sacramenti tunc administrandi neque materiam, neque formam, neque alia ad validam & licitam illius administrationem tam ex parte sua quam ipsius moribundi requisita vnquam didicerit, aut penitus oblitus fuerit.

Ex quibus manifestum est, non sine maxima ratione dictum esse, quæ nvis ad ordinem Sacerdotij promouendū teneri ad illa cognoscenda quæ Sacramentorum administrationem spectant; quò possit siue superiorum voluntati, siue occurrenti necessitati pro sui officij debito satisfacere.

Porro ea omnia, quæ supra diximus à quovis Sacerdote scienda & probe tenenda esse, in compendium redacta poterit quisquis voluerit reperire in libello ante aliquot annos à nobis edito, cui titulus est (*Medulla Theologica ex sacris scripturis, Conciliorum Pontificumque decretis & Sanctorum Patrum ac Doctorum placitis expressa, in qua quicquid tum ad fidei mysteria sanè ac rectè intelligenda, & à quibusvis erroribus discernenda, tum ad sacramenta debito conficienda & ministranda, tum ad actiones humanas iuxta vim legis normam dirigendas spectare potest, facili ac compendiarie methodo explicatur.*) Quod tamen ob stare non debet quin pluribus aliis, iisque optimis libris utatur, inter quos primum ac præcipuum locum Sacris Biblijs, Concilij Tridentini Decretis, Catechismo Romano, nec non Pastoralis S. Gregorij, librisque D. Chrysostomi de Sacerdotio tribuendum esse decernitur in Concilio Mediolanensi primo, & quarto.

Quibus sicut merito adungere possumus opera Illustrissimi & nunquam satis laudati Francisci Salesij; sic etiam à Sacerdotali Bibliotheca, profanæ litteraturæ libros quantum fieri potest optamus amandari. *Turpe est enim Sacerdotes (ut conqueritur S. Hieronymus) omissis Dei Evangelijs & Prophetijs*



*et ijs comœdias legere, amatoria Bucolicorū  
versuum verba canere, Virgilium tenere; & id quod in pueris necessitatis est, crimen  
in se facere voluptatis.* Epist. 146.

Quare quiuis Sacerdotio insignitus  
hoc eiusdem S. Hieronymi veluti sibi  
dictum auscultetur, *Diuias Scripturas  
legere, imò de manibus tuis Sacra lectio  
nunquam deponatur; disce quod doceas,  
obtine eum qui secundum doctrinam est fidelem  
sermonem, ut potens sis exhortari in  
doctrina sana, & contradicentes arguere.* Epist. ad Nepot.

Sicut autem ea quæ superius propo-  
sita sunt addiscere, sic & postquam di-  
dicerit eorum obliuionem maxime  
cauere debet Sacerdos; ideoque con-  
sultissimum ipsi erit, frequenter de his-  
ce rebus cum alijs conferre, in diffi-  
cultatibus peritiores consulere, librum  
aliquem Theologiæ, præsertim moralis  
semper præ manibus habere, & ita  
circa illam Diuinarum rerum scientiâ  
affectum esse, ut nullus elabatur dies,  
quin relectionem aliquam faciat eo-  
rum quæ ad munera sacerdotalia de-  
bite obeunda, sibi esse scitu necessa-  
ria cognouerit.

## CAPVT VII.

*De Innocentia vitæ, vel à Baptismo seruata, vel per pœnitentiam reparata quæ, ad Sacerdotium requiritur.*

**Q**uis ascendet in montem Domini, aut quis stabit in loco sancto eius? (inquit Propheta regius, & ipsemet subdit) Innocens manibus, & mundo corde: & in Apocalypsi edicitur absque macula esse debere eos, qui astant ante thronum Dei & Agni, seruiuntque ei die ac nocte: & in alio Scripturæ loco Sacerdotes qui accedunt ad Dominum, sanctificentur, ne percutiat eos. Ex quibus & aliis similibus Scripturæ locis collat: peculiarem quandam conscientie munditiam animæque sanctitatem in eo requiri, qui Sacramentum Ordinis suscepturus est, aut in eo iam suscepto ministraturus: *Va si quidem filijs ira, qui se ministros gratia profitentur.*

*Bernar.  
Serm. de  
conuers.  
ad cler.  
cap. 27.*

Atque in primis cōsentiūt omnes illi qui speciali gratiæ Diuinæ auxilio innocentiam in Baptismo acceptam seruasset, si reliqua necessaria minime desint, optimè ad sacram Ordinatio-

nem

nem fore dispositum: & è contra eum  
 qui ( vt loquitur Concilium Trident. )  
*Gratia Dei quam acce-isset ingratus, Spi-* Sess. 6.  
*ritum sanctum contristare, & templum* cap. 54.  
*Dei lethali aliqua culpa violare non esset*  
*veritus, Sacro illo charactere prius*  
*indignum fore, quandiu in illo pec-*  
*cati mortalis statu perseveraret: &*  
*nihilominus ad Sacramentum Ordinis*  
*digne suscipiendum, & eius lunctio-*  
*nes debite obeundas, per condignam*  
*pœnitentiam reparari & restitui pos-*  
*se: errant enim, ( vt edixit S. Calixtus*  
*Papa ) qui putant Domini Sacerdotes*  
*post lapsum, si condignam egerint pœni-*  
*tentiam, Domino ministrare non posse, &*  
*suis honoribus frui, si bonam deinceps vi-*  
*tam duxerint: & suum Sacerdotium con-*  
*digne custodierint, & ipsi qui hoc putant*  
*non solum errant, sed etiam contra tradi-*  
*tas Ecclesiæ clauēs disputare & agere vi-*  
*dentur, de quibus dictum est, ( quacum-*  
*que solueritis super terram erunt soluta:*  
*& in cœlo ) alioquin hæc sententia, aut*  
*Domini non est, aut vera non est. Quod*  
*etiam communis Ecclesiæ praxis satis*  
*euincit, quæ nusquam hodie ab iis qui*  
*ad Ordines promouendi sunt Baptis-*  
*malem innocentiam exigit; neque eos*  
*ab Ordinibus arcer, qui post susce-*  
*ptum Baptismum in peccata aliqua le-*  
*thalia lapsi sunt, dummodo tamen*  
*nullam irregularitatem inducant: Sed*

eos per veram & seriam poenitentiam expiatis, & alijs idoneos iudicatos, Sacris ministerijs initiandos admittit.

Difficultas igitur præcipua est, quæ & qualis poenitentia requiratur, ut is qui post Baptismum in peccata lethalia lapsus est, ad Sacramentum Ordinis dignè suscipiendū cōuenienter dispositus censeatur? Ad cuius elucidationem obseruandum est, in quolibet peccato tria potissimū reperiri, scilicet reatum culpæ, debitum poenæ temporalis, & prauum peccandi habitum seu vitium, qui quidem habitus per actum ipsius peccati in anima producit, in eaque remanet, & per recidiam peccati augetur, magisque ac magis in animo radicitur & roboratur.

Cum verò iuxta S. Thomæ doctrinam proprium Poenitentiae sit *operari ad destructionem peccati* proindeque nō solum delere culpæ reatum, & pro debito poenæ temporalis satisfacere; verum etiam & conuenientibus virtutum exercitijs ipsum prauum peccandi habitum, vitiumque paulatim imminuere, ac tandem funditus ex anima tollere; quaeritur, an ut quis conuenienter ad Sacros Ordines suscipiendos dispositus censeatur, satis illi sit per Sacramentalem confessionē peccatorum mortalium quæ commisit culpam eluisse? An verò insuper oporteat, ut  
prius

3. p. q.  
85. art.  
2.

prius satisfactiones sibi à confessario pro poenæ temporalis debito impostas impleuerit, ac præterea varijs ipsius Poenitentiae aliarumque virtutum exercitijs, ad vitia inoluta extirpanda, prauosque illos quos peccando contraxit habitus abolendos sedulo laborauerit?

Et quidem de culpa cuiuslibet peccati mortalis per confessionem ante Ordinum susceptionem eluenda certo certius est: de satisfactione autem pro peccatis occultis in confessione declaratis imposita, nullus refragatur id præstandum esse, quod prudens confessorius iniunxerit; neque enim hic de criminibus publicis, infamiam quandam vel irregularitatem secum inuehentibus quaestio est, de his siquidem iudicium ferre, ad Praelatos aliosque in foro exteriori Superiores pertinet.

Superest ergo ut breuiter propositæ difficultatis caput tertium discutiat, videaturque qualiter se gerere debeant ij qui post Baptismum in peccata lethalia lapsi sunt, in ijsque diuturno tempore hærentes, aut in eadem crebro relabentes, prauas aliquas peccandi habitudines contraxerunt.

Certe si quis attentè ministerij Sacerdotalis dignitatem perpendat, si mysteriorum celsitudinem quorum dispensatio Sacerdotibus concredita est,

est, si sanctitatem functionum illarum ad quibus obeundas tum ipsi Sacerdotes, tum alij Ecclesiastici Ministri iugiter paratos se præstare debent; facile perspiciet non decere quemquam, adeo sublimem gradum conscendere qui vitiorum & pravorum quos peccando contraxit habitum, veluti quibusdam compedibus & manicis rotus adhuc præpeditus sit.

Præterea quis ferat hominem è cœno peccati alicuius, v. g. impuditiæ, in quo diu hæserat, recenter emersum; foetoremque ac reliquias illius, id est, effrenatos concupiscentiæ rebellantis motus, variaque obscœnitatis phantasmata circumferentem, mox Dei præpotentis Sanctuarium ingredi, tremendum illius altare circumire, ac immaculati agni carnes sanctas manibus contrectare, in Sacrificium offerre,

*Ser. de conuers. ad cler. cap. 27.* *populo fideli distribuere. Va (inquit S. Bernardus) ijs qui ambulantes in carne; Deo placere non possunt, & placare præsumunt.*

*Pastor. part. 1. cap. 11.* *Quisquis ergo, (edicit S. Gregorius Papa) quolibet vitio subigitur, panes Domini offerre prohibetur; ne profecto aliena diluere peccata non valent is, quem adhuc propria deuastant.*

*Isid. Hisp. lib. 3. Sæt. 31* *Non enim ad regimen Ecclesiæ promovendi sunt (inquit Isidorus Hispalensis) qui adhuc vitijs subiacent: Et molestum sane*

*fane est (vt alius Ifidorus loquitur) de-*  
*litij ac libidini deditum hominem, Sacer-*  
*dotem ordinari.*

*Ifid. Pe-*  
*lus lib. 5*

*ep. 439.*

Appositè S. Bernardus aliquem  
huiuscemodi alloquens, *Horreo* (in-  
quit) *considerans unde & quo voceris?*  
*Præsertim cum nullum intercurrerit pœ-*  
*nitentia tempus, per quod utcumq; huius-*  
*modi periculossimus transitus fiat, & qui-*  
*dem rectus ordo requirit vt prius propriâ,*  
*deinde alienas studeas curare consciëntias.*

*Epist. 8.*  
*ad Bru-*  
*num.*

Ex quibus omnibus, merito inferre  
possumus, consultissimum esse, vt non  
dicam in aliquo sensu necessarium, ijs  
qui à Baptismo suscepto in peccata  
aliqua lethalia frequenter prolapsi  
sunt, vel in eiusmodi peccatis moras  
traxerunt, primò apud se diu multum-  
que perpendere, num verè ad statum  
Ecclesiasticum diuino nutu vocentur?  
Peculiaris siquidem ratio inest, de ta-  
libus plerumque dubitandi: quod si  
nihilominus ijs qui supra explicati sunt  
modis vocatos se esse deprehendant,  
antequam vltèrius progrediantur, de-  
bent serio anteaq; vitæ peccata plan-  
gere, de ijsque ex intimis animi præcor-  
dijs dolere, & inuocata cælesti gratia  
toto corde ad Dominum conuerti,  
præmissisque congruis dispositionibus,  
confessionem generalem peccatorum  
omnium instituere, beneficioque ab-  
solutionis sacramentalis accepto, &  
sa-

satisfactione impleta, non ideo se penitus exoneratos & liberos æstimare, sed denuo ad prauas illas habitudines quas peccando contraxerunt euellendas, & extirpandas manum apponere, & ad id, dignos Poenitentiae fructus exhibere, occasiones peccatorum sedulo deuitare, mortificationi studere, virtutum operibus exercendis incumbere, sicque veterem hominem exuentes nouum induere, & in nouitate vitæ ambulare: ac postquam tempore aliquo notabili iuxta prudentis ac pij confessorij consilium, in hac pietatis virtutumque palæstra, sese exercuerint, tum demum in Spiritu humilitatis & animo contrito suscipiendos se sperare poterunt, ab eo cui spiritus contribulati sacrificium temper acceptissimum est, quique cor contritum & humiliatum nusquam despicit.

## CAPVT VIII.

*De rectitudine intentionis ad  
sacrum Sacerdotij ministerium  
digne suscipiendum requisita.*

*Matth.* **S**i oculus tuus simplex fuerit, ( vt loquitur Christus Dominus ) totum corpus



corpus suum lucidum erit: si autem oculus nequam fuerit, totum corpus tuum tenebrosum erit. Quæ verba explicans S. Augustinus; oculus noster (inquit) *Lib. de ser. Domini in monte, in hac verba.* intentio nostra est, qua si recta fuerit & simplex opera nostra munda facit, Deoque placentia: si verò appetitu rerum temporalium inquinatur, ipsum quoque opus ea intentione susceptum foedescit.

Ex quo sequitur quod quamvis seipsum diuino culeni, per Ordinis alicuius susceptionem marcipare, si actio ex suo genere optima & sanctissima: illam nihilominus, si pura & recta intentio desit, à bonitate & sanctitate excidere: imò si praua intentio adsit, deformitatem illius induere, & sic Deo valde exosam fore: optimi si quidem pessima corruptio.

Quilquis igitur Sacræ Hierarchiæ nomen dare cupis, ne lucra saculi, in Christi militia quaras (vt monet S. Hieronymus) magnus enim pudor est (inquit S. Gregorius Nazianzenus) Sacrum ambire, tanquam non virtutis exemplum, sed victus parandi occasionem & subsidium ordinem sacerdotalem esse existimes. *Epist. ad Nep. orat. 1.*

Vnde in Concilio Colonienfi primo edicitur accuratè inuestigandum esse quo aff. tu ac proposito ordinandi accedant? *Part. 1. cap. 12.* num videlicet Dei causa tantum, an potius sua commoditatis gratia ad ordines

*capessendos aspirent, quarentes qua sua sunt, non qua Iesu Christi? quid est enim sua querere, nisi cum tales non gratis Deum diligunt, non Deum propter Deum quarent, temporalia commoda sequentes, lucris inhiantes, honorem ab hominibus expectantes?*

*Sess. 23.  
cap. 4. de  
reforma-  
tis.*

Atque ut recte illius intentionis ad Ordines Ecclesiasticos digne capessendos necessariae aliquod expressius paradigma, vel ab ipsius tonsura clericalis susceptione exhibeatur debent qui statum clericalem ambiunt serio apud se perpendere, quo fine, & quo motivo, Ecclesiae clero adscribi velint? Hunc vero finem sacra Synodus Tridentina praescribit, scilicet *ut Deo fidelem cultum exhibeant*: quibus verbis, quaedam observatu dignissima innuit: ea nimirum intentione clericalem tonsuram suscipi debere, in primis, ut qui suscipiunt, Deo cultum praestent: id est, non ut lucra temporalia sectentur, non ut prophanas ambitiones expleant, non ut ad beneficia Ecclesiastica capranda, & saepe contra ius fasque invadenda sint paratiores: sed eo tantum fine, eo solo & simpliciter intuitu *ut Deo cultum praestent*: & hunc *fidelem*, id est, ut quamvis nondum arctioribus vinculis diuino cultui mancipentur, & ut loquitur Concilium Moguntiacum *spontanea voluntaria*

*Conc.  
Mog. sub  
Carol.  
mag. c.  
23.*

re solummodo ligentur, tamen quod ore profitentur, etiam sincero mentis affectu amplectantur, & cum Deum hæreditatis suæ partem eligere se declarent, tales etiam exhibere se fideliter intendant, qui nullam aliam sibi partem præter Dominum quærant: *quid enim ultra quarit, cui omnia sunt conditor sit?* (ait S. Prosper) *aut quid ei sufficit, cui ipse non sufficit?*

Ex quo sequitur coniura clericali insigniri non posse nisi illicite, & cum graui peccato, qui dum illam recipit, animum habet à clericali professione auersum, qui coniugium meditatatur, qui vota sæcularia cogitat, qui statum aliquem clericali vitæ oppositum amplectendum sibi proponit. *nemo certe (iuxta Euangelicum effatum) mittens manum ad aratrum, & respiciens retro aptus est regno Dei.*

Quare (ut sapienter monet Cardinalis Palæota) *Clericus omnis profiteri debet se Christi militem stipendiarium, constitutum ad vitia debellanda, ad profligandum Daemonem, ad virtutem & bonos mores reuocandos, ad pietatem, industitiam, sanctitatemque in Christianum orbem inducendam, & ad ea omnia peragenda quibus Christus vincat, Christus regnet, ac peccatum tanquam illius teterimus hostis exterminetur.*

Quod si adeò pura & sancta intentio

Lib. 2.  
de vit.  
act. c. 16

Vid. Na  
nar. in  
manu.  
e. 7. n. 12  
Gamb.  
ch. in 1.  
2. q. 13.  
cap 36.  
Luc. 9.

Serm. 1.  
ad cler.  
in Ar.  
chiepis.  
cop. Bo.  
non.

tio exigitur ab ijs qui prima duntaxat tonsura initiantur, qualem & quam perfectam & diuinam ad sacros ordines & ad ipsorum ordinum verticem, Sacerdotium scilicet, requiri existimabimus? Qualem Diuinæ gloriæ promouendæ zelum? Quam feruidam & ardentem erga proximos in salutis negotio iuuandos charitatem? Quantum denique & quàm excelsum virtutum omnium, quæ statum Sacerdotalem debeat, desiderium?

Verum cum S. Bernardo conqueri liceat; *Quis iam ea intentione gradus Ecclesiasticos, & ministeria sanctuarij quarit, imò quæritur?* (quari nempe potius quam quærere ipsa debuerat) ut sine cuius saculi, in sanctimonia cordis & corporis, illuminandus accedat ad Dominum, & suam pariter ac proximorum salutem operetur, orationis studio deditus, & verbo predicationis? Nam si eos, eo quarit & intendit animo, eoquo intuitu, ut huius vitæ habeat necessaria, Euangelizet ut madducat; peruerso nimis ordine, celestibus terrena mercatur, Quàm certe dignius, ampliusque consentaneum rationi, ut pro carnali victa, carnalia magis opera & negotia exerceret, nec fieret inuersor rerum, aut ministerium spirituale inhonoraret.

*Decla-  
rat in  
hac ver-  
ba, (ecce  
nos &c.)*

## CAPVT. IX.

*De alijs quibusdam ad Ordinum Ecclesiasticorum canonicam susceptionem praequisitis.*

**P**RÆter illa quæ superioribus capitibus explicata fuerunt, quædam adhuc obseruanda supersunt ad debitam & canonicam ordinum Ecclesiasticorum susceptionem, quæ hic breuiter proponentur.

In primis igitur cauere sollicitè debet is, qui ordinibus initiari appetit, ne vlla censûra innodatus, vlloue canonico impedimento sit irretitus: præcipua autem impedimenta irregularitatem inducentia duplicis generis sunt, alia siquidem ex defectu, alia ex delicto procedunt.

Alij autem sunt defectus in anima, vt si quis sic amens, lunaticus, epilepticus, energumenus, illiteratus, neophytus, &c.

Alij sunt in corpore, vt si quis sit leprosus, mutus, cæcus, membro aliquo mutilatus, aut ita debilitatus, vel deformis, vt ordinum functiones, vel nullatenus exercere, vel non  
nisi

nisi cum notabili indecentia possit.

Alij defectus famam spectant : vt si quis histrionicam, aut alias artes exercuerit, quæ jure canonico vel ciuili, infamiam secum inuehunt.

Alij, natales : vt si quis ex illegitimo concubitu procreatus, vel parentibus hæresi infectis, vel in hæresi mortuis ortus sit.

Alij, ætatem : quando scilicet quis ætatem ad ordines recipiendos jure præscriptam nondum attigit, annorum scilicet 22. inchoatorum pro Subdiaconatu, 23. pro Diaconatu, & 25. pro Presbyteratu.

Alij, morum mansuetudinem : vt si quis directe vel indirecte quamuis iustè, alterius morti, aut mutilationi cooperatus sit : quales sunt iudices, accusatores, testes, scribe, apparitores, alijque officiales curiæ læcularis in causis eriminalibus; Item ij qui in bello quamuis iusto, occidunt vel mutilant, &c.

Alij denique defectus procedunt ex bigamia, siue reali, siue interpretatiua, siue spiritali, quando scilicet quis vel bis nupsit, vel viduam duxit, vel post castitatis votum emissum, licet cum dispensatione, matrimonium contraxit.

Impedimenta ex delicto sex præcipua sunt : scilicet, 1. Homicidium voluntaria-

luntarium aut iniusta mutilatio alicuius; 2. Iteratio Baptismi scienter & culpabiliter facta; 3. Censuræ alicuius Ecclesiasticæ violatio; 4. Ordinatio per saltum; 5. Solemnis functio alicuius ordinis nondum recepti. 6. Hæresis.

Quæ quidem omnia hic memorizantur tantum iuuandæ gratia breuiter ac strictim proposita, fusiùs & distinctiùs explicata videri possunt apud Iuris canonici interpretes, aut alios moralis Theologiæ scriptores.

Oportet igitur ut ordinandus quisque diligenter perspiciat, & expendat, num aliquo ex his impedimentis implicatus sit, ut vel dispensationem via legitima quærat, vel ab ordinibus suscipiendis absteineat.

Obseruare secundo debetis qui statum Ecclesiasticum seu Sacerdotium appetit, ne aliquid præter charitatis vel iustitiæ, aut disciplinæ Ecclesiasticæ ordinem admittat: charitatis quidem, si v.g. parentes eius egestate conficiantur, eiusque opera & labore ad necessaria vitæ indigeant: iustitiæ verò si v.g. quis multis oneratus debitis ad statum Sacerdotalem confugiat, ut priuilegij clericalis obtentu fraudet creditores: demum Ecclesiasticæ disciplinæ, si v.g. quis varijs sæcularibus negotijs implicatus, tutelis, alijsque  
ratio-

rationibus reddendis obnoxius se clero adiungat : in his enim & similibus casibus præstat vel differre promotionem suam, vel ab ea penitus se remouere, quam Ecclesiasticam aliquem Ordinem inordinatè appetere.

- Obseruare tertio debet vt in varijs Ordinum gradibus interstitia temporum à sacris canonibus præscripta religiose seruet ; *Quis enim ( inquit Zozi-  
Epist. 1. cap. 1. mus Papa ) inuenitur tam arrogans , vt in cœlesti militia statim dux esse desideret, cum tyro ante non fuerit ? &c. assuescat itaque in Domini castris , in lectorum primitus gradu diuinique rudimentis seruitur , nec illi vile sit Exorcistam , Acolythum , Subdiaconum , Diaconum , per ordinem fieri ; nec id saltu , sed statutis , maiorum ordinatione , temporibus . Iam verò ad Presbyterij fastigium talis accedat , vt & Sess. 21. nomen atq; impleat , & meritum probi-  
c. 11. 13 tatis stipendia ante acta testentur .*
- & 14. Censuit nihilominus Tridentinum  
de refer. Concilium vt ab interstitijs Ordinum dispensare possit Episcopus , si ita ipsi videatur : vtque ad altio-rem ordinem quis etiam ante elapsum annum à susce-ptione postremi , si necessitas aut Ecclesiæ utilitas id exposcat , iudicio Episcopi promoueri possit .
- Obseruare debet quarto vt ante- quam promoneatur , illius ordinis quē susce- pturus est functiones probe exer- cere



cere nouerit, didiceritque cantum Ec-  
clesiasticum, & alia similia quæ ad  
ministerium suum ritè obeundum ne-  
cessaria sunt, vt in eo debitum Ec-  
clesiæ obsequium iuxta ipsius Conci-  
lij Tridentini decretum impendere  
loposit. Sup. cap.  
13. idē

Denique cuilibet ordinando exa-  
cte seruandum est eiuldem Concilij  
Tridentini decretum quo statuit, ne  
quis Clericus secularis quamuis alias sit  
idoneus moribus, scientia, & ætate, ad  
sacros ordines promouetur nisi prius legi-  
timè constet eum beneficium Ecclesiasticū,  
quod sibi ad victum honestè sufficiat, pa-  
cificè possidere: id verò beneficium resignare  
non possit, nisi facta mentione quod ad illius  
beneficij titulum sit promotus? neque ea  
resignatio admittatur, nisi constito quod  
aliunde viuere cōmode possit: & aliter resi-  
gnatio facta nulla sit. Vid. can.  
70. Patrimonium (sanctor  
vero vel pensionem obtinentes ordinari-  
rum) di-  
posthac non possint, nisi illi quos Episcopus  
iudicauerit assumendos pro necessitate vel  
commoditate Ecclesiarum suarum: eo secun-  
quoque prius perspecto, patrimonium il-  
lud vel pensionem verè ab eis obtineri, ta-  
praben-  
liaque esse qua eis ad vitam sustentandā  
dis, &  
satis sint: atque illa deinceps sine licen-  
tia Episcopi alienari, aut extinguī, vel Episco-  
remitti nullatenus possint; donec benefi-  
cium sufficiens sint adepti, vel aliunde  
habeant unde viuere possint: antiquorum

*canonum pœnas super his innovando.*

Quoniam verò in varijs dioecesi-  
bus Episcoporum cura & sollicitudi-  
ne, plurima eaque saluberrima decre-  
ta edita sunt de ijs quæ ad digniorem  
ac perfectiorem ordinum susceptio-  
nem servanda sunt: ideo quilibet or-  
dinandus hanc præsertim afferre de-  
bet dispositionem, ut iuxta monitum  
Apostoli, præpositis suis fideliter obe-  
diat, ijsque subiaceat, quam exactis-  
simè servando ea quæ à proprio Præ-  
lato, alijsque ab ipso ad eiusmodicu-  
ram delegatis facienda præscribentur.

---

## CAPUT. X.

*Explicantur proxime & im-  
mediatæ dispositiones ad  
sacramentum Ordi-  
nis debite ac dignè  
recipiendum.*

**I**Nter solemnes illos ritus quibus al-  
taria Divino sacrificio peragendo  
consecrantur, quinque sunt præcipui,  
quos non incongruè hic referre possumus,  
ad designandas quinque proximas  
dispositiones, quæ maxime desi-  
derantur in ijs, qui & altari inservire,  
&

& ipsimet velut mystica quædam altaria & templa esse debent: speciatim diuino cultui dedicata: imo quos hortatur Apostolus *ut corpora sua hostiam viventem, sanctam, Deo placentem, exhibeant.*

Rom. 12

Primo igitur multiplex & mystica lotio cinere, & lale, cum aqua admixtis adhibetur: tum varix & solemnes preces offeruntur: exinde crebri suffitus: postea multoties repetitæ vnctiones & chrismationes: ac demum plurimorum luminarium super ipsa altaria accensiones & consumptiones sacro illi ritui finem imponunt.

Atque in primis multiplex illa lotio designat primam & præcipuam ad sacramentum Ordinis suscipiendum dispositionem, scilicet conscientix à quibuslibet peccatis perfectam quantum fieri potest purgationem: idque non modo sacramentali confessione, quæ in varijs nostræ Galliæ Concilijs, Ordinum susceptioni præmittenda decernitur: sed etiam crebrius repetitis veræ humilitatis & contritionis actibus, nec non salutaribus quibusdam mortificationis ac poenitentix exercitijs, itaut quisquis ad sacrum ministerium promouendus est, cum Propheta sapientius inclamet. *Amplius laua me Domine ab iniquitate mea, & à peccato meo*

*In Syn.  
Trecēt.  
ā. 1427  
Carnot.  
ā. 1526  
Parisiē.  
ā. 1557  
Bisuric.  
ā. 1587  
Psal. 50.*

*munda me: & sic in spiritu humilitatis, & in animo contrito suscipi mereatur.*

Secunda dispositio est crebra & feruens oratio: sicut enim quiuis ad sacrum ministerium promouendus, specialissimis & affluentissimis Diuinæ gratiæ auxilijs indiget, vt illud dignè recipere, & debite exercere queat; sic illam gratiam crebra & feruenti prece postulare debet ab eo, *qui dat omnibus affluenter & nemini improperat:.* crebro igitur intret in cubiculum cordis sui, claudat ostia sensuum suorum super se: & ex intimo cordis affectu oret Patrem illum coelestem, qui dat Spiritum bonum petentibus se.

Tertia dispositio per suffitus expressa consistit in varijs virtutum affectibus, qui siue poenitentiae, siue orationis, siue alijs pietatis ac Religionis exercitijs intermiscendi sunt; ijsque quasi quibusdam caelestibus odoramentis ipsius ordinandi anima veluti respargenda, & praeparanda, itaut dicere

**Cant. 1.** *queat, dum esset Rex in accubitu suo, nardus mea dedit odorem suauitatis.* Nunc igitur imitar alterius Miphiboseth, ad Regium hospitium & epulum iamiam  
**2. reg 9.** *admittendi exclamet; Quis ego sum seruus tuus Domine mi Rex, quoniam respexisti super canem mortuum similem mei.* Nunc cum Regio Psalte; *Quam dile-*

*dilecta Tabernacula tua Domine virtutum, concupiscit & deficit anima mea in atria Domini. Nunc cum eodem repetat Magnus Dominus & laudabitur in ciuitate Dei nostri in monte sancto eius. Nunc istud animo reuoluat. Quis ascendet in montem Domini aut quis stabit in loco sancto eius? innocens, manibus & mundo corde, &c. sibi que ipsi diffidens, inclamet; ab occultis meis munda me Domine, & ab alienis parce seruo tua. & sic hos aliosque similes affectus, veluti suauis quosdam suffitus emittat, eiusque anima sit. per desertum ascendens quasi virgula fumi ex aromaribus myrrha & thuris.* Ps. 83. Ps. 47. Ps. 23. Ps. 18. Cant. 3.

Quartam dispositionem vnctio & Chrismatio designat, charitatem, scilicet, quæ est oleum illud lætitiæ quo præ alijs participibus suis vngi debet quiuus diuino cultui consecrandus: imò, quo ad exemplum illius sanctæ ad triclinium Diuini conuiuij admittæ, Christi Domini pedes & caput incessanter iungere debet, idque iteratis in eum feruentis amoris actibus. Cum enim per sacram Ordinationem ad eum statum eleuetur, in quo non iam seruus sed amicus ab ipsomet Christo Domino nuncupatur, ab eoque specialissimæ beneuolentiæ pignora accipiat: vt tali tantoque amico vicem rependere vtcumque incipiat, nihil melius

præstare potest, quam si ex toto cordis affectu diligat eum à quo prior dilectus est.

Dicat igitur cum Psalmographo; Di-

*Pf. 17. ligam te Domine fortitudo mea, Dominus firmamentum meum, & refugium meum, susceptor meus & liberator meus, &c.*

Repetat crebro cum eodem, quid mihi est in cælo, & à te quid volui super terram, Deus cordis mei, & pars mea Deus

*Pf. 72. in æternum: & mihi adharere Deo bonum est, & ponere in Domino Deo spem meam, ut annuntiem omnes predicationes tuas in portis filia Sion. libentissime subscribat*

*Apololo edicenti. si quis non amare Dominum Iesum Christum, Anathema sit: & cum eodem Diuinæ gratiæ innixus fidenter exclamet, quis ergo nos*

*1. Cor. 16. separabit à Charitate Christi tribulatio? an angustia? an gladius? an fames? an nuditatis? &c.*

*Rom. 8. separabit à Charitate Christi tribulatio? an angustia? an gladius? an fames? an nuditatis? &c.*

Quinta denique dispositio adumbrata per accensionem & consumptionem, est deuotio, quæ ut Illustrissimus Episcopus Gebennensis rectissime dixit, charitatis ignescentis velati flamma est, & quæ tum ipsius charitatis, tum aliarum virtutum operationes consummat & perficit; si igitur ullam tempus est in quo effulgere & effluere debeat deuotio; illud maxime cum quis Diuino cultui totum se deuouere disponit: & hæc deu-

deuotio tum actiones omnes antecedentes, tum præsertim ipsam Ordinis suscepcionem comitari & perficere debet; itaut & fidem accendat, & reuerentiam excitet, & modestiam componat, & attentionem in tantis Mysterijs perficiendis necessariam inspiret.

Has igitur dispositiones Ordinandus instante iam hora suæ promotionis animo repetens, cum Psalmista dicat, *hæc recordatus sum, & effudi in me animam meam, quoniam transibo in locum tabernaculi admirabilis, usque ad domum Dei.*

Ps. 42.

Et cum se nomine proprio vocari audierit, sacro horrore plenus & summissi animi reuerentia, tanquam ipsiusmet Dei audita voce accedat; & impositionem manus Episcopalis accipiens, manum Christi inuisibiliter extensam, & Sacramentum perficientem adoret, & spiritu osculetur: & siue procumbat in faciem, siue genuflexus communes cum alijs preces offerat, siue fidei & obedientiæ professionem emittat, siue reliqua ex præscripto Ecclesiæ exequatur, omnia in Deo, coram Deo, propter Deum & cum Deo peragat.

Et tandem perfecta Ordinatione, consummatis Mysterijs, gratiisque Deo actis, cum pace discedat; id est,

cum ea mentis tranquillitate, & ad gratiam susceptam attentione, ut nihil rerum occurrentium animum interturbet; sed potius ut nouum hominem iam indutus, qui creatus est in iustitia & sanctitate veritatis, nouam vitam feliciter inchoet, & ambulare digne Deo incipiat, vocatione qua vocatus est.

Ut verò supra dicta omnia melius animo concipiantur, firmitusque inhaereant, & ordinandi ipsi ad sacra ministeria capeffenda perfectius dispositi accedant; consultissimum erit ut per aliquot dies, reliquis curis & conuersationibus secularibus sepositis, huic uni negotio vacent, & eo fine aptum aliquem secessum petant: ubi spiritualibus exercitiis & sanctis meditationibus pios affectus foueant, concepta desideria obfirment, seque ipsos paratiores exhibeant ad vberiores gratiae caelestis influxus in se recipiendos.

Quod quidem quantum Deo placeat, & quam aptum sit ad finem hunc consequendum, testatur id quod in *Lewit. 1.* veteri lege Aaroni, eiusque filiis praescriptum Diuinitus fuit, nimirum ut de ostio tabernaculi per septem dies non egrederentur, usque in diem, quo consecrationis illorum tempus compleretur; quo toto temporis spatio, die ac nocte manere debebant in tabernaculo.



Io, obseruantes custodias Domini,  
& varijs religionis exercitijs operam  
dantes.

Quod & postea in lege gratie à plu-  
ribus sanctissimis viris ante sacram Or-  
dinationem seruatum fuisse Ecclesia-  
stica Historia testatur; & nunc etiam  
varijs in locis seruatum cum maximo Ec-  
clesiasticæ disciplinæ profectu, ipsa  
docet experientia.

Et quoniam, vt ait Regius Psalter,  
*in meditatione ignis exardescit visum*, Ps. 38.  
est subiungere capite sequenti selectas  
aliquas meditationes, huic secessui  
aptas ad instar illarum quas Illustrissi-  
mus Episcopus Gebennensis in parte  
primæ suæ Philothæ, seu ad vitam  
pie instituendam manuuctionis, ex-  
scripsit; quæ quidem sic dispositæ sunt,  
vt tam ijs qui sacros Ordines susceptu-  
ri sunt, quam illis qui iam susceperunt  
vsi esse possint.

Quod si quis meditationis seu ora-  
tionis mentalis praxi nōdum assueuit,  
ea perlegere poterit, quæ super  
hac re in secunda parte huius  
operis explicata re-  
perientur.

## CAPVT XI.

## MEDITATIO PRIMA.

*De beneficio vocationis ad statum Sacerdotalem.*

1. **C**onsidera quantum sit illius Diuinæ vocationis beneficiū ex parte ipsius Dei; qui ex pura misericordia cum ipsi nullatenus utilis aut necessarius, imò penitus inutilis esses, te nihilominus præ multis aliis ad suum ministerium vocauit & elegit: Dic Ps. 15. illi cum Propheta; *Conserua me Domine. ne quoniam speravi in te, dixi Domino Deus meus es tu, quoniam bonorum meorum non eges.* Dic tibiipso, & sapius repete, seruus inutilis sum, utinam quod teneor facere, hoc faciam. Agnosce quantum Diuinę bonitati debeas? Vide quid illi pro tam ineffabili erga te misericordia & munificentia rependere velis.

2. Considera magnitudinem illius beneficij ratione sublimitatis & excellentiæ status illius ad quem vocatus  
 1. Reg. es: *Num parum vobis videtur, esse*  
 18. *generum Regis?* (aiebat Dauid) ego

*autem sum vir pauper & tenuis: sed quantum videri debet, esse ministrum & cooperatorem ipsius Regis Regum Iesu Christi, & dispensatorem myfteriorum eius? Quid & quantum, esse illius non seruum, sed amicum? Et tu quis es qui ad tam sublimem honoris ac dignitatis gradum voceris? Nonne longe potiori ratione dicere debes, Ego autem mendicus sum & pauper, Do-* Ps. 69.  
*minus sollicitus est mei: adiutor & protector meus es tu, Domine ne moreris.*

3. Considera & serio perpende in illo vocationis beneficio, Diuinæ erga te charitatis excessum, ratione indignitatis tuæ, & peccatorum à te commissorum: qui enim ob *iuventutis tua delicta & ignorantias* Ps. 24.  
*puniri dignus eras, qui ob tot gratias neglectas, imò sæpe abiectas, & repudiatas, abijci & repudiari merebaris, inscrutabili Dei misericordia ad diuinum ministerium vocatus es. & ex vase contumelia, factus es vas honoris & electionis.* Su- Rom. 2.  
*scipe & mirare Diuinæ erga te bonitatis diuitias. Caue ne forte secundum duritiam tuam & impenitentem cor, thesaurises tibi iram in die ira & reuelationis iusti iudicij Dei. Vide quomodo & qua ratione satagere velis, ut per bona* 2. Pet. 1.  
*opera certam tuam vocationem & electionem facias; inspice in particulari quæ opera præsertim Deus à te requi-*

60 SACERDOS  
rat, & eius gratiam instanter depre-  
care.

## MEDITATIO II.

*De scopo, & fine vocationis  
ad statum Sacerdotalem.*

**C**onsidera Christi Domini verba  
quibus declarat quis sit finis &  
scopus vocationis ad statum Sacerdo-  
talem & Ecclesiasticum, *Non vos me*  
*Jo. 15. elegistis (inquit) sed ego elegi vos, &*  
*posui vos ut eatis & fructum afferatis, &*  
*fructus vester maneat.* Posuit igitur di-  
scipulos suos, eorumque successores,  
& quotquot ad ministerium elegit &  
vocavit, non ut otio marcescant, non  
ut temporalibus commodis fruantur,  
*Pf. 83. non ut gloriam mundi captent; sed ut*  
*eat de virtute in virtutem;* ut Domini  
sui vestigia sectentur; *qui enim mihi*  
*Is. 13. ministrat (inquit) me sequatur.* Igi-  
tur quando Diuinæ illius vocationis  
gratiam primo accepisti, illud idem  
tibi, quod unicuique discipulorum  
à Christo dictum puta, *sequere me.*  
*Matt. 9.* Vide, quo animo Dominum tuum  
sequaris, & an ideo statum Ecclesia-  
sticum amplecti velis, aut iam ample-  
xus

xus, sis ut illius vestigijs insistas, ut quomodo ille ambulauit, sic & tu ambules.

I. Io. 2.

2. Considera te vocatum esse non modo ut eas, & profectu tuo spirituali intendas, sed etiam ut fructum afferas, ut acceptum talentum cum fœnore multiplices, utque Diuinæ gloriæ propagandæ, & animarum saluti procurandæ totus impendaris; idque sacrificijs & orationibus incumbendo, officia & munia Ecclesiastica debite peragendo, ignaros instruendo, peccatores arguendo, obsecrando, increpando, cum omni patientia & doctrina, & alia Religionis & charitatis opera perficiendo: magnus utique labor, sed magna gloria sequi Dominum, Euangelio collaborare, adimplere qua desunt passioni Christi, non utique defectu valoris, sed excessu charitatis, qua Deus nos in societatem filij sui vocare dignatus est, ut si compatimur, & conglorificemur. Si laborum & passionum socij sumus, simus etiam consolationis & regni. Vide igitur quem in Ecclesia fructum afferre intendas? Cui operi præsertim incumbere, & quomodo illud exequi velis.

Eccl. 23.

2. Tim.

1.

Colloſſ. 1

Rom. 8.

3. Considera quam excelsus, quam optabilis sit finis vocationis tuæ, præ illo quem sibi ut plurimum in suis laboribus, occupationibus, negotiationibus, præfigunt personæ laicæ & seculares

- lares; scilicet temporalia lucra, sæculi honores, vitæ commoda & voluptates: & quid sunt hæc omnia? Quid habet amplius homo de vniuerso labore suo quo laborat sub sole? Ecce vniuersa vanitas & afflictio spiritus. At verò seruorum Christi labor inanis non est, sed præterquam quod ex hac
- Luc. 6.** *vita mercedem, mensuramque bonam, & confertam, & coagitatam, & superfluentem recipiunt; testatur Apostolus*
- 2. Cor. 4** *leue & momentaneum onus tribulationis, æternam gloria pondus in illis operari. Et quamuis nullus esset tantæ mercedis intuitus; quanti fieri deberet labor ob Christi gloriam susceptus? Sed nunquid laborare dicendi sunt illi qui vere Christum diligunt? Vbi enim amor, ibi non est labor. O vtinam talis esses, qualis ille cui inter labores & æstus*
- Genes. 29.** *videbantur dies pauci præ amoris magnitudine!*

---

### MEDITATIO III.

*De donis & gratijs eximijs statui Sacerdotali annexis.*

1. **C**onsidera gratias vberes & eximias quæ diuinitus conce-

ceduntur ijs qui sacram Ordinationem  
 dignè suscipiunt; ac in primis gratiam  
 sanctificantem, quæ non nisi copiosissi-  
 ma per hoc Sacramentum confertur;  
 tum virtutes infusas, exinde dona Spi-  
 ritus sancti, quæ simul cum gratia in-  
 funduntur: vt animam illius qui or-  
 dinatur magis ac magis sanctificent,  
 ornet, perficiant: demùm gratiam  
 Sacramentalem quæ consistit in varijs  
 illustrationibus, motionibus, alijsque  
 cælestibus auxilijs, quæ ad sacra mi-  
 nisteria ritè obeunda suo tempore præ-  
 stantur ab eo, qui est adiutor in oppor- *Psal. 9.*  
*tunitatibus*. Nonne hanc diuinam  
 perpendens munificentiam fateberis,  
 quia *facile est in oculis Domini subito ho-* *Eccles.*  
*nestare pauperem*. Vide igitur quomo- *11.*  
 do teipsum ad tot tantasque gratias  
 vberim accipiendas cōuenienter præ-  
 pares? quas orationes, quæ virtutum  
 opera & exercitia ad id impendere ve-  
 lis? qua fidelitate illis acceptis vti?

2. Considera excellentiam pote-  
 statis quæ per sacros Ordines, ac præ-  
 sertim per Sacerdotium confertur, tum  
 ad nobilissima munera circa diuinum  
 cultum obeunda, tum ad præstantissi-  
 ma charitatis opera pro sanctificatio-  
 ne & salute animarum exercenda,  
 tum maxime ad res diuinas pertra-  
 ctandas, Sacramenta scilicet confi-  
 cienda & ministranda, præsertimque  
 san-

sanctissimum Dominici corporis Sacramentum & sacrificium peragendū, nec non ad peccata remittenda, & gratiam reconciliationis Poenitentibus conferendam: Quis ista serio cogitans non obstupescat, Deum hominibus infirmitate circumdatis, mortalitatemque suam circumferentibus, id elargitum fuisse, quod nusquam Angelis concessum esse voluit? Cui enim aliquando Angelorum dixit, quorum remiseras peccata remittuntur eis? Confitere igitur cum Propheta, *Quis sicut*

*Ps. 112.*

*Dominus Deus noster qui in altis habitat, & humilia respicit in caelo & in terra, suscitans à terra inopem, & de stercore eleuans pauperem, ut collocet eum cum principibus populi sui. Et te ipsum diuina dignatione de terra suscitatum, & de stercore eleuatum, & cum principibus collocatum videns, diffide tibi ipsi, humiliare subpotenti manu Dei, & instanter eius gratiam require: ut hæc tui eleuatio non sit tibi occasio ruinæ, sed salutis.*

*1. Pet. 5.*

3. Considera & serio perpende dictum Euangelicum, *omni cui multum datum est, multum quæretur ab eo, & cui commendauerunt multum, plus petent ab eo.* Is certe cui quinque talenta tradita fuerant, alia quinque lucratus est, nec laudari, imo fortassis abijci meruisset; si duo tantum retulisset.

*Luc. 12.*

**Cane**



Caue igitur ne tot dona, totque gratias in vacuum recepisse dicaris? viderem quem vltimum donorum illorum & beneficiorum diuinorum facere intendas? quod scœnus Domino referre; ac proinde quam sedulo & diligenter in omnibus exhibere teipsum velis sicut Dei ministrum in multa patientia, in tribulationibus, in laboribus, &c. 2. Cor. 6

## MEDITATIO IV.

*De grauitate peccatorum quæ  
committuntur à Sacerdotibus  
alijsque personis  
Ecclesiasticis.*

1. **C**onsidera & perpende grauitatem peccatorum illorum ex circumstantia personæ peccantis. *Iam non dicam vos seruos, sed, amicos meos*, inquit Christus Dominus, suos discipulos, eorumque successores alloquens; quanto igitur maior felicitas & dignitas sublimior, esse ipsiusmet filij Dei, non modo seruum, sed amicum, tanto infelicius & indignius est, tantum, & tam amabilem Dominum offendere, eiusque amicitiam contemnere, ac peccato violare. Vnde per Pro-

Prophetam conqueritur. *Quid est quod dilectus meus in domo mea fecit scelera multa? & si inimicus meus maledixisset mihi, sustinuissem utique; tu vero homo unanims, dux meus & notus meus, qui simul mecum dulces capiebas cibos, &c.* Vide ne sis ille, de quo tam graviter conqueritur; ne inquam, tot beneficijs cumularus, tot cælestibus gratijs perfusus, toties ad sacram illius mensam & secretiora mysteria admissus, toties propria ipsius substantia velut succo quodam divino recreatus & enutritus, nulla tamen istorum omnium habita ratione tantorum bonorum, autorem peccato tuo violaveris; & hoc agnoscens, humiliare, confundere, ingemisce.

2. Considera eorumdem peccatorum gravitatem ratione ingratitude adiunctæ; repere animo quæ præcedenti meditatione dicta sunt, adde omnes effectus specialis erga te providentiæ & benevolentię quos à Deo accepisti, gratias omnes quibus præventus es; & peccatis à te commissis opponere; & audi vocem Dei conquerentis; *Quid est quod ultra debui facere vinea mea & non feci? an quod expectavi ut faceret vinas, fecit autem labruscas?* Sed contremisce ad hæc Apostoli verba; *Terra superhumentem bibens imbrem, proferens autem spinas & tritulos,*  
re.

reproba est, & maledicto proxima, cuius consummatio in combustionem, Vide post tot & tantarum gratiarum imbrem super te effusum, ne sis terra illa reproba, & maledicto proxima; & pete à Deo *meliora & viciniora salutis.* Ibid.

3. Considera, & apud temetipsum perpende, quot & quanta peccata commisisti, antequam ad sacrum ministerium accederes; quot & quanta ab eo tempore quo in Ecclesiæ sacramenta es admissus? Nonne, merito dicere debes *comprehenderunt me iniquitates meae & non potui ut viderem: multiplicata sunt super capillos capitis mei, & cor meum dereliquit me, & quis dabit capiti meo aquam, & oculis meis fontem lachrymarum* ut condigne peccata quæ in Deum meum commisi defleam; & sint mihi lachrymæ meæ panes die ac nocte. Vide præterea & perspice peccatorum illorum scaturigines & fontes, id est, prauas inclinationes, passionibus indomitas, appetitus inordinatos: circumspice etiam causas exteriores, occasiones periculosas, conuersationes inutiles & plerumque nocivas: & inuocata Dei misericordia, apud temetipsum propone quid agere debeas, quæ remedia adhibere, ut peccare cesses, innocentiamque peccatis deperditam veræ poenitentię exercitijs,

Ps. 39.

Ier. 9.

## MEDITATIO V.

*De morte eorum qui in sa-  
 cris ministerijs vitam  
 traduxerunt.*

- I. **C**onsidera quam felix, quam  
 pretiosa coram Deo mors  
 pij Sacerdotis, qui fideliter ministe-  
 rium suum impleuit, qui bonum certa-  
 men certauit, cursum consummauit, fi-  
 dem seruauit: Hæc mors est illi finis  
 belli, laborumque omnium diuinę glo-  
 rię causa susceptorum, & initium  
 æternę pacis ac beatę quietis. A  
 modo iam dicit spiritus ut requiescat à  
 laboribus suis. Quanta est dignitas (in-  
 quit Beatus Cyprianus) & quanta se-  
 curitas, exire hinc latum; & claudere  
 in momento oculos quibus homines vidi-  
 bantur & mundus; & aperire eosdem  
 statim, ut Deus videatur & Christus.  
 Nonne igitur toto affectu talem mor-  
 tem exoptas? Nonne in corde tuo di-  
 cis moriatur anima mea morte iustorum  
 & fiant nouissima mea his similia. Vis  
 mori morte iustorum, viue vita iusto-  
 rum, opera iustorum exerce, quia  
 opera

1. Tim.

4.

Apoc. 14  
 Lib. de  
 exho-  
 mart.

Nu. 23.

Apoc. 14

opera illorum sequuntur illos: dum tempus habes, operare bonum: in omnibus labora, & opus fac Evangelista, ministerium tuum imple. Beatus utique seruus quem cum venerit Dominus inuenerit sic facientem.

Galat. 6

2. Tim.

4.

2. Considera è contrario, quam funesta, quam infelix, quam horrenda mors eorum qui in Ecclesiasticis ordinibus vel muneribus constituti infideliter vel perfunctorie se gesserunt; qui neglecto Dei cultu & Ecclesie obsequio, vitiis se immerferunt, cupiditatibus obsequuti sunt, & carnis curam fecerunt in desideriis: venient tunc in cogitatione peccatorum suorum timidi, & traducent illos ex aduerso iniquitates ipsorum, & erunt decedentes sine honore, & in contumelia inter mortuos in perpetuum. Sed quæ tunc angustia, quis animi cruciatus, quis terror miserum sacerdotem inuadit? cum & præteritæ vitæ tam inutiliter, tam culpabiliter impensæ recordatur, & mortis instantis acerbos dolores perferat, & proxime futuri iudicii exitum perhorrescit. Obstupesce super cæcitate tot infeliciū Sacerdotum, qui de istis nunquam in vita sua recogitant; vide ne de illorum numero sis.

Sap. 4.

3. Considera statutum esse omnibus hominibus, proindeque omnibus Sacerdotibus, semel mori. In hoc enim na-

Hic eb. 9

I/a. 24.

turæ

Marc.  
13.

Heb 9.

turæ debito erit sicut populus sic Sacerdos: moriendum igitur tibi est, qualiscūque sis, mortis in te sententia prolata est; sed quo tempore: qua hora? sero? an media nocte? an galli cantu? an mane? non constat, poena certa est, hora incerta. Moriendum tamen est, idque semel tantum; si pluries, si bis, quod vna vice deesset suppleretur altera: sed statutum est semel mori: & interim ex illo mortis tuæ momento, salutis vel damnationis tuæ pendet æternitas. Iustorum vel peccatorum morte moriendum tibi est, elige: & si sapias; dum tempus tibi est, ita vitam tuam institue ut morte iustorum mori dignus sis: & ad maiorem cautelam, singulis diebus, præsertim ante somnum in eo statu teipsum compone, in eo sensu, in ijs animi dispositionibus, in quibus ultimo vitæ tuæ momento inueniri velles.

## MEDITATIO VI.

*De ultimo examine & iudicio  
eorum qui muneribus Ec-  
clesiasticis functi sunt.*

2. Cor. 1.  
5.

**C**onsidera & serio perpende hæc Apostoli verba, *Omnes nos*

*nos manifestari oportet ante tribunal Christi, ut referat unusquisque propria corporis prout gessit, siue bonum, siue malum.*

Omnes, inquit oportet manifestari, nullus excipitur; proindeque eodem momento quo vltimum vitæ tuæ spiritum emiseric, oportet te manifestari ante tribunal Christi, ibique omnia tua, etiam occultissima patefieri, discuti, in iudicium adduci: audies tremendam illam iudicis vocem. *Redde rationem villicationis tuæ. Sacerdotij tui, ministerij tui, talentorum tuorum.*

Luc. 16.

Iob. 31.

Heu (aiebat Iob, & tu quoque longe potiori iure dicere debes) *quid faciam, cum surrexerit ad iudicandum Dominus, & cum interrogauerit, quid respondeo illi?*

2. Considera, quam exacta, quam rigida futura sit discussio illa; ibi enim iudicium tibi tubeundum erit, de omnibus factis, dictis, cogitatis: ibi omnia peccata tua, etiam ea quæ videntur leuissima, in iustitiæ diuinæ bilance expendentur. ibi non modò de proprijs peccatis reddenda erit ratio, sed etiam de peccatis aliorum, quibus verbo & exemplo prodesse debebas: ibi à te inquireretur quem usum feceris bonorum omnium naturæ & gratiæ quæ tibi concessa sunt? ad quid impendaris corporis tui membra & organa, animæ tuæ sagittates, & quæcum.

cumque talenta tibi concedita? ibi  
 Pf. 74. iudicabuntur omnes iustitia tua, id est,  
 omnes actus Religionis, charitatis,  
 & aliarum virtutum: item orationes,  
 officia diuina, sacrificia oblata; ibi ad  
 stateram sanctuarij expendentur om-  
 nia à te facta vel omissa, in dispen-  
 satione diuinorum mysteriorum, in ad-  
 ministratione sacramentorum, in præ-  
 dicatione verbi diuini; denique cun-  
 cta Deus adducet in iudicium, & cor-  
 dis tui abditissima quæque scrutabitur  
 in lucernis. *Hec ecce venit & quis po-  
 terit cogitare diem aduentus eius? & quis  
 stabit ad videndum eum? ipse enim quasi  
 ignis conflagrans.* Vigila itaque & omni  
 Malach. 3. tempore ora (vt ipsemet iudex mo-  
 net) vt possis stare ante filium homi-  
 nis, & eius passione intercedente tre-  
 mendi illius iudicij felicem exitum  
 sortiri.

3. Considera medium optimum  
 ad promerendam supremi illius iudi-  
 cis clementiam esse charitatis & mise-  
 ricordiz operibus sedulo incumbere;  
 beati siquidem misericordes, quoniam  
 Galat. 6 ipsi misericordiam consequentur. Igi-  
 tur dum tempus habes, operare bonum  
 ad omnes, maxime autem ad domesticos  
 fidei. Et quascumque occasiones in-  
 struendi, exhortandi, consolandi, cor-  
 ripiendi, & quouis modo iuuandi  
 alios, eorumque saluti & bono spiri-  
 tuali



tuali cooperandi, etiam eleemolynis  
& subsidijs temporalibus, toto animi  
affectu amplectere: ac denique impen-  
de teipsum & libentissime superim-  
pende pro animabus fratrum tuorum:  
& sapissime tibi in mentem reuoca,  
quæ in supremo iudicio Christus Do-  
minus dicturus est; *quod uni ex mini-  
mis meis fratribus fecistis, mihi fecistis.*

## MEDITATIO VII.

*De luctuosissimo statu Sacer-  
dotum damnatorum.*

I. **C**onsidera & tibi ob oculos po-  
ne infelicem Sacerdotem ob  
crimina sua, depositionis perpetuæ &  
degradationis poena damnatum: ex-  
pende quam probrosum sit illi coram  
venerabili Consacerdotum coetu, sa-  
cris vestibus, & cunctis Sacerdotij sui  
insignibus exui; quam acerbum & a-  
marum à Prælato suo & animæ suæ pa-  
rente cum exprobrationibus, & exe-  
crationibus à Clero ejici: & sæcularis  
iustitiæ ministris tradi; & cogita hoc  
nihil esse præ ignominia, confusione,  
& desperatione illius qui videt se ab  
ipsomet Christo Domino Sacerdotum

D

om.

omnium principe & parente, in æternum sine vlla misericordiæ spe abijci, omnibusque gratiæ suæ donis spoliari; ligatisque manibus & pedibus projici in tenebras exteriores, ac dæmonum potestati tradi. Heu quis intelligere potest quid sit à Deo in æternum abijci! à Deo in æternum separari! Deo in æternum priuari! Domine si tu me abijcis quis me recipiet? quò ibo à spiritu tuo, & quò à facie tua fugiā? Obone Iesu à te nunquam me separari permittas? in ista tantummodo voce, exaudi me.

*Pf. 138.*

2. Considera præter poenam illam damni quæ in Sacerdote, post tot ac tam insignia diuinæ benevolentiae testimonia, non nisi acerbissima esse potest, alia insuper supplicia & tormenta esse subeunda; quæ præ alijs damnatis atrocissima ipsi infligentur; peccata enim Sacerdotis cum semper sint peccatis aliorum grauiora, maiorem etiam merentur damnationem; ac proinde in eum ignis inferni longè crudelius defæuiet, & quicquid in illo infelicitatis abyssio triste ac durum, quicquid amarum & acerbum, illud præ cæteris experietur. Heu Domine quis nouit potestatem ira tua, & præ timore tuo iram tuam dinumerare? Confige timore tuo carnes meas, à iudicijs enim tuis timui.

*Pf. 89.*

3. Considera cumulum infortunitatis

tis

tis esse ipsius damnationis, & poenarum illi adiunctarum æternitatem, & illius horrendæ æternitatis cogitationem semper urgentem & infestantem, quæ miserum illum continuo cruciabit, eiusque animam velut iteratis desperationis aculeis lancinabit, & discerpet. *Vermis eorum non morietur* (inquit Christus Dominus) *& ignis eorum* Marc. 9  
*non exstinguetur*. O æternitas infelix! æternitas luctuosa! æternitas horrenda! quis illam æternitatem serio cogitare potest, & non continuo contremiscere & horrore affici? *Anticipauerunt vigilias oculi mei*, (aiebat Prophetæ, & tu diceriam cum illo; *Turbatus* Ps. 76.  
*sum, & non sum loquutus; cogitavi dies antiquos, & annos æternos in mente habui: &c. & dixi nunc cœpi*: Ita hæc serio cogitans, hanc tremendam æternitatem animo reuoluens, nunc incipe ea velle, ea præstare, in ijs perseuerare, quæ in æternum tibi profut.



## MEDITATIO VIII.

*De celestis gloria mercede  
pijs Sacerdotibus præ-  
parata.*

1. **C**onsidera Deum longe propensio-  
riorem ad præmiandum,  
quam ad puniendum, pro momenta-  
neis seruorum suorum laboribus, æter-  
nam illis præparasse mercedem, tan-  
tam, tamque mirabilem, vt Aposto-  
lus dicat, *nec oculum vidisse, nec aurem  
auduisse, nec in eorum hominis ascendisse,*  
*qua præparauit Deus ijs qui diligunt ill-  
lum.* Et Christus Dominus discipulos  
suos alloquens, *Gaudete (inquit) &  
exultate, ecce enim merces vestra copiosa  
est in cælis.* En fidelibus Christi mini-  
stris materia veri gaudij & sinceræ  
exultationis, etiam in medijs ærum-  
nis & laboribus, merces scilicet co-  
piosa in cælis, ab ipsomet Christo Do-  
mino seruatore præparata & promissa.  
Vide igitur quantum ipsius bonitati  
debeas, qui etiam antequam esses,  
tantam tibi gloriam & felicitatem,  
tot & tantis doloribus comparauit;  
totque media ad illam promerendam  
tibi

tibi prouidit, teque ideo ad ministerium suum vocauit, vt vbi ipse est, illic in æternum cum ipso esses. Gratijs itaque summas illi age, & tantum tamque munificum benefactorem, & præmiatorem, præ omnibus illius beneficijs & præmijs dilige, & toto affectu illi obsequi & placere stude.

2. Confidera & perpende quod quamuis illa beatitudo & gloria omnibus animæ corporisque bonis affluat, vnum tamen esse bonum præ alijs bonis æstimandum & amandum, ipsum scilicet Deum, qui ineffabili charitate cunctos diuinitatis suæ thesauros electis suis aperit, seque ipsum illis clarè & intuituè videndum, amandum, fruendum, possidendum, pro tota æternitate tradit. O quisquis es fidelis Christi minister, qui in huius sæculi procellis & tentationibus pro eius honore præliaris, qui totum te pro Ecclesiæ obsequio, pro animarum subsidio impendis, audi ipsummet Deum tibi quod olim alteri fidelissimo sibi seruo dicentem; *Noli timere, ego protector tuus sum, & merces tua magna nimis.* Genes. 15. Verè merces magna nimis propter nimiam scilicet charitatem qua dilexit nos: nimis quippe honorati sunt amici tui, Ps. 138. Deus, nimis confortatus est principatus eorum.

3. Confidera dictum S. Gregorij,

D 3

ad

*Homil. 37. in Euang.* ad magna pramia perueniri non potest nisi per magnos labores; regnum enim celorum vim patitur: neque coronabitur, nisi qui legitime certauerit. Delestat igitur mentem magnitudo pramiorum, sed non deterreat certamen laborum: Imo ipsa promissa gloriæ magnitudo animi magnitudinem excitet, & ad difficilia quæque pro Dei honore & amore subeunda Christi ministerium obfirmet. Quoties igitur in ipsis ministerijs Ecclesiasticis aliquid occurreret naturæ durum & asperum; quoties vrgebit tentatio aliqua, & contra spiritualia nequitæ subeunda erit colluctatio, cælum suspice, & illic Christum regnantem, palmasque ac coronas manu proterdentem intueri; tibi que sæpius in mentem reuoca, quis sit laborum tuorum terminus; quis suscepti mi-

*Lib. ult. de ciuit. e. ultim.*

nisterij finis; quis enim alius est noster finis? (inquit S. Augustinus) quàm peruenire ad regnum, cuius nullus est finis.

† †

†

## MEDITATIO IX.

*De illecebris & vanitatibus  
mundi contemnendis, &  
cœlestis patriæ bonis à Chri-  
stiano Sacerdote toto affe-  
ctu exoptandis.*

1. **C**onsidera fidelem Christi mi-  
nistrum præ alijs Christianis  
ad mundi contemptum amoremque  
cœlestis patriæ obligari, tum quia  
ipsi Christo propior factus ampliori  
ipsius luce perfunditur, & sic rerum  
mundanarum vanitatem, cœlestium-  
que bonorum veritatem perfectius  
agnoscit: tum quia specialibus gratiæ  
auxilijs donatus, & maiori ipsius Chri-  
sti dilectione præuentus, illum plus  
alijs diligere tenetur, & ad eius visio-  
nem, fruitionemque ardentius suspi-  
rare. Vide igitur quæ sit animi tui dis-  
positio? quis illius sensus, quis affe-  
ctus? illumque magis ac magis à re-  
bus mundi huius abstrahe, & versus  
coelum, versus Deum erige, &, si verè  
consurrexisti cum Christo, si vere no-  
uum hominem induisti, incipe qua sur-  
sum sunt querere, ubi Christus est in-

Coloss. 3

*dextera Dei sedens, quæ sursum sunt sapere, non quæ super terram.*

2. Considera quæ fuerit super hac re Sanctorum dispositio? quantum in illis vitæ præsentis fastidium? qualia & quam feruentia coelestis vitæ desideria; & eorum exemplo temetipsum ad similes affectus excita: *Sicut ceruus desiderat ad fontes aquarum* (aiebat Dauid) *ita desiderat anima mea ad te, Deus: Sitivit anima mea ad Deum fontem viuum, quando veniam & appareto ante faciem Dei.* & *Quam dilecta tabernacula tua Domine Deus virtutum, concupiscit & deficit anima mea in atria Domini. Cor meum & caro mea exultauerunt in Deum viuum.* Et Apostolus Paulus, Coarctor, inquit, *desiderium habens dissolui & esse cum Christo: & quis me liberabit de corpore mortis huius: & mihi viuere Christus est & mori lucrum.* Vide an libenter eodem modo loqui velis, an similes affectus experiaris; & si quid obstat, si praua aliqua animi tui dispositio impedimento tibi sit; remedium exquire, & appone.

3. Considera optimam animi à terrenis desiderijs abstrahendi, & versus coelum eleuandi rationem esse studiū veræ & perfectæ mortificationis, quæ nos rebus omnibus huius mundi, & nobis etiam ipsis faciat immori, ut vita longe meliori & sanctiori viuere incipia-



cipiamus; nimirum vt quiuís Christi  
 minister in præparatione animi sui,  
 omnibus quæ possidere, aut desiderare  
 potest renunians, sibi que seipsum  
 abnegans, dicere possit cum Aposto-  
 lo, *uiuó ego, iam non ego, uiuit uero in me Christus.* Itaut in omnibus operi-  
 bus & consilijs suis illud solum quærat,  
 non quod sibi, sed quod Deo placitum  
 & honorificum esse potest. Huic igitur  
 virtuti stude, illius praxi sedulo in-  
 cumbe, & à minoribus illius exercen-  
 dæ occasionibus incipe, vt maioribus  
 & magis arduis paulatim assuescas:  
 illius siquidem beneficio animus à ter-  
 renis fœcibus purgatus, cælum liberius  
 aspiciet, cælestibus intendet, cælestia  
 desiderabit & amabit: itaut cum  
 Apostolo dicere possit; *Nostra autem*  
*conuersatio in cœlis est, unde etiam Sal-* *Philip. 3*  
*uatore[m] expectamus Dominum nostrum*  
*Iesum Christum, qui reformabit corpus*  
*humilitatis nostræ configuratum corpori*  
*claritatis suæ.*

---

## MEDITATIO X.

*De firmo vitæ Sacerdotalis piæ*  
*instituendæ proposito*  
*concipiendo.*

- I. **C**onsidera quantum intersit tibi  
 firmum vitæ Sacerdotalis piæ  
 D s in-

instituentæ propositum concipere, hic est enim præcipuus meditationum præcedentiũ scopus, hic exercitiorum spiritualium finis: certè proposito illo deficiente, vita Sacerdotis vt plurimum infrugifera, instabilis, & varijs spiritualibus periculis obnoxia: sine illo proposito, omne caput languidum & omne cor mœrens: & plerumque à planta pedis vsque ad verticem non est in eo sanitas. Denique hoc à te propositum Christus expectat, hoc à te expetit? vt toto cordis tui affectu illi soli adhæreas, illi soli viuas, ad illius solus honorem & gloriam omnia tua & teipsum referas. Vide igitur quid illi hoc à te efflagitanti respondere velis; & serio perpende diuini illius Seruatoris edictum,

**LUC. 11.** *qui non est mecum, contra me est, & qui non colligit mecum, dispergit.*

2. Considera quæ sint benedictiones quæ hoc propositum firmiter in animo conceptum consequantur: hinc enim prouenit vera pax & tranquillitas animi; hinc in muneribus Ecclesiasticis obeundis alacritas, in virtutum exercitijs delectatio, aduersus tentationes irruentes robur; ex hoc denique propositio firmiter concepta, & quotidie iterata, procedit perseverantia, quæ est virtutum reliquarum veluti coronis & complementum.

Quid

Quid igitur obstat quin hac ipsa hora, hoc ipso momento, diuina gratia inuixus, concipias firmissimum propositum vitæ tuæ secundum Dei voluntatem instituendæ, & ad normam muneris tibi ab Ecclesia imponendi, vel impositi componendæ; illudque sic conceptum Deo offeras, & ab eo instanter per Christi merita postules, vt te in eo stabilire & confirmare dignetur; eandemque oblationem & postulationem quotidie iterare, & renouare cures, vt *qui cæpit in te opus. Philip. I bonum, ille perficiat.*

3. Considera: quomodo post propositum illud conceptum, Deoque oblatum te gerere debeas, nimirum vt serio incipias illud opere exequi: ita ut deinceps officia & functiones ministerij tui proprias debite exercere, & virtutes quæ illud maxime decent alacriter consecrari, & tentationibus irruentibus fortiter oblucri, & eademque omnia quæ ad vitam tuam pie instituendam adiumento esse possunt libenter amplecti studeas.

Quæ quidem omnia in quatuor reliquis huius libelli partibus, ordine supra dicto explicata reperientur.



## PARS SECVNDA.

De præcipuis Ordinum Ecclesiasticorum, ac præsertim Sacerdotij functionibus.

### CAPVT PRIMVM.

*De functionibus Ecclesiasticis in genere.*

1. Tim.  
4.



**N**OLI negligere gratiam qua in te est, qua data est tibi, inquit Apostolus. Paulus charissimū sibi Timotheum alloquens, & idē sibi dictū æstimare debet quilibet sacris ministris initiatus: neque enim tot gratias & benedictiones, totque & tam eximia dona & munera per ordinationis sacramentum

cum conferri voluit Deus, vt inutiliter  
& otiosè traducerentur, ac veluti situ  
obsolescerent: omnis certè arbor ( vt  
edixit Christus ) *qua non facit fructum*  
*bonum, excidetur, & in ignem mit-*  
*tetur.*

Matt. 7.

Vnde sanctus Alexander Papa huius  
nominis primus in epistola ad omnes  
diuino sacerdotio fungentes, *Gratia*  
*Dei, inquit, Fratres charissimi, sumus id*  
*quod sumus; idcirco nobis prouidendum*  
*est, & oppidò decretandum ne in ea vacui*  
*inueniamur, sed eadem nobis cooperante*  
*fructum Domino plurimum reportemus,*  
*&c. nec enim negligendam gratiam no-*  
*bis Dominus dedit, sed fideliter exercen-*  
*dam.*

Epist. 3.

Et Eminentissimus Cardinalis Pa-  
læotus Clerum diocesis Bononiensis  
alloquens; *Sicut, inquit, in familia*  
*bene constituta nullus esse debet qui officio*  
*vacet, vt veteres dicebant; ita in Dei gu-*  
*bernatione nullus sustinetur otiosus, nul-*  
*lus qui confertis manibus sedere debeat,*  
*iuxta illud Saluatoris nostri, posui vos ve-*  
*stis & fructum afferatis, & fructus ve-*  
*ster maneat.*

Archie-  
piscop.

Bonon.

p. 7. ser. 1.

ad Cler.

Quod si queratis ( vt idem alio in lo-  
co subdit ) *qualis debeat esse ille fructus:*  
Respondetur, quod sicut cum plantatur  
arbor pomi, expectatur ab eo fructus po-  
morum, & à ficu ficum, & ab olea oli-  
uarum; sic à clericis ij fructus expectan-  
tur,

Ibid. p. 3

serm. de

Sacram.

Ordin.

tur, qui eorum ordini respondeant; hinc functiones instituta, quibus se quisque exerceat, qua nihil aliud, quam fructus sunt plantationum illarum & arbusculorum: Ideo memores estote à vobis querendum esse huiusmodi fructum, & oportere vos necessario præscriptas vobis functiones accurate præstare.

Et sicut in arbore non satis est, si in uno tantum aut altero ramo fructus hi proveniant, sed undique eum pomis contextum & onustum, & præ pondere inclinatum spectare oportet, sic conete ne existimetis vos muneri vestro satisfecisse, si aliquo tantum tempore, aut aliqua tantum in re ministerium vestram obeatis: non enim bona arboris speciem tunc referetis. Vnde Apostolus ait, Deo per omnia placentes, in omni opere bono fructificantes, & paulo infra; Fructus autem presentes & quotidiani esse debent: nam multi satis sibi consultum putant quod olim laboraverint, & magna ut illis videtur gesserint: non enim hac immunitatem tribuunt, sed & nunc in illis exerceri oportet; nam sicut oportet semper orare, & numquam deficere, sic & semper operari, donec dies est.

Pergit deinde, & tacite occurrens obiectioni, quod si (inquit) dicat quis arbores non quovis tempore fructus ferre, sed certa tantum anni parte; respondetur, Autumnum nostrum, siue æstivum tem-

pus

pus messi nostra facienda aut fructibus colligendis opportunum, esse hoc breue spatium vite, quod nobis diuina largitur bonitas: dum lucem habetis credite in lucem, ut filij lucis ambulate, veniet enim nox, quando nemo poterit operari: tempus quiescendi non est huius, sed futuri seculi; sic enim in Apocalypsi legitur, amodo iam dicit spiritus ut requiescant à laboribus suis.

Porro quoniam functionum quę ad sacrum ministerium spectant, sublimitatem, & temporis ad eas obeundas destinati, totius scilicet vitę pręsentis diuturnitatem, & fortassis iniquitatem, nec non propriarum virium tenuitatem, & imbecillitatem causare quis posset, quominus tam arduum munus susciperet, vel susceptum implere se posse arbitraretur; vnde vel deferendam vocationem, vel animo despondendum esse videretur: Idem Cardinalis alio in loco, huic difficultati sapienter occurrens; Positum est (inquit) in vno quoque vestrum, omnia cum Dei auxilio prestare: non enim is est Deus qui à se vocatos, & ad aliquod munus perfungendum delectos deferat, aut ore sua in medio cursu destituat; sed quos vocat, eosdem ingenti gratiarum thesauro sic ditat, ut commodè explere queant quacumque in eodem iniuncto munere antea difficilia ac penè impossibilia

Part. 7.  
ser. 1. ad  
Cler.

bia esse videbantur. Permagnum est (fatemur) Sacerdotem pro rei dignitate, ac sacramenti legum præscriptione se gere: verum multò maiora sunt dona optima & perfectissima quæ à Patre iunimur, in eorum Sacerdotum animos instillantur, qui Deo in sinceritate cordis, fidei veritate, ac vita, morumque puritate inservire student.

---

## CAPUT II.

*De functionibus & officiis,  
Ordinis cuiusque proprijs  
in particulari.*

Ser. 9. de  
offic. præ-  
lat. &  
cleric.

**O**rdinis sacramentum (inquit Petrus Blesensis, Est thronus ille eburneus mystici Salomonis, cuius reclinatorium aureum est, ad quem ascenditur sex gradibus purpureis media charitate constratis; Sex nimirum ordinibus, quatuor minoribus, Ostiariatu scilicet, Lectoratu, Exorcistatu, & Acolythatu; & duobus maioribus, Subdiaconatu, & Diaconatu; in quorum fastigio est Sacerdotium ipsum, tanquam sacræ illius scalæ vertex & summitas, cui Deus ipse innititur, cum enim (ut in Tridentina Synodo dicitur, divina res

Sess. 22.  
cap. 2. de  
reformer.



res sit tanti Sacerdotij ministerium, consentaneum fuit, quo dignius & maiori cum veneratione exerceri posset, ut in Ecclesia ordinatissima dispositione plures & diuersi essent ministrorum ordines, qui sacerdoti ex officio deservirent, ita distributi, ut qui iam clericali tonsura insigniti essent per minores ad maiores ascenderent.

Statuit autem prædicta Synodus, *Sup. cap. 17. de refer.*  
 Ut sanctorum illorum ordinum à Diaconatu ad Ostiariatum functiones, ab Apostolorum temporibus in Ecclesia laudabiliter receptæ, & iuribus in locis aliquandiu intermissæ, in usum iuxta sacros canones renovarentur, &c. Ideoque omnes & singulos Prælatos Ecclesiarum in Domino hortatur, ut quantum fieri commode poterit in Ecclesiis Cathedralibus, Collegiatis, & Parochialibus sua Diocesis, si populus frequens, & Ecclesia prouentus id ferre queant, huiusmodi functiones curent restituendas.

Quod quidem cum pluribus iam in locis ipsorum Prælatorum zelo ac sollicitudine feliciter inchoatum sit, ut in alijs etiam facilius præstari possit, & cuius Ecclesiasticis ministerijs ascriptus, ad omnes muneris sibi impositi partes exequendas paratior sit, operæ pretium duximus, hic summatim describere præcipuas & hodiernæ praxi magis accommodatas cuiusque ordinis

*Concil. Tridēt. sess. 23.* nis functiones, prout illas tum ex ipso Concilio Tridentino, tum ex Pontificali & Catechismo Romano, tum  
*Pōt. Ro. sit. de Ordin. Catechif.* etiam ex varijs Concilijs, & Synodicalibus constitutionibus ad marginem citatis collegimus.

*Ro. p. 2. cap. 7.* Quod quidem vsui esse poterit, non modo inferioribus ministris, sed etiam ipsismet Sacerdotibus quos sæpe necesse est inferiorum illorum vices supplere, & quos semper maxime decet, eos qui in Hierarchia Ecclesiæ sibi subduntur, ad debitam ministeriorum sibi priorum functionem, non solum verbo, sed etiam exemplo instruere.

*Concil. Cartag. 4.* Virgitur ab ipsa ordinum ianua, Clericali scilicet tonsura, incipiamus : Clerici prima duntaxat tonsura initiati debent fidelem Deo cultum pro viribus exhibere : clericalis vitæ ordinem secundum Ecclesiæ leges, & proprijs Prælati decreta custodire : doctrinæ Christianæ exercitationes adiuuare, & ijs qui alios Catechismum docent opem commodare, & obsequium præstare : cumque alij ministri defuerint in missis, ordinum minorum vices exequi, ac Sacerdoti celebranti ministrare.

Ostiariorum functiones propriæ sunt, campanas pulsare, ostia Ecclesiæ custodire, eaque debitis temporibus

ribus referare & claudere: ipsam Ecclesiam mundare, & ornare: altaria præparare: ab Ecclesiæ ingressu nominatim excommunicatos, interdictos, & infideles prohibere, nec non canes & alios animantes ab eadem arcere: Ipsorum etiam est curare ne quis sacris altaribus corpore aut brachijs incumbat: ne quis in Ecclesia obstrepat, deambulet, confabuletur, aut aliquid aliud agat quod sanctitati loci minime conveniat; item ne mulieres indecenter comptæ & ornatæ, & contra pudicitia Christianæ decorem aliqua sui corporis parte denudatæ, Sacris mysterijs communicent; ne etiam mendici eleemosynas queritando Ecclesiam obambulent, & fidelium preces interturbent; ne baiuli, portitores, alijque quibusvis rebus onusti per Ecclesiam transeant.

Ad Lectores pertinet, in Ecclesia Prophetias quæ interdum in Missa, & Lectiones quæ in Officio Divino recitari solent legere, & quæ legunt distinctè pronuntiare, accentuum rationem legendo servare, & vocem singulis sententijs rectè accommodare: Antiphonas quoque in choro præcinere, & ipsius Chori cantum Ecclesiasticum iuvare. Ad eosdem etiam spectat prima doctrina Christianæ rudimenta pueris tradere, nec non

pa.

panem & fructus novos benedicere.

Exorcistarum officium est curare ut nunquam in vasis aqua benedicta deficiat, atque ut tempore convenienti à Sacerdote renouetur & benedicatur, eique benedictioni assistere vel ministrare, & ipsam aquam ad benedicendum præparare, vasaque ipsa diligenter abstergere & lauare, item in solemni Baptismatis administratione adesse Sacerdoti baptisanti, ipsique sal exhibere, & librum de quo exorcismos legit coram eo sustinere; & denuntiare ijs qui non communicant ut dent locum communicantibus.

Quamuis autem munus exorcizandi daemones, etiam huius ordinis proprium sit, non tamen illud Exorcistæ sibi ambitiose arrogare, sed seipsos intactos custodire, & in omni virtutum genere exercere debent, ut (si ita proprio ipsorum Prælato videatur, sine cuius speciali mandato nihil attentare debent) ad hanc etiam officij sui partem implendam se semper paratos exhibeant.

Ad Acolythes spectat Diaconum ac Subdiaconum ad altaris ministerium procedentes anteire, eisque prout res exigit ministrare, vireos nitidos cum aqua & vino in peluicula pro Missæ sacrificio præparare: lumi-

naria in altari accendere, eaque in processionibus cruci præferre: cum Euangelium in Missa solemni cantatur, cum iisdem luminaribus Diacono ab utroque latere assistere: cum sanctissimum Christi corpus in Missæ sacrificio eleuatur cum luminaribus rite assistere: acerram & thuribulum cum igne præparare & Subdiacono cum opus est ad manum præbere: omnium etiam Sacramentorum administratio: ni præsentibus adesse; & Episcopum comitari, eiusque iussa suscipere & exequi.

Subdiaconorum munus est, ut nomen ipsum indicat, Diacono ad altare inferuire: panem & vinum aliaque ad sacrificij usum necessaria præparare: crucem in processione præferre, Epistolam alta voce in Missa legere: Sacerdoti manus in altari abluenti aquam infundere: ipsique sacris operanti tanquam testes assistere, & illum custodire ne à quoquam interturbari possit: sacra etiam linteamina, id est, corporalia & pallas altaris abluere.

Diaconorum partes sunt, Sacerdoti celebranti proxime assistere & ministrare; in ipso Missæ sacrificio Euangelium publice legere: item ex commissione superiorum, Baptismi Sacramentum solemniter conferre: verbumque diuinum fidelibus prædicare. Est etiam

etiam illorum vi ordinationis suæ Episcopum sequi, quando id iubet, eumque concionantem aut celebrantem, custodire; & instar oculorum eius peruestigare, num omnia in Ecclesia vel Dioecesi recte se habeant. Et si quæ secus deprehenderint, de his Episcopum commonefacere: quod hodie ad Archidiaconos præsertim spectare censetur.

Denique Sacerdotum functiones propriæ sunt, orationes & preces Ecclesiæ nomine solemniter ad Deum, dirigere: sanctissimum Missæ sacrificium offerre: baptismum, poenitentiam, aliaque sacramenta (Confirmatione, & Ordine exceptis) administrare; verbum diuinum prædicare, & alia omnia ad cultum diuinum, salutemque animarum spectantia Episcopis iure diuino aut Ecclesiastico minime reservata secundum canonicas leges peragere.

Quoniam vero maximi momenti sunt hæ functiones sacerdotales, (licet alioquin creberrimæ sint, & quam sæpissime in vsum veniant) plurimumque interest vt eo, quo decet modo exerceantur. Ideo in sequentibus huius secundæ partis capitibus de vnaquaque illarum speciatim aliquid à nobis dicetur; ac in primis de oratione, quæ præcipuum locum in illis Sacer-

CHRISTIANVS. 95  
cerdotalibus functionibus sibi vindicat.

---

### CAPVT III.

*De studio orationis cui Sacerdos precipuo affectu incumbere tenetur.*

**Q**uale debeat esse orationis studium in Sacerdote, vel excoliquet quod, vt Apostolus loquitur, *Ipsē Sacerdos ex hominibus assumptus, pro hominibus constituitur in ijs qua sunt ad Deum*: Hoc enim proprium illius munus est, Sanctuario Dei astare, & Angelorum in terris vicem supplere, eundemque famulatum in Ecclesia militante Deo impendere, qui ei à beatis illis spiritibus in Ecclesia celesti exhibetur; Sacerdos siquidem *Angelus Domini exercituum est*, proindeque vt Angelus debet iuxta aram templi stare, & aureum habere thuribulum in manu sua multo incenso & aromatibus refertum, vt de manu eius ascendant fumus aromatum, & sicut incensum dirigatur oratio eius in conspectu Dei.

Quod etiam adumbratum videtur in

in illis viginti quatuor senioribus Presbyterorum in Ecclesia typum gerentibus, qui quidem singuli præ manibus semper habebant phialas aureas plenas odoramentorum, quæ sunt orationes sanctorum.

Apoc. 5.

Et ut figuras relinquamus, ipsemet Christus Dominus totius Sacerdotij vertex, & Sacerdotum omnium perfectissimum exemplar, in Evangelijs refertur orationis exercitium præcipuo quodam studio coluisse: nunc in loca deserta & montes orandi gratia secedens, nunc in oratione Dei pernoctans, nunc summo diluculo in templum oraturus adueniens, nunc in medijs turbis oculos versus coelum eleuans ac Patrem orans, nunc alios ad orandum instituens & excitans, & semper orandum ac numquam ab oratione definiendum esse docens.

Quibus quidem exemplis & documentis euidentissime testatum esse voluit cuius Sacerdoti, qui suis vestigijs fideliter inhærere velit, orationi præcipuo quodam studio instandum esse.

Certe vel ipsa infirmitas, quæ, sicut & alij homines, ipse etiam Sacerdos circumdatus est, & hostium acerbitas, quorum insultibus patet, sublimitasque ac difficultas obeundorum ab ipso munerum, satis euincunt orationis necessi-



cessitatem, qua diuinam gratiam exoreret, sine cuius subsidio, nec hostium imperus propulsare, nec munera sibi imposita digue peragere possit.

Qua de re loquens beatus Chrysostomus; *Arbitror, (inquit) cunctis esse manifestum quod simpliciter impossibile sit absque precatationis præsidio cum virtute degere, cumque hac vita huius cursum peragere.* Lib. 1.  
de oratio  
Deum.

Et sane si attente inquireremus volumus vnde tanta in plerisque Sacerdotibus inopia virtutum, vnde inordinatio vitæ, vnde morum corruptela, vnde quicumque alij defectus, non erit difficile tot malorum scaturiginem deprehendere, scilicet orationis neglectum: sicut enim iuxta D. Augustini esatum, *Ille nouit recte vivere, qui nouit recte orare*: sic in sensu contrario dicere possumus quod ille nescit recte vivere, qui nescit recte orare.

Ut igitur Sacerdos & peccata deuittare, & in virtute proficere, & gratias sibi, alijsque necessarias & salutes consequi possit, hoc apud se firmiter statuatur, sibi peculiari cura orationis studio incumbendum esse, hocque Religionis exercitium præcipuum esse vitæ Sacerdotalis munus, cui toto animi affectu vacare tenetur.

Quod quidem ut eo quo decet modo præstet, hoc præsertim attendat, ut quotiescumque & quomodocumque

E

que

Hom. 4.  
ex 50.

que orare libuerit, siue publicè, aut priuatim, siue ex obligatione, vel ex sola deuotione, siue mentaliter aut vocaliter (de quibus postea) ea quæ sequuntur fideliter exequi studeat.

In primis oret cum summa sui ipsius demissione coram Deo, *Oratio enim humilioris se penetrat nubes, & non discedet donec Altissimus afficiat.* Proinde oraturus sui ipsius semper infirmitatem, Deique supremam maiestatem attendat, dicatque cum sancto illo *Gen. 28. Patriarcha, Loquar ad Dominum meum cum sim pulvis & cinis.*

2. Oret cum corde puro, & conscientia bona, atque ab omni peccato aliena; etenim (vt loquitur S. Ioannes,) *Si non reprehenderit nos cor nostrum, fiduciam habeamus ad Deum, & quicquid petierimus accipiemus ab eo.* Neque tamen si quis nihil sibi conscius sit, ideo iustificatus est; & quamuis (vt *Ser. 5. in* ait S. Bernardus) accepta gratia fiduciam *Quadr.* donet orandi, non tamen oportet vt in ea quisquam constituat fiduciam impetrandi, ac proinde sanctus ille vir imitandus est qui dicebat, non in iustificationibus nostris prosterimus preces ante faciẽ tuam, sed in miserationibus tuis multis.

3. Oret cum deuotione, itaut oratio ex intimo cordis affectu procedat: vnde S. Chrysostomus perpendens illa *Chry-  
sof. in  
Ps 129.* Psalmistæ verba; *De profundis clamaui*  
ad

ad te Domine: Quid est (inquit) De profundis: non dixit solummodo ex ore, vel lingua, errante enim mente saepe verba funduntur: sed ex corde profundissimo, cum magno studio & magna animi alacritate, ex ipsis mentis penetralibus, &c. quae enim ex ore tantummodo & labijs procedunt, & non ab imo ascendunt, ne quidem ad Deum ascendere queunt.

Denique oret cum perseverantia, id est, ut ab orationis studio, non facile & quacumque data occasione diuellatur; neque ob animi torporem aut tedium ab illa inchoata resiliat; neque quia postulata minime impetrat, nec cito exauditur, ideo ab orando desistat; vult enim Deus rogari, (ut ait S. Gregorius) vult cogi, vult quadam importunitate vinci. Laboriosa quidem est assidua oratio (ut loquitur S. Chrysostomus) sed quid non laboriosum quod a virtute proficiscatur? Esto igitur sedulus in oratione, (inquit idem S. Gregorius) esto in precibus importunus, caue ne ab oratione desicias. Certe (ut cum S. Chrysostomo concludamus hoc caput) Qui quis non erat Deum, nec diuino eius colloquio capite assidue frui, is mortuus est, & vita carens, ex parte sane mentis: nam hoc ipsum cuiuentissimum est amentia argumentum, non intelligere magnitudinem huius honoris,

Greg. in  
Psal. 6.  
Poen.

Homil.  
31. in  
Ioan.

Sup.

Lib. 1. de  
orando  
Deo.

*nec amare deprecandi studium, nec habere persuasum, quod anima mors sit, non prouolui coram Deo: quin insuper quod oporteat quauis morte tristius existimare si quis deprecatione priuetur, pulchrè nos docet Daniel ille Propheta magnus qui maluerit mori, quam triduo duntaxat arceri ab orando*

## CAPVT IV.

*De Meditationis seu orationis mentalis exercitio cuius Sacerdoti pernecessario.*

*In cap. 6  
Matth.*

*Lib. 22.  
moral.  
cap. 18.*

**D.** Hieronymus illa explicans Christi Domini verba in Euangelio relata, (*Ora patrem tuum in abscondito*) *Mibi videtur (inquit) hoc magis esse praeceptum, ut inclusa pectoris cogitatione, labijsque compressis Deum oremus, quod & Annam fecisse in Regum volumine legimus. Vera quippe postulatio (ut ait S. Gregorius) non est in oris vocibus, sed in cogitationibus cordis. Valentiores namque voces apud secretissimas aures Dei, non faciunt verba nostra, sed desideria.*

*Quam-*

*Quamuis enim bonum sit sono vocis Deum spiritualibus hymnis glorificare, (vt dicit Iſidorus) melius est tamen cum silentio orare corde, sine sono vocis, quam solis verbis sine intuitu mentis. Certè qui in silentio orat (vt recte monet S. Ambrosius) fidem deſert & conſectetur quod Deus ſcrutator cordis & renum ſit, & quod orationem tuam ante audiat, quam ore fundatur.*

*Lib. 1. de ſum. bñ. cap. 7.*

*Lib. 6. de ſacram. cap. 4.*

Ex his patet quam ſalubre ſit orationis mentalis ſeu meditationis exercitium, cui proſecto tum ab omnibus & quibuſcumque virtutis ſtudioſis, tum maxime à Sacerdotibus aliſque miniſterio Eccleſiaſtico addictis peculiari ſtudio incumbendum eſſe vel hinc conſtat; quod ſine illo vix quiſquam ad veram & ſolidam pietatis metam perſtingere poſſit: ad quam tamen conſeſtandam ipſos Sacerdotes ſpecialim adſtriſtos eſſe certo certius eſt; vnde etiam in Concilio Medioſanenſi quinto præcipitur examineribus Ordinandorum vt inquirant, *an ordinandus in orationis ſanctæ ſtudio uſuque verſatus ſit? quibus meditationibus inſtruetus Deum tacitus oret? quis orationis modus? quis illius fructus? qua utilitates? quot quibuſque partibus illa conſtet? qua regula præparationis ad orationem,*

*Part. 3. tit. de examinatione.*

*In 22. q. 82. a. 3.*

Sapienter omnino Caietanus nega-

gaut dici posse Religiosum (subiūgamus nec etiam dici posse verum Christi ministrum & Sacerdotem) eum, qui saltem semel in die non orat mentaliter; eo quod sicut effectus sine causa, & finis absque medio, & portus absque navigatione haberi nequit: ita perfectio Christiana ad quam Religiosus, & potiori adhuc ratione Sacerdos conniri debet, absque oratione mentali obtineri nequeat; quod vel ipsa experientia satis compertum est.

Verum operæ præmium est hic perspicere qua ratione quis meditationi seu orationi mentali vacare queat, & quis sit optimus illius recte instituendæ modus? Super quo, alijs omnibus omissis quæ dicenda viderentur, nihil melius aut aptius existimauimus quam breuiculus aliquod hic apponere eorum quæ ab Illustrissimo & nunquam satis laudato Francisco Salesio Episcopo Gebennensi in secunda Philotheæ suæ parte de illius orationis mentalis ratione & methodo, sapientissime & cum maximo pietatis sensu dicuntur: remittentes eum qui plura nosse cupiet ad alios authores qui de hoc exercitio disseruerunt, & præsertim ad ipsummet Salesium tum in prædicta Philothea, tum in Theotimo suo, tum etiam in varijs Epistolarum suarum.

fuorum locis, in quibus de hac mentaliter orandi ratione fufius agit.

Primum igitur quod ab eo præfcribitur ad recte orandum est debita ipfius orantis præparatio, iuxta illud Sapientis; *Ame orationem præpara animam tuam, & noli effe quasi homo qui tentat Deum.* Hæc autem præparatio in eo confiftit, vt orans fibi in mentem reuocet feriam & attentam Diuinæ præfentia cogitationem, idque fine eliciendo actum fidei, circa omni præfentiam Dei cælum terramque sua immenfitate replentis: fine ipfummet Deum per eandem fidem apprehendendo, non modo vt localiter præfentem, fed etiam vt intime nobis ipfis inexiftentem, nosque diuinitatis fuæ præfentia viuificantem, iuxta illud Apoftoli; *In ipfo viuimus, mouemur & fumus: vnde & David illum nuncupabat Deum cordis fui.* Eccl. 18.

Siue etiam confiderando Chriflum Dominum fecundum humanitatem suam è fummis cælorum in nos proſpectantem, ſicut illum vidit Protomartyr Stephanus: & de eodẽ, myſtica Sponſa loquens, *en ipſe ſtat* (inquit) *poſt parietem, reſpiciens per feneftras, proſpiciens per cancellos.* Siue denique ipſummet Chriftum ſecundum eandem humanitatem nobis aſtantem proponendo; aut ſub ſanctiſſimi Sacramenti Act. 17.

speciebus realiter præsenté adorandó.

Post diuinæ præsentia cogitationem, aliquo ex his modis simpliciter ac breuiter conceptam, subsequi debet humilis & supplex diuinæ opis in-

2. *Cor.* uocatio, cum *sufficientes non simus cogitare aliquid ex nobis, quasi ex nobis; sed sufficientia nostra ex Deo sit*, dicat igitur orans cum Regio Prophetæ.

3. *Pf. 50.* *Ne proijcias me à facie tua, & spiritum sanctum tuum ne auferas à me: Illustra faciem tuam super seruum tuum, & confidebo mirabilia de lege tua: da mihi intellectum & scrutabor legem tuam, & custodiam illam in toto corde meo.*

Poterit etiam vtiliter inuocari auxilium & intercessio sanctissimæ Deiparæ Virginis, nec non sancti Angeli Custodis, & aliorum sanctorum erga quos peculiari deuotione quis affectus est.

Subiungunt quidam hic ipsius mysterij meditandi propositionem siue per quandam speciem in imaginatione, siue per simplicem fidem in intellectu, quod cuiusque arbitrio relinquitur, vt scilicet id præter quod ad iuuandam attentionem vtilius sibi fore existimabit.

Hac præparatione breuiter præmissa, ipsius orationis mentalis præcipua pars aggredienda est, quæ in actibus tui intellectus, tui voluntatis consistit: in actibus quidem intellectus, mysterij pro-



propositum meditando, illiusque veritates circumstantiasque omnes attente considerando, & considerationes illas sæpius iterando, vt sic iuxta Psalmistæ dictum *in meditatione exardescat, ignis*; id est, vt in voluntate, Pf. 38.  
 pij affectus exercitentur, v.g. doloris de peccatis, timoris iudiciorum diuinorum, spei in Diuina misericordia, desiderij gloriæ cælestis, dilectionis & charitatis in Deum & proximum, compassionis super Christi doloribus & passione, & alij similes, qui demum in voluntate ipsa firmas producere & efformare debent resolutiones, tum deuitandi peccata, tum virtutes consecrandi, tum etiã vtendi mediis ad vtrūque propositum consequendum aptis.

Subsequitur ipsius orationis conclusio, quæ constat tum gratiarum actione pro gratijs in oratione acceptis; tum oblatione eorundem affectuum & resolutionum vna cum meritis Christi Domini; tum denique supplicatione, qua ipsius gratiæ diuinæ continuatio & augmentatio instanter postuletur, cuius ope in resolutionum præconceptarum executione fideliter perseueretur.

Hæc sunt quæ Illustrissimus ille Præsul ad meditationem eo quo decet modo instituendam aptissima esse arbitratus est, quibus ex eiusdem men-

te, ad eundem finem quædam adhuc obseruanda supersunt.

1. Ut exacte ac fideliter, huic mentalis orationis exercitio tempus aliquod iuxta piam ac prudentis viri consilium quotidie impendatur, nec unquam omittatur nisi aut corporis valetudo, aut vrgens aliquod negotium obster. Docebit experientia, quantum hæc fidelitas & exactitudo, ad proficiendum & perseverandum in virtute, utilis & proficua sit.

2. Ut ad illud orationis mentalis, seu meditationis exercitium commoda aliqua & apta sumatur hora, qualis est matutina, animo tunc negotiorum & conuersationum incurfibus nondum implicato, & ad ipsius diei veluti primitias Deo offerendas melius disposito.

3. Ut locus etiam aptus & quantum fieri poterit, ab exterioribus distractionibus liber deligatur, idque iuxta monitum ipsius Christi Domini dicentis; *Tu autem cum oraueris intra*

*Matt. 6. in cubiculum tuum, & clauso ostio super te, ora Patrem tuum.*

4. Ut corporis habitus & gestus ad diuinum illud exercitium decenter peragendum debitè componatur: testatur quidem sacri Euangelistæ Christum Dominum sæpe in terram prostratum, & fere semper flexis genibus,

bus Patrem suum orasse; quod si filius dilectus ita se gessit, qualiter gerere se debet seruus inutilis & plerumque malus, multorumque delictorum sibi conscius: *Si enim dixerimus quia peccatum non habemus, ipsi nos seducimus, & veritas in nobis non est.* I. Jo. I.

5. Ut antequam ipsa oratio inchoetur, subiectum quod meditandum est in aliquo pio libro prius perlegatur: quod etiam vtilissime fieri posset pridie, post examen serotinum, & sic ea quæ in oratione meditanda sunt, & melius intellectu concipiantur, & tenacius memoriæ adhæreant; & ita euagationibus, distractionibusque, aditus omnis intercludatur.

6. Ut præcipuus in oratione locus detur affectibus & resolutionibus; & ipsæ resolutiones generales ad casus particulares reducantur, ita ut si fieri possit, ipsæmet die in praxim mittantur, effectumque aliquem obtineant. Hic est enim veluti totius meditationis fructus, quo deficiente non modo inutilis, sed & nociua esse potest: nam virtutes in meditatione degustatæ, nec postea executioni mandatæ, extollunt animum, qui ut plurimum sibi se talem esse blanditur, qualem in oratione fore proposuit.

Si ergo in meditatione aliquis v. g. Christi Domini erga calumniatores,

& inimicos clementiam & charitatem considerans ad illius exemplum confectandum exciterur, proponatque sibi aduersos & infensos diligere, ipsique benefacere: hoc etiam in particulari sibi faciendum proponat, erga hunc vel illum, à quo talem iniuriam aut offensam accepit, vel cuius animum sibi iniquiorem expertus est, ut scilicet eum ipsomet die conuenire apud se decernat, verbisque ad mitigandum animum aptis alloqui, & etiam aliquo charitatis officio aut obsequio præuenire.

Denique ut ab oratione, non statim animus in exteriores occupationes totus effundatur, sed paulatim, & si id commode fieri queat, seruato aliquantulum silentio: ut sic per affectus in animo concepti diutius retineantur, & altiores in corde radices agant.

## C A P V T. V.

*De Officio diuino, à Sacerdote, alijsque personis Deo sacris priuatim persoluendo.*

**O**fficij Diuini nomine intelligimus solemnem illum publicæ orationis

nis ritum, qui ab Ecclesia præscriptus est, & ita sapienter dispositus, vt nihil melius ad Dei gloriam, vel ipsorum ministrorum Ecclesiasticorum, totiusque populi Christiani pietatem & deuotionem excitandam, aut cogitari, aut institui potuerit.

Constat enim Officium illud variis Psalmodijs, Hymnodijs, Canticis, Antiphonis, Lectionibus, Capitulis, Responsorijs, Collectis, Versiculis, tum ex Scriptura, tum ex libris & Historijs sanctorum pulcherrimo ordine & forma decentissima sibi inuicem coherentibus, & ad diuinum cultum perficiendum commodissimè & sanctissimè dispositis: quæ quidem licet non omnia eodem instituta sint tempore, non sunt tamen casu & fortuito, sed summo consilio sic ordinata, vt nihil omis- sum videatur, quod opportunum esse possit ad mentem humanam, excusso torpore, in Deum excitandam, & per actus fidei, spei, charitatis, religionis, laudis, gratiarum actionis, simi- liumque virtutum ipsi viuendam.

Porro in septem partes quæ vulgato nomine septem horæ canonicæ nuncu- pantur, partitum fuit istud officium: quia nimirum cum *septies in die iustus*

*Prou. 24*  
*Com-*  
*ment. in*  
*Iob. c. 38*

tem spiritus nequiores se in nostram

per-

perniciem assumat: septies proinde diuinam opem inclamare, & septiformis spiritus gratiam supplicibus votis exposcere debemus; ut & sursum asurgere, & tot aduersantibus hostibus resistere valeamus.

Cum autem duplici modo in Ecclesia diuinum illud officium peragatur, vel publice scilicet, vel priuati, de priuata illius recitatione breuiter hic aliquid dicemus, de solemni & publica sequenti capite acturi.

Atque in primis nemini dubium est quod a maximè momenti sit huiusmodi officium etiam priuatim à Sacerdotibus, aliisque personis Deo sacris eo quo docet modo persolui; præterquam enim quod ad id strictè obligantur, nec nisi cum peccati reatu possint illud vel omittere, vel absque attentione aut dispositione debita recitare; sanè in Concilio Aquisgranensi primo dicitur Sacerdotes, alioque ad id obligatos,

cap. 130 *memores Angelica præsentia, cum timore & ueneratione competenti coeleste officium complere debere; ne si, quod absit, id negligenter, inhonestè, vel tepide expleuerint; in sententiam, qua dicitur, maledictus homo qui opus Dei facit negligenter, miserabiliter delabantur.*

Cæ. Tre. *Quid est etiam ut in alio Concilio dicitur uoce psallere, mente autem domum aut*

CHRISTIANVS. III

aut forum circumire, nisi homines fallere, & Deum irridere.

Quare in Concilio Lateranensi sub cap. De Innocentio III. districte, & in-virtute lentes, obedientia præcipitur ut diuinum officium, nocturnum pariter & diurnum studiose ac deuotè celebretur.

( Studiosè ) quoad officium oris, vt glossa interpretatur: id est, vt verba debite proferantur, non gutture vel inter dentes, seu deglutiendo syllabas, aut syncopando dictiones, sed reuerenter, verbisque distinctis & vt decet eum qui ( vt loquitur D. Chrysostomus ) pro vniuerso terrarum orbe, legatus apud Deum, & deprecator intercedit.

Lib 6. de  
Sacerd.  
cap. 3.

( Deuotè ) quoad officium cordis, id est, vt hoc versetur in corde quod profertur in ore: si enim ( quod rectè monet Cassianus ) cum sublimi alicui homini non dicam pro vita aut salute nostra, sed etiam pro alicuius lucri commodo supplicamus, totam in eum, & mentis & corporis aciem defigentes, de nutu eius irapida expectatione pendemus, &c. quanto magis cum illi occultorum omnium cognitori supplicamus, intenta atque sollicita oratione ipsius clementia imploranda est; nec enim solum leui peccato, sed grauissimo etiam crimine impietatis astringitur, qui precem Domino fundens, subito à conspectu eius quasi ab oculis non videtur.

Collat.  
23. 6. 7.

tis, nec audientis, improba cogitationis vnitatem securus abscesserit.

*Serm. de  
orat. Do  
m.*

Sapienter omnino & appositè S. Cyprianus; Cum astamus (inquit) ad orationem, vigilare & incumbere ad preces toto corde debemus, cogitatio tunc cunctis carnalis & secularis abscedat, nec quidquam tunc animus quam id solum cogitet, quod precatur: qua autem segnitia est alienari & capi ineptis cogitationibus & prophanis, cum Dominum deprecaris? quasi sit aliud, quod magis debeas cogitare, quam quod cum Deo loqueris? quomodo te à Deo audiri postulas, cum te ipse non audias? vis esse Deum memorem tui, quando tu ipse memor tui non sis?

Ex his similibus sanctorum Patrum monitis, facile est colligere, duo præfertim ad debitam horarum canonicarum in particulari recitationem requiri.

Primum est, ut attento animo nec ullis alijs cogitationibus voluntariè distracto recitentur: ad conciliandam vero attentionem, distractionesque vitandas, iuvabit ante ipsius officij inchoationem, Psalmos, Antiphonas aliasque eius partes, nec non commemorationes si quæ faciendæ sint, prævidere & præparare; locumque & tempus aptum deligere, corpus decenter & religiose componere: animum ab exterioribus auocare & coram



ram Deo sistere, & cum recitatur officium, illius verba distinctè proferre, ad illorum sensum vel ad ipsum Deum, attentum se præbere, & (vt rectè monet S. Augustinus) *si Psalmus orat, orare, si gemit, gemere, si gratulatur, gaudere; si sperat, sperare; si timet, timere.* In Psal.  
30.

Secundum est vt deuotè, & cum pio cordis affectu ipsæ horæ recitentur; ad quod quidem conferre multum poterit, si cor humiliatum & contritum Deo, in ipso horarum exorsu offeratur: si intentio ad Deum laudandum, benedicendum, & glorificandum, vel ad gratias ipsi pro acceptis beneficijs agendas, aut satisfactionem aliquam pro peccatis exoluendam, vel eius gratiam innuocandam dirigatur: si in ipso officij decursu diuinæ præsentis memoria, & cogitatio renouetur: denique vt loquitur D. Bernardus. *Si cum*

*immolatur*

*hostia*

*Serm. 1.*

*in ead.*

*laudis iungatur sensus ver-*

*bis; affectus sensui;*

*exultatio affectui;*

*grauitas exul-*

*tationi.*

## CAPVT VI.

*De publica Diuinorum Officiorum celebratione.*

- V**Sus psallendi, hymnosque in Ecclesia concinendi, & Officia diuina publicè ac solemniter celebrandi haud dubiè antiquissimus est: *David Lib. 17. ipse (vt loquitur S. Augustinus) erat de ceteris. vix in canticis peritus, qui harmoniam cap. 14. musicam non vulgari voluptate, sed fidei voluntate dilexerat, &c. is cantores instituerat, qui operam arae foederis Domini musicis instrumentis, & modulatis vocibus decantarent, & post Christi Plin. 2<sup>a</sup>. Euangelium promulgatum, fideles lib. 10. huic pio Religionis officio tanto affectu addictos fuisse constat, vt etiam epist. 67. Ruffin. in medijs persecutionum procellis, lib. 1. His quod vel ipsi Ethnici testantur, ab illo non desisterent, quin potius coram flor. Tyrannis & persecutoribus illud con- Eccl. 6. stanter profiterentur.*

Quam verò gratus & acceptus Deo sit ritus ille diuinas laudes solemniter & publicè decantandi, cum plurimis rationibus & exemplis probari possit, tum maxime ex eo quod ipsimet beati spiritus Psalmodiam & Hymnodiam

nos

nos edocere non dedignati sint: refert  
 siquidem Cassianus pia quadam con-  
 tentione inter Ascetas Aegyptios ob-  
 orta, quis quotidiano cultui Psalmo-  
 rum numerus conveniens esset, alijs  
 quinquagenos, alijs sexagenos, non-  
 nullis adhuc plures ad divini Officii  
 complementum requirentibus: cum  
 iam instanti solemnitatis vespertinae  
 hora, quotidianos orationum ritus ce-  
 lebrare vellent, vnus praestanti forma  
 iuuenis, nescio quid immortale spi-  
 rans, in medium Psalmos decantatu-  
 rus exurrexit & cunctis in psallentis  
 verba omni cordis intentione defixis,  
 duodecim Psalmos caelesti quadam  
 vocis modulatione decantauit, illisque  
 finitis, ad vniuersorum oculis repente  
 sustractus, quaestioni pariter & ca-  
 remonijs finem imposuit.

Discimus etiam ex Historia Eccle-  
 siastica Theodosio iuniore imperan-  
 te, & Proclo Constantinopolitanae  
 Ecclesiae clauum tenente, cum ob gra-  
 ues terrae motus urbem concutientes,  
 vniuersus populus in campos vrbi vi-  
 cinos confugisset, ibique ad propitian-  
 dum Deum, eiusque misericordiam  
 exorandam preces funderet, puerum  
 derepentè inspectantibus cunctis in  
 sublime raptum fuisse, & post horam  
 aut circiter terrae redditum retulisse,  
 quasi voces plurimorum alternatim  
 psal-

*Lib. 2.  
 Inst. c. 5*

*Nicod.  
 lib. 14.  
 cap. 5.*

psallentium, & *trisagion* concinentium, se è coelo audiuisse, dictumque sibi ut eum psallendi, Deumque laudandi ritum populo indicaret: quo subinde factum est ut cessante omni terræ motu, securus in urbem ingrederetur.

Neque solum diuinis laudibus celebrandis, sed & deuotioni fidelium excitandæ aptissimus est hic ritus, si conuenienter perficiatur; quod D. Augustinus testatur in confessionibus, ubi de seipso loquens, *Quantum* (inquit) *fleui in Hymnis & Canticis tuis, suauisonantis Ecclesiæ tuæ vocibus commotus: acriter voces illæ influebant auribus meis, & aliquabatur veritas tuæ in cor meum, & ex ea affluabant: inde affectus pietatis, & currebant lachryma, & bene mihi erat cum eis, & alio in loco, Cum reminiscor* (inquit) *lachrymas meas quas fudi ad cantus Ecclesiæ tuæ in primordiis recuperata fidei meæ; & nunc ipso commouor non cantu, sed rebus quæ cantantur, cum liquida voce, & conuenientissima modulatione cantantur, magnam instituti huius utilitatem agnosco.*

Ex quibus huius S. Doctoris verbis alijsque testimonijs, & exemplis, supra relatis, colligi potest quanti momenti sit, ut Officia diuina quæ solemni ac publice fiunt in Ecclesijs, eo quo decet modo peragantur. Sanè  
 Illu.

Illustrissimus Octavius Frangipanus  
Episcopus Tricariensis in suo discipli-  
næ Ecclesiasticæ directorio dicit; *Quod*  
*si in quibuslibet Ecclesiastica reformationis*  
*capitibus sollicite, magnaue animi con-*  
*tentione laborandum est, ut nihil inor-*  
*dinatum remaneat, nihil integritatis sua*  
*splendori non restitutum: multo magis con-*  
*tendendum est, & feruenti zelo curandum,*  
*ut diuinis Officijs sacrosancta reddatur*  
*maiestas, omniaque in his viuum atque*  
*perfectam in Deum fidem, spem & cha-*  
*ritatem redoleant. Additque, quod val-*  
*de notandum est, diu stare Christia-*  
*nam Religionem non posse, ubi fides, spes,*  
*charitas in diuino cultu non subsistit*

*Tit. de*  
*diu. offic.*

Ut igitur cuius sacro ministerio as-  
criptus, officiorum diuinorum publicæ  
celebrationi non modo conuenienter  
interfit, sed & pio ac deuoto ani-  
mi affectu cooperetur, ac (ut Scri-  
ptura loquitur) *Domino sapienter psal-*  
*lat, ex præfato Directorio quædam*  
*selegimus obseruatu dignissima, quæ*  
*ad debitam huius religiosi muneris*  
*exolutionem vtilissima, & aptissima*  
*esse existimauimus.*

*Ps. 96.*

Cum itaque aderit hora diuini Officij  
celebrandi (inquit) quisque cum omni *Sup.*  
alacritate primus in excubijs Domini in-  
ueniri studeat, non vanum nec inane re-  
putans, aut in die æterna retributionis ne-  
gligendum, si alios semper prauenerit su-  
due.

duerit, ac prior Dominum salutare: & plus damnationis quam laudis habere, adeoque repidi, fastidiosi, negligentis, otiosi que animi indicium esse, ad vicinum campana motum expectare, & avari, irreligiosi que hominis pra se ferre notam, desinente campanarum sono, ad Ecclesiam certatim accurrere, & instar venatorij canis hianse ore spiritum trahere.

Vbi quisque templum fuerit ingressus, corpore & mente ante tabernaculum Corporis Domini in genua prouolutus, per virtutem, ac mysterium illius Sacramenti, sese Deo breui & ardenti oratione commendat, atque in illam tanquam unicum totius Divini cultus principium, medium & finem, omnem intentionem atque attentionem animi configat; indeque mox cum silentio in chorum ad locum suum se conferat.

Porro si usquam vultu, moribus, affectu, totiusque exterioris, & interioris hominis compositione declaranda in Deum pietas, atque religio est, ea in templo, in choro, in ipsis divinis Officijs, ac publicis religionis exercitijs declaranda est: parum enim in Deum pius ac religiosus esse convincitur qui hic irreligiosus invenitur.

In choro nemo privatum sibi officium dicat, & vocem choro subtrahat, nemo libros, litteras, aliaque scripturas legat, nemo ut alterius errorem corrigat, murmurando, rixando, contentiose clamando.

do, obstrependo, vel alio modo publicum officium interturbet; unus cum alio non colloquatur, non hac illacque vano animo curiosoque oculo circumspiciat, minus huc atque illuc per templum vagetur, aut confabulandi gratia in sacristiam, aut sacrum, vel alium angulum secedat, sed nec locum quietem mutet, nec e choro egrediatur nisi peractis ex toto Divinis Officijs.

Angelicum cantandi officium non pigri, non somnolenti, non oscitantes, neque parcentes vocibus sed alacriter perficiunt, & quo maiore funguntur honore, quomodo nobilitatis genere secundum carnem fuerint clariores, eo clariores voce, & affectu omnes pariter, senes cum iunioribus, sine ulla reprehensibili verecundia, aut rubore in psalmis, hymnis, & canticis laudant nomen Domini.

Singuli versus, singula verba, singulaque syllaba ad gloriam, honorem & cultum Dei, ad cantantium & audientium edificationem, studiosè, reuerenter, distinctè, clarè, ac intelligibiliter, deuoteque pronuntiantur; ut canticum & audientium mens sensum verborum percipiat, priusquam verba ipsa transmittantur. minime vero syllaba syllabis verba verbis, versus versibus inuoluantur. Præterquam enim quod præceptum & inordinatus cantus cultui Dei plus detrahat, quam adiciat; populum magis scandaliset,

set, quam ad pietatem & deuotionem excitet; magnam quoque animi impotentiam, atque imperfectionem cantorum, arguit, eosque potius effrangi quodam animi impetu rapi, quam recta rationis imperio duci conuincit.

Omnis cantus ea moderatione inchætur, ut cum suauis vocis modulatione sine recondita vociferatione, boatu, vocisque raucedine perfici queat, ita ut vere cantus sit & non clamor, aut diuersarum vocum strepitus.

Siue stent, siue in genua procumbant, siue sedent, ab omni indecoro innixu, siue in scamnum, siue in murum, vel aliquid aliud abstineant. Denique ita se in omnibus religiosis officiis gerant, ab hisque diuinus cultus sic peragatur, ut nihil in eo desideretur quominus & Deo gratus sit, & hominibus placitus, eosque non modo aliquid in eo non offendat, sed omnia adificent, instruant atque reficiant.

## CAPVT VII.

### *De sacrosancto Missæ Sacrificio.*

In Phi-  
los. p. 2.  
cap. 14.

**N**on sine maxima ratione Illustrissimus Episcopus Gebennensis, sacro-



sacrosanctum Missæ sacrificium nuncupat exercitiorum spiritalium solem, centrum Christianæ Religionis, cor ipsius deuotionis, pietatis animam, denique ineffabile mysterium, quod ipsammet diuinæ charitatis abyssum comprehendit; Siue enim perpendamus admirabilem sacrificij illius cunctorum Domini mirabilium memoriam complectentis institutionem, siue supremam & infinitam primi principalisque Offerentis dignitatem, siue hostiæ quæ offertur excellentiam inexplicabilem, siue sacræ illius actionis valorem inexhaustum, illiusque fructus & effectus inæstimabiles; omnia in illo mysterio inueniemus summa, excelsa, sancta, ac prorsus Diuina, proindeque omni cultu, reuerentia, & honore dignissima.

Quando sacrificamus (inquit D. Ambrosius) Christus adest, Christus immolatur, ideoque per id tempus (vt recte infert S. Chrysostomus) & Angeli In c. 1.  
Luc. Sacerdoti assident, & celestium potestatum uniuersus ordo clamores excitat, & locus altari vicinus plenus est Angelorum choris in honorem illius qui immolatur. Lib. 6 de  
Sacerd.  
cap. 4.

Quis enim fidelium dubitet (ait S. Gregorius) in ipsa immolationis hora, ad Sacerdotis vocem cælos aperiri, in illo lesu Christi mysterio Angelorum choros adesse, summis inna sociari, terrena celestibus iungi. Lib. 4.  
Dialog.  
cap. 58.

F

Qua

Lib. 3. de  
Sacerd.  
cap. 4.

Quare merito supra citatus B. Chrysostomus fidelem quemque sacro altari astantem sic affatur; *Dum conspicias Dominum immolatum, & illic situm, Sacerdotem sacrificio incumbentem, ac preces fundentem, tum vero turbam circumfusam pretioso illo sanguine inungi, ac rubesceri, etiamne te inter mortales versari, atque in terra consistere censes? an non potius è vestigio in cœlos transferris an non carnis cogitationem omnem atijciens nudo animo pura mente, circumspicias quæ in cœlo sunt.*

Hom. 83  
in Matt.

Quo igitur solari radio (inquit idem S. Pater) non puriorem, ac splendidiorrem esse oportet manum carnem hanc diuidentem? linguam quæ tremendo nivis

Lib. 6. de  
Sacerd.  
cap. 4.

sanguine rubescit? Nonne (ut alio in loco recte subdit) accedentem ad altare Sacerdotem, luminis instar orbem illustrantis, animum splendescentem habere oportet? sicque purum esse, ac si in ipsis

Lib. 3. de  
Sacerd.  
cap. 3.

calis collocatus inter caelestes illas virtutes medius staret.

Sess. 22.  
in decr.  
de obser.  
uand. &  
euit. in  
celebr.  
Miss.

Ex his, & similibus sanctorum Patrum effatis liquet, quanta adhibenda cura sit (quod in sacro Concilio Tridentino edicitur) ut sacrosanctum Missæ sacrificium omni religionis cultu celebraretur: quod quivis facile existimare poterit, qui cogitarit maledictum in sacris litteris eum vocari, qui opus Dei facit negligenter. Quod si necessario fatemur nullum

lum aliud opus adeo sanctum, ac diuinum à Christi fidelibus tractari posse, quam hoc ipsum tremendum mysterium, quæ uiuifica illa hostia qua Deo Patri reconciliati sumus, in altari per Sacerdotes quotidie immolatur: satis etiam apparet omnem operam & diligentiam in eo ponendam esse, ut quanta maxima fieri potest interiori cordis munditia, & puritate, atque exteriori deuotionis & pietatis specie peragatur.

Quod ut perfectius quiniis Sacerdos exequi possit, ex ipsius Concilij Tridentini, aliorumque Conciliorum decretis, & varijs Ecclesiasticis regulis ea breuiter hic excerpimus, quæ obseruatu dignissima & ad propositum nostrum accommodatissima visa sunt.

In præfato igitur Concilio Tridentino prohibentur in primis cuiusvis generis mercedum conditiones, pacta, illiberalesque ac importuna pro Missis celebrandis, elemosynarum exactiones, potius quam postulationes; aliaque huiusmodi quæ à Simoniacæ labe, vel certe à turpi quæstu, non longe absunt. Sup.

In eodem etiam statuitur; Ne in priuatis domibus atque omnino extra Ecclesiam, & ad diuinum tantum cultum adiecta oratoria, ab ordinarijs designanda, & visitanda, sanctum hoc sacrificium à secularibus, aut regularibus quibus-

cumque peragatur : ac nisi prius qui inter-  
sunt decenter composito corporis habi-  
tu, declarauerint se mente etiam ac deuoti-  
cordis affectu, & non solum corpore adesse.

Item ut arceantur ab Ecclesijs musica  
ea, in quibus sine organo, sine cantu, la-  
sciuum aut impurum aliquid miscetur,  
seculares etiam omnes actiones, vana at-  
que adeo prophana colloquia, deambula-  
tiones, strepitus, clamores, ita ut domus  
Dei vere domus orationis esse videatur, &  
dici possit.

Prohibetur quoque ne in hoc diuino sa-  
crificio detur aliquis superstitioni locus,  
neque Sacerdotes alijs quam debitis horis ce-  
lebrent, aut ritus alios, aliasue ceremo-  
nias & preces in Missarum celebratione  
adhibeant, prater eas qua ab Ecclesia pro-  
bata, ac frequenter & laudabili vsu re-  
cepta sunt.

In Concilio Treuirensi edicitur, ut  
an. 1549 *sacra illa actio, in qua sacrificium pretij*  
cit. de *nostri, corpus scilicet & sanguis Christi,*  
Miss. *veraciter offertur pro viujs & defunctis*  
*summa religione & deuotione peragatur,*  
*ac sedulo frequentetur & celebretur, eo*  
*modo, & his ceremonijs & ritibus obser-*  
*uatis qua Romana seruat Ecclesia.*

Item ut dum Sacerdos sacrum factu-  
rus in sacrario induitur, nemo ibi confa-  
bulari presumat, unde ipsius deuotio in-  
terturbetur.

In Concilio Colonienfi. *Ut ea qua*  
in

in Missa elatiore voce dicenda sunt, cum an 1536  
reuerenda modestia clare, distincte & p. 2. c. 13  
exeritè legantur: itaut qui audiendi sa-  
cri causa adstat, quid legitur intelligat,  
atque ad pietatem exciterur.

In Concilio Mediolanensi primo Titul. de  
plurima eaque notatu dignissima de-  
cernuntur, ac præ cæteris ut Sacerdo-  
tes in Missa celebratione ceremonias à Ro-  
mana Ecclesia institutas ad unguem ser-  
uent, nec alias adhibeant: ut ab omni in-  
decoro & absurdo capitis, oris, & reliqui  
corporis motu abstineant; ut propter erro-  
ris casum qui in omni parte Missa grauis,  
in canone grauior, in ipsa vero consecra-  
tione grauissimus est, Missam legant, non  
vero memoriter discant. Ut quo puriores  
ad diuinam rem faciendam accedant,  
saltem singulis hebdomadibus peccata sua  
confiteantur; nisi eos ob mortalis peccati  
culpam frequentius id facere oportuerit.  
Ut antequam celebrent se colligant, &  
orantes mentem in tanti mysterij cogitatio-  
ne desigant. Ut sacris vestibus induti cum  
nemine colloquantur, neque loquentibus  
dent aures, mentemque & oculos ab omni-  
bus amoueant quibus distrahi possent.

In decretis generalibus Illust. Summi  
Francisci Bonhomij Episcopi Vercel- Tit. de  
lensis edicitur ut Sacerdos Missam ce-  
lebraturus, antequam ad altare acce-  
dat, diligenti prius examine conscientia  
sua latebras discant, neque ad confessio-  
nem.

vi probati pedes se prosternat octavo quæ die, etiam si grauioris delicti reum se esse non sentiat: deinde ut mente recogitet, ac pie meditetur mysterij quod tractaturus est altitudinem atque excellentiam, tum propriam ipsius miseriam ac vilitatem, immensum quoque Christi erga nos amorem, ac charitatem qua in Sacramento illo mirabiliter elucet, tum suum in diligendo torporem, ac prope contumaciam, totumque se in immensam illam misericordiam projiciens interno cordis clamore se tanto hospite indignum esse cognoscat, & coram Domino fatetur.

*Tit. de  
diu. Of-  
fic.*

In Directorio Illustrissimi Octauij Frangipani Episcopi Tricaricensis monetur Sacerdos; ut quotidiana aut saltem frequentihuius diuini sacrificij repetitione, ac reflectione magis magisque in pietate, omniique Sacerdotali virtute crescat, augeatur, ac virili robore & constantia confirmetur; ut sacrificia quanto crebrius facit, tanto sanctiora faciat: quod fiet si animum suum rediuiuo spiritu quotidie innouet, & seu nouus homo, nouusque Sacerdos, ac quasi nunc primum Sacrificaturus, nouo peccatorum odio, nouaque soli Deo deseruiendi voluntate, alacritate ac constantia renouiscat.

Item, ut cum omni attentione; distinctione, grauitate, animique sedatione, singula quæ ad sacrum

Mis.

„ Missæ officium pertinent, à Sacerdo-  
 „ te celebrante pronuntientur, utque  
 „ nec nimium præceps aut festinus,  
 „ nec etiam æquo tardior sit aut pro-  
 „ lixior; maioremque ædificationis  
 „ publicæ, quam proprij sui affectus  
 „ rationem semper habeat.

„ Peracto denique sacrosancto Mis-  
 „ sæ Sacrificio non minori cura quam  
 „ ad antecedentem Missæ præparatio-  
 „ nem requirebatur, quisque in omni  
 „ silentio ac quiete actionum, locu-  
 „ tionum, sensuum & cogitationum  
 „ sese contineat; & si per occupatio-  
 „ nes diu non potest, paulisper tamen,  
 „ & per quartam aut octauam saltem  
 „ horæ partem deuotè secum medite-  
 „ tur, & intenta cogitatione perpen-  
 „ dat, quis? quid egerit? qua deuotio-  
 „ ne? quo fine? quo fructu hoc ipsum  
 „ peregerit? omneque imperfectum  
 „ suum, omnem animi sui languorem,  
 „ cæcitatem, vincula, ac colligatio-  
 „ nes vanitatis, malas ac inolitæ con-  
 „ suetudines, peccandique pericula,  
 „ & necessitates, sibi ante oculos suos  
 „ ponat; & cor suum, omneque desi-  
 „ derium coram Deo effundat, eius-  
 „ que adiutricem gratiam suppliciter  
 „ imploret; & virtute ac seruire illius  
 „ cibi quo refectus & animatus est,  
 „ tota voluntate; animique conten-  
 „ tione, vel vnum saltem defectum

„in proximi sacrificij diem expugnans  
 „dum extirpandumque suscipiat.

*Philos.*  
*part. 2.*  
*cap. 10.*  
*§ 22.*

Addamus pro coronide Illustrissimi Episcopi Gebennensis dictum omni acceptione dignum circa frequentem huius diuini mysterij vsum, quod quidem Sacerdotes illius quotidianæ celebrationi assuetos præsertim spectat.

„Duo genera hominum (*inquit*),  
 „frequenti huius Sacramenti participatione indigent: perfecti quidem,  
 „cum enim sint optime dispositi, vituperio ipsis verteretur, si ad perfectionis fontem non accederent: im-  
 „perfecti autem ut ad perfectionem possint aliquando pertingere: fortes,  
 „ne debilitentur, debiles ut roborentur: infirmi ut sanitatem recuperent: sani ne in morbos incidant:  
 „(*subiungit postea*) eos qui multis sæcularibus negotijs impliciti sunt  
 „sacram Eucharistiam frequenter percipere debere, eo quod eius virtute  
 „& præsidio indigeant, sicut illi qui plurimis laboribus attenuantur vires solidis cibis crebro reficere opus habent: denique sanctissimum hoc  
 „Sacramentum sæpe percipiendum esse, ut quomodo dignè percipi debeat experientia ipsa discatur: minus siquidem recte fit illud quod  
 „raro fit.

*Alio*



„ *Alio nihilominus in loco sapienter ad-*  
 „ *monee, ad quotidianam huius san-*  
 „ *ctissimi Sacramenti perceptionem,*  
 „ *requiri dispositionem quandam exi-*  
 „ *miam & exquisitam, talemque ut*  
 „ *non modo quis ab omni peccato*  
 „ *mortali, & peccati venialis affectu*  
 „ *immunis sit, magnoque illius diui-*  
 „ *næ communionis desiderio tenea-*  
 „ *tur: sed ut præterea plerasque è per-*  
 „ *uersis quas in se per sentit inclina-*  
 „ *tionibus subegerit, nec nisi de præ-*  
 „ *sentis, ac pij confessorij, seu spiri-*  
 „ *talis patris consilio quidquam in re*  
 „ *tanti momenti facere præsumat.*

## CAPVT VIII.

De Sacramentorum admini-  
stratione.

**C**um Ecclesia sacramenta, (ut lo-  
 quitur Tridentina Synodus, *ea Sess. 7. in*  
*proem.*  
*sint, per qua omnis vera iustitia vel inci-*  
*pit, vel cæpta augetur, vel amissa re-*  
*paratur; ac proinde ex illis tanquam*  
*è fontibus Salvatoris haurienda sit aqua*  
*illa vina, quam qui biberit, in æternum Ioan. 4.*  
*non sitiat, sed fiat in eo fons aquæ salientis*  
*in vitam æternam, hinc patet non*  
*modo quantum honoris & dignitatis*

Sacerdotibus Christianis accedat, ex supernaturali ipsis concessa potestate, dona illa cœlestia dispensandi, sed etiam quantum diligentiae, ac sollicitudinis in dispensatione illa debite exequenda ab ipsis requiratur.

- Verè equidem de quolibet Christiano Sacerdote dici potest; quod *manus illius tornatiles aurea plena sint hyacinthis fidelium utilitati ab ipso disper-tiendis*. Vere manus illæ Sacerdota-les post solemnem victionem, *distil-lant myrrham primam & probatissimam* persanandis peccatorum quorumcum-que vulneribus saluberrimam: sed ex hoc strictius etiam obligatur cauere ac *prospicere, ne mittant margaritas illas cœlestes ante porcos, neue sanctum cani-bus dare velint*.
- Can. 5.* *Matt. 7.*

Dicant igitur cum Apostolo fiden-ter omnes quotquot sunt Sacerdotali *1. Cor. 4* caractere insigniti; Sic nos existimet ho-mo ut ministros Christi & dispensatores mysteriorum Dei; sed non omittant quod sequitur, *Hic iam quaritur inter dispensatores, ut fidelis quis inueniatur*, nec solum hic, sed præsertim in futuro diuini iudicii examine, inquiretur ex-actissimè quis inter dispensatores fide-lis inuentus sit? quis illo dispensandi munere fideliter functus?

Vnde intelligitur, quod quò maior & sublimior est ipsorum Sacramento-rum

rum dignitas & excellentia, & quò salubrior & vberior eorum fructus, eo etiam maiori Religioe ac pietate tractanda, eo diligentiori cura & sollicitudine fidelibus populis dispensanda sunt: non enim leuior quam impietatis & sacrilegij reatus in indebita eorum contrectatione & ministrante incurritur; nec, ut ait S. Augustinus, nisi impie contemnitur id sine quo pietas ipsa perfici non potest.

„ Curent itaque Sacerdotes quot-  
 „ quot Sacramenta ministrant (ut  
 „ edicit Illustrissimus Antistes Tricarion-  
 „ sis) non solum ut Sacramentorum  
 „ formas perfectè & debita cum at-  
 „ tentione pronuntient, omniaque  
 „ & singula, quæ ad substantiam Sa-  
 „ cramentorum, & externum rei præ-  
 „ sentis decorem ac maiestatem per-  
 „ tinent: sed & ut ipsi ab omni re quæ  
 „ Diuinam Maiestatem offendere quo-  
 „ quomodo possit, sancti fiant & im-  
 „ maculati: ne dum aliorum salutem  
 „ promouere student, sibi ipsis gra-  
 „ uiores damnationem acquirant; &  
 „ indignis modis Sacramenta tractan-  
 „ do indignationem & iram Dei super  
 „ se ac populum inducant.

„ Et quamuis nullius sibi criminis,  
 „ aut offensionis fuerint consci, nihil  
 „ tamen ex consuetudine agendi, aut  
 „ temere, aut perfunctoriè agant: ac

Lib 19.  
cont.

Fauf.  
cap. 11.  
In direc-  
tor. Ec-  
cles. dis-  
cipl. tit.  
de Sacra-  
ministr.

„ de suis meritis nihil altum sapien-  
 „ tes supplices in timore Dei, ante  
 „ ipsum Deum prostrati, breui ora-  
 „ tione pro se, & pro illis quorum sa-  
 „ lutis causam acturi sunt, magno af-  
 „ fectu & desiderio Deum deprecen-  
 „ tur, ac innouationem spiritus, ne-  
 „ cessariamque Dei gratiam implo-  
 „ rent.

„ Studeant insuper ut Sacramenta  
 „ quaecumque ab ipsis non nisi ex mo-  
 „ re Ecclesiae Catholicae, & praescri-  
 „ ptione Ritualis seu libri Pastoralis  
 „ propriae dioecesis ministrentur; adhi-  
 „ bitis omnibus Ecclesiasticis caeremo-  
 „ nijs, ac pijs ritibus pro ratione cuius-  
 „ que Sacramenti, ex dictamine ipsius  
 „ Pastoralis libri adhibendis.

*sess. 7.* Sanè in Concilio Tridentino ana-  
*cap. 13.* thema profertur in eum qui dixerit,

*receptos & approbatos Ecclesiae ritus in  
 Sacramentorum administratione adhibe-  
 ri consuetos, aut contemni, aut sine pec-  
 cato à ministris pro libito omitti, aut in-  
 novos alios per quemcumque Ecclesiarum  
 Pastorem mutari posse: & in Concilio*

*Titul. de* Mediolanensi quinto, hoc inter cæte-  
*ijs qua* ra Sacerdotum officia praesertim requi-  
*ad Sacra* ritur: *Ut sanctissima sacramenta qua*  
*menta* divina gratia instrumenta ad sanctifican-  
*perlinet.* das animas à Christo Domino instituta  
 sunt, non solum purè, sanctè, religioseque  
 ipsi tractent: usum etiam ritus ac caeremo-

monias teneant atque adhibeant, qua in illis administrandis sancta Ecclesia instituta, atque usu comprobata sunt.

Præterea cum dona illa celestia, *Part. 2.*  
non solum sine *Simonia labe* (vt in Con- *tit. de ijs*  
cilio Mediolanensi quinto edicitur) qua ad  
verum etiam sine avaritia suspitione dis- *sacram.*  
pensanda sint; ideo cauere debent Sacer- *admin.*  
dotes, ne in eorum administratione quid- *spectat.*  
quam exigant; aut etiam verbis vel si-  
gnis, directè vel indirectè petant.

Quamuis enim (vt monet *Trica-*  
riensis Episcopus) licitum sit Pastori- *In dire-*  
bus ea quæ à fidelibus post Sacra- *ctor. Ec-*  
mentorum administrationem spon- *cles. dis-*  
te offeruntur accipere: imo etiam *cip. sup.*  
ea quæ iuxta laudabilem locorum  
consuetudinem eis debentur pera-  
cto ministerio exigere; (præsertim  
vbi potior pars victus atque susten-  
tationis Pastoralis à fidelium obla-  
tionibus pender: cauere tamen dili-  
gentissime debent, ne directè, vel  
indirectè pactiōem, aut contra-  
ctum aliquem pro Sacramento ali-  
quo ministrando, aut quouis alio  
Pastorali officio exercendo ineant. *Part. 7.*

Quia vero in Sacramentis, (vt *cap. 2.*  
docet *Coloniense Concilium*) aliud vi-  
detur, atque aliud agitur; instru-  
endus est populus in cuiuslibet Sacra-  
menti exhibitione, quid in huiusmo-  
di religioso arcano (id enim Sa-  
cra-

„cramentum sonat) agatur : cum  
 „enim in Sacramentis per signa quæ-  
 „dam sensibilia insensibilis gratia fi-  
 „gnis illis externis congruens infun-  
 „datur, excitanda est fidelium mens  
 „& deuotio in Deum, vt credentes,  
 „ac diuinum myſterium intelligen-  
 „tes, ad gratiam Dei & Saluatoris  
 „noſtri Ieſu Chriſti participandam  
 „accedant.

Quod ſi in ſuſcipientibus fides &  
 deuotio requiritur, potiori adhuc ra-  
 tione in illis qui diuina hæc myſteria  
 diſpenſant: non enim ſufficit ad Sacra-  
 mentale illud munus ritè obeuandū,  
 quod nullius culpæ lethalis ſibi con-  
 ſcij, quod ab auaritiæ, vel Simoniz  
 ſuſpicionē immunes; quod cum debi-  
 ta materiæ ac formæ adhibitione, in-  
 tentionis directione, rituumque præ-  
 ſcriptorum obſervatione Sacramenta  
 diſpenſent; niſi etiam fidem ac deuo-  
 tionem quam ab alijs exigunt, in ſeip-  
 ſis habeant.

**Coloſſ**

4.

Præſequam igitur Sacerdos ad Sa-  
 cramentum quodcumque conficien-  
 dum, aut conferendum accedat, ver-  
 ba illa Apoſtolica tanquam ſibi dicta  
 ſerio perpendat, *Vide miniſterium quod*  
*accepisti, vt illud impleas, cogita &*  
*mente perſpice quam eximium, quam*  
*admirabile ſit illud quod tibi, actio-*  
*nes es: Sicut enim* (inquit Emiſſenus)

ad

*ad nutum praeipientis Domini, repente ex nihilo substiterunt excelsa calorum, Sacra profunda fluctuum, vasta terrarum: ita parem potentiam in spiritualibus Sacramenti ministri verbis praebet divina virtus, & rei servit effectus.* *Hom. de mēt. cor po. Christi to. 9. oper. S.*

Vide igitur, o Sacerdos, ministerium tuum ut illud honorifices, aut saltem ne illud dedecore afficias: vide ne famulus sis aquae baptismali (ut sapienter monet D. Gregorius,) qua peccata baptismi diluens, illos ad caeleste regnum mittit, & ipsa postea in cloacam descendit. Vide & sollicitè cura te ipsum probabilem exhibere Deo & operarium inconfusibilem, qui non modo verba veritatis, sed & Sacramenta divinae charitatis, ea fide, ea deuotione quae Christi ministri decet, tractare ac dispensare studeas.

Porro cum ex septem Sacramentis quinque tantum sint, quorum dispensatio Sacerdotibus credita sit, Baptismi scilicet, Eucharistiae, Poenitentiae, Extremae-unctionis & Matrimonii, idcirco de illis agendum nobis est. Neque vero propositum est omnia hic evolvere quae ad Sacramentorum illorum theoriam & praxim spectant; de quibuscumque moralis Theologiae libri, tum rituales consulendi sunt: sed aliqua observatu digna solummodo proponere, quae ad digniorem perfectionem

Atioremque illorum administrationem dispensationemque conducere visa sunt.

Nec illud omittendum duximus, quod cum in omnibus alijs, tum maxime in Sacramentorum administratione, Sacerdos verè & ex animo se optimæ Matri Ecclesiæ subditum esse profiteri debeat, neque doctrinæ, aut antiquitatis, seu cuiuscumque alterius rei prætextu in hodiernæ administrationis praxi communiter recepta & approbata quidquam innouare: quod quam periculosum sit, & à Christiana humilitate alienum nemo non videt.

R. P. Cæ-  
volus de  
Cædren,  
Congre-  
gat. Ora-  
tor. in  
Gallia  
Secundus  
Superior  
Genera-  
lis, epist.  
68.

Sanè perillustis huius sæculi vir, non minus virtute, ac sanctitate, quam eruditione & rerum Ecclesiasticarum notitia insignis, necnon amplissimæ Congregationis generali directione, ac Superioritate conspicuus, in quadam ad omnes suæ Congregationis Sacerdotes epistola, sapienter æque ac pie illos alloquens; Vivimus (inquit) eo sæculo, quo multi scandalum sibi posuerunt in ijs doctrina monumētis qua ex primis Ecclesiæ sæculis supersunt. Caterum hæc nostræ Congregatio suos edocet, obedientiam quam Deus Ecclesiæ præstandam iubet, de Ecclesiæ præsentis temporis intelligendam esse, qua nos baptizat, qua nos in fide & religione in-



instruit, cui proinde omnimode subesse ac obedire tenemur; non vero directe Ecclesia primorum seculorum, cui tamen debitus honor deferendus est: scimus enim Ecclesiam in omnibus aetatibus sanctam, & ab omni errore immunem existere; sed illam hoc presenti tempore loquentem, nosque docentem & instruentem obaudire, eiusque voci tota animi submissione obtemperare debemus.

## CAPVT IX.

*De quibusdam obseruandis ad debitam Baptismi administrationem.*

**C**VM Baptismus (vt loquitur Senonense Concilium) sit fons ille patens domui David & habitantibus Hierusalem in ablutionem peccatoris, & laticrucium regenerationis, in quo non solum mundantur peccatores, sed etiam Christi gratia iustificati, heredes constituuntur secundum spem vite aeternae; Hinc intelligitur, quanti referat vt Sacramentum adeo salutare eo quo decet modo perficiatur; nec à Sacerdote, qui eius minister ordinarius est, non nisi conuenienter ac sanctè conferatur.

an. 1528  
tit. de  
Baptis-  
mo.

*Tit de* Sacerdos itaque baptisaturus (vt edi-  
*ijs qua* citur in Concilio Mediolanensi primo)  
*pertinet* quam actionem suscepturus sit primum  
*ad Bap-* diligenter ipse animaduertat, & ad tanti  
*tism.* muneris functionem sanctè graniterque  
 accedat.

*In Ar-* „ Intelligat à se per hoc Sacramen-  
*chispisc.* „ tum, æternæ salutis ianuam illi,  
*Bonon.* „ quem baptizat, referari (vt monet  
*part. 3.* „ Cardinalis Palæotus) proindeque  
*instruct.* „ caueat ne quam alijs aperit, sibi ip-  
*de Bap-* „ si ob peccatorum sordes occludat  
*tism.* „ Et cum à Deo electus sit, vt sanctis-  
 „ simi illius lauacri sit minister, ita  
 „ etiam candidissimæ ipsius puritati re-  
 „ spondere studeat ijs virtutibus, quæ  
 „ in Sacerdote ad tam sanctum mu-  
 „ nus exercendum vocato requirun-  
 „ tur.

„ Quare eo præsertim tempore quo  
 „ ad baptisandum vocatur, mentem  
 „ erigat, spiritumque colligat, quid-  
 „ que sibi agendum sit deuoto mentis  
 „ intuitu circumspectiat: nempe se  
 „ tanquam de cælo missum nuncium  
 „ pacisque conciliatorem inter Deum  
 „ & baptisandum, vt sacro illo mini-  
 „ sterio filium iræ, & in iniquitatibus  
 „ conceptum, Dei filium & Iesu Chri-  
 „ sti coheredem secundum spem vitæ  
 „ æternæ efficiat.

Præmissis igitur breui conscientiæ  
 examine, & actu veræ contritionis  
 eli-

elicitō, inuocatoque diuinæ gratiæ auxilio, diligenter exequatur ea, quæ in rituali ad baptismum ministrandum seruanda esse præscribuntur: ac præsertim omnem attentionem ponat, vt nihil eorum defit, quæ ad ipsius sacramenti validitatem necessaria sunt; videlicet vt debita materia, aqua scilicet naturalis adhibeatur, vt aqua illa effusa super caput infantis vere illud contingat & abluat, vt simul cum illa effusione & ablutione verba formæ sacramentalis distinctè pronuntiet, debitamque intentionem afferat, saltem faciendi id quod facit Ecclesia.

Quoniam vero (vt rectè obseruatur in Concilio Mediolanensi quinto)

„ vnusquisque in Baptismo pie, ac re-

„ ligiose pollicetur operibus Sathanz

„ renuntiare, eiusque pompas dese-

„ rere, ideo præsertim Baptismi tem-

„ pore præmonendi sunt ij quorum

„ interest, non solum quomodo &

„ quam simplici amictu ad illum infans

„ deferendus sit; sed etiam quam re-

„ ligiosa in Deum pietate quam hu-

„ mili spiritu, quanta etiam vestitus

„ moderatione compates, contraz-

„ trelus adesse debeant. Neque vero

„ vllum vel ornamentum, vel aliud

„ quidquam quod mundi huius pom-

„ pam præ se ferat ab illis adhiberi de-

„ bet cum minimè consentaneum sit,

*Tit. de  
ijs qua  
ad Bap-  
tism. per-  
tinent*

„ in ipso vitæ Christianæ ingressu, sta-  
 „ tim ijs rebus studere, quibus præ-  
 „ sertim solemnî sponfione renuntia-  
 „ tur.

„ Fideles qui præsentés adsunt, piè,  
 „ religiosè, omnique animi attentio-  
 „ ne adesse monendi sunt; utque ipsi  
 „ memoria tacitè, studiosèque repe-  
 „ tant, quæ Deo cum Baptismum su-  
 „ sceperunt, sanctè sponponderunt.

*In Cœc.  
 Mediol.  
 5. tit. de  
 Baptis.*

„ Monendi sunt infantium baptisando-  
 „ rum parentes, ut eos potius patri-  
 „ nos eligant, qui ipsorum infantium  
 „ salutî consulere, quàm qui inopiæ  
 „ subuenire possint.

*Sax. 183  
 de Tép.*

„ Similiter quoque patrini ipsi &  
 „ matrinæ diligenter moneri debent,  
 „ eos (ut ait B. Augustinus fide-iussio-  
 „ res existere apud Deum pro illis quos  
 „ de sacro fonte susceperunt: adeo-  
 „ que ab ipsis admonendos esse, ut  
 „ castitatem custodiant, iustitiam di-  
 „ ligant, charitatem retineant; &  
 „ ante omnia ut Symbolum & Oratio-  
 „ nem Dominicam eos edoceant.

*Conc.  
 Mediol.  
 6. tit. de  
 Bapti-  
 smo.*

„ Demum peracta ipsius Baptismi ad-  
 „ ministratiōe, Sacerdos post alias mo-  
 „ nitiones patrinis, ac matrinis fieri so-  
 „ litas, hortabitur insuper ut dies bap-  
 „ tismi qui solemnî illa abrenuntiatio-  
 „ nis sponfione professioneque insi-  
 „ gnis est, ideo ad pietatis exercita-  
 „ tiōnem vsūque, non pompis sæcu-  
 „ li.

„li, non conuiuiorum apparatu, non  
 „luxu, non operibus tenebrarum,  
 „cum dies lucis sit celebretur: sed  
 „sanctæ charitatis erga Deum &  
 „erga proximum officijs.

Nec omittendum illud est quod in *Tit. de*  
 Directorio supra sæpius citato habe- *Bapti-*  
 tur, vt scilicet saltem semel quotan- *ismo.*  
 nis, v.g. in Dominica sanctissimæ Tri-  
 nitatis, si libeat, quandoquidem Evan-  
 gelium quod tunc legitur optimam  
 huius rei dat occasionem, singuli pa-  
 stores suos subditos grauiter admo-  
 neant, & quibuscumque possunt mo-  
 dis inducant, vt infantes quos sciunt,  
 non esse baptisatos sine dilatione bap-  
 tisandos offerri curent.

„ Quoniam vero plerumque con-  
 „tingere potest vt infans in mortis pe-  
 „riculo constitutus, ab obstetrice,  
 „aut alia quauis laicali persona, bap-  
 „tisari debeat; ne facile in substan-  
 „tialibus Baptismi error contingat,  
 „ea quæ ad essentiam baptismi perti-  
 „nent clarè, & breuiter quotiescum-  
 „que dabitur occasio pro concioni-  
 „bus exponenda erunt; nullæque  
 „ad obstetricandum mulieres admit-  
 „tendæ, quæ prius per Pastorem loci  
 „super his sufficienter non fuerint in-  
 „structæ.

## CAPVT. X.

*De recta dispensatione & administratione Sanctissima Eucharistia.*

**S**I vllum est Christianæ religionis Sacramentum in cuius dispensatione attentionem, diligentiam, zelum, discretionemque Sacerdos afferre teneatur, illud maxime est in quo *Christus Dominus* (vt loquitur Tridentinum Concilium) diuitias sui erga homines amoris velut effudit, memoriam faciens suorum mirabilium. Sacramentum, inquam illud pretiosum, admirandum, saluterum, & omni suauitate repletum, in quo (vt sancti Doctoris verbis vtamur) purgantur peccata, virtutes augentur & mens omnium spiritualium charismatum abundantia impinguatur. Sacramentum, cuius suauitatem nullus exprimere sufficit, per quod spiritalis dulcedo in suo fonte gustatur, & recolitur memoria illius quam in sua passione Christus monstrauit excellentissima charitatis.

*Seff. 13.  
cap. 2.*

*Opusc.  
37.*

Sacramentum denique, ex cuius digna aut indigna sumptione, vita vel mors;

mors ; salus, vel damnatio æterna  
 pendet. Qui enim illud manducat & 1. Cor.  
 bibit indigne iudicium sibi manducat & 11.  
 bibit, reusque efficitur Corporis & San-  
 guinis Domini.

Quare merito S. Chrysostomus in Hom. 83  
 quadam homilia, postquam de diuini in Matc.  
 huius sacramenti dignitate multa  
 præclare dixisset, hæc de illius dispen-  
 satione & administratione subiungit.  
*Ad vos, o ministrantes, sermonem con-  
 uertere necessarium est, ut multo cum  
 studio hac dona distribuatis: non parua  
 etenim vobis imminet ultio, si quemquam  
 illius culpa conscij, huius mensæ partici-  
 pem esse concedatis; sanguis eius de mani-  
 bus vestris exquiretur; siue quis dux mi-  
 litia sit, siue præfectus, siue princeps dia-  
 demate coronatus, indignè autem accedat  
 prohibe: maiorem illo potestatem habes.  
 Propterea vos Deus hoc insigniuit honore,  
 ut talia discernatis: hac vestra dignitas  
 est, hac securitas, hac omnis corona, non  
 ut albam & splendidam tunicam cir-  
 cumentis induiti.*

Vt igitur Sacerdos sui erga sanctissi-  
 mum hoc Sacramentum ministerij  
 partes omnes implere possit, tria præ-  
 sertim ipsi obseruanda videntur. Vt  
 scilicet fidei diligentia & sedulitate  
 illud in Ecclesijs conuenienter & de-  
 center asseruari cùret: ut fidelibus re-  
 ctè dispositis eo quo decet modo ad-  
 mi-

ministret : denique ut ijs qui indigni censentur, eius participationem constanter deneget.

*Tit. de  
sanctiss.  
Eucha-  
ristia.*

„ Quod ad primum spectat, taber-  
„ naculum siue sacrarium (ut *Illustris-*  
„ *simi Episcopi Tricariensis Directorium*  
„ *sequamur*) in quo Sacramentum  
„ Corporis Christi in Ecclesijs asserua-  
„ tur, debet esse firmum & splendi-  
„ dum, ac pro cuiusque Ecclesiæ fa-  
„ cultatibus intrinsecus & extrinsecus  
„ ita decenter & magnificè exorna-  
„ tum, ut & signum sit præclaræ fi-  
„ dei deuotionis, ac pietatis illorum,  
„ qui illud curant; & earumdem vir-  
„ tutum incitamentum his, qui ado-  
„ rationis causa ad illud conueniunt.  
„ Claves huius sancti Tabernaculi in  
„ Ecclesijs Parochialibus solus Pastor,  
„ eiusque Vicarij, in alijs autem Ec-  
„ clesijs eorum superiores, aut alij ab  
„ eis designati custodire debent, ac  
„ diligentissimè curare ut illud semper  
„ clausum sit, ne vlla vnquam sacra-  
„ mento iniuria fiat.  
„ In quacumque Ecclesia seruetur  
„ sancta Eucharistia, ante illam nocte  
„ ac die perpetuo lumen ardeat, in  
„ signum atque incitamentum fidei,  
„ atque deuotionis, quæ nunquam  
„ extinguantur, sed quotidie maiora  
„ incrementa accipiant.  
„ Omnia sacra vasa quæ ad osten-  
sio-



„ sionem, vel deportationem, aut cu-  
 „ stodiam sanctæ Eucharistiæ deser-  
 „ uiunt, vt sunt Tabernacula, osten-  
 „ soria, ciboria, monstrantiæ, archæ,  
 „ calices & pixides, si argentea,  
 „ aurea, vel inaurata sint, quotannis  
 „ minimum semel, ad festum scilicet  
 „ Paschæ intrinsecus, & extrinsecus  
 „ mudentur, & splendori suo resti-  
 „ tuantur: Quod si propter Ecclesiæ  
 „ paupertatem, vel direptionum pe-  
 „ ricula, fuerint stannea, singulis men-  
 „ sibus diligentissimè defricentur: ænea  
 „ autem, vitrea, lignea, & cuiuscum-  
 „ que alterius materiæ, nullum ex sa-  
 „ crorum canonum definitione, in  
 „ hisce sacris vsibus, locum habere  
 „ debent.

„ Sacro calici, ciborio, pixidi seu  
 „ cuicumque alij vasculo, in quo san-  
 „ cta Eucharistia conseruatur, tam  
 „ in Tabernaculo seu sacrario, cui in-  
 „ cluditur, quàm dum ad excitandam  
 „ populi deuotionem super altare ex-  
 „ ponitur, semper consecratum ac  
 „ mundum corporale sit substratum.

„ Hostiæ ante octo, vel vt summum  
 „ quindecim dies consecratæ, vna  
 „ cum minutissimis fragmentorum,  
 „ particulis quæ in ciborio remanse-  
 „ runt, à Sacerdote consumantur, &  
 „ in ipsum ciborium ab illis fragmen-  
 „ tis & particulis mundatum nouæ

G ho-

„ hostiæ consecratæ reponantur, nec  
 „ vnquam illæ recentes cum his vetu-  
 „ stioribus misceantur.

*Quod ad secundum attinet, in eodem  
 directorio legimus ea quæ sequuntur.*

„ Sacerdos ministraturus sanctis-  
 „ simum hoc Sacramentum lauet ma-  
 „ nus, stola coloris convenientis col-  
 „ lum circumdet, & ad pedes Taber-  
 „ naculi in quo illud asseruatur geni-  
 „ bus prouolutus Deum suppliciter  
 „ adoret, actum contritionis eliciat,  
 „ diuinamque gratiam pro se, & pro  
 „ communicandis exoret. Tum aper-  
 „ to Tabernaculo, genuflectat, &  
 „ confessione generali à clerico recita-  
 „ ta, vertat se ad populum ad cornu  
 „ Euangelij, prolataque generali ab-  
 „ solutione, ad Sacramentum denuo  
 „ conuersus genuflectat, sinistraque  
 „ manu ciborium, pollice verò &  
 „ indice dexteræ particulam vnā  
 „ consecratam assumat, & parumper  
 „ attollat, & clara voce prolatis ijs  
 „ quæ in Rituali habentur, incipiat di-  
 „ spensationem à cornu epistolæ; dum-  
 „ que ab vno ad alium procedit, ca-  
 „ ueat ne vel minima particula, si quæ  
 „ forte ex contactu sacræ hostiæ digi-  
 „ tis adhereret, casu ex eis extra ci-  
 „ borium decidat & pereat: cui pe-  
 „ riculo vt quoad humana prouiden-  
 „ tia fieri potest occurratur, particulæ  
 con-

„ consecrandæ sigillatim à Sacerdote  
 „ mudentur, & abstergantur, pan-  
 „ nus mundissimus, & integerrimus  
 „ communicantium ori substernatur,  
 „ qui postmodum finito Officio diui-  
 „ no à Sacerdote, vel Diacono inspi-  
 „ ciatur & perlustretur, & ipse Sacer-  
 „ dos in aliquo vase apto digitos pu-  
 „ rificet, & linteolo ad id speciatim  
 „ destinato abstergat.

„ Peracta autem Communione  
 „ ciborium super Altare reponat, ge-  
 „ nuflectatque, ac demum in Taber-  
 „ naculum inferat, quod antequam  
 „ claudatur iterum genuflexus adoret,  
 „ & ad populum conuersus ei bene-  
 „ dictionem impertiatur; tum ad pe-  
 „ des Tabernaculi sicut initio genibus  
 „ prouolutus, breui oratione pro ijs  
 „ qui Corporis Christi participes fa-  
 „ cti sunt gratias agat, vtque cum eis  
 „ Diuinus ille Seruator in æternum  
 „ manere dignetur suppliciter expo-  
 „ scat.

Porro vt in illa administratione  
 Sacerdos non modo ea quæ sui mune-  
 ris sunt exequatur, sed vt etiam quan-  
 tum in ipso est eos qui communicatu-  
 ri sunt inueter ad sanctissimum hoc Sa-  
 cramentum dignè decenterque susci-  
 piendum; idcirco tempore opportu-  
 no docebit ipsos, qua fide, humilita-  
 te, modestia, deuotione, charitate,

Sup.

ad sacram Christi mensam accedere  
 debeant: commonefaciet etiam de  
 dispositionibus exterioribus quæ ad  
 tanti mysterij reuerentiam requirun-  
 tur, ac præsertim quod in præfato di-  
 rectorio habetur) *ut* vestitus hone-  
 stus sit ac modestus, præsertim in  
 mulieribus, nihil irreuerentiæ, su-  
 perbiæ, fastus, vanitatis, aut im-  
 pudicitæ præ se ferens.

Ut qui ad sacram Communionem  
 accedunt, utroque genu in terram  
 flexo, non vagis oculis, aut incôpo-  
 sitis manibus, sed oculis ac mente  
 in sacram hostiam intenta, iunctisque  
 ante pectus manibus, suppliciter se-  
 se ad locum communionis & reue-  
 renter fistant.

Ut illuc accedant, & illinc rece-  
 dant non festini, aliosque offenden-  
 tes aut prementes, sed omni cum  
 modestia, sedatione, gravitate; ut  
 omnibus modis animus sibi impe-  
 ret, nihilque faciat contra rectum  
 ordinem, aut charitatem, ubi ordi-  
 nis & charitatis summam decet esse  
 perfectionem.

Ut Sacerdote porrigente sacram  
 Eucharistiam, caput ad eam com-  
 modè suscipiendam nonnihil attol-  
 lant, oculis interim demissis, os mi-  
 nimus ad latitudinem pollicis ho-  
 nestè aperiant, ac linguam usque  
 ad

ad inferius labium ultra dentes ex-  
rant; vt sacra hostia, sine barbæ den-  
tiumque offensione, super eam à Sa-  
cerdote imponi possit.

Vt in ipso actu susceptionis san-  
ctissimi Sacramenti, nec in his quæ  
dicta sunt, nec in aliqua sui corporis  
parte se moueant; sed capite, lingua,  
ac toto reliquo corpore quieti; ac  
immobiles, manum cœlestia dona  
porrigentis expectent.

Vt suscepta sacra Eucharistia, vbi  
Sacerdos manum suam retraxerit,  
caput suauiter ac sedatè inclinent,  
summaque cum reuerentia, ferueo-  
tissimo desiderio, & cupidissimo ani-  
mo panem cœlestem, itaut, quan-  
tum fieri poterit palatum non tan-  
gat, deglutiant; seque Christo Do-  
mino tota voluntate vniant, & con-  
forment.

Vt sumpta Eucharistia ad dimi-  
diam horam aut circiter à spuendo  
caueant, aut si aliqua necessitate ad  
id cogantur, non quidem in terram  
exspuant, vbi conculcetur; sed in  
parietem, angulum, aut sudariolum,  
vbi sine aliqua irreuerentia exsicce-  
tur: ac demum post Communionem  
peculiari affectu & studio, in bene-  
ficij accepti meditatione, gratiarum  
actione, & sanctis orationibus in-  
cumbant: ac veluti noui homines,

„ac nouo Sacramenti vigore confor-  
 „tati, ita vitam in omni sermone,  
 „actione, & conuersatione sua insti-  
 „tuant, vt par est eos facere, qui spi-  
 „ritum Christi acceperunt, eiusque  
 „carne & sanguine idè pasti sunt, vt  
 „illi interioris & exterioris hominis  
 „conformitate simillimi fiant.

Quod denique ad tertium spectat,  
 diuinis Ecclesiasticisque legibus cau-  
 tum est, ad sacram Communionem  
 admitteudos non esse publicos pec-  
 catores, quales sunt notoriè Concu-  
 binarij, Blasphemi, Magi, Sortilegi,  
 alijque crimine aliquo publico infam-  
 es; ac etiam illi qui nominatione ex-  
 communicati, aut publici clericorum  
 percussores: Imo Illustrissimus Ep-

*In decr. reform. Ecclesi-  
 ast. tit. de sanct. Euchar.* teopus Vercellensis censet, eiusmodi  
 facinorosis hominibus, (quos in peccato-  
 rum cæno diu volutatos non ita facile ad  
 ast. tit. cor reuerti vsu compertum est,) licet in  
 de sanct. confessione ad breue tempus aliquod Pœ-  
 nitentia signum præ se ferant, sacram-  
 Euchar. nibilominus Eucharistiam non esse praben-  
 dam, nisi prius aliquod vera ac solida con-  
 tritionis argumentum dederint, ac per  
 aliquot dies probati se poenituisse ostende-

*Tit. de x rint.*

*ijs qua* Et S. Carolus Borromæus in Conci-  
*pertinet* lio Mediolanensi primo decreuit eius-  
*ad Sacr.* modi peccatores semel ad confessionem &  
*Euchar.* Communionem admissos, si postea eos in  
 eodem

# CHRISTIANVS. 157

eadem peccatorum cœno habere cognitum fuerit, amplius ad sacram Communionem admittendos non esse, nisi postea eos vitam & mores emendasse constet.

Quamuis autem occulti peccatores numquam publicè à communione arceri debeant: admonendi tamen sunt ne contra diuinæ legis præscriptum, ad tremendam illam mensam, peccatorum suorum sibi consciij accedere, vimque Corpori & Sanguini Christi (vt loquitur S. Cyprianus) inferre audeant, tales verò Illustrissimus Episcopus Tricariensis præferrim censet eos esse, qui peccatum aliquod mortale culpabiliter in confessione retinuerint; qui iniuste acquisita restituere neglexerint; qui inimicis ex animo reconciliari, aut ijs reconciliationis signa ostendere noluerint; qui ab occasiõibus proximis peccandi separari recusauerint; qui Symboli Apostolici, Decalogi, & Orationis Dominica ignorantia laborantes, edificare illa non curauerint; qui toto anno vulgaribus quidem, sed grauib; peccatis, ex prava quadam habitudine adhaerint; vt puta blasphemijs, ebrietatibus, impudicijs; & circa Pascha tempus consuetudine quadã & ne videri possint non Christiani esse, potius quam Dei amore, & odio iniquitatis, ac vite melioris desiderio confiteri, ac communicare cupiunt, & nihilominus in eodem luto habere per omnem ætatem.

Serw. de  
Cœn. Do-  
min.

In Di-  
rector.  
titul. de  
sac. Eu-  
charist.

*facile velle præsumentur, nulla vita emendatione unquam secuta, nec ullo conatu proficiendi adhibito.*

*Hac si quidem & alia similia, qua non tam peccata, quam peccatorum status dici debent, omnino Communionem indignos reddunt.*

*Porro cum de his omnibus quæ secretum conscientiae forum spectant, iudicium sit penes ipsos Sacerdotes, sicut indignos ad sacram Christi mensam nullatenus admittere, sic etiam sufficienter dispositos temere ab ea repellere & arcere non debent: unde S. Leo Papa. Nulli Christianorum (inquit) facile communicatio denegetur, nec ad indignantis arbitrium Sacerdotis hoc fiat: & paucis interiectis, conqueritur, leuibus de causis quosdam à gratia communionis exclusos; & animam pro qua Christi Sanguis effusus est, irrogatione tam saui supplicij sanciatam, & inermem quodammodo,*

*exutamque omnimunimine, diabolicis incurfibus, ut facile capiatur obiectam.*



## CAPVT XI.

*De ijs quæ à Sacerdote obseruari debent in administrando Pœnitentia Sacramento.*

CVM ( vt monet Illustrissimus Episcopus Gebennensis in Epistola Pastoralì ad clerum suæ Diœcesis ) Sacerdotes confessionibus audiendis deputati, iudices Dei ipsius nomine constituantur; idque tanta auctoritate, ut qua in terris rectè decreuerint, & sanxerint, in calis rata & firma habeantur: proindeque ora ipsorum sint voluti sacra quædam stillicidia per quæ pax è calis in homines bona voluntatis effluit; vocesque eorundem se habeant instar tubarum Magni Iesu quæ illius virtute, mystica Hierichuntis, id est, iniquitatis muros subruant: Hinc sequitur illos tanto muneri debitè ac dignè obeundo, diu noctuque inuigilare, præcipuamque curæ ac sollicitudinis suæ partem impendere debere.

Ad eos autem in re tanti momenti iuuandos, nihil melius aut aptius nos præstare posse existimauimus, quam

breuiculum hic attexere eorum quæ proponuntur in eadem Epistola, haud dubiè cuius Confessario lectu dignissima & vtilissima.

In primis igitur Sacerdos confessarius qui aliorum conscientias purgare & mundare intendit, propriam negligere non debet, sed illius puritatem, & munditiem præcipuo studio curare; **Lnc. 4.** ne illi dicatur, *Medice cura teipsum*, aut eidem illud Apostoli exprobetur, *in quo alium iudicas, teipsum condemnas*, **Rom. 2.** quare antequam in tribunali poenitentiz sedeat, prius seipsum diiudicet, & vel Sacramentali confessione si opus sit, vel actu contritionis præmisso, humili prece, opem diuinam sibi aliisque quibus aderit imploret, simulque intentionem dirigat, & zelum procurandæ salutis animarum in seipso exsuscitet.

Meminerit poenitentes in confessionis exordio Patrem illum vocare, proindeque corde & amore paterno ipsos excipere, & amplecti debere, eo inique ignorantiam, tarditatem, imbecillitatem, aliasque imperfectiones tolerare, & nunquam in ijs quocumque modo iuandis fatiscere, quamdiu adlucet spes aliqua emendationis.

Huic paternæ charitati, medicinalis prudentia iungenda est, qua conuenientia & salutaria remedia unicuique ægri-

agritudini spiritali apponere queat: v.g. si pœnitens pudore suffundatur, eum ad excutiendam importunam illam verecundiam, piamque fiduciam concipiendam inuitet; benignè com- monendo, peccati cuiuslibet confes- sionem esse actum virtutis. Deo acce- ptum, ipsique pœnitenti honorifi- cum: peccare quidem humanæ con- ditionis & infirmitatis esse, pecca- tum vero per pœnitentiam diluere, virtutis.

Si è contra pœnitens nullo neque pudore, neque timore permotus vi- deatur, acrioribus stimulis erit exci- tandus; Dei præpotentis præsentia ipsi ob oculos ponenda, pauorque iudiciorum diuinorum incutiendus, ac mortis, & rationis in eius hora coram supremo iudice reddendæ recordatio suggerenda.

Quod si peccatorum multitudine, & mole oppressus pœnitens, miseri- cordiæ diuinæ diffidentia aliqua labor- ret; eius spes in Deum pijs conside- rationibus erit exluscitanda, puta be- nignitatis illius ineffabilis, qua Chri- stus Dominus peccatores quoscum- que ad se reuertentes excepit, chari- tatis immensæ quam erga omnes ho- mines ostendit, tanta pro illis, & tam acerba patiando, &c.

Si videatur pœnitens animo per-

plexus, eo quod neque conscientie latebras omnes prout voluisset discutere potuerit, neque peccata explicare possit, offerendum ipsi erit auxilium, & animus addendus, spesque ingerenda, dummodo ex animo velit, & sincero corde feratur, nihil impedimenti fore, quominus eius confessio valida & fructuosa esse queat.

Porro charitate ac discretionem præ cæteris opus est ad iuuandos poenitentes, præsertimque mulieres in confitendis ijs peccatis quæ pudorem afferunt, ut scilicet neque retineant ea, quæ explicari debent, neque plus ab eis quæratur quam necessarium sit: Ad hoc autem iuuabit, si primo interrogentur de leuioribus, an v. g. aliquid minus honestum aut pudicum audierint vel locuti fuerint, inde ad cogitationes, & delectationes interiores, tum ad alia grauiora peccata, si opus sit procedatur.

Quando ipsi poenitentes seipso accusant, licet verbis interdum minus decentibus vtantur; vel excusationes, narrationes inutiles, aliaue similia confessioni immisceant, patienter audiendi erunt, nec vlllo modo interrumbandi, sed postea benignè à Confessario commonendi qua ratione in posterum decenter magis, ac simpliciter peccata explicare queant, defectusque ille-

illorum in seipsis accusandis si quis fuerit, interrogationibus prout magis expedire videbitur, supplendus erit.

Illi autem qui peccatis aliquibus enormibus, puta sortilegijs, veneficijs, bestialitatibus, alijsque similibus abominationibus implicati, conscientie terroribus exagitantur, ac in desperationem iam iam videntur prolapsari, peculiari charitate solandi erunt ac iuuandi, infinitaque Dei misericordia proponenda, & auxilium quodcumque pollicendum, quo ex horrendo illo, & infelici statu emergere possint.

Sacerdos igitur præmissis his dispositionibus, ac ut supponimus, scientia ad Pœnitentie sacramentum debite ministrandum necessaria præditus, nec non ab Episcopo approbatus, & iurisdictione ordinaria aut delegata, sufficienter instructus, quando confessionibus audiendis vacare libuerit, debet hunc iudicalem actum grauitè ac decenter exercere, in habitu Sacerdotali, cum veste talari, & superpelliceo, cui conueniens esset stolam superimponi. Sedebit caput birreto opertus, in loco aliquo Ecclesiæ in quo conspici possit; vultuq; præ se feret placidum, ac benigna quadam grauitate temperatum, quem, quicquid ipsi dicatur in confessione, nullatenus in-

mu

mutabit, ne vel minimum sigillo confessionis præiudicium afferat.

Pœnitens è latere Confessarij genuflexus, primo de statu & conditione, si ignotus sit, interrogabitur, tum de loco habitationis, ne scilicet confessarius iurisdictionis sibi concessæ limites excedat: exiade inquiretur tempus ultimæ confessionis, & num in ea pœnitens peccatum aliquod mortale scienter reticuerit? aut pœnitentiam iniunctam implere neglexerit? num antequam ad pœnitentiæ tribunal veniret, conscientiam statum explorauerit? & peccata commissa sibi in memoriam reuocare studuerit; num ea quorum recòrdatur integrè ac simpliciter declarare, de ijsque ex toto corde dolere, & ab ijsdem impòsterum cauere velit? eaque omnia peragere quæ ad propriam salutem necessaria videbuntur?

Tum aurem præbebit ijs de quibus pœnitens seipsum accusare voluerit; neque enim tolerandus est abusus illorum, qui nisi à confessario interrogati, nullum virquam faterentur peccatum; quod tamen non obstat, quin postquam sese vicinque explicauerint, ipse confessarius eos interrogationibus ad confessionem perficiendam iuuare possit, & etiam interdum debeat: quando scilicet eorum accusatio-

sationem minime sufficientem iudicat ad confessionis integritatem.

Hæc autem interrogatio conueniēter fieri poterit de peccatis ijs tam operis quam locutionis, & etiam solius cogitationis, quæ tum Decalogi præceptis, tum Ecclesiæ legibus, tum præcipuis virtutibus aduerlantur, spectata ætate, conditione, moribus & occupationibus cuiusque poenitentis, & in quocumque peccato mortali numerum, & circumstantias speciem mutantes, aut notabiliter aggrauantes inquirere oportebit, nec non diligenter perspicere, num aliqua subsit obligatio famam aut bona aliena restituendi, vt hæc restitutio poenitenti iniungatur, & si commodè possit ante absolutionem adimpleatur, aut certe ipse poenitens se restitutorum ita polliceatur, vt eius verbis fides haberi possit, puta si alias id quod pollicitus est adimpleuit: sin minus, prudentis erit confessarij id agere, quod ad Sacramenti reuerentiam, & poenitentis salutem tutius ipsi videbitur.

Demum videat, num ipse poenitens ad effectum Sacramenti percipiendum, sit sufficienter dispositus? num absolutio ipsi deneganda sit, aut differenda? deneganda quidem, si v.g. statum aut occasionem proximam peccari relinquere, aut iniunctam  
poe-

pœnitentiam exequi, vel inimicis nolit reconciliari: Item si pœnitens aliqua censura innodatus sit, aut incasum aliquem reueruatum incurrerit, pro quo superior sit adeundus: differentia vero, si pœnitens ad effectum Sacramenti consequendum non sit sufficienter dispositus, puta quando de plurimis & grauissimis peccatis à se in confessione declaratis parum aut vix dolere se demonstrat, quando in eadem illa peccata sæpius ex praua quadam habitudine delapsus, non satis firmum emendationis propositum ostendit, nec adhuc vllum ad eiusmodi peccata deuitanda conatum adhibuit: in his enim & similibus casibus, pœnitenti saluberrimum erit, si per aliquot dies absolutio differatur, ac interim aliqua pietatis exercitia inolitæ peccatorum consuetudini opposita, eorumque radicibus euellendis apta iniungantur.

Quod si nulla eiusmodi causa subfit, ipseque pœnitens ad percipiendam absolutionem iudicetur idoneus; tunc peracta confessione, denuò ad veram de peccatis contritionem accipiendam, si ita expediat, erit pijs aliquibus motiuis excitandus; ac tandem salutaris & conueniens pro qualitate criminum, & ipsius pœnitentis facultate, quantum spiritus & prudentia



tia suggesserit iniungenda erit satisfactio, quæ talis sit, vt tum ad nouæ vitæ custodiam, & infirmitatis medicamentum, tum ad præteritorum peccatorum vindictam & castigationem conferre possit.

Quod quidem conuenienter fiet si (vt habetur in Rituali Romano) contrarias peccatis poenitentias iniungat, velut avaris eleemosynas, libidinis ieiunia, vel alias carnis afflictiones, superbis humilitatis officia, desidiosæ deuotionis studia, rarius autem vel seriùs confitentibus, vel in peccata facile recidentibus, vtilissimum fuerit consulere vt sæpe puta semel in mense, vel certis diebus solemnibus confiteantur, & si expediat communificent.

Illud tamen præcipuo studio cauere debet confessarius, ne tales imponat satisfactiones ex quibus alij v. g. maritus, parentes, vel domestici in suspicionem peccati alicuius in confessione declarati, venire possint; aut ex quibus generatim conijciant, graue aliquod peccatum à poenitente commissum fuisse; quod etiam habetur in præfato Rituali Romano, in quo expresse prohibetur, ne vquam pro peccatis occultis quantumuis grauib, satisfactio aliqua publica & manifesta imponatur.

Iniun-

Iniuncta demum & à poenitente acceptata poenitentia, confessorius illi absolutionem cum debita intentione eo ritu conferet, qui in Rituali siue Romano siue cuiusque Ecclesiæ proprio præscribitur; & post illam vel etiam ante, prout magis expedire videbitur, pia aliqua & salutaria monita & consilia ipsi poenitenti suggeret, tum ad vitæ emendationem, tum ad profectum in virtute faciendum, & sic illum in pace dimittet.

## CAPVT XII.

*De administratione Extreme unctionis.*

*In Ar.* **S**I in omnibus Sacramentis recipiendis *abiep. Bo.* (vt monet Cardinalis Palæotus) *non. p. 3.* magna preparatio & diligentia adhibenda *in instr. d.* est, in hoc sano quod in extremo periculo de Sa- grinationis humana curriculo administratur, eo magis necesse est à parochis omnia *de Sa-* pietatis officia exerceri, vt fideles ex hac *Extr.* mortali vita migrantes, in illo momento *vnct.* unde pendet æternitas, contra diaboli tunc præsertim quarentis quem deuoret, insidias roborantur.

Quo enim magis languescit humana infirmitatis virtus (ait Episcopus Tricarica-

riensis) & unusquisque moriens ad ingrediendas ignotas sibi futuri seculi vias, ob peccatorum suorum conscientiam & abyssum iudiciorum Dei magis timet, magisque horret, eo magis sollicita esse debet Pastorum & Sacerdotum charitas, ut Christianus quisque in Extremo illo agone contra omnes Satanae insultus bene armatus sit, & in spem Diuinae misericordiae fidenter erectus.

In di-  
rect. Ec-  
cles. disc.  
ut. de Ex-  
tr. vñct.

Quare cum clementissimus Dominus ac Redemptor noster in Extrema-  
vñctionis Sacramento vim & gratiam  
quandam medicinalem, & conforta-  
tiuam in fidelium morientium subsi-  
dium & solatium reliquerit, nihil offi-  
cij studij ac diligentiae à Pastoribus, &  
eorum delegatis Sacerdotibus præter-  
mitti debet, quominus hoc Sacramen-  
tum quod totius Christiana vita consum-  
matum, vocat sancta Synodus Tri-  
dentina) debitè ab ipsis ministrari, &  
& condignè ab infirmis suscipi possit.

In primis igitur (ut præstatum Di-  
rectorium subsequamur) Curent Pa-  
stores & Sacerdotes, ut ex animis  
fidelium hanc impressionem eximant,  
qua male persuasum aliquibus est,  
Extrema-vñctionis perceptionem,  
ad certam mortis facere accelera-  
tionem; ideoque eam magna cum  
fidei & spei iactura differendam eo  
usque iudicant, donec iam mori in-  
ci-

Sess. 14.  
pccem  
dolt. de  
Sacra-  
mēt. Ex-  
tr. vñct.  
Sup.

„cipiant, ita ut (quod alioquin ad vbe-  
 „riorem Sacramenti huius gratiam  
 „factum oportebat) nullam aut exi-  
 „guam fidem, & religiosam animi vo-  
 „luntatem, in illius perceptione affer-  
 „re possint.

„Cum Sacerdos sacrum infirmo-  
 „rum oleum ad ægrotum perferer,  
 „superpelliceo quidem & stolla indu-  
 „tus sit, & capite cooperto incedat,  
 „eique crux præferatur sine hastili,  
 „quæ veteri ac perpetua Ecclesiæ  
 „consuetudine ad lectum decumben-  
 „tis ex aduerso eius figenda est, qua-  
 „ille durante ægitudine sua, virtu-  
 „tem, triumphos, ac mysteria Chri-  
 „sti crucifixi Redemptoris ac ducis  
 „sui, nunquam non memori mente,  
 „viua fide, firma spe, ac fiducia, ar-  
 „dentissimaque charitate, sibi reti-  
 „nenda esse moneatur.

„Vbi ad ægrotum peruenerit, præ-  
 „missa suauis ac pia salutatione, res  
 „& effectus huius Sacramenti breui-  
 „ter, & eius infirmitati & dispositio-  
 „ni accommodata oratione exponat,  
 „eumque consoletur, & à curis at-  
 „que amore huius sæculi, ad spem &  
 „desiderium vitæ æternæ erigat. Ne-  
 „quaquam vero (quod imprudentes  
 „faciunt, ignorantes officium Sacer-  
 „dotum ad populum aut scire nolen-  
 „tes) vana longioris vitæ pellicira-  
 „tione

„tione illum fallat, omneque animi  
 „eius robur soluat: sed contra potius  
 „ad contemnendam hanc miseram  
 „vitam, mortemque, parato, ac ma-  
 „gno animo excipiendam ita com-  
 „ponat, vt nihil præter Deum sapiat,  
 „nihil præter Deum eluriet, & sitiat,  
 „ille solus in corde, solus in ore ver-  
 „setur: dissolui propter illum cupiat,  
 „ab illius beatifica visione diutius ab-  
 „esse summam miseriam ducat, sic  
 „vivere, Christianum esse, sic mori  
 „Christiano maxime necessarium es-  
 „se persuadeat.

„Quamuis vero (vt præscriptum  
 „est) ita instructos oporteat esse  
 „Christianos omnes, vt Pœnitentiæ  
 „& Eucharistiæ Sacramentum pia sol-  
 „licitudine præmiserint antequam  
 „inungendos se curent, illudque re-  
 „ligiosè præstiterint: roget tamen  
 „Sacerdos antequam Sacram-unctio-  
 „nem impendere ei incipiat, an ali-  
 „quem adhuc conscientiæ remorsum,  
 „aut singultum sentiat: & si opus re-  
 „conciliatione fuerit, eius confessio-  
 „nem audiat, eumque absoluat.

„Sacra unctionis actionem inchoa-  
 „tus Sacerdos hortetur præsentem  
 „omnes vt sua sancta comprecatione  
 „vberissimam Sacramenti huius gra-  
 „tiam infirmo obtineant: ac sacra  
 „unctione absoluta, vbi ad templum  
 per-

„peruentum fuerit; conuenienti ad-  
 „hortatione, pro temporis ac perso-  
 „narum ratione, proposita mortis ne-  
 „cessitate ac incertitudine, ad vitam  
 „sanctius & prudentius, pro Christia-  
 „ni hominis vocatione transigendam  
 „omnes excitet, & ad omnia pieta-  
 „tis ac misericordiae officia, infirmo  
 „impendenda permoueat.

„His ita peractis verus Pastor mi-  
 „nime arbitretur se omnes sui mune-  
 „ris partes praestitisse, sed pietatem  
 „quam ab alijs exigit, ipse in primis  
 „pro Pastoralis dignitate, charitatis-  
 „que suae eminentia, reipsa common-  
 „stret, & ouem suam in hac quam  
 „cum crudelissimo hoste habitura est  
 „lucta non deferat, crebraque visita-  
 „tione ac omni sollicitudine salutis  
 „eius causam gerat, nec ullis parcat  
 „laboribus ne de manibus suis eripia-  
 „tur, aut in aeternae damnationis pe-  
 „riculum veniat.

## CAPVT XIII.

*De Sacramento Matri-  
monij.*

**Q**uo plures ob prauitatem hominum  
 irreperunt abusus in Sacramen-  
 tum

rum Matrimonij, ( inquit Cardinalis Palæotus, ) eo diligentior adhiberi debet cura, ut ea qua, decet sanctitate & reuerentia, seruatisque ijs omnibus que precipiuntur à sacris Canonibus & Concilijs, rito celebretur, solet enim nequissimus humani generis hostis diabolus præsertim cavari, ut illis sanctis Christiana Religionis institutis, fallacia & laquei adiungantur, quibus humana fragilitas in carnalibus desiderijs potius quam in spiritualibus fructibus colligendis occupetur.

Quare cum de Sacramenti huius sanctitate atque excellentia frequenter agere debeant Pastores ex ( atechismi Romani sententia, ( ut loquitur Illustrissimus Episcopus Verellensis ) tum præsertim filios & parentes sedulo monebunt, illos quidem ut quamvis liberum esse debeat Matrimonium, ac sine parentum etiam consensu, alias tamen legitime contractum, firmum ratumque sit; filij tamen qui parentes reuereri diuina lege iubentur, ne ijs inconsultis, minus autem repugnantibus, illud contrahere audeant: hos autem contra, ne dum ad familia dignitatem retinendam vel augendam, unum tantum filium Matrimonio coniungere cogitant, alios in periculo incontinentia versari perpetuo sinant, imo vero faciant ac prope velint.

Maximè autem optandum foret ut qui Matrimonio iungi affectant, aliquot

In Archiep. Bonon. p. 3. instruct. de Sacrament. Matr.

In decr. general. reform. Eccles. titul. de Sacram. Matr.

quot diebus antequam sponsalia contraherent, imo antequam vllæ fierent denuntiationes, proprium Pastorem, aut alium pium ac prudentem Sacerdotem ab eo delegatum, separatim adirent, à quo edocerentur, quæ sit huius Sacramenti excellentia & sanctitas; quæ ad illud legitimè contrahendum conditiones; quæ ad fructum illius percipiendum dispositiones requirantur; ac proinde quæ in illis fides, & religio, quæ conscientia mundities, quæ intentionis rectitudo debeat reperiri? quæ omnia cum in ritualibus libris plenius expressiusque contineantur, nos hic tantum apponemus ea quæ S. Carolus Borromæus ad familiam Christianam debitè instituendam, & regendam, inter alia plura monita, Matrimonij sacramentum spectantia, de ceteris suis inseri voluit; quæque non sine fructu à quolibet Pastore, seu eius delegato Sacer-

*Concil. Mediol. 3. tit. de ijs qua ad Sa-* luit; quæque non sine fructu à quolibet Pastore, seu eius delegato Sacerdote, ijs qui matrimonio copulandi sunt, aut etiam illis qui iam copulati sunt, proponuntur.

*cramēt. Matr. spectāt.* „ In primis igitur (*inquit sanctus hic Prasul*) de salute familie suæ solliciti sint, curentque ut nemo quisquam ex illa sit, qui fidei Christianæ rudimentis instructus non sit, siue filij sint, siue serui & ancillæ, siue alij in famulatu suo.

Vt



„ Vt statâ hora , ac præsertim ve-  
 „ sperè ante decubitus , omnis fami-  
 „ lia certo loco congregata , ad præ-  
 „ scriptum temporis spatium sanctè  
 „ oret & precetur .

„ Vt frequenter vniuersa familia  
 „ confiteatur , & sacram Eucharistiam  
 „ sumat .

„ Vt singulis diebus Missæ Sacrificio  
 „ intersit , aut saltem in vigilijs & sta-  
 „ tis ieiuniorum temporibus , ac qua-  
 „ dragesimæ diebus id præster : Feltis  
 „ autem diebus , vt ne quis de familia  
 „ interesse omnino omittat .

„ Vt festis præterea diebus ad sacras  
 „ conciones , lectiones , supplicatio-  
 „ nes , diuina officia , aliasque Chri-  
 „ stianæ pietatis exercitationes con-  
 „ ueniat , vt ne quis his sacris diebus  
 „ opus seruile faciat .

„ Vt Vigiliarum & Quatuor tempo-  
 „ rum & Quadragesimæ , & alia statâ  
 „ ieiunia illi in familia seruent , quibus  
 „ Ecclesiæ præcepto iussu est .

„ Ne patiantur in familia esse quem-  
 „ quam qui blasphemus sit , qui periu-  
 „ rus , qui item corruptis moribus utra-  
 „ tur , qui obscenè quidquam vel lo-  
 „ quatur vel agat ; qui aleis ludat , qui  
 „ denique cæteris turpis vitæ exempla  
 „ præbeat .

„ De vitæ præterea spiritualis ratio-  
 „ ne , & pijs exercitationibus , aut de

„ vitis Sanctorum probatos Sacerdo-  
 „ tis confessarij iudicio libros , in quo-  
 „ rum lectione familia aliquando ver-  
 „ setur , domum suam introducant ;  
 „ exclusis , obscœnè , turpiter , iocosè  
 „ conscriptis , alijsque id genus libris ,  
 „ vnde morum , institutionisque cor-  
 „ ruptela existerè possint .

## CAPVT XIV.

*De Verbi Diuini prædi-  
catione .*

**Q**Uam sublime , quam excelsum  
 sit , & supereminens Verbi Di-  
 uini prædicandi munus , vel hinc patet  
 quod ipsi sancti Apostoli tanquam  
 48. 6. proprium illud sibi vendicarint ; *Non  
 est aquum* ( inquit illorum Princeps )  
*nos derelinquere Verbum Dei & mini-*  
*strare mensis ; videte ergo viros boni testi-*  
*monij , quos constituatis super hoc opus ,*  
*nos autem orationi & ministerio Verbi in-*  
*stantes erimus* Et S. Paulus , *non misit me*  
*Deus baptizare* ( inquit ) *sed euangeli-*  
 Cor. 1. *sare* : Et in Concilio Tridentino Euan-  
 Sess. 4. c. gelij prædicatio dicitur esse *præcipuum*  
 2. de ref. *Episcoporum munus .*

Ex quo sequitur , quod cum ipse  
 Sa-

Sacerdos vi ordinationis suæ (cum debita tamen subordinatione) ad Verbum Diuinum prædicandum destinetur, *Sacerdotem siquidem* (inquit Episcopus ordinans) oportet præesse, prædicare, &c. Apostolicum hoc munus maximi facere, ad illudque, eo quo decet modo, exequendum paratum, se semper quantum in ipso est, exhibere teneatur.

*In Pontific. Roman.*

Atque in primis iuxta effatum Summi Pontificis Hormisdæ *discere debet*, ante quam doceat, quis enim (ut ait Papa Zozimus) tam arrogans & tam impudens inuenitur, ut in cœlesti militia statim dux esse desideret, cum tyro ante non fuerit?

*Epist. 4. ad Episcop. Hispan. Epist. 1.*

Sibi præterea dictum puer, quod olim D. Hieronymus Nepotiano: Non confundant opera tua sermonem tuum, ne cum in Ecclesia loqueris, tacitus quilibet respondeat, cur ergo hæc quæ dicis, ipse non facis, &c. Delicatus magister est, qui pleno ventre de ieiunijs disputat: accusare auaritiam, & latro potest, Sacerdotis Christiani os, mens, manusque concordent.

*Epist. 2. ad Nepot.*

Audiat ex S. Bernardo, si sapias concham te exhibebis, & non canalem, hic siquidem pene simul & recipit, & refundit; illa vero donec implatur expectat, & sic quod superat undat, sine suo aamno communicat. Verum canales multos ho-

*Ser. 18. in Cant.*

*die habemus in Ecclesia, conchas vero per-  
pauas: tanta charitatis sunt, ut ante  
effundere quam infundi velint.*

Quod autem spectat ad rationem,  
& methodum prædicandi, cum mul-  
ta multi dixerint, nihil melius aut con-  
sultius nos hic præstare posse existi-  
mauimus, quam fontem illum adire,  
à quo riuum hunc deriuare studuimus,  
Illustrissimum inquam, Diuini Verbi  
præconem Franciscum Salesium, cui  
quondam ab ipso Summo Ecclesiæ Pa-  
tore in singulare sapientiæ testimo-  
nium refertur dictum fuisse, *bibe  
aquam de cisterna tua, & riuus tui deri-  
uentur foras.*

*Lib. I. e.* De illius igitur eximij viri quadam  
*hist. 31.* epistola, in qua de optima concio-  
nandi ratione differit, hæc quæ sequun-  
tur breuiter excerptimus.

Omnis concionandi ratio ad qua-  
tuor præsertim capita reuocari potest,  
quis scilicet concionari debeat? quo  
fine? quid in concionibus propone-  
re? qua ratione & forma illud enun-  
tiare.

Quod ad primum attinet; nullus  
Verbi Diuini prædicandi munus debet  
assumere, cui non suppetat legitima  
missio, doctrina necessaria, & vita  
irreprehensibilis: cum vero in Episco-  
pis, non solum missio primaria &  
præcollens, sed ipsius quoque missio-  
nis

his fontes ministeriales reperiantur, hinc patet ab illis in quoscunque alios, legitimam missionem, examine (si ipsis videatur) præmisso, derivandam esse.

Doctrina si non eximia, saltem sufficiens sit, vita vero ita irreprehensibilis, ut non solum à quolibet lethali vicio immunem se concionator seruet, sed etiam à grauioribus venialibus sollicitè caueat; imo & à quibusdam actionibus, quæ licet ex se peccata non sint, tamen in eo reprehensionem sunt obnoxia: *Nuga*, inquit S. Bernardus, *in ore secularium nuga sunt, in ore autem Sacerdotis blasphemia*: Laicus quisque venationi, ludo, alijsque eiusmodi exercitijs liberè, & citra omnem reprehensionem vacare potest, quæ tamen à Concionatore vix sine scandalo eoque graui usurparentur.

Cæterum, consultissimum esset Concionatori nunquam ad populum edocendum exedram conscendere, nisi post sanctissimum Missæ sacrificium celebratum, aut cum intentione celebrandi: dici enim vix potest, quantum dæmones perhorrescant os illud quod sanctissimum Christi corpus suscepit: tunc si quidem cum Apostolo dicere posset, *An experimentum queritis eius, qui in me loquitur Christus?* 2 Cor. 13.

Saltem ab omni peccato per con-

*Pf. 49.* fessionem expurgatus esse debet, ne illi exprobre-  
*1. Cor. 9* tur à Deo, quare tu enar-  
 ras iustitias meas, & assumis testamen-  
 tum meum per os tuum, tu vero adisti di-  
 sciplinam, & proiecisti sermones meos re-  
 trorsum; nec obliuiscatur illius Apo-  
 stolici dicti, *Castigo corpus meum, &*  
*in seruitutem redigo; ne cum alijs pradi-*  
*cauerim, ipse reprobus efficiar.*

*Ioan. 10* Quod spectat ad secundum, Con-  
 cionator eundem sibi finem præstitue-  
 re debet, ob quem Dominus è cælis  
 in hæc inferiora diuinas veritates ho-  
 minibus annuntiaturus descendit; Ego,  
 inquit, *veni ut vitam habeant, &*  
*abundantius habeant, & ita cum Con-*  
 cionator ipsius summi præceptoris  
 Christi locum teneat, omnium, quæ  
 in Concionibus dicit, aut dicere inten-  
 dit finis hic esse debet, vt iniqui à pec-  
 cati morte resurgant, & vitam gratiæ  
 recuperent; & vt iusti in vita spiritua-  
 li proficiant, eantque de virtute in  
 virtutem: sicque quoties pulpitem,  
 seu ambonem ad populum verba fa-  
 cturus ascendit, apud semetipsum  
 dicat, *Ego veni ut isti vitam habeant,*  
*& abundantius habeant.*

Vt vero scopum hunc sibi proposi-  
 tum pertingat, duo præsertim requi-  
 runtur; nimirum vt doceat, & mo-  
 ueat; id est, vt auditorum intellectum  
 illuminet, & permoueat voluntatem;

vt

vt virtutum decorem ac pulchritudinem, vitiorum horrorem ac foeditatem ob oculos ponat, vnde sequatur illarum amor & praxis, horum vero detestatio & fuga: quod autem quidam exigunt, vt concionator etiam delectet auditores; si delectationem eam intelligant, quæ procedit ex cognitione veritatis, & amore virtutis, facile conceditur: si verò aliam quæ ex mundana quadam & sæculari eloquentia, sermonumque artificiosa concinnatione, quæ ad demulcendas aures solummodo apta est, absit hæc vaniloquentia omnis à concionatore Christiano, qui Christum crucifixum prædicaturus est; quique *sectari debet 2. Tim. non lenocinia Rhetorum, sed veritates pi. 4. scatorum*; procul à sacris exedris eiusmodi *magistri prurientes auribus*. Sane finita concione non expedit audiri; O quam disertus Orator! quam doctus! quam copiosus! audiatur potius; O quam pulchra est virtus! quam necessaria poenitentia! quam magnus & timendus Deus! quam bonus & amabilis!

Quod ad tertium pertinet, quid scilicet proponi debeat in concionibus: *Prædica verbum*, inquit Apostolus, *2. Tim. 4. charissimum sibi Timotheum instruēs*. Et ipse veritatis magister Apostolos *Seff. 5. c. suos mittens: Prædicate, inquit, Evan- 2. de ref. gelium;*

*gelium; & eius fidelis interpres Ecclesia in Concilio Tridentino, docet in concionibus, ea præsertim debere explicari, quæ scire omnibus necessarium est ad salutem: annuntiarique fidelibus cum breuitate & facilitate sermonis vitia quæ eos declinare, & virtutes quas sectari oporteat, ut pœnam æternam euadere, & cœlestem gloriam consequi valeant.*

Primum igitur locum in concionibus teneat Scriptura, cuius varij sensus exquiri & explicari possunt, literalis scilicet, aut allegoricus, aut anagogicus, aut moralis: ita tamen ut nusquam recedatur ab eo sensu quem tenet Sancta Mater Ecclesia, cuius est iudicare de vero sensu & interpretatione Scripturarum Sanctarum.

Scripturæ verbis iungantur Sanctorum Patrum sententiæ, eæque præsertim quæ breues, concisæ, acutæ ac fortes sunt: qualis illa S. Augustini *qui fecit te sine te, non saluabis te sine te: & ista qui pœnitentibus veniam promissit, tempus pœnitenti non promissit*: quibus pleraque similes apud S. Bernardum reperire est.

Adhibeantur præterea rationes morales, & argumenta, quæ vel ex proprii ingenij meditatione, vel ex sanctorum Doctorum lectione peti possunt, nec non exempla & historiæ quædam selectæ, & ad mouendum  
vel



vel persuadendum, debite applicatae, et praesertim quae in actis Sanctorum leguntur: interferi etiam possunt similitudines siue ex naturalibus rebus depromptae, in quibus mirificus est S. Chrysostomus, & ad imitandum copiosissimus & aptissimus, ut in eius homilijs & orationibus videri potest.

Porro hae siue authoritates, siue ratiocinia, siue historiae aut similitudines, non confuse & promiscue, sed apta & idonea ratione ac methodo disponi & ordinari debent, quod & ipsi Concionatori percommodum, & auditoribus gratum & proficuum erit.

Hae autem methodus clara fit & perspicua, non abstrusa, & recondita, ut quibusdam placet, qui operae pretium se facturos arbitrantur, si nullus dictorum rationem, ordinemve perspicere queat: verum ad quid vlla loquendi ratio & methodus, si auditori abscondita sit & imperuia?

Vel igitur sacra aliqua historia in concione exponenda est, puta Natiuitatis, vel Passionis Christi Domini, aut Assumptionis Deiparae Virginis, vel aliquod Euangelium explanandum, vel vita alicuius Sancti enarranda, vel de virtute aliqua, aut de vicio differendum.

Si assumatur sacra aliqua historia.

H 1 ex.

expo.anda, illius præcipuæ circumstantiæ expendendæ erunt, puta in Passione Christi quis patitur? quid patitur? quem ob finem? pro quibus? qua patientia? qua charitate? quo amore? Velex serie ipsius historiæ breuiter enarratæ, piæ aliquot considerationes erunt eliciendæ: v.g. quid inde discere oporteat, ad fidem ædificandam, spem augendam, charitatem inflammandam, mores informandos, &c.

Si Euangelium aliquod explanandum suscipiatur, vel id fieri potest paraphrasticè; totum Euangelium percurrento; vel, quod vtilius est, selectam aliquam illius sententiam explicando: in ea autem sententia videndum est, quid præsertim morale, & ad praxim audientium accommodatum proponi possit. v.g. si hoc Christi Domini effatum pertractetur, *quod vobis dico, omnibus dico, vigilate*, tria dici poterunt: primo quænam sit ea vigilantia ad quam Christus hortatur: 2. quam sit cuius Christiano necessaria & salutaris: 3. quibus modis infirmitas humana iuuari possit, ad vigilantiam illam debitè consecretandam.

Si vita alicuius Sancti enarranda sit, varij sunt modi procedendi, vel enim agi poterit, iuxta Apostoli dictum, *qua-*

qualiter sanctus ille erga Deum piè,  
erga seipsum sobriè, erga proximum  
iustè vixerit: vel perpendendum erit  
quid ille agendo, patièdo, orando  
præstiterit; aut qua ratione contra  
mundum, dæmonem, carnem decer-  
tauerit; vel superbiam, auaritiā,  
concupiscētiā debellauerit, aut quas  
potissimum virtutes imitandas nobis  
reliquerit.

Si de virtute aliqua differendum sit,  
primo illius naturam seu proprietates  
explicare oportebit; tum proponen-  
dæ erunt rationes, & motiua, quæ ad  
illam amplectēdam inducere possunt:  
exinde ea, quæ ad faciliorem & per-  
fectiorem eius praxim iuuant, erunt  
explicanda, quod etiam in contrario  
sensu intelligendum est si de aliquo vi-  
tio differatur.

Quod denique ad quartum spectat,  
ad perfectam concionandi formam,  
opus est actione libera, nobili, gene-  
rosa, sincera, forti, sancta, graui, &  
moderata.

Libera, vt excludatur actio illa quæ  
legibus quibusdam scholasticis com-  
posita, & veluti coarctata est.

Nobili, vt caueatur quorundam  
rusticitas, qui cum indecora corporis  
agitatione, & manuum complosio-  
ne, boatum potius quam vocem  
edunt.

Generosa, ut exequiatur puerilis nescio quæ timiditas aliquorum, qui quasi ad magistros & patres, & non ad discipulos ac filios verba facere videntur.

Sincera, ut omnis affectatio & artificiosa compositio abigatur.

Forti, ne mollis, languida, & quasi emortua videatur.

Sancta, ne quid mundanum vel aulicum præ se ferat.

Graui, ut omnis inepta gesticulatio, vel adulatoria sermocinatio ab sit.

Moderata, ut non sit præceps nimis & concisus, neque etiam nimis lentus aut tardus, sed optimè temperatus dicendi modus.

Porro naturalis, simplex, & apertus orationis ordo tanquam optimus & ad finem propositum aptissimus seruandus est; itaut concio ipsa in suas partes diuidatur, & quæ primo, vel secundo seu tertio loco dicenda erunt, expresse declarentur, itaut populus ordinem illum obseruare & intelligere queat.

In fine præstat breuem veluti recapitulationem proponere eorum quæ animis audientium firmitus in hære debent: postque illam, paucis aliquot verbis spiritu & seruire animatis, totam orationem concludere.

Opti-

Optimus vero præparandæ concionis modus esset, præmisso aliquo studio, ea quæ alijs dicenda sunt, coram Deo attentè perpendere & deuote meditari; quod quidem si coram sanctissimo Sacramento fiat, dici vix potest quanta, quamque mirabilis virtus, & efficacia inde hauriatur.

## C A P V T X V.

### *De Catechistica instructione.*

**P**Ræter sublime illud concionandi munus de quo egimus capite superiori, est & aliud proprium & peculiare ipsius Sacerdotis officium, catechisandi scilicet, & prima fidei Catholicæ rudimenta paruulis & ignaris tradendi; quod quidem licet paulo demissius videatur, non ideo tamen negligendum, immò tanto potiori studio & affectu incumbendum illi est, quanto vberiores vt plurimum ex eo fructus animarumque prouentus colligi possunt, cum minori dispendio humilitatis, quæ plerumque in exedris inter audientium plausus periclitatur.

Sanè

Coloff.  
2.

Matth.  
28.

Sanè vt innumera sanctorum exempla omittamus, ipse Christus Dominus in quo omnes thesauri sapientia & scientia Dei reconditi erant, rudem populum, cœlestis regni mysteria familiaribus alloquijs edocere, paruulosque ad se venientes blandè excipere, & benignè erudire non dedignatus est. Et post passionem suam Apostolos in omnes mundi partes emittens, iussit illos docere omnes gentes, quod & ipsi summo studio & labore perfecerunt, & catechisandò, id est, viua voce docendo, & explicando Christianæ fidei veritates, orbem terrarum foeliciter Christi Domini imperio subegerunt.

Thren.  
4.

Sed quod præcipuum & cuius Sacerdoti maxime perpendendum, est summa, vt non dicam penè extrema Ecclesiæ necessitas, quæ non sine acerbissimo dolore videt etiam his temporibus plures animas defectu instructionis, à via salutis aberrare, & tandem in perditionis abyssum deuolui. Quot enim putamus locos esse in terris vbi paruuli petunt panem, & non est qui frangat eis; quot regiones, in quibus populi fame & siti labbrant, non quidem panis & aquæ, sed Verbi diuini audiendi. Messis haud dubiè etiam nunc multa, operarij autem pauci, rogemus ergo

Luc. 10. Dominum messis vt mittat operarios in mes-

*messam suam*, & quamuis quisque se  
seruum inutilem agnoscere debeat,  
audeat tamen & diuinæ gratiæ auxi-  
lio innixus dicat *ecce ego, mitte me*.

Sacerdos igitur huic Apostolico  
catechisandi muneri incumbere vo-  
lens, hoc præsertim sibi proponere  
debet, vt eo animo illud exequatur,  
quo Apostolici viri, immò quo ipse-  
met Christus Dominus id præstitit:  
de illo si quidem legitur in Euangelio,  
quod Nazarenos conciuēs suos in Sy-  
nagoga instruens incepit ab illis Pro-  
phetæ verbis, quæ in se impleta esse  
testatus est; *Spiritus inquit Domini su-* Luc. 4.  
*per me, euangelizare pauperibus misit*  
*me, & ad discipulos Ioannis inter alia*  
*diuinæ suæ missionis indicia illud pro-*  
*tulit, pauperes euangelisantur, & de* Matt. 11.  
*paruulis ad se concurrentibus quos*  
*Apostoli prohibere volebant, finite*  
*inquit paruulos venire ad me, talium est* Marc.  
*enim regnum cælorum.* 10.

Ex quibus patet virtutem Catechi-  
stæ maxime propriam esse feruentem  
diuinæ gloriæ, animarumque salutis  
procurandæ zelum, perfectâ humili-  
tate, affabilitate, mansuetudine tem-  
peratum: quo animatus, non iam  
quæ sua sunt quærat, sed quæ Iesu  
Christi; illiusque proinde exemplo,  
ad pauperes instruendos & erudien-  
dos, peculiari affectu feratur, & in  
paruu-

paruulis ad Christum adducendis, imo  
& trahendis, operam & industriam  
ponat.

*Lib. de catechi- sand. ru- dib. c. 10* Cogitemus ( inquit S. Augustinus, infigem Ecclesiæ Carthaginensis Catechistam erudiens. ) quid nobis prærogatum sit ab illo, qui demonstrauit nobis exemplum, ut sequamur vestigia eius. Cogitemus, qua charitate, quo zelo Seruator ille hominum circuibat pagos & villas, ignarum & rudem populum nunc in littore, nunc in montibus, nunc in locis campestribus erudens, quomodo se ad eorum qui audiebant captum demittebat, familiari loquendi modo vtens, eadem sæpius repetens & inculcans, similitudines & parabolas vulgares adhibens? qua patientia, quo amore, turbas comprimentes se sustinebat? qua lenitate & mansuetudine illorum quos alloquebatur tarditatem & stupiditatem iuuabat, duritiem & contumaciam ferebat, & omnia omnibus fiebat, vt omnes redimeret, & saluos faceret?

En exemplum quod diuinus ille præceptor nobis propositum reliquit, vt sequamur vestigia eius: quod vt præstare queat is qui Catechistæ officio debite fungi voluerit, debet in primis hoc apud se statuere, vt quantum poterit, sese ad captum vniuscuius-



cuiusque eorum quos instruit accom-  
modare studeat; *Quamuis enim* (ut  
loquitur S. Augustinus) *eadem om-* *Sup. cap.*  
*15.*  
*nibus debeat Charitas, non est ta-*  
*men eadem omnibus adhibenda medi-*  
*na; ipsa certè charitas alios paritur,*  
*cum alijs infirmatur, ad alios se incli-*  
*nat, ad alios se erigit, alijs blanda,*  
*alijs seuera, nulli inimica, omnibus*  
*mater.*

Ad hoc autem maximè iuuabit si  
eorum quos instruit, ingenium agno-  
scat, indolemque habeat explora-  
tam, ut ea illis proponat, quæ eo-  
rum capacitati commensurata esse  
existimauerit, eaque methodo & ra-  
tione quæ ipsis possit esse utilis ac pro-  
ficua: *Tanquam paruulis in Christo* *3. Cor. 1*  
*(inquit Apostolus Corinthios adhuc*  
*in fide Neophytos alloquens) lac*  
*vobis potum dedi, non escam: nondum*  
*enim poteratis, sed nec nunc quidem*  
*poteatis.*

Præterea, crebra experientia  
compertum est non modo simpli-  
ces & apertas explicationes, sed etiam  
familiares interrogationes, in catechi-  
stica institutione esse utilissimas, im-  
mò pueros longè magis in eo disci-  
plinæ genere proficere, si sæpe ac  
diuersimodè interrogentur, quam si  
continuato & prolixo sermone edo-  
ceantur.

De

De hoc etiam ipse S. Augustinus supra memoratum Catechistam commonefaciens. *Interrogatione* (inquit) *Sup. cap. 13.* *quarendum, utrum is qui catechisatur, intelligat; & agendum pro eius responsione, ut aut planius & enodatius loquamur, aut qua illi nota sunt non explicemus latius, &c. Quod si nimis tardus est, misericorditer sufferendus est, breuiterque decursis alijs, ea qua maximè necessaria sunt inculcanda sunt.*

Hæc autem interrogandi methodus magis adhuc proderit, quando plures catechisantur, si explicatis breui ac simplici sermone ijs quæ doceri debent, primo interrogentur ij quos ingenio meliores aduertit Catechista, eademque interrogatio alijs atque alijs verbis fiat: ut non tantum verba, sed & sensus ab ipsis capiatur: exinde ab ijs qui minus ingenio valent eadem exquirat, nec in iisdem sæpius repetendis & inculcandis fatigetur: ac præsertim radioribus & magis hebetibus animum addat, & si expedit pijs aliquibus munusculis alliciat & excitet; ac demum ex instructione catechistica aliquem pietatis fructum colligere auditores suos semper edoceat, & ad id pias aliquas historias interdum adhibeat. In quibus omnibus supradictis iuuari poterit, libello quodam nuper à nobis gallico idiomate

CHRISTIANVS. 187  
mate edito, qui hoc titulo inscri-  
ptus est.

*Fidei ac Iustitiæ Christianæ veritates  
præcipuæ ac magis necessaria, clarè ac di-  
stinctè explicatæ, iuxta doctrinam  
Scripturæ, Conciliorum, &  
Patrum, adiectis plu-  
ribus selectis-  
que  
ex historia Ecclesia-  
stica exem-  
plis.*



PARS



RS TERTIA.

atibus quæ maxime  
Christianum Sacerdo-  
tem decent.

VT PRIMVM.

io perfectionis cui Sa-  
præcipua cura in-  
umbere debet.

B.T.V.M. est ex ip-  
sarum sanctarum scri-  
pturarum testimonio,  
studium perfectionis  
omnibus & quibus-  
cumque sacro Baptis-  
mate regeneratis ma-  
nere, ideoque illis sæpius  
iri. Estote perfecti (inquit  
Chri-

Christus Dominus vniuersos Christia-  
nos alloquens) sicut & Pater vest-  
cœlestis perfectus est; & Apostolus Pau-  
lus passim in Epistolis Christianos san-  
ctos nuncupat, imo plerumque ha-  
sola sanctorum nuncupatione, ipso  
designat omnibus sanctis (inquit) qui  
sunt in vniuersa Achaia. Omnibus san-  
ctis qui sunt Ephesi. Omnibus sanctis qui  
sunt Philippis, & salutant vos omnes san-  
cti, maxime autem qui de Caesaris domo  
sunt. Hoc scilicet tanquam indubita-  
tum supponens, Christianos omnes  
sanctos esse debere; id est à peccato  
ribus segregatos, & Deo poenitus di-  
catos: Hoc enim est Christianum esse,  
(inquit S. Leo) hoc baptismum suscipe-  
re, nimirum renuntiare diabolo, & in-  
nonitatem è vetustate transire, & terre-  
ni hominis imagine deposita, cœlestem  
formam induere.

Quod si ea est Christianorum quo-  
rumcumque ad perfectionem conse-  
crandam obligatio, qualis putas eri-  
illorum qui ex ipsis Christianis selecti  
in sortem Christi Domini vocati sunt  
eiusque diuinis ministerijs peculiar-  
gratiæ dono deputati? Vita Sacerdoti.  
(inquit S. Ambrosius) præponderare  
debet, sicut præponderat gratia. Cum  
enim augentur dona (vt monet S. Gre-  
gorius) rationes etiam crescunt donorum  
Vnde S. Bernardus Sacerdos (inquit  
cœle-

*Decla- caleste tenet Officium, Angelus Domini  
mat. in exercituum factus est; tanquam Angelus  
hac ver- aut eligitur, aut reprobat; inuenta quip-  
ba (ec- pe in Angelis prauitas, & districtius in-  
ce nos dicetur necesse est, & inexorabilis quam  
etc.) humana.*

Cum igitur Sacerdos peculiari quo-  
dam modo sanctus esse debeat, sitque  
præ alijs Christianis ad confectandam  
perfectionem arctissimè obstrictus,  
tum ratione ipsius status Sacerdota-  
lis, qui ad alios etiam sanctificandos  
destinatus est; tum ratione diuinorum  
munerum quibus addictus est, ad quæ  
perfecte implenda, Dei ipsius sancti-  
tatem quantum homini fas est, in se  
tenetur exprimere, videndum est in  
quo consistat hæc sanctitas & perfe-  
ctio Sacerdotalis; quæ quidem potest  
ad tria præsertim capita reuocari, quo-  
rum primum est vt maxima sollicitu-  
dine & vigilantia caueat à quibuscum-  
que peccatis, etiam ijs quæ leuiora  
*Sup.* æstimentur: *Non mediocris siquidem  
esse debet virtus Sacerdotalis, vt loqui-  
tur S. Ambrosius, cui cauendum non  
modo ne grauioribus flagitijs sit affinis, sed  
ne minimis quidem, & de hac pecca-  
torum deuitandorum cautela ple-  
nius in quarta huius libri parte age-  
tur.*

Secundum est vt acquirendis &  
exercendis virtutibus, ijs præsertim  
quæ

quæ muneri suo magis aptæ & congruæ videntur, sedulo incumbat, in illisque de die in diem proficere ac progredi studeat; *Indefessum enim proficiendi studium* (vt docet S. Bernardus, & iugis conatus ad perfectionem, perfectio reputatur. Cum vero iuxta

Epist.  
253. ad  
Abbat.  
Guarin.

Christi Domini edictum, *perfectus tunc demum futurus sit servus, si sit sicut Dominus eius*; in eo autem Domino cuiuscumque & virtutis & gratiæ Sacerdotalis plenitudo fuerit; imo de plenitudine eius nos omnes acceperimus: ideo Sacerdos perfectionis studiosus, in eo virtutum exercitio Christum Dominum toto affectu affectari, eiusque vestigijs inhærere debet; vt sic integer ac in nullo deficiens, alijs fidelibus dicere possit cum Apostolo, *imitatores mei estote, sicut & ego Christi*.

1. Cor.  
11.

Tertium denique est vt virtutes illas in gradu non mediocri aut vulgari, sed excelso & eminenti, ac (vt Philosophi loquuntur) heroico, quales scilicet in Christo Domino fuerunt obtinere studeat & enitatur: itaut Sacerdotis humilitas, eo vsque se demittat vt nullam respuat confusionem & abiectionem, imo gloriæ diuinæ procurandæ causa quibuscumque opprobrijs saturari gaudeat: obedientia vsque ad mortem perseuerate parata sit; charitas erga proximos quoscumque, etiam

etiam maxime aduersantes & infensos nullis arctetur limitibus, sed eo usque urgeat, ut si opus sit, optet esse anathema pro fratribus, & sic de reliquis virtutibus, de quibus proinde in hac tertia huius libri parte nobis agendum est.

---

## CAPVT II.

*De delectu virtutum quæ Christianum Sacerdotem maxime decent.*

**Q**UAMVIS virtutes, ut loquitur Sanctus Ambrosius, *connexa sibi invicem sint, ac concatenata*; itaut quod Lib. 5. in Luc. 1. recte dixit S. Gregorius, *una virtus si mor. 6. ne alijs, aut omnino nulla sit, aut imperfecta*, inde tamen non sequitur omnes æquali gradu à quolibet iusto possideri, qui *unam virtutem habet* (inquit S. Hieronymus, *habet quidem omnes, sed participatione, non proprietate*; idest, participat quidem omnibus, Dialog. I. aduersus Pelag. non tamen excellit in omnibus; unde postea subdit, *necesse est enim ut singula excellent in quibusdam, ut in Salomone sapientia, in Davide animi mansuetudo, in Elia & Phinees zelus, in Abraham fides,*

*fides, in Petro, cui dictum est, Simon Ioannis amas me, perfecta dilectio, in Electionis vase studium predicandi, & sic in cæteris.*

Cum igitur ea sit animi humani conditio, quamdiu mortalitatem istam circumfert, ut secundum legem ordinariam simul in omnibus virtutibus excellere nequeat; sintque inter ipsas virtutes quædam, quarum studium præ alijs magis convenire videatur, habita ratione temporum, locorum, personarum, & similium circumstantiarum; hinc sequitur cuilibet perfectionis studioso, ac præsertim Sacerdoti qui in eiusmodi studio præcellere debet, delectum habendum esse virtutum, in quibus sine ullo reliquarum neglectu se peculiari cura exerceat.

Atque in primis, ut recte observat Illustrissimus Episcopus Gebennensis, quædam virtutes sunt, quarum usus ad omnes vitæ Christianæ partes extendere se debet, cæterarumque virtutum actionibus veluti condimento esse; raro siquidem occurrunt occasiones exercendæ magnanimitatis, magnificentiæ, fortitudinis, & similium: sed v.g. mansuetudo, modestia, humilitas tales sunt, ut vix sine illis, actus ullus humanus in genere moris omnibus suis numeris absolutus esse

I possit:

*Philoth.  
part. 3.  
cap. 1.*



possit: & licet aliz sint virtutes excellentiores, istarum tamen praxis magis necessaria est, ac proinde peculiari studio & affectu consecranda.

Iam inter reliquas virtutes, usus illarum Sacerdoti semper antefereendus est, quæ muneri suo magis conueniunt, non quæ magis animo arrident, sic Apostoli, Verbi diuini prædicationem ut pote officio suo magis congruentem, mensarum ministerio, & pauperum curæ prætulerunt: & haud dubiè inordinata esset v.g. pietas illa in Pastore animarum, qui relicta gregis sibi commissi curæ, solitudinem ambire, & soli rerum diuinarum contemplationi vacare vellet.

Virtutes præterea quæ coram Deo excellentiores sunt & solidiores eligendæ sunt præ illis, quæ in oculis hominum maiorem fulgorem emittunt, & pluris vulgò æstimantur: & sic cæteris paribus melius & tutius est Sacerdoti, ad imitationem Domini sui, pagos & villas circumire, ibique pauperes & rusticanos fidei mysteria diuinaque præcepta edocere; aut in umbris carcerum, vel Xenodochiorum sepius, captiuos & infirmos consolari & instruere; quam in celebrioribus templis cathedras ambire, & in magna personarum nobilium frequentia doctas & disertas conciones habere.

Do-

Docet nos etiam eiusdem Christi Domini exemplum, virtutes illas præsertim præeligendas esse, non solum quæ maiorem demissionem & abiectionem coniunctam habeant, sed etiam quæ naturalibus cuiusque inclinationibus minus fauere videantur, & quæ ad seipsum abnegationem magis iuuent. Poterat certè diuinus ille hominum Seruator, si libuisset, inter legitimum diuitiarum & deliciarum vltim salutem ipsorum hominum operari, poterat in regio palatio commodè nasci, vitamque regie dignitati congruentem & bonis omnibus affluentem ducere, non solum sine vllò pietatis detrimento, sed etiam cum summa laude virtutis; & tamen vt nos non verbis solum, sed & exemplo suo instrueret, longè diuersam sibi virtutis viam deligere voluit, *non venit ministrari, sed ministrare: & cum diues esset, propter nos egenus factus est; voluit esse vir dolorum; voluit opprobrijs saturari: vt vel hinc ministri eius discerent earum præsertim virtutum studium assumere, quæ illos aptiores redderent ad id præstandum, quod ipse primum fecit, deinde docuit, cum dixit, qui vult venire post me, abneget semetipsum, tollat crucem suam, & sequatur me.*

Matth.

20.

2. Cor. 8

Isa. 53.

Thren.

2.

Luc 9.

Vtilissimum præterea erit Sacerdo-

De hoc etiam ipse S. Augustinus supra memoratum Catechistam commonefaciens. *Interrogatione* (inquit) *Sup. cap. 13.* *quarendum, utrum is qui catechizatur, intelligat; & agendum pro eius responsione, ut aut planius & enodatius loquamur, aut qua illi nota sunt non explicemus latius, &c. Quod si nimis tardus est, misericorditer sufferendus est, brevitertque decursis alijs, ea qua maximè necessaria sunt inculcanda sunt.*

Hæc autem interrogandi methodus magis adhuc proderit, quando plures catechizantur, si explicatis breui ac simplici sermone ijs quæ doceri debent, primo interrogentur ij quos ingenio meliores aduertit Catechista, eademque interrogatio alijs atque alijs verbis fiat: ut non tantum verba, sed & sensus ab ipsis capiatur: exinde ab ijs qui minus ingenio valent eadem exquirat, nec in iisdem sæpius repetendis & inculcandis fatigetur: ac præsertim radioribus & magis hebetibus animum addat, & si expedit pijs aliquibus munusculis alliciat & excitet; ac demum ex instructione catechistica aliquem pietatis fructum colligere auditores suos semper edoceat, & ad id pias aliquas historias interdum adhibeat. In quibus omnibus supradictis iuuari poterit, libello quodam nuper à nobis gallico idiomate

mate edito, qui hoc titulo inscri-  
ptus est.

*Fidei ac Iustitia Christiana veritates  
præcipue ac magis necessaria, clarè ac di-  
stincte explicata, iuxta doctrinam*

*Scriptura, Conciliorum, &*

*Patrum, adiectis plu-  
ribus selectis-*

*que*

*ex historia Ecclesia-  
stica exem-  
plis.*





## PARS TERTIA.

De virtutibus quæ maximè  
Christianum Sacerdo-  
tem decent.

### CAPVT PRIMVM.

*De studio perfectionis cui Sa-  
cerdos præcipua cura in-  
cumbere debet.*

**C**ERTVM est ex ip-  
sarum sanctarum scri-  
pturarũ testimonio,  
studium perfectionis  
omnibus & quibus-  
cumque sacro Baptis-  
mate regeneratis ma-  
ximè congruere, ideoque illis sæpius  
commendari. *Estote perfecti* (inquit  
Chri-

Christus Dominus vniuersos Christianos alloquens) sicut & Pater vester cœlestis perfectus est; & Apostolus Paulus passim in Epistolis Christianos sanctos nuncupat, imo plerumque hac sola sanctorum nuncupatione, ipsos designat omnibus sanctis (inquit) qui sunt in vniuersa Achaia. Omnibus sanctis qui sunt Ephesi. Omnibus sanctis qui sunt Philippis, & salutant vos omnes sancti, maximè autem qui de Caesaris domo sunt. Hoc scilicet tanquam indubitatum supponens, Christianos omnes sanctos esse debere; id est à peccatoribus segregatos, & Deo poenitus dicatos: Hoc enim est Christianum esse, (inquit S. Leo) hoc baptismum suscipere, nimirum renuntiare diabolo, & in nouitatem è vetustate transire, & terreni hominis imago deposita, cœlestem formam induere.

Quod si ea est Christianorum quoruncumque ad perfectionem consecrandam obligatio, qualis putas erit illorum qui ex ipsis Christianis selecti, in sortem Christi Domini vocati sunt, eiusque diuinis ministerijs peculiari gratiæ dono deputati? Vita Sacerdotis (inquit S. Ambrosius) præponderare debet, sicut præponderat gratia. Cum enim augentur dona (vt monet S. Gregorius) rationes etiam crescunt donorum: vnde S. Bernardus Sacerdos (inquit) cale-

Matt. 5.

2. Cor. 1

Ephes. 1.

Philip. 1

&amp; 4.

Ser. 24.

de pas-

sione.

Lib. 3.

Epist. 25

Hom. 9.

in Ena-

gel.

cale-

ti virtutis alicuius praxim, in qua peculiari studio exerceatur sibi assumere; non ut alias omittat, aut negligat; sed ut animum exercitio eiusmodi salubriter occupatum teneat: sicque facilius ac felicius de virtute in virtutem progrediatur.

Quod si defectum aliquem in animo suo deprehendat, aut se cuiuspiam vitio agnoscat obnoxium, tum maxime proderit oppositæ virtutis exercitium amplecti: ea siquidem ratione & debellabitur hostis, & nihilominus in virtutis via continuus fiet progressus.

Cæterum in isto delectu præcipue cauendum est ab errore multorum, qui res quasdam in numero virtutum reponunt, quæ tamen nusquam virtutes sunt, (ut sapienter monet idem Gebennensis Antistes) cuiusmodi sunt extases, raptus, impassibilitates, insensibilitates, uniones deificæ, elevationes, transformationes, & aliz similes, de quibus agitur in libris quorundam authorum, qui animum ad contemplationem usque purè intellectualem, applicationemque essentialem spiritus, ac vitam supereminentem eleuatuos se pollicentur: hæc siquidem non virtutes, sed virtutum quædam remunerationes sunt, vel potius æternarum voluptatum prægusta.

tiones, quas Deus prout vult, & quibus vult elargitur: ad quas proinde eniti superuacaneum est, cum nequeant opera vlla, aut industria humana obtineri; nec vllatenus necessariae sint ad diuini obsequij, amorisque perfectionem consequendam: præterquam quod varijs illusionibus, seductionibus, & fallacijs vt plurimum reperiantur obnoxia; interdumque eueniat, vt qui se ad Angelicam vsque perfectionem euectos arbitrantur, vix in piorum hominum numero recenseri digni sint: plusque sublimitatis in modo loquendi, quam solidae virtutis, aut pietatis in ratione viuendi & operandi deprehendatur.

Sicut igitur nihil contemni, aut temerè censura aliqua notari debet, ita pro aliorum exaltatione Deo gratias agentes, humiliori quidem, sed tutiori via progredi præstat, & vt loquitur

Apostolus, *dignè amulare voca-*

*Ephes. 4*

*tione qua vocati sumus, cum*

*omni humilitate, suppor-*

*tantes inuicem,*

*solliciti ser-*

*uare*

*unitatem spiritus, in*

*vinculo pa-*

*cis.*



## CAPVT III.

De fide, qua pollere debet  
Christianus Sa-  
cerdos.

*Serm. de fide, spe, & cha- ritate.*  
**C**um fides (ut loquitur S. Chry-  
 loitimus) sit origo iustitia, san-  
 ctitatis caput, deuotionis principium, Re-  
 ligionis fundamentum, sine qua nullus  
 unquam Deum promeruit, nullus fasti-  
 gium perfectionis ascendit: merito hanc  
 inter virtutes sacerdotis proprias pri-  
 mam reponimus, cum, ut ex antedi-  
 ctis constat, ipse Sacerdos iustitia,  
 sanctitate, deuotione, religione, alijs-  
 que eiusmodi virtutibus præcellere  
 debeat, & ad ipsius perfectionis cul-  
 men præcipuo studio eniti.

*Ephes. 6* Is certe qui non modo pro sua, sed  
 etiam pro aliorum salute, aduersus  
 principes & potestates tenebrarum, con-  
 tra spiritualia nequitia in celestibus, pu-  
 gnaturus est, scutum fidei inexpugna-  
 bile in omnibus debet assumere, in  
 quo possit tela nequissimi ignea extingue-  
 re. Ille qui loquuturus est sapientiam  
*I. Cor. 2* in mysterio absconditam, quam nemo prin-  
 cipum huius sæculi nouit, opus habet  
 vir-

virtute illa, quam veluti magnam lam- *Homs. 2.*  
*padem* ( vt Eusebij Emiffeni verbis *de Sym-*  
*vtamur* ) *Chriftus adueniens, erranti- bol.*  
*bus viam monstraturus, exhibuit, per*  
*quam poffit Deus ignotus requiri, quasi-*  
*tus credi, creditus inueniri. Illi denique*  
*qui Deum peccatoribus iratum pla-*  
*care, eique proinde in diebus fuis pla-*  
*cere tenetur, necessaria est fides sine*  
*qua, vt edixit Apoftolus, impossibile est* *Serm. 4.*  
*placere Deo; sine qua, vt loquitur San-* *de Na-*  
*ctus Leo, nihil sanctum, nihil castum,* *tius.*  
*nihil vium vsquam effe poffit.*

Igitur hoc primum & præcipuum,  
 fit studium Christiani Sacerdotis, fi-  
 dem illam quam in Baptismo suscepit  
 & professus est, sinceram & illibatam  
 tenere, eamque ab omni cuiusuis hæ-  
 reseos labe & periculo, ab omni nota  
 & colore non suo, sartam testam-  
 feruare, ac pro illius defensione &  
 integritate, si opus sit, quodlibet etiam  
 ipsius vitæ discrimen subire; nec non  
 in ijs quæ fidem ipectant, Ecclesiæ iu-  
 dicio inconculsè stare, ac Pontificis  
 Romani decretis humiliter & sincerè  
 obtemperare, abnegato proprio aut  
 cuiusuis alterius iudicio.

Audiat S. Bernardum sapienter mo-  
 nentem, *nemini licitum esse in fide pu-* *Epist.*  
*zare, vel disputare pro libito, non hac il-* *190.*  
*lacque vagari per inania opinionum, per*  
*denia errorum. Et hinc discat, suoque*

*Lib. 1. de*  
*prescri-*  
*pt.* exemplo alios edoceat, captiuare intellectum in obsequium Christi, omnemque proinde in materia fidei curiosam inquisitionem abigere: nec plus sapere quam oportet sapere, sed sapere ad sobrietatem. Nobis siquidem (ut loquitur Tertullianus) Curiositate opus non est post Christum Iesum, nec inquisitione post Euangelium: cum credimus, nihil desideramus ultra credere; hoc enim prius credimus, non esse quod ultra credere debeamus, cedat proinde curiositas fidei, cedat gloria (humana scilicet rationis aut doctrina) sancti.

Præterea sicut aberrantes à vera fide, ad illius tramitem reuocare, illisque manum adiutricem porrigere toto cordis affectu debet; sic etiam in damnatis erroribus obstinatos & contumaces auersari, eorum amicitiam repudiare, consortiumque & colloquium quantum potest deuitare. Sanctorum exemplo tenetur; tum ad propriam cautelam, tum etiam ad aliorum exemplum, ut scilicet, hinc reliqui fideles discant, quo studio, qua cura, & sollicitudine ab eiusmodi peruersis hominibus cauere debeant: imitetur sancti illius zelum qui de seipso loquens: Fateor (inquit) me nunquam hæreticis pepercisse; & omni egisse studio, ut hostes Ecclesie, mei quoque hostes fierent.

Et

Et quoniam sicut reliquarum virtutum coelitus infusarum, sic etiam fidei incrementum sæpius repetiti eiusdem actus à Deo promerentur; per illosque non modo nouam diuinæ lucis accessionem ipsa recipit fides, sed & firmiores in animo radices agit: idcirco curæ erit Sacerdoti crebros ipsius fidei actus quotidie elicere, puta cum mane ac vespere oratio Deo deferenda, cum horæ canonicæ diurnæ ac nocturnæ persoluendæ, cum animus quotidiana meditatione exercendus, cum aliquis Religionis cultus Deo exhibendus, cum sanctissimum Corporis Christi sacrificium offerendum, cum pœnitentiæ tribunal adeundum, cum Sacramentum aliquod ministrandum, cum tentatio propulsanda, cum deuītanda aliqua peccandi occasio, cum aliqua imminet tribulatio, seu aduersitas, & alijs similibus in casibus qui quotidie frequentes occurrunt.

Confert etiam plurimum ad fidem conseruandam & roborandam conscientie mundities, & constantia in vitæ sanctæ proposito, bonorumque operum exercitatione; vt scilicet Sacerdos (iuxta Sancti Apostoli monitum) *militer militiam bonam, habeat.* 1. Tim. *que bonam conscientiam, quam quidam repellentes circa fidem naufragauerunt.* 1.

Denique ad eiusdem fidei profectum

ctum facit, si Sacerdos hanc, quam habet fidem alijs etiam communicare sollicitus sit, siue ignaros intruendo, siue infirmos in fide assumendo, vacillantes erigendo, sanos confirmando, & quauis alia ratione Euangelio Christi collaborando; siquidem (vt ex S. Augustino rectè adnotauit Illustrissimus Episcopus Gebennensis, *munus distribuendi confert ad meritum recipiendi, & officium docendi prabet fundamentum discendi*.)

---

## CAPVT IV.

*De spe & confidentia in Deum,  
cui Christi Sacerdos ini-  
niti debet.*

*Ser. de fide, spe & charitate.* **S**pes, inquit Chrysostomus, est futura sollicitationis religiosus assensus, promissa gloria deuota intentio, sanctorum destinata sublimitas, bonorum expectatio futurorum: & id quidem rectè, primum siquidem & præcipuum spei obiectum est, ipsamet vita & beatitudo æterna; nihilque minus à Deo sperari debet (vt loquitur S. Thomas). *quam ipsemet Deus: Deus, inquam, à nobis videndus, amandus, & per fruitionem beatificam possidendus.*

*2.2. qn. 17. a. 2.*

dus: *speramus enim in Domino viuum* : 1. Tim.  
*Et cum apparuerit, similes ei erimus, quo-* 4.  
*niam videbimus eum sicuti est : & omnis* 1. Io. 2.  
*qui habet hanc spem sanctificat seipsum &*  
*ille sanctus est.*

Quis verò hanc spei virtutem exco-  
 lere & exercere potiori iure debet,  
 quam is qui solemni ritu professus est  
*Dominus pars hereditatis meae, & calicis* Psal. 15  
*mei, in quem Psalmi locum optime*  
*& apposire S. Augustinus, Eligant sibi,*  
*inquit, alij partes quibus fruamur ter-*  
*renas & temporales : portio mea Dominus*  
*est : bibant alij mortiferas voluptates,*  
*pars calicis mei Dominus est.*

Quis, inquam, arctius adhaerere Psal. 72  
 Deo, & ponere in Domino Deo spem suā,  
 quam ille qui annuntiaturus est predica- Psal. 39  
 tiones eius in portis filia Sion? quis magis  
 auxilium à Deo sperare, quam ille qui  
 abdicatis sæcularibus desiderijs non  
 amplius respicere debet in vanitates & in-  
 sanias falsas.

Certè quo sanioribus plerumque  
 procellis in huius vitæ pelago impeti-  
 tur Sacerdotis cymba, quam non fe-  
 cus litus, sed in altum ducere præci-  
 pitur, ut in animarum capturam retia  
 laxare possit; eo maiori sedulitate  
 confugere debet ad tenendam propo-  
 sitam spem, quam, ut loquitur Apo-  
 stolus, *habemus sicut anchoram anima-* Heb. 6.  
*tutam ac firmam, & insadentem usque*  
 1 6 ad

ad interiora velaminis, ubi praeursor pro nobis introiit Iesus, secundum ordinem Melchisedech Pontifex factus in aeternum.

Porro ut diuinæ huius virtutis praxi perfectius incumbat Christi Sacerdos, hæc quæ sequuntur si libeat obseruet.

1. Animam crebro à terra versus coelum erigat, & quæ sint illic à Deo parata diligentibus se bona & præmia sedulo recogitet, ut sic desiderium, spemque cælestis illius beatitudinis in se excitet & foueat; dicat itaque sæpius cum Propheta; *Quam dilecta tabernacula tua Domine Deus virtutum*, concupiscit & deficit anima mea in atria Domini. *Tanta est certe pulchritudo & incunditas lucis illius aeterna*, (inquit S. Augustinus) *ut etiam non liceret amplius in ea manere, quam unius diei mora*, propter hoc solum innumerabiles anni huius vite pleni delicijs, ac circumfluentia temporalium bonorum, rectè meritoque contemnerentur: non enim falso, aut paruo affectu dictum est, quoniam melior est dies una in atrijs tuis, super millia.

2. Non solum vitam & beatitudinem æternam, sed etiam media omnia ad illam consequendam requisita, adeoque gratias omnes necessarias, & præcipuam omnium, finalem scilicet per-

perseuerentiam speret ab inexhausta  
 Dei misericordia, & largitate; Quis *Eccl. 2.*  
 enim unquam speravit in Domino & *1. Tim.*  
 confusus est, aut inuocauit eum & despe- *2.*  
 xit illum? Nonne Christus Dominus *1. Ioã. 2.*  
 semetipsum redemptionem pro nobis omni-  
 bus dedit, ut sit propitiatio pro peccatis  
 nostris, & non pro nostris tantum, sed  
 etiam pro totius mundi? nonne factus est  
 nobis, & uisitatio, & sanctificatio, &  
 redemptio. Et quamuis (ut Concilium *Sess. 6.*  
 Tridentinum docet) nemo sibi certi ali- *cap. 3.*  
 quid de perseuerentia munere absoluta  
 certitudine polliceri queat in auxilio ta-  
 men Dei firmissimam spem collocare & re-  
 reponere debet: Deus enim nisi illius gra-  
 tia ipse defuerit, sicut cepit ovis bonum,  
 ita perficiet operans uelle & perficere. Be-  
 nedictus igitur uir qui confidit in Domi. *Jerem.*  
 no, & erit Dominus fiducia eius, & erit *17.*  
 tanquam lignum quod transplantatur  
 iuxta aquas, quod ad humorem mittit ra-  
 dices suas, & non timebit cum uenerit  
 aestus, & erit folium eius viride, nec ali-  
 quando desinet facere fructum.

3. Quando in ministerij sui fun-  
 ctionibus, lassitudinem, fastidium,  
 aut aliquod animi deliquium persen-  
 tiet, spem tuam tuam exsuscitet, &  
 in Deum erigat: qui enim sperant in  
 Domino, mutabunt fortitudinem, assu- *Isa. 40.*  
 ment pennas ut Aquila, current & non  
 lassabuntur, ambulabunt & non deficiet.

Si



4. Si interdum ut fert huius vitæ conditio, vrgeatur tentationibus, conflictetur ærumnis, & omni consolationis luce destitui videatur; tunc maximè ad protectionem, adiutoriumque Altissimi confugiat, dicat Domino *Psal. 90.* *susceptor meus es tu, & refugium meum. Deus meus sperabo in eum; meminertique diuini illius promissi, quoniam in me sperauit, liberabo eum, cum ipso sum in tribulatione, eripiam eum & glorificabo eum.* Appositè S. Chrysostomus *Lib. ad Theod. laps.* spem dicit esse, velut catenam auream & firmam, qua de calo protensa, subducimus animas nostras, qua breui sursum in illud summum fastigium, eos qui ipsam fortiter manibus apprehendunt, euehit, seruatque supra periculosissimos, vitæ præsentis fluctus.

5. Sicut ad solum Deum tanquam ad fontem, principiumque totius boni spem omnem referre tenetur, sit ad res creatas eam indebitè deflectere nusquam debet, non itaque fidat in diuitiis cum ipsemet præcipere teneatur *1. Tim. 6.* *diuitiis huius sæculi non sperare in incerto diuitiarum; nihilque sit, (ut monet ser. 29. de verb. Dom.) tam inimicum spei, quam retro respicere, id est, in illis rebus qua præterlabuntur & transeunt spem reponere, retro respexit uxor Loth, & ubi respexit ibi remansit, in saltem conuersa, ut prudentes condiret exemplo. Non con.*

confidat in principibus, aut in filiis hominum in quibus non est salus: maledictus enim homo qui confidit in homine, & ponit carnem brachium suum, & à Domino recedit cor eius, & erit tanquam myrica in deserto. *Pf. 145.*

Neque etiam confidat in seipso, non in doctrina, ingenio, virtute, nec in ullis corporis animive dotibus; Non firmus (inquit Apostolus) fidentes in nobis ipsis, sed in Deo, neque enim sufficientes sumus cogitare aliquid ex nobis quasi ex nobis, sed sufficientia nostra ex Deo est. *1. Cor. 1.*

6. Quod si diffidentia aut desperationis tentatio aliqua animum pulset, illicque dæmon suadere nitatur v.g. Christum Dominum pro omnibus mortuum non esse, vel morte sua gratias ad salutem necessarias omnibus promereri noluisse; (contra quam tentationem, his periculosissimis temporibus, propter prava dogmata irrepentia, sollicitè animum præmunire debet Christi Sacerdos) huic igitur aut simili tentationi ingruenti, non modo scutum fidei, sed etiam galeam salutis, spem scilicet, opponat, eam firmissimam reponat in Deum vivum qui neminem vult perire, sed omnes ad poenitentiam reverti, qui vult omnes homines salvos fieri, ut Apostolorum principes expressis verbis testantur. *2. Pet. 3.*  
*1. Tim.*  
*2.*

2. Cor. 5. tur, qui etiam aperte docent Chri-  
 1. Tim. stum Dominum pro omnibus mortuum  
 1. esse, dedisse semetipsum redemptionem  
 1. pro omnibus; venisse in hunc mundum  
 Ioan. 1. peccatores saluos facere; esse lucem veram  
 qua illuminat omnem hominem venien-  
 tem in hunc mundum. Meminerit se-  
 rum in baptismo, in sacra ordinatio-  
 ne non accepisse spiritum seruitutis in ri-  
 more, sed spiritum adoptionis filiorum  
 Dei, qui quidem spiritus testimonium  
 reddit spiritui nostro quod sumus filij Dei,  
 si autem filij & heredes.

Serm. 3.  
 de oct. pa-  
 nib.

Denique cum sancto Bernardo fi-  
 denter dicat; Tria sunt qua sic roborant  
 & confirmant cor meum, ut nulla me pe-  
 nuria meritorum, nulla consideratio pro-  
 pria vilitatis, nulla affirmatio celestis bea-  
 titudinis, ab altitudine spei dei scire possit,  
 in ea firmiter radicatum: Tria igitur con-  
 sidero in quibus tota spes mea consistit, cha-  
 ritatem adoptionis, veritatem promissio-  
 nis, potestatem redditionis: murmure-  
 iam quantum voluerit, inspiens cogitatio  
 mea dicens, quis enim est aut quanta  
 est gloria illa? quibusue meritis obtinere  
 speras hanc; & ego fiducialiter responde-  
 bo, scio cui credidi, & certus sum quia  
 in charitate nimia adoptauit me, quia ve-  
 rax est in promissione, quia potens est in  
 exhibitione, &c.

## CAPVT V.

*De charitate & dilectione  
Dei, qua flagrare debet  
Christianus Sa-  
cerdos.*

**C**haritas (vt docet S. Prosper,) est recta voluntas, ab omnibus terrenis & presentibus prorsus auersa, iuncta Deo inseparabiliter & unita, ac igne quodam sancti Spiritus, à quo est & ad quem refertur incensa, vel (vt censet S. Basilii) est assidua, & ultra vires, animi ad exequendam Dei voluntatem contentio, cum proposito ac desiderio gloria ipsius.

Ipsa est virtus (vt testatur D. Augustinus) quam nemo vincit, cuius ignem nulli fluctus sæculi, nulla flumina tentationis extinguunt; de hac dictum est fortis est vt mors dilectio.

Lib. 3. de  
vita cō-  
templ.  
cap. 13.  
In reg.  
bren 2  
211.

In Psal.  
47.

Quamuis autem hæc diuina virtus omnes creaturas rationales amandi Dei capaces respiciat, & quamuis Christus Dominus vnumquemque hominum alloquutus sit, cum in Euangelio edixit, diliges Dominum Deum tuum ex toto corde tuo, ex tota

Matth.  
22.

ani-

*anima tua, &c.* Nihilominus ex eodem Euangelio discimus ipsummet Dominum speciale diligendi sui mandatum discipulis, ac in eorum persona cunctis Ecclesie suae Sacerdotibus tradidisse, cum præcepit *ut manerent in dilectione sua, sicut ipse in Patris sui dilectione manebat*, cum eos non iam *servos sed amicos suos nuncupavit*; ac proinde verum ac perfectum amicitiae amorem ab ipsis in se rependendum expetijt.

*Colos. 3. lib. de nat. & grat. c. 42.* Certè cum charitas qua Deo adheremus, vocetur ab Apostolo *vinculum perfectionis: cumque* ut docet Sanctus Augustinus, *sit verissima, plenissima, perfectissima iustitia*: sicut Christi Sacerdos ad plenissimam illam iustitiam, perfectionemque speciali titulo est obligatus, (quod ex antedictis patet) sic ad charitatem erga Deum præ ceteris Christianis teneri censendus est: sibi que ille quod Sacerdotum omnium principi & patri à Christo Domino dictum pro suo modulo reputet, *diligis me plus his.*

*Joan. 2. 1* Nec sine maxima ratione divinus ille Servator à quovis suorum Sacerdotum ampliorem charitatem, quam ab alijs fidelibus exigit, quandoquidem illum speciali præ alijs dilectione ad ministerij sui honorem feligere, varijsque ad hunc finem gratijs enaulare.

re voluit: *quemadmodum enim, ut monet Apostolus, diligere debet Deus, quia prior dilexit: sic magis diligere debet ab ijs, quos maioribus dilectionis suæ testimonijs præuenire dignatus est; quæ quidem beneficia eo magis æstimanda sunt, quo & ex se maxima sunt, & nihilominus in eum conferuntur qui ex se nihil est, imo qui sæpe valde indignus est.*

Verum antequam ad ipsius Charitatis praxim veniamus, paulisper immoremur in considerata præcepti illius de diligendo Deo nobis impositi *Lib. I. excellētia & suauitate. Quid mihi es confess. Domine? (aiebat S. Augustinus, & cap. 3. cum eo quiuis meritò dicere potest, imò debet,) aut quid tibi sum ipse ut amari te iubeas à me, & nisi faciam irascaris mihi, mineriſque ingentes miseriaſ; paruane eſt ipſa miſeria ſi non amem te?*

Sed nunquid ſatis ſuperque erat, ſi Deus ſe à nobis amari permiſiſſet? nimis certe, ſi ad amorem ſui, imo ad amicitiam cum eo ineundam inuiſaſſet; ſiquidem *nimis honorati ſunt amici tui Deus, nimis confortatus eſt principatus eorum. Ps. 138.* Sed infinita illa diuinæ bonitatis exuberantia ſibi minime ſatiſfactum iudicabat, niſi ad amorem ſui non modo alliceret, non modo vrgeret, ſed præceptis ſuis quaſi quibusdam

*Lib. de  
moribus  
Ecclesie  
cap. 8.*

dam charitatis funiculis & vinculis  
alligaret, attraheret; & sic summi il-  
lius boni per amorem perfectum am-  
plectendi, illique inhærendi felicem  
veluti nobis (salua tamen omni mo-  
do libertate) necessitatem impone-  
ret.

*Audimus igitur, (ut S. Augustini  
verbis utamur,) quid diligere, & quan-  
tum diligere debeamus; eo est proinde  
omnino tendendum, ad id omnia consilia  
nostra referenda; bonorum summa nobis  
Deus est, Deus est nobis summum bo-  
num; neque infra remanendum est nobis,  
neque ultra quarendum; alterum enim  
periculosum, alterum nullum est.*

Varijs autem modis in summum il-  
lud bonum per veræ charitatis amo-  
rem tendere potest Christi Sacerdos.  
præcipui & eius ministerio convenien-  
tissimi sunt hi qui sequuntur.

1. Vera charitas affectum nostrum  
à quibuscumq; rebus creatis abstrahit,  
totumque transfert in solum Deum:  
vult enim Deus diligi ex toto corde,  
ex tota virtute, proindeque nihil ama-  
ri debet nisi Deus, aut propter Deum;  
minus enim Deum amat, qui cum  
Deo aliquid amat quod propter illum  
non amat. Videat igitur Christi Sa-  
cerdos an sit aliquid quod eius amo-  
rem cum Deo partiatur; an erga rem  
aliquam affectus sit? meminertque  
illius

*Luc. 14.*

illius dicti Evangelici, qui non renun-  
 ciat omnibus quæ possidet, non potest meus  
 esse discipulus; & qui non odit Patrem,  
 &c. adhuc autem & animam suam, non  
 potest meus esse discipulus; id est, qui af-  
 fectum suum ab illis non abstrahit, pa-  
 ratus omnia relinquere, ab omnibus  
 separari, si diuinus honor vel amor  
 id exigat, omnia etiam propria desi-  
 deria, propriamque voluntatem ab-  
 negare, non potest perfectus esse  
 Christi discipulus & minister.

2. Vera charitas nullam mensuram,  
 nullum modum in amore ponit, Deum  
 summè diligit, id est, eligit, præli-  
 git, præfert omnibus & quibuscum-  
 que rebus, sine vlla comparatione,  
 sine vllis limitibus; pluris id quod  
 Deo placitum est facit, quam omnes  
 diuitias, omnia commoda, omnes di-  
 gnitates & honores, pluris quam pro-  
 pria vitam, salutem, felicitatem.  
 Nullum præterea numerum, nullam  
 mensuram in actibus diuini amoris  
 præscribit, eosque creberrimos &  
 intensissimos quantum potest elicit.  
 Cum vero plurimæ sint & variæ occa-  
 siones, in quibus Sacerdotem interio-  
 ribus charitatis erga Deum exercitijs  
 occupari convenientissimum sit, tum  
 maxime cum perficit Sacrificium illud  
 in quo Christus Dominus sese tanquã  
 charitatis diuinæ hostiam inter purissi-  
 mi



mi flagrantissimique sui amoris flammæ, tum super altari, tum in ipsius Sacerdotis celebrantis pectore mysticè consumit; quomodo enim fieri potest ut Sacerdos tunc in sinu suo diuinum illum ignem gestet, nec illius ardorem perferat.

*Hom. 30 in Enāg.* 3. Vera charitas non tantum affectu, sed etiam effectu se prodit; imo certius & solidius effectu quam simplici affectu; *probatio siquidem dilectionis* (ut ait S. Gregorius) *exhibitio est operis*. Si igitur Sacerdos explorare velit, an ex vera & perfecta charitate Deum diligat? videat in primis, an fideliter & exactè diuina præcepta exequatur? neque solum ea, quæ ipsi cum reliquis fidelibus communia sunt, sed illa præsertim quæ status sui, munerisque sibi impositi sunt propria? an leges Ecclesiasticas, canonicasque sanctiones seruet circa habitum & tonsuram clericalem, bonorum Ecclesiasticorum dispensationem, residentiam, aliaque similia à se obseruanda. Item an ea sollicitè deuitet, quæ ab ipso sacri canones deuitanda præscribunt. v.g. aleas, venationes, luxus, comædorum spectacula, suspectas conuersationes, negotiorum sæcularium procurationes, & alia eiusmodi. Vult siquidem Deus Ecclesiam audiri, eiusque decretis obtemperari ab omnibus,

&c

& quibusvis fidelibus, quanto potiori  
 ratione ab ijs, qui in ipsius Ecclesiæ  
 clerum, ac veluti finem cooptati sunt,  
 alijsque exemplo præfulgere debent:  
 proindeque Sacerdos qui decreta &  
 canones Ecclesiæ negligit, diuinis le-  
 gibus nusquam satisfacit, nec proinde  
 ipsum Deum ex vera charitate diligit;  
*qui enim habet mandata mea & seruat* IOAN. 15  
*ea (inquit Christus) ille est qui diligit*  
*me.*

Neque solum obseruatione legum  
 diuinarum, Ecclesiasticarumque pro-  
 batur perfecta Dei dilectio, sed etiam  
 quorumcumque operum Deo placen-  
 tium executione. *nunquam enim*  
*amor Dei otiosus est ut docet S. Grego* Hom. 56  
*rius, operatur enim magna, si est: si au-* in Eccl. ag.  
*tem operari renuit, amor non est; imo, ut*  
*loquitur S. Thomas, diuinus ille amor* Opus. c.  
*operatur magna, & reputat parua; ope-* 61,  
*ratur multa, & reputat pauca; operatur*  
*diu, & reputat breue, etsi dederit homo*  
*omnem substantiam domus sue pro dile-*  
*ctione, (iuxta 70. interpretes) si de-* Cant. 8.  
*derit omnem vitam suam in dilectione,*  
*quasi nihil despiciet eam; & videbuntur*  
*ei dies pauci pro amoris magnitudine.*

Præterea si D. Chrysostomo credi- Hom. 3.  
 mus ea est amantium lex ut se tum de- in Epist.  
 mum felices putent cum aduersa pro his ad Phi-  
 quos diligunt sustinent; vnde subdit, *lem,*  
 quod qui vera charitate diligunt Deum,  
 potius

potius se ad patientiam preparant, & cogitant, ac querunt, qui pro Deo tolerant, etiam si pericula subeunda sint gravissima, quam qua ratione illius suavitatem degustare mereantur; quamvis enim Divini illius amoris suavitatem non negligat, illius tamen suavitati arumnarum tolerantiam anteponunt. Et alibi, Nihil est, inquit, tam horridum, tamque tremendum, quod hi, qui morbo, vel pœnis discruciantur non fuderent, si divino amore sint incensi? ita ut neque ignis, neque ferrum, neque inopia, neque languor aliquis, neque mors, neque aliud quippiam eiusmodi graue aut molestum appareat ei, qui ita erga Deum affectus sit.

Rom. 8.

Dicat ergo Sacerdos diuino amore percitus cum Apostolo, quis nos separabit à charitate Christi? tribulatio? an angustia? an fames? an nuditas? an persecutio? an periculum? an gladius? quantum minus levis aqua difficultas, contradictio repugnantia, aut quid simile, imo istæ occasiones aliquid in ministris Ecclesiasticis pro Deo tolerandi, non modo ab ipsius dilectione non abducent, quin potius ad illam magis ac magis augendam ac perficiendam iuuabunt; proindeque sæpius apud se proponat, nunquam se destitutum ab ullo pio opere quod Deo gratum esse perspiciet, v.g. à quotidiana meditationis praxi, ab instructione pauperum,

perum, alijsque charitatis aut religionis, seu alterius virtutis exercitijs, ob solam difficultatem vel repugnantiam, fastidiumue; quin potius, quo magis aliquid in Dei obsequio asperum aut difficile persentiet, eo magis gaudebit, quod verum ac solidum probandæ suæ erga Deum dilectionis modum nactus sit: idque inhærendo sanctorum Apostolorum vestigijs, qui quidem *ibant* *Actor. 5*  
*gaudentes à conspectu concilij, quoniam digni habiti sunt pro nomine Iesu contumeliam pati.*

## CAPVT VI.

*De intentione Diuinæ gloriæ,  
 quam in omnibus Christi  
 Sacerdos spectare  
 debet.*

**N**on erit difficile Sacerdoti ex toto corde, & ex tota virtute Deum diligenti, omnia sua, seque ipsum in eius gloriam referre, cum ad id non modo inelinet, sed etiam impellat, & vrgeat perfecta charitas, quæ non quæ sua sunt quærit, nec sibi ipsi viuit, sed illi soli, cui se, suæque omnia debet.

K

Et

*Prou. 16* Et quamuis omnia propter semetipsum operatus sit Dominus, omnesque proinde creaturæ rationis capaces illius gloriam primum quærere teneantur, Sacerdos nihilominus ad id præ cæteris peculiari ratione obstringitur, vnde ab Apostolo vocatur *homo Dei*, id est, homo qui suus esse desijt, & totus Dei est, totusque in hoc positus vt Dei honorem, gloriam, regnum in omnibus propugnet & promoueat; vt scilicet *Eucher. epist. ad* sacrum illud ministerium quod Dei munere sumpsit, Dei deuotione consumatur, *Valer.* atque in quod ab eodem indignus cæpit, eidem subiectus impendat.

Debet præterea repetere animo solemnem illam precationem quam non suo tantum, sed Ecclesiæ nomine ad Deum fundit, ac sæpius per quamque diem repetit, non modo in diuersis diuini Officij horis, sed etiam altari allās, in tremendo sacrificio, super ipso Christi Domini corpore: in qua quidem precatione, prima & præcipua petitio hæc est (*sanctificetur nomen tuum*;) quibus verbis, id petit, quod in coelis Angeli omnes, quod vniuersi beati Spiritus indefesso affectu, incessabili voce inclamant; nimirum vt benedictio, & honor, & gloria, & claritas, & gratiarum actio, ab omni creatura Deo iugiter rependatur: Videat igitur, an tunc animus cum voce concordet  
an

an sincerè, & ex toto cordis affectu id in omnibus intendat, quod pax omnibus exposcit? ne sit ex illis, de quibus conquerens Christus Dominus dixit, *populus hic labijs me honorat, cor autem eorum longe est à me.* Mat. 15.

Addamus Sacerdotem, ratione ministerij sui Christo Domino propiorum effectum, eius vestigia perfectius alijs consecrari debere; atqui diuinus ille hominum Saluator, hunc sibi vnicum actionum & passionum suarum scopum ac finem proposuit, gloriam scilicet Dei, vt illum per se glorificaret, & tum exemplo, tum meritis cunctos homines ad gloriam Deo deferendam excitaret & adiuuaret; vnde in sacris litteris vocatur per excellentiam (*gloria Dei;*) & ipse de seipso dixit, *ego non quero gloriam meam, sed eius qui misit me.* Sacerdos igitur diuinum hunc prototypum sibi ob oculos ponens, studeat illum in se exprimere, & eius exemplo se, suaeque omnia in Diuinam gloriam referre, illiusque augmentum in omnibus & vbique quantum in se est procurare. Isa. 60. Rom. 3.

Vt autem hoc melius ac perfectius praestet, in primis caueat sibi ab omni praua & obliqua intentione, *vigilantique cura* (vt loquitur S. Gregorius) *per cuncta opera sua intentionem suam penset, vt nihil temporale in ha, qua* Lib. 28. moral. cap. 13.

agit appetat, totamque illam in aternitatis soliditate figat: ne si extra illud fundamentum actionis sue fabrica ponatur, terra dehiscente solvatur: & paulo post, Bases uniuscuiusque anime sunt intentiones; nam sicut fabrica columnis, columna autem basibus innituntur; ita vita nostra in virtutibus, virtutes verò in intima intentione subsistunt. Et S. Augustinus hoc idem argumentum tractans, dicit Dauidem contra inanem gloriam

**Pf. 118.** pugnare, cum ait; *Averte oculos meos ne videant vanitatem: non quia* (inquit *In cap. 5* *Matth.* ille S. Pater) *ipsa laus humana culpanda sit, nam quid tam optandum est hominibus, quam ut eis placeant, qua debent imitari: sed propter ipsam laudem operari, est vanitatem in suis operibus intueri; quandoquidem & ipsa ab hominibus laus homini iusto quantacumque provenierit, non ibi esse debet eius finis boni, sed etiam ipsa referenda est ad laudem Dei, propter quam bona faciunt vere boni. Denique in eodem sermone Dominus dixerat, sic luceat lux vestra coram hominibus. ut videant opera vestra bona, & glorificent Patrem vestrum qui in cœlis est, ubi finem posuit in gloria Dei. Non ergo sit finis boni nostri operis in laudibus hominum, sed ipsas laudes hominum corrigamus, & ad Dei laudes omnia referamus, à quo nobis datur quidquid in nobis sine laudantis errore laudatur. Et rursus idem,*  
*hoc*

*hoc si quæris ut glorificetur Deus, noli timere ne videaris ab hominibus; etiam sic intus est eleemosyna tua in abscondito, ubi solus ille cuius tu gloriam quæris, videt hoc quærere.*

Quod autem ille de eleemosyna, hoc pari ratione de munere concionandi, aliisque functionibus Ecclesiasticis, quæ ut plurimum palam & in aliorum oculis fiunt; in quibus proinde maxime cauere sibi debet Christi Sacerdos ab vlla minus recta intentione, vnicamque in omnibus illis Dei gloriam intendere, & ad hanc intentionem eo modo concipiendam & dirigendam animum assuefacere; neque solum in præcipuis Religionis aut pietatis operibus, sed & in quibuslibet alijs actionibus etiam indifferentibus hunc finem spectare, & iuxta monitum Apostoli *sive manducet, sive bibat, sive quid aliud faciat, omnia in gloriam Dei facere.* Quod conuenienter ab ipso Sacerdote fieri poterit, si vitam suam, libertatem suam, facultates suas, consilia sua, actus suos, omnia denique sua, & seipsum Deo offerat, & coram eo protestetur se neque agere aut pati, neque viuere, aut mori velle, nisi ad maiorem eius gloriam; idque non semel, non aliquoties, sed singulis diebus, & si fieri posset, singulis cuiusque diei horis ac mo-

1. Cor.  
10.



mentis, ac præsertim initio cuiuslibet actionis, & in eiusdem progressu & fine. Heu quam felix, quam beata Sacerdotis vita quæ hoc tenore procederet! quam fausti & fortunati dies qui pura illa & sincera diuinæ gloriæ intentione velut quadam coelesti lampade illustrarentur! quam sanctæ & meritoria actiones quæ ad hunc finem dirigerentur! quam denique pretiosa mors quæ hæc meditantem, hæc peragentem occuparet! quisquis ita se gesserit, verè cum Apostolo dicere poterit, *Vino ego, iam non ego, vivit vero in me Christus; & mihi vivere Christus est, & mori lucrum.*

*Galat. 2  
Philip. 1*

## CAPVT VII.

*De charitate proximi, quæ  
propria est Christiani  
Sacerdotis.*

*Marc. 12.* **S** Apienter omnino Scriba ille in Euangelio laudatus dixit, *diligere proximum sicut seipsum, maius esse omnibus holocaustis & sacrificijs; in his siquidem animalium duntaxat caro & sanguis immolatur, at vero in proximi dilectione, quæ propter Deū*  
con-

concipitur, ipsius hominis cor & voluntas offertur, & veluti Christi charitate consecratur.

Quamuis autem diligendi proximi lex à Christo lata, & quæ omnes creaturas ratione præditas respiciat, Sacerdotes tamen illa strictius obligari, & ad perfectiorem illius praxim teneri, ex ipso Evangelio constat, in quo Christus Dominus discipulos suos alloquens, & in eorum persona Sacerdotes omnes instruens, hanc eis virtutem præ cæteris mandat, ipsumque mandatum pluries repetit, *qua quidem mandati repetitio* (ut observat S. Augustinus) *mandati commendatio est*, Ad- ditque in hoc præsertim suos cognoscendos esse discipulos, *si dilectionem habuerint ad invicem*: itaut secundum hoc Evangelicum axioma, verus Christi Domini discipulus & Sacerdos charitatis virtute, tanquã proprio & peculiari charactere dignosci debeat: qua quidem deficiente, non iam meretur dici Sacerdos, sed potius idolum Sacerdotis: habet quidem, ut ita loquamur, corpus Sacerdotij, quia indelebilem illius characterem gerit, sed in eo non est Sacerdotalis spiritus, qui alius non est, nisi spiritus charitatis. Vnde Petrus Blesensis Sacerdotem, alloquens, *sine charitate* (inquit) *nihil es, sine charitate Sacerdos dici potes, esse*

*Tract.*  
83. in  
*Joan.*  
1047. 13

*Ser. 41.*

*non potes: Charitas certe ( vt rectè monet S. Chrysostomus ) absque martyrio com. 3. facit Christi discipulos , martyrium Romani autem absque charitate id prestare non potest .*

*pu. Sur.  
tom. 6.*

Sacerdos igitur seipsum excitare volens , ad hanc virtutem sedulo conſtandam , perpendat , & attentè meditetur verba illa in Euangelio expressa , quibus Christus Dominus eam discipulis commendauit : cogitet inquam diuinum illum hominum Saluatorem , iam Passioni proximum , & ex nimia erga nos charitate iam iam acerbissimos dolores toleraturum , sanguinemque pro peccatis totius mundi effusurum , ac in cruce moriturum , commendare Sacerdotibus suis hoc vltimum præceptum quod suum nominat , illiusque executionem obnixè exposcere , vt scilicet charitatem suam erga homines imitentur , vt amore sui diligant eos , quos tantopere dilexit , vt pro ijs cruci affigi , & mori voluerit .

Vt vero huius diuinæ virtutis officia præciosa explere valeat , proximumque suum , id est ; quemlibet hominem salutis æternæ capacem , eo quo conuenit modo diligat , tria præsertim sibi obseruanda proponat .

Primum est vt illum diligat propter Deum : quia ( vt loquitur S. Gregorius ) *si quis quemlibet amat , sed propter*

pter Deum non amat, charitatem non  
habet, sed habere se putat. Ut enim per- in Euāg.  
fecta iustitia sit diligere proximum, (in Lib. de  
quit S. Bernardus) Deum in causa ha- diuigen-  
bere necesse est, alioquin proximum pu- do Deo-  
rè diligere non potest, qui in Deo non di-  
ligit.

Qua ratione autem dignoscere pos-  
sit an proximum verè propter Deum  
diligat, hanc S. Gregorius supra cita-  
tus notam affert: Ille propter Deum di- Sup.  
ligit, qui iam & eos diligere, à quibus  
non diligitur scit. Probari enim præfertim  
charitas per odij aduersitatem solet. Vi-

deat itaque Christi Sacerdos, an pa-  
ratus sit charitatis obsequia, & subfi-  
dia etiam ijs impendere à quibus nihil  
sperare potest? imo à quibus pluri-  
mum oneris & incommodi expectan-  
dum ipsi est? puta pauperibus, imbe-  
cilibus, infirmis, rudibus, ijs etiam  
à quibus ne vllum quidem grati animi  
testimonium referre, sed potius mul-  
tam contradictionem, contumaciam,  
peruicaciam tolerare oporteat? An  
cum Apostolo verè dicere paratus sit,

*Ego autem libentissime impendam & su- Cap. 26*  
*peri impendat ipse pro animabus vestris;*  
*sicet plus vos diligens minus diligar?* An  
denique ex toto cordis affectu velit  
sinceræ & indefessæ charitatis officia  
exhibere quibuslibet aduersantibus,  
odientibus, persequentibus, calum-

niantibus, &c. Sic enim euidenter perspiciet, an verè in Deo, & propter Deum diligat.

2. Cor. 2  
Lib. de  
morib.  
Eccles.

Secundum est, ut proximum quem propter Deum diligit, sicut seipsum diligat; id est, ut eadem bona quæ sibi ipsi ex vera charitate optare & procurare debet, proximo etiam quantum potuerit procurare velit? *Quod animas tecum* (inquit S. Augustinus) *id agendum cum proximo est, hoc est ut perfecto amore diligat Deum; non enim eum diligis tanquam teipsum, si non ad id bonum ad quod ipse tendis, adducere satagis.*

Sicut ergo vera & perfecta charitas qua Christi Sacerdos erga semetipsum flagrare debet, ipsum excitat ad peccata commissa deslenda, eademque in posterum deuitanda; item ad virtutes consecretandas, & ea omnia prestanda, quæ Deo grata, & accepta esse nouit, quæque ipsum æterna illius fruitione dignum reddant, sic etiam ut proximum verè & perfectè sicut seipsum diligat, debet illius peccatis ingemiscere, illumque ad ea per poenitentiam eluenda quantum poterit excitare, consilijs salutaribus iuuare, viamque edocere qua & à peccatis cauere, & bona opera beatitudinis æternæ meritoria exercere, ac sic tandem ad Deum peruenire possit.

Hæc.

Hæc est siquidem summa eorum bonorum quæ per charitatem & sibi & proximo procurare valet, ad quæ cætera omnia quæ verè bona sunt reducuntur; quæ enim ad æternam beatitudinem nihil conferunt, vera bona non sunt, nec proinde ad Christianæ charitatis officia pertinent.

Tertium denique est ut diligat, sicut Christus ipsemet dilexit; *Hoc est*, inquit, *præceptum meum ut diligatis invicem sicut dilexi vos*; en modus & mensura dilectionis erga proximum, ad quam verus Christi discipulus contendere debet, eamque sibi sedulo quantum in ipso erit consecrandam proponere.

Ioan. 15.

Perspiciat itaque, animoque perpendat, qualis & quanta fuerit illa Christi Domini erga suos dilectio; quo affectu, quo ardore, qua constantia eos usque in finem dilexerit; & cum infinitæ ac ineffabiles sint illius divinæ charitatis perfectiones, tres præsertim inter cæteras peculiari attentione meditetur, sibi que ad imitandum proponat.

Primo etenim Christus Dominus dilexit efficaciter, id est, non modo benevolentia, aut compassionis affectus aliosque similes impendit, & etiã interdum lachrymas eorum testes effudit; sed præterea operibus & effecti-

K. G. bus.

*Act. 10.* bus iunxit; *pertransijt benefaciendo & fan-*  
*nando omnes oppressos à diabolo*, ut de  
 illo testatur Apostolus; sic Sacerdotis  
 erga proximum charitas non affectiua  
 solum, sed & effectiua esse debet; non  
*1. Io. 3.* diligamus, inquit D Ioannes, *verbo,*  
*neque lingua, sed opere & veritate.* Vi-  
 deat igitur in quibus operibus & effe-  
 ctibus proximum iuuare valeat; nul-  
 lamque ipsi benefaciendi occasionem  
 elabi sinat.

Christus præterea dilexit suauiter,  
 & quod de se postea testatus est Apo-  
 stolus, hoc ipse Dominus prior adim-  
*2. Cor. 9* pleuit, *omnia omnibus factus est, ut*  
*omnes saluos faceret;* fleuit cum flenti-  
 bus, cum peccatoribus & publicanis  
 manducauit, cum pauperibus & sim-  
 plicibus è populo, tanquam cum filio-  
 lis mutauit vocem suam, ad eorum  
 captum se demisit, loquebatur illis in  
 parabolis & similitudinibus, sermone  
 vulgari & trito, ut vel minimus è tur-  
 ba facillimè dicta eius caperet & intel-  
 ligeret.

Heu quis hæc serio recogitans non  
 obstupeſcat, Verbum diuinum, æter-  
 nam ipsius Dei Sapientiam, ad hæc  
 humillima charitatis officia sese tanta  
 suauitate demittere: nos vero qui ex  
 nobis nihil sumus, qui ministerium ue-  
 bis traditum multis peccatis inquina-  
 uimus, leuiusculæ alicuius scientiæ  
 ven-

ventro inflatos & distentos, in similibus charitatis officijs Christi Domini imitationem fastidire, nec in proximi infirmioris gratiam velle tantisper nos demittere.

Hanc itaque prauam animi nostri dispositionem vel rubore suffusi præ tanta Domini nostri humilitate, ipsius *Coloss. 3* exemplo conuicti corrigamus; *Induamusque nos sicut electi Dei sancti & dilecti viscera misericordia, benignitatem, humilitatem, modestiam, patientiam, debemus siquidem nos firmiores, infirmorum imbecillitates sustinere, & non nobis placere.* *Rom. 15*

Christus denique dilexit fortiter, aquæ multæ charitatem eius extinguere non potuerunt, nec flumina illam obruere; non populorum peruicacia, non Iudæorum peruersa æmulatio, non Phariseorum calumniæ, & criminationes impiæ, non persequentium sæuitia & crudelitas, ab inceptis charitatis officijs, vel suscepto salutis humanæ opere, vllò modo retardarunt: fortis fuit vt mors eius dilectio, imo fortior quam mors, cuius demum victrix ac triumphatrix exiit.

Discamus igitur ex diuini huius Saluatoris exemplo, fortes ac constantes esse in officijs charitatis: discamus quando agitur de salute animarum procu-  
randa, non parcere laboribus, non  
tre-



trepidare in periculis , non fatigari molestijs , non cedere contradictionibus , non succumbere in persecutionibus ; *sed in omnibus superare eum* , qui dilexit nos , & cum gratiæ eius subsidio in finem vsque perseverare .

Rom. 8.

Porro quoniam is qui charitatem , inspirat eandem in nobis ordinat , ut ordo ille charitatis à Christiano Sacerdote seruetur , erga tria præsertim personarum genera , si nulla alia specialis ratio subdit , hæc illi virtus exercenda est . Primo erga sacerdotes suos , ut potè sibi arctius in Christo deiunctos & coniunctos , quos idcirco peculiari affectu complecti , & quibuscumque charitatis officijs iunare & fouere debet , tum ut à malo retrahat , tum ut ad bonum promoueat . Secundo erga pauperes , eos maximè qui subsidijs spiritualibus magis destituti videntur , quales ut plurimum sunt ij , qui commorantur in villis , pagis , alijsque eiusmodi locis , in quibus rarè & quandoque nullæ catechisticæ instructiones , & sæpe crassa & supina rerum ad salutem æternam pertinentium ignorantia ; quibus proinde tanquam infirmioribus Christi membris , & opis alienæ indigentibus , subsidium præstare , seque pro eorum instructione & salute impendere , non potest non esse acceptissimum illi ,  
qui

qui dixit, *quodcumque uni ex his minimis meis fecistis, mihi fecistis*. Tercio *Matth.*  
 25.  
 denique erga propriam familiam, singulasque illius personas, quas & veritatibus fidei imbuere, & à peccato detertere, & ad virtutem tum dictis tum exemplis prouocare speciali ratione tenetur; *qui enim suorum & maxime domesticorum curam non habet, fidem negauit, & est infideli deterior.* 1. Tim. 5.

---

## CAPVT VIII.

*De mansuetudine à Christiano adhibenda in tolerandis aliorum defectibus.*

**N**ON solum suauitate ad condescendendum alijs, sed præterea etiam mansuetudine ad eorum defectus tolerandos, indiget Sacerdos Christianus: idque eo magis, quo frequentiores in ministerijs Ecclesiasticis occurrunt illius virtutis exercendæ occasiones: vnde & ipsemet Christus Dominus, hanc præsertim in semetipso imitandam proposuit, cum dixit, *discite à me, quia mitis sum, & humilis corde*; eandemque inter beatitudines etiam reposuit; *beati mites,* *Matth.*  
 11.

Ia Psal.

33.

quo iam ipsi possidebunt terram : Ex quo  
d. Basilus inferit, mansuetudinem esse  
omnium virtutum maximam, idque  
non immerito, cum enim inter quas-  
cumque virtutes charitas principatum

Philot.

part. 3.

cap. 8.

teneat, ipsius tamen charitatis veluti  
flos est mansuetudo, ut ait illustrissi-  
mus Episcopus Gebennensis, qui asse-  
rit, tunc demum perfectam esse charita-  
tem, cum (ut ex S. Bernardo refert) non  
solum patiens, sed etiam mitis & benigna est.

Hom. 19

in epist.

ad Rom.

Quare S. Chrysostomus indubitan-  
ter affirmat, mansuetudinem praeceteris  
virtutibus nos Deo vicinos conformesque  
facere : obleruatque Christum Domi-  
num, cum ad alias virtutes conse-  
ctandas excitaret, nusquam hanc clau-  
sulam addidisse, (ut sitis filij patris ve-  
stri qui in caelis est) nisi quando ad ca-  
lumnias & persecutiones cum man-  
suetudine tolerandas hortatus est : ex  
quibus patet hanc virtutem Sacerdo-  
ti Christiano maxime congruere, qui (ut  
ex autedictis evidens est) non modo  
charitatis virtutem, sed & charitatis  
ipsius perfectionem peculiari studio  
affectari tenetur.

Matt. 5.

Hom. 58

in Genes.

Præterea, cum (ut docet idem S.  
Chrysostomus) nihil sit ad conciliandos  
promerendosque amicos insensissimos,  
mansuetudine efficacius quod & probat  
exemplo Iacob, Esau fratrem suum  
sibi maxime iratum, mansuetudine sua  
sibi

sibi non modo reconciliantis, sed & deuincientis; additque, quod *sicut ro-  
gum valde accensum aqua iniecta restin-  
guit, ita animum iræ astuantem, verbum  
cum mansuetudine prolatum mitigat &  
placidum efficit*. Inde colligere possu-  
mus Christiano Sacerdoti hac man-  
suetudinis virtute maxime opus esse,  
cum eius ministerium præsertim in  
conciliandis & conuertendis homi-  
num animis, per peccatum sapissime  
tum à Deo, tum à proximo auersis &  
alienis, earumque passionibus, ple-  
rumque acribus demulcendis & miti-  
gandis versari vt plurimum soleat. *Sic  
Moses totius plebis sibi mentes deuinca-  
rat* (inquit S. Ambrosius) *ut plus eum  
pro mansuetudine diligerent, quam pro  
factis admirarentur*. Certè, vt rectè  
monet S. Chrysostomus, *igne non potest  
ignis extinguì, hoc enim eius repugnat  
natura, sic nec furor furore alio demulce-  
ri vnquam poterit*.

Porro ad hanc virtutem tum acqui-  
rendam, tum in nobis perficiendam,  
varia media suggerunt Sancti Patres.

S. Cyprianus proponit Christi Do-  
mini exemplum, haud dubiè effica-  
cissimum si sedulò consideretur. *Quanta*  
*(inquit) illius Divini Seruatoris fuit  
in tolerandis Iudeis equanimitas, quan-  
ta patientia? incredulos suadendo ad fi-  
dem flectere, obsequio ingratos fouere;*

con-

Lib. 2.  
c. 7.

Sup.

Serm. de  
Cœna  
Domini

constr. dicentibus respondere leniter, superbos sustinere clementer, humiliter persequentibus cedere. Et paulò infra, de eiusdem Domini mansuetudine in tolerando proditore loquens: *Iudam*, inquit *voluit longa patientia ad extremum sustinere, cibum cum inimico sumere, hostem conesticum scire, nec palam ostendere, traditoris osculum non recusare, &c.* En paucis verbis in Christi Domini persona exemplum ad hanc virtutem persuadendam efficacissimum, & simul ad multiplicem illius praxim demonstrandam aptissimum.

*Lib. 9.* Duos alios modos suggerit nobis  
*moral.* S. Gregorius, quorum primus præcedenti affinis est, ut quando videmus  
*cap. 34.* aliqua fore nobis ex parte proximi toleranda, cogitemus contumelias, probra, molestias, quas Redemptor noster in passione sua tanta mansuetudine pertulit. *Heu* (inquit S. Bernardus) *divinus ille Salvator flagellis cæsus, spinis coronatus, clavibus confossus, patibulo affixus, opprobrijs sputatus, omnium tamen dolorum immemor, ignosce illis, ait, quia nesciunt quid faciunt.* Et nos unus verbuli paulo durius prolatus aculeum ferre non possumus, quin continuo exardeamus in iras.

*Serm. 4.* Alter servandæ mansuetudinis mo-  
*de Passione Domini.* dus est, (ut ait idem S. Gregorius)

*lib. 9.*

25

ut cum alienos excessus aspiciamus, nosmetipsos, quibus in alijs excessimus, delicta cogitemus: considerat quippe infirmitas propria aliena nobis excusat mala: patienter namque illatam iniuriam tolerat, qui pie meminit quod fortasse adhuc habeat, in quo ipse habeat tolerari. Hunc modum ipse etiam Apostolus antea edocuerat, his verbis. *Fratres, etsi proccensus fuerit homo in aliquo delicto, vos qui spirituales estis, huiusmodi instruite in spiritu lenitatis, considerans seipsum.*

Galat. 6

Porro cum hæc mansuetudinis virtus præsertim in ira compescenda, frenandisque animi æstuantis motibus, adhibeatur; non tamen inde sequitur obiurgatorijs & increpatorijs verbis, aut acriori correptione nusquam utendum esse; cum ipsa charitas ad peccatores arguendos, increpandos, & corripiendos, non modo inuitet, sed & interdum obliget, ut infra explicabitur: vnde S. Chrysostomus monet, tunc placide leniterque loqui discipulis cum opus est acrimonia, non doctoris, sed corruptoris potius esse & hostis; hanc ob causam, & ipse Dominus cum multa placide, mansueteque locutus sit discipulis; nonnunquam tamen & austeriorem habuit orationem, nunc quidem illos beatos prædicans, & collaudans, nunc rursus increpans & obiurgans. Neque enim (ut alibi declarat) ferire est semper & absolute

I3 pro-  
cen. ep.  
ad Ga-  
las.

In Psal.  
131.

*Inse atrocitatis , neque parcere mansuetudinis , sed mitis est ille qui ferre potest , quæ in seipsum peccata sunt , & alijs factam iniuriam propulsare .*

Nihilominus , quamvis exterius increpare , obiurgare , interdumque acriter corripere oporteat , id tamen semper in spiritu lenitatis , & mansuetudinis faciendum est ; itaut eiusmodi increpatio , obiurgatio , & acris correptio , non ex ira , aut alia animi commotione , sed ex vera & perfecta charitate oriatur , quæ etiam acerbiora remedia nouit adhibere , quando ad proximorum salutem ea necessaria esse perspicit .

*Pöilot.  
part. 3.  
cap. 8.*

*Quare , ( vt sapienter monet Illustissimus Episcopus Gebennensis , ) ira motus quæcumque de causa quantumlibet iusta excitatus , semper est cohibendus , & comprimendus , nec unquam deliberatè retinendus aut fovendus : ira enim viri , ut ait Apostolus , iustitiam Dei non operatur : verum quidem est maloresistendum esse , vitiaque eorum qui nostra cura subsunt , coercenda , idque fortiter & constanter , sed tamen leniter & placidè ; melius est enim , vt ex S. Augustino ad Profuturum scribente ibidem refert , ira iusta quantumvis modica ad tumpræcludere , quam quauis ratione aperire ; qui semel admissa difficillime expellitur . Consultus  
igi.*

igitur est, ut paucis interiectis ibidem subdit, dicere, *qua ratione quis vitam cuiuscumque ira expertem ducat, quam quomodo moderatè ac sapienter iram adhibere valeat: & quando in nobis ex imperfectione aliqua aut fragilitate natura subito exeritur, præstat citius illam reprimere, quam de illa componenda, aut moderanda in nobis ipsis velle deliberare.*

Ad hos autem repentinos iræ motus comprimendos, seruandamque in omnibus mansuetudinem, hæc quæ sequuntur obseruanda præscribit: nimirum, ut ubi primo nos ira commotos aduerimus, omnes animi nostri vires in nobis ipsis recolligamus, non quidem cum impetu & ardore, sed placidè, suauiterque, & nihilominus sedulo & diligenter: tum diuinæ gratiæ auxilium suppliciter inuocemus, & cum Apostoli's tempestate iactatis inclamemus, *Domine* *salua nos, perimus, speremusque quod clementissimus ille Saluator passionum ventis & procellis imperabit, nuntiusque eius fiet tranquillitas magna.*

*Matt. 8.*

Quod si nihilominus erumpat aliquis iracundiæ actus, contrario lenitatis actu erga eandem personam quæ illo actu imperita est, erit illico reparandus; tum demum pace ac tranquillitate animi recuperata, mansuetudinis virtuti

se-



sedulo studendum erit, verba cum lenitate proferenda, actiones quæcumque placido ac quieto animo quantum fieri poterit, erunt obeundæ: præsertimque hac virtus mansuetudinis, ut monet S Chrysostomus, exercenda & in praxim reducenda erit, quando res nobis fuerit cum hominibus, ira commotis, aut natura rudibus, & agrestibus: quando cum ijs, qui sunt ab ipsa mansuetudinis virtute alienissimi; tunc enim lenitatis perfectio maxime ostenditur, illiusque uberimus fructus.

---

## CAPVT IX.

*De eleemosyna, alijsque operibus misericordiæ, quibus Christi Sacerdos incumbere tenetur.*

**N**on fere instituti, nobis in hoc opere propositi ratio, ut ea omnia in medium afferamus quæ tum in Scripturis, tum apud Patres reperiuntur, quibus eleemosynæ excellentia, utilitas, fructus, & quævis alia commendatio, nec non ad eam elargiendam cunctis hominibus vel ab ipso naturæ iure imposita obligatio demonstrari

strari posset, vnde tamen pro Sacerdotibus alijsque viris Ecclesiasticis super hac re conuincendis, argumenta varia eaque à minori ad maius fortissima deducerentur.

Quatuor tantum circa rationem eleemosynarum, vniuersis clero Ecclesiæ ascriptis obseruatu necessaria, breuiter hic apponimus.

Primum est illos qui beneficia Ecclesiastica obtinent, strictissimè obligari ad eroganda pauperibus, vel in pios vsus impendenda ea omnia, quæ ipsis post sufficientem & moderatam pro ratione conditionis sustentationem, ex redditibus Ecclesiasticis superfluent. Hæc est communis & recepta omnium Theologorum sententia, quam fusiùs hic persequi superfluum est, cum in eorum libris copiosissimæ illius probationes, & efficacissima argumenta legi possint. Quamuis vero doctores quidam, beneficiarios reddituum Ecclesiasticorum dominos esse negent, alij veto affirmant; quicquid sit de illo dominio, conueniunt omnes vnanimiter quoscunque beneficia Ecclesiastica possidentes, ad eleemosynam de superfluis reddituum Ecclesiasticorum erogandam, sub lethalis culpæ reatu obligatos esse. *Vinant de altari, (inquit S. Bernardus,) non luxuriensur, non superbiant, non denique* *In declamatis super, eccenos, &c.*  
diten-

ditentur; patrimonia siquidem pauperum sunt, facultates Ecclesiarum: & sacrilega eis crudelitate surripitur, quicquid sibi ministri & dispensatores, non utique domini & possessores, ultra victum accipiente, aut vestitum. Vnde appositè  
*Epist. ad Fulcon.* idem S. Pater ad quemdam virum Ecclesiasticum scribens, Quicquid, inquit, præter necessarium victum & simplicem vestitum de altari retines, tuum non est, rapina est, sacrilegium est: & alio in  
*Henrici Senon.* loco, Clamant nudi, inquit, conqueruntur, & dicunt, nostrum est, quod effunditis, nobis crudeliter subtrahitur, quod inaniter expenditis: & rursus, va va tibi, clerice, mors in olla, mors in delicijs est, sumptus Ecclesiasticos gratis habere te putas, cantando, ut aiunt, tibi provenire videntur, bonum erat tibi magis fodere aut mendicare: peccata enim populi comedis.

Secundum est, Sacerdotes, aliosque viros Ecclesiasticos, licet nulla beneficia obtinentes, si tamen aliundè, bonis temporibus affluant strictius semper ad eleemosynam erogandam præ alijs personis laicis obligari: tum quia illis arctior ad charitatem, perfectionemque consecrandam obligatio incumbit; tum quia clericalem statum amplectendo se, suaque omnia speciali ratione Deo dicarunt, ipsumque secularibus desiderijs abdicatis, in  
 per-

portionem, partemque hæreditatis suæ elegerunt: tum denique quia præcepto Evangelico, *lux eorum lucere*, debet coram hominibus, ut videant opera eorum bona, & glorificent Patrem qui in cælis est: Vnde vnumquemque illorum peculiari modo spectant hæc Prophetæ verba, *Frange esurienti panem tuum, & egenos vagosque induc in domum tuam, cum videris nudum operi eum, & carnem tuam ne despexeris, &c.* Tunc erumpet quasi mane lumen tuum, & anteibis faciem tuam iustitia tua.

I/a. 58.

Tertium est non modo eos qui pingua, ut vocant, beneficia obtinent, vel ampla patrimonia possident, obligatos esse ad erogandam de superfluis suis eleemosynam, sed & eos Sacerdotes, quibus non nisi modici prouentus suppetunt ad hanc misericordiæ virtutem, ea qua poterunt ratione exercendam suo modo teneri: *Ne dicat*, inquit S. Chrysostomus, *quoniam pecunia mihi non sunt*, hoc enim nihil est dicere: *sicut si aurum dare posses ita affectus esto; potes ministrare pauperi, etiam hoc facito: vales consilio, hoc omnibus maius est:* In Psal. & alio in loco, *at non habes pecuniam*, sed potes visitare agrum, vel incarcerationem, dare poculum aqua frigida, præbere duos obolos sicut vidua; ingemiscere ijs qui affliguntur; nam hoc quoque est eleemosyna, &, ut ait S. Gregorius Nazian-

Homil.

25. in

Act.

In Psal.

127.

Orat. de

pauper.

amer.

L zenus,

zenus, si nihil habes, collachryma. magnum est infortunato remedium, miseratione ex animo collata.

Sanè dici non potest quantum fideles ædificentur, cum vident Sacerdotem alioquin opibus copiosis destitutum, misericordia tamen & charitate diuitem, egenorum & pauperum commiserari, ipsosque quibus potest modis solari, siue illos in ægritudine visitando, siue consilijs iuuando, siue pro ipsis subsidium aliquod ab alijs petendo, aut quiduis aliud præstando, quo eis adiumento & solatio esse possit.

Quartum denique est, Sacerdotes, aliosque Ecclesie ministerio addictos, sicut cæteris fidelibus in huius virtutis praxi præluere, sic & ad hanc non utcumque, sed quam perfectissime exercendam attentos esse debere.

*Lib. 2. de  
pœnitēt.*

Atque in primis maximè cauere debent, ne sint de numero illorum, qui, ut loquitur S. Ambrosius, ad iactantiam solam, decorem largitatis affectant, ut eo se probatos vulgo velint, qui quidem, ut paulo post subdit, dum presentis sæculi mercedem requirunt, non recon-  
dunt in futurum, & quia hic percipiunt mercedem suam, illic sperare non possunt.

*Epist. ad  
nepot.*

Caveant præterea ne sint ex illis, qui, ut ait S. Hieronymus, pauperibus pauculum tribuunt, ut amplius accipiant,  
 &

& sub prae-textu eleemosynae querunt diuitias.

Urgitur à Christiano Sacerdote hoc fermentum Pharisaicum absit: quotiescumque eleemosyna ab illo eroganda est, id fiat humiliter, ut scilicet iuxta consilium D. Chrysostomi, *suis apud Deum patronis potius munera offerre, quam egenis dona largiri videatur.*

Serm. de  
eleemo-  
syna.

Hom. 13  
in 2. ad  
Cor.

Fiat misericorditer, ex animo super proximi angustiis & miserijs compatiens; *est enim eleemosyna, inquit idem D. Chrysostomus, non dare opes, sed cum misericordia illas dare.*

Fiat liberaliter, quomodo potueris *esto misericors, si multum tibi fuerit, abundanter tribue: si exiguum tibi fuerit, etiam exiguum libenter impertiri stude, qui enim parce seminat, parce & metet, & qui seminat in benedictionibus, de benedictionibus & metet, apposite S. Chrysostomus, non dare, inquit, sed cum copia dare eleemosyna est.*

Tob. 4.

Hom. 37  
ad pop.

Fiat ex prompto cordis affectu; non ex tristitia aut ex necessitate: *Hilarem enim datorem diligit Deus. Neque enim, ut monet S. Ambrosius, satis est benefacere nisi id ex bono fonte, hoc est, ex bona voluntate proficiatur: plerique enim eleemosynam tribuunt, quod obseruat S. Augustinus, potius ut careant radio interpellantis, quam ut reficiant viscera indigentis: cum vero hilarem datorem di-*

Lib. 1.  
offic.

In Psal.  
42.

*ligas Deus, si panem dederis tristicis, & panem, & meritum perdidisti.*

**Lib. I.** **offic.** *Fiat prudenter & cum discretionem, non enim per eleemosynam opes profundenda sunt, sed dispensanda, inquit S. Ambrosius, & D. Hieronymus sanctam Paulam laudat, quod singulis suam pecuniam diuidebat, itaut singulis necessarium prestaret, non ad luxuriam, sed ad necessitatem: quare sapienter S. Gregorius monet Sacerdotes & Pastores, ne ijs tribuant quadam, quibus nulla; ne nulla, quibus quadam, ne multa, quibus pauca: ne pauca, quibus multa impendere deberent: ne precipitatione hoc quod tribuunt, inutiliter spargant; ne tarditate sua petentes nociuè crucient; ne in bene oblato munere, animus plusquam decet hilarescat, &c.*

Ad eandem quoque prudentiam & discretionem Christianam & Ecclesiasticam pertinet, ut eleemosynas corporales auxilijs spiritualibus quantum fieri poterit iungant, & cum corporali solatio, animæ quoque subsidium procurare studeant; easque eleemosynas, quæ spiritualiter prodesse possunt, alijs solum corporis commodum spectantibus anteponant.

Potro huiusmodi eleemosynæ quæ spirituale proximi bonum promoueat, variz, frequentesque suppetunt occasiones, v.g. si crogetur, ad captiuum ali-

aliquem è Turcarum vel Saraceno-  
rum vinculis redimendum, ne ærum-  
nis pressus, Christi fidem eiuret; ad  
promouendam in terris infidelium,  
Euangelij prædicationem; ad procu-  
randam in pagis, villis, alijsque locis  
derelictis pauperum in rebus ad salu-  
tem pertinentibus instructionem; item  
si tribuatur eleemosyna ad hoc vt puel-  
la ex imminente prostituendæ pudici-  
tiæ periculo liberetur, & in tuto loco  
collocetur, (quod S. Nicolaus quon-  
dam fecisse legitur) si ad hoc vt ado-  
lescens bonæ indolis, sed pauper, lit-  
teris imbuatur, vt sic vtilem aliquan-  
do in Ecclesia operam nauare possit,  
&c.

Denique fiat perseveranter: Neque *In Pras.*  
ezim (vt monet S. Chrysostomus) pu- *epist. ad*  
temus omnia nos præstitisse; si quando se- *Philipp.*  
mel, atque iterum aliquid dederimus:  
per omnem quippe vitam id facere opor-  
tet; non enim semel tantum, sed indefinen-  
ter Deo placere debemus.

Quisquis (inquit S. Gregorius) co- *Epist. ad*  
piosum in cælis fructum desiderat; semi- *Sauinel.*  
nare dum tempus est non omittat, vt ma-  
nipulos in die messis cum læticia colli-  
gat; bonum ergo facientes non  
deficiamus; tempore enim  
suo mittemus exul-  
tantes.



## CAPVT X.

*De fraterna peccantium correctione à Christiano Sacerdote facienda.*

*Lib. de  
morib.  
Eccles.  
cap. 27.*

**C**um charitas erga proximum bipartita sit, & (vt S. Augustini verbis utamur) partim corpori, partim anima hominis benefacere debeat is qui ex vera charitate hominem diligit; ad corpus quod pertinet, medicina nominatur, ad animam autem disciplina: medicinam voco quicquid omnino corporis vel tuetur, vel instaurat salutem; &c. Quod autem attinet ad disciplinam, per quam ipsi animo sanitas instauratur, animi medicina est; & quantum Scripturis Diuinis colligi licet, in duo distribuitur, instructionem scilicet & coercionem.

Et de instructione quidem cum in secunda huius libri parte actum sit, restat vt aliquid dicamus de ipsa coercionem, seu correptionem peccantium, non quidem ea quæ publica auctoritate fit à Prælatiis, alijsque iurisdictionem in foro exteriori obtinentibus, quæ non est huius loci; sed quæ ab omnibus Christianis, præsertimque

ab

ab ipsis Sacerdotibus, ex motiuo charitatis ad cōpescendos peccantes adhiberi debet, quæ etiam communiter *correctio fraterna* nuncupatur.

Et quidem quod ipsi Sacerdotes præ alijs personis Laicis ad illam correctionem teneantur; hinc patet, quod maiori & perfectiori charitate pollere debeant; (vt superioribus capitibus demonstratum est) cuius quidem actus maximè necessarius est peccantium, correctio, quæ ad medendum perniciosissimo hominis malo, peccato scilicet adhibetur; vnde Isidorus: *Sacerdotes*, inquit, *pro populorum iniquitate damnantur, si eos aut ignorantes non erudiant, aut peccantes non arguant*. Et S. Prosper dicit, *illum cui dispensatio verbi commissæ est, id est, Sacerdotem, etiam si sancte uiuat, si tamen perdit, uiuentes arguere aut erubescat, aut metuat, cum omnibus qui eo tacente peribunt, periturum esse; nihilque illi prodesse non puniri suo, cum puniendus sit alieno peccato*. Et S. Leo: *Sacerdos*, inquit, *qui alium, cum potest, ab errore non reuocat, seipsum errare demonstrat*. Contra testatur D. Iacobus, *quod is qui conueriti fecerit peccatorem ab errore via sua, saluabit animam eius à morte, & operiet multitudinem peccatorum*. Sicque non solum illi quem corripit, sed sibi quoque ac suæ saluti contulit; nec dubium

*Lib. 3. de  
summ.  
bon. c. 46*

*Lib. 1. de  
vit. cōt.  
cap. 29.*

*Epist. 93*

*Cap. .5*

quin omnia, quæ de fructibus eximijs & saluberrimis eleemosynæ corporalis in scripturis dicuntur, ad eleemosynam spiritualem, quæ per correctionem præstatur, potiori adhuc ratione pertineant.

Quare videndum restat, quomodo ipsa correctio fieri debeat, ut eo quo conuenit modo à Sacerdote fiat, effectumque suum, conuersionem scilicet peccatoris, sortiatur.

Primo igitur Sacerdos peccatorem, quemcumque correcturus, omnem iram, indignationem, amaritudinem, & aliam similem commotionem, inordinatam ab animo suo eliminet: *neque enim in commotione Dominus*: imo *factus est in pace locus eius*.

2. Cor. 3. *Et quia non sumus sufficientes cogitare aliquid ex nobis, quasi ex nobis, sed sufficientia nostra ex Deo est*, idcirco gratiam illius tum sibi, tum ei quem corripere intendit suppliciter exposcat, postuletque ut ipse Dominus sit in corde suo, & in labijs suis, utque in ore suo ponat *verbum reconciliationis & salutis*.

2. Cor. 5. *Optimum erit etiam, ut paulisper supra semetipsum reflectatur, & iuxta*  
*Lib. 2. de* *monitum Apostoli, seipsum consideret,*  
*ser. De* *unde S. Augustinus: Cum, inquit,*  
*mini in* *aliquem reprehendere vel obiurgare ne-*  
*monte* *cessitas coegerit, primum cogitemus utrum*  
*cap. 30.* *tale sit vitium, quod nunquam habui-*  
*mus,*

mus, vel quo iam caruimus: & si nunquam habuimus, cogitemus & nos homines esse, & habere potuisse; si vero habuimus, & non habemus, tangat memoriam communis fragilitas, ut illam reprehensionem aut obiurgationem non odium, sed misericordia precedat.

Et hoc est secundum, quod in correctione obseruari maximè conuenit, scilicet, ut qui corripit corripit in misericordia, & in spiritu lenitatis, ut loquitur Apostolus, qui etiam monet non oportere seruum Dei litigare, sed mansuetum esse ad omnes, docibilem, patientem, cum modestia corripientem eos qui resistunt veritati: vnde S. Ambrosius; Plus, inquit, amica correptio proficit, quam accusatio turbulenta; illa pudorem incutit, hac indignationem mouet, &c. Bonum quippe est ut amicum magis te qui corripitur credat, quam inimicum; facilius enim consilijs acquiescitur, quam iniuria succumbitur. Et S. Chrysostomus: Vis, inquit, fratrem corrigere? lachryma, ora Deum ex corde, apprehensum admone, consule, exhortare, &c. Demonstra charitatem erga peccatorem, persuade ipse quod consulens & curans, non peruiulgare volens, peccati ipsum commonefacis, comprehende pedes, osculare, ne erubescas, si modo mederi vis.

Ps. 140.  
Gal. 6.

Lib. 8. in  
Luc. c.  
11.

Hom. 3.  
ad pop.  
Antioch.

Requiritur insuper ut correctio fiat cum prudentia & discretionem; hæc

L 5 enim

enim virtus maximè necessaria est, ut qui corripit finem ipsius correctionis assequatur; nimirum *ut lucretur fratrem suum*: proindeque ita se gerat, ut ab eo quem corripit audiat, & is ab ipso persuadeatur.

Ad hanc autem prudentiam pertinet, tempus ad correctionem faciendam aptum assumere, illamque si ita magis expediat interdum vel differre, *Lib. 1. de civit. c. 9* ut loquitur S. Augustinus, propterea quisque obiurgandis & corripiendis male agentibus parcat, quia tempus opportunius inquirat, vel eisdem ipsis metuit ne deteriores ex hoc efficiantur, vel ad bonam vitam & piam erudiendos impediant, infirmos alios, & premant atque auertant à fide, non videtur cupiditatis occasio, sed consilium charitatis.

Est etiam eiusdem prudentiæ, modum ipsum correctionis disponere, & eorum qui corrigendi sunt maiori *1. Tim. 5.* utilitati accommodare: Seniores, inquit Apostolus Timotheum discipulum suum super hac re instruens, ne increpaveris, sed obsecra ut patrem, iuvenes ut fratres, anus ut matres, iuenculas ut sorores in omni castitate: & idem Apostolus ad Titum scribens de modo quem in corripiendis Cretenfibus servare debebat: increpa illos durè, inquit, quia scilicet ad eorum emendationem.

tionem iudicaret hanc duriores increpationem fore magis proficuum, quæ tamen ad alios emendandos minus utilis, imo fortasse nociua fuisset; nam, ut rectè obseruat S. Gregorius, non una eademque cunctis exhortatio con- *In Pa-*  
gruit, quia non cunctos par morum qua- *stor. p. 3.*  
litas astringit, sæpe namque alijs officiunt, *cap. 36.*  
quæ alijs prosunt; quia medicamentum quod hunc morbum imminuit, alteri vi-  
ret iungit, & panis qui vitam fortium roborat, paruulorum necat.

Ad eandem quoque prudentiam pertinet interdum aliqua insinuatione, & veluti circuitione, illius qui corrigendus est, animum leniter subire, si præsertim in aliqua dignitate, aut superioritate constitutus sit; & sic illi ad emendationem quasi viam sternere, & pleniorē, ac faciliorem reddere, quod in Rege Dauide à Propheta optimè & opportunissimè factum Scriptura testatur; qua de re S. Chrysostomus præclare & maximè appositè. *Hom. 4 &*  
*intendis, & paruum eius encomium effer, in ep. 1.*  
*alijs quæ habet commodis & dotibus id ad Cor.*  
*componens, & tanquam aqua calida fo-*  
*uens laudibus, ac sic vulneris acrimoniam*  
*demulcens: te quoque ipsum pronuntia-*  
*miserum; accusa commune genus homi-*  
*num: ostende nos omnes esse in peccatis,*  
*veniam pete, dicens te maiorē aggredi*  
*gratiam*

quam vires tua ferant, sed charitatem omnia audere: deinde consulens hoc fac, non tanquam imperans, sed ut frater. Cum his omnibus phlegmonem deprefferis, & lenieris dolorem qui accidit ex sectione futura reprehensionis, & saepe usus fueris excusatione, & rogaueris ne irascatur, cum cum his veluti faciis charitatis ligaveris, tunc plagam inflige, nec vulnus strictius alligans, nec dissoluens, ut neque illinc desiliat, neque hinc despiciat. Ad-  
dit paulo post; Ne statim adiungas supplicia protosta ijs qui offendunt, & scandalum afferunt, sed eius quoque assume testimonium dicens; non opus est ut hac à me discas, tu ipse sois, &c. Da etiam illi potestatem, dicens ego quidem hac suadeo & consulo, in tua autem potestate est ut persuadearis, nec vim afferro, sed totum permissio libero tuo arbitrio.

Sicut prudenter ac suaviter, sic etià fortiter & constanter huic charitatis operi insistendum est, cauendumque maxime Sacerdoti, ne illum ab officio suo dimoveat timiditas aliqua naturalis, aut consideratio temporalis, vel respectus humanus: quare ex parabola Evangelica illius qui incidit in latrones; à quibus spoliatus & vulneratus est, rectè infert S. Bernardus, medico  
*Ser. 44.* spiritali necessarium esse vinum feruidi  
*in Cāt.* zeli, cum oleo mansuetudinis; & de illo zelo quoniam cuilibet Sacerdoti,  
 &

& Ecclesiastico viro, inter alias virtutes præcipuè necessarius est, capite sequenti plenius agetur.

## CAPVT XI.

*De zelo quo Christianus Sacerdos feruere debet.*

**Z**elus est effectus amoris, inquit S. Augustinus, ac proinde charitatis, *In Psal* quæ est amor, vel potius amicitia quæ- 118.  
dam præcellens: sicut autem ipsa, *Ser. 18.* charitas duplex est, vna, quæ Deum, altera, quæ proximum respicit, sic etiam duplex est zelus, alter, quo Dei gloria quæritur, & repellitur id omne quod illi oppositum est aut aduersum: alter quo verum proximi bonum procuratur, eiusque malum quoad fieri potest aueritur.

Is ergo dicitur zelare pro Deo, (vt docet S. Thomas) quando ea qua sunt contra honorem, vel voluntatem Dei repellere secundum posse conatur: iuxta illud, *Zelatus sum pro Domino exercituum:* & è contrario ea promouere quæ Deo placita honorificaque esse censentur.

82. q. 11.  
.a. 4.



Hom. 3.  
in Gen.

Cum vero (ut asserit S. Chrysostomus) nihil ita gratum Deo sit, & ita cura, ut animarum salus, sicut clamat Paulus dicens, qui vult omnes homines salvos fieri, & ad agnitionem veritatis venire: & iterum Deus ipse ait; Nolo mortem peccatoris, sed ut convertatur & vivat: & propter hoc etiam creaturam hanc omnem produxit, & nos formavit, non ut pereamus, neque ut supplicijs nos torqueat, sed ut salvet, & ab errore liberatis, regno frui nobis concedat. Hinc sequitur ipsi Deo maxime placitum & perhonorificum esse, ipsarum animarum salutem, quantum in nobis est, eius opitulante gratia cum zelo procurare. Vnde etiam idem S. Pater subdit: talem igitur habentes Dominum, tam misericordem, tam benignum, tam mansuetum, tam nostri, tam fratrum nostrorum curam geramus; nam & hoc nostra salutis argumentum erit & occasio, si non solum pro nobis ipsis solliciti, sed & proximo utiles fuerimus, ipsum ad viam veritatis manu ducentes.

Sap.

Porro quanto & quam fervido zelo tum gloriæ Dei, tum salutis animarum exardescere debeat Sacerdos Christianus, satis superque constare potest, vel ipsius Christi Domini exemplo, cuius ministrum se, ac proinde sectatorem, & imitorem peculiari studio profiteri tenetur: quis enim cogitatione

ne

ne assequi, nedum sermone explicare queat, quantus, & quam incensus fuerit illius zeli feruor, quo diuinum eius pectus exarsit, cum solus, assumpto flagello, turbam illam negotiantium & negotiationibus suis templum Dei prophanantium eiecit, & omnia eorum mercimonia disturbauit? Quod quidem non sine stupore iatuētes eius Discipuli, recordati sunt quia de illo scriptum erat, vt obseruat Euangeli-

Psal. 68

sta, *Zelus domus tua comedit me.* Quis putas fuit sacri illius cordis ardor? quod amoris incendium? cum ipse mer passionem suam & mortem acerbissimam præcogitans, qua vniuersos homines redempturus erat, & de illa discipulis proloquens: *Baptismo*, inquit, *habeo baptisari, & quomodo coactor usque dum perficiatur? ignem veni mittere in terras, & quid volo nisi ut accedatur.*

Luc. 2.

Hoc igne procul dubio toti erant accensi & incensi sancti Apostoli, quando, *ibant gaudentes à conspectu*

Act. 5.

*Concilij, quoniam digni habiti erant, pro nomini Iesu contumeliam pati.* Hunc

eundem ignem toto pectore hauserat Beatus Paulus, quando ob eiusdem

2. Cor.

Christi Domini nomen & gloriam,

II.

*erat in laboribus plurimis, in carceribus abundantius, in plagis supra modum,*

Ibid.

*in mortibus frequenter, quando ipse de*

se

In En-  
com. S.  
Romani  
Marty-  
ris apud  
Sur.  
In cap 3  
Epist. 1.  
ad Thef-  
salon.

se dicebat, quis infirmatur, & ego non infirmior? quis scandalisatur & ego non uror? non dixit, ut recte obseruat Sanctus Chrysostomus, & ego non molestia afficior, sed dixit, & ego non uror, vrendi verbo summum dolorem ostendere volens. Quando idem ad Thessalonicenses scribebat, nunc vinimus, si vos statis in Domino, quæ verba perpendens idem S. Chrysostomus, vide, inquit, quantopere sanctus hic Apostolus studebat ut res fratrum recte se haberent, qui nec viuere quidem se existimabat, si illi non essent salui. Homo qui fuerat raptus ad tertium calum, & delatus in Paradisum, qui fuerat particeps mysteriorum ineffabilium, & tantam apud Deum affectus fiduciam; illorum tamen bonorum sensum non valde accipiebat; nisi etiam vidisset fratres suos esse saluos.

1. Hom.  
3. in Act.

Et ipsemet S. Chrysostomus perfectus Apostoli Pauli affectator, quanto putas zeli ardore flagrabat, cum populum suum alloquens hæc de seipso dicebat: Vellem si fieri posset vestris oculis ostendere quam in vos habeo charitatem: nihil enim est mihi vobis incundius, ne ipsa quidem lux: millies enim optarem ipse esse cæcus, si per hoc liceret animas vestras convertere, adeo ipsa luce mihi est vestra salutis incundior: quid enim me iuuant solares radij, quando qua propter

*pter vos accipitur animi agritudo, oculis  
meis magnas effundit tenebras.*

Et paulo post, vterius adhuc pro- *Ibid.*  
grediens, & quasi præ feruore ipsius  
zeli sanctè excedens, *Implere*, inquit,  
*gaudium meum*, liceat vobis salutem asse-  
qui: *me autem propter vos reddere ratio-*  
*nem? vobis dari salutem, me vero accu-*  
*sari, quod munus meum non impleverim?*  
*non enim curo ut per me salui sitis, sed*  
*ut salui sitis quacumque ratione.*

His igitur Christi Domini, sancto-  
rumque verbis & exemplis, Sacerdos  
tum ad concipiendum similem zelum  
permoueri, tum etiam qua ratione  
conceptum illum zelum exerceat in-  
strui & edoceri poterit: puta quo af-  
fectu, quo voluntatis ardore, conuer-  
sionem peccatorum, bonorumque  
in virtute profectum, ac in omnibus  
diuini honoris incrementum optare  
& procurare debeat? qua animi ma-  
gnitudine peruersis impiorum conati-  
bus obsistere, errores, & abusus irre-  
pentes funditus tollere, veram pieta-  
tem ac Religionem fouere, pia &  
sancta consilia promouere; eaque  
de causa nullis parcere laboribus, nul-  
las refugere molestias; imo paratum  
se semper exhibere ad incommoda  
quælibet eo fine subeunda, ad tole-  
randas quascumque animi corpo-  
risque angustias, denique ad vitam

si opus sit, cum sanguine profundenda.

Superest, ut aliquas easque maxime necessarias zeli illius conditiones expendamus: quarum Prima est, ut discretionem ac prudentiam regatur; alias similis erit zelo illorum de quibus conquereretur Apostolus dicens, *quod emulationem Dei haberent, sed non secundum scientiam: importabilis autem est zelus absque scientia*, ut monet Sanctus Bernardus, qui recte addit, *ubi ergo est vehemens emulatio, ibi maxime discretio est necessaria, qua est ordinatio charitatis. Semper quidem zelus absque scientia minus efficax minusque utilis invenitur, plerumque autem & perniciosus valde sentitur: quo igitur zelus fervidior, ac vehementior spiritus, profusiorque charitas, eo vigilantiori opus est scientia, qua Zelum reprimat, spiritum temperet, ordinet charitatem.*

Secunda est, ut cum magna animi fortitudine iunctus sit, *fortis enim est ut mors dilectio, dura sicut infernus emulatio: Durus est zelus*, inquit S. Ambrosius, *quem vita huius nulla vincit illecebra, durus sicut inferi, per quem peccato morimur, vivimus Deo, & Sanctus Chrysostomus describens qualis sit ille qui zelo eiusmodi forti & constanti animatur, sic loquitur; Is qui illo igne Christi incensus fuerit, tentationes sic*

*sic contemnit, & flagella & carceres, quasi in alieno corpore pateretur, vel quasi adamantinum possideret corpus: qua autem suavia sunt in hac vita ridet, atque ad ea sic afficitur, quasi corpore mortuus esset. Sanè opus est animis, & pectore firmo, quando necesse est prauis hominum consuetudinibus obluſtari, peccatorum desiderijs resistere, minis non cedere, contradictiones ac persecutiones interdum acerbissimas tolerare potius quam à veritatis, aut iustitiæ via vel minimum deflectere: hæc autem animi firmitas non in nobis querenda est, sed ab eo suppliciter exposcenda, qui quem voluerit potest spiritus sui virtute roborare, ac dare incolumnam ferream & murum arcum, regibus, & principibus & populo terra.*

*Tertia zeli conditio proximæ affigis, est, vt cum de gloriæ Diuinæ propugnatione & propagatione agitur in solum Deum respiciatur, nec vllatenus acquiescatur carni aut sanguini: ita, se gessisse testatur Apostolus, vbi Diuina reuelatione illustratus, prædicandi Euangelij missionem cælitus accepisset; & ita vniuersis Discipulis suis faciendum esse præscripsit ipse Dominus, cum ait, Si quis venit ad me, & non odit patrem & matrem, fratres & sorores, adhuc autem & animam suam non potest meus esse discipulus. Zelum qui habent,*

Galat. I

Luc. 14

*In Psal* *bent, inquit S. Ambrosius, omnes sibi*  
*118. inimicos putant, qui sunt hostes Dei;*  
*Ser. 18. quamvis patrem, matrem, fratres, soro-*  
*res, &c.*

*Matth.* Quanta vero sit huius conditionis  
*10. necessitas, hinc patet quod Sacerdo-*  
*tis zelo diuino exardescentis præcipui*  
*ut plurimum & maximè cauendi ini-*  
*mici, ut ipsemet Christus monet, sunt*  
*domestici eius, propinqui, affines, co-*  
*gnati, amici sæculares, à quibus sæpè*  
*in via Domini non minimam turbatio-*  
*nem accipit. Quot enim in munerib-*  
*us & dignitatibus Ecclesiasticis vide-*  
*re est, alioquin probos, plurimisque*  
*virtutibus ornatos, qui tamen amico-*  
*rum precibus, propinquorum defide-*  
*rijs, familiæ commoditati & utilitati,*  
*reluctari non valent, & sic sæpiissime*  
*ad plurima contra officij sui debitum*  
*permittenda, admittendaque, & in-*  
*terdum commitenda vel inuiti per-*  
*trahuntur.*

*Pf. 118.* Quarta denique veri zeli conditio  
*est, ut malis quibus mederi non po-*  
*test, ingemiscat; & si nihil aliud va-*  
*let, saltem cordis dolorem & lachry-*  
*mas sinceræ charitatis testes Deo of-*  
*ferat; sic Regius Psaltes dicebat, Ta-*  
*Rom. 9. bescere me fecit zelus meus, quia obliui sunt*  
*verba tua inimici mei, & Sanctus Apo-*  
*stolus, Tristitia inquit, mihi magna*  
*est & continuus dolor cordi meo, optabam*  
*enim*

enim ego ipse anathema esse à Christo pro  
fratribus meis, & ipse Dominus Iesus, *Luc. 19.*  
videns civitatem fleuit super illam dicens,  
quia se cognouisses & tu, & quidem in  
hac die tua qua ad pacem tibi: nunc au-  
tem abscondita sunt ab oculis tuis, quia  
ecce venient dies in te, & circumdabunt te  
inimici tui vallo, &c. Sic igitur verus  
Diuinę glorię, humanęque salutis ze-  
lator, quando Maiestatem diuinam,  
peccatorum contumacia inhonorari;  
quando animas perire, inimicos Dei  
insolescere, & mala augeri ac pręua-  
lere videt, velut Angelus pacis amarę  
flet, ac in vmbra alarum Diuinę pro-  
tectionis se recondit, donec transeat  
iniquitas.

## CAPVT XII.

*De Prudentia Christiano Sa-  
cerdoti necessaria.*

**Q**Uod in zelo, & correctione fra-  
terna prudentiam ac discre-  
tionem requiri iam diximus, id etiam  
in plerisque alijs, imo in omnibus vir-  
tutibus similiter asserere debemus;  
cum ad prudentiam pertineat qua-  
rumcumque virtutum medium præsti-  
tuere,



ruere, easque in actibus suis dirigere :

*Ser. 49. discretio siquidem, ut ait S. Bernardus, in eant. omni virtuti ordinem ponit, ordo modum tribuit, & decorem, & etiam perpetuitatem.*

*Ibid. tem. Quare inter alias virtutes Sacerdotis Christiani proprias hanc merito reponimus, quæ, ut idem S. Pater loquitur, est cæterarum virtutum moderatrix, ordinatrixque affectuum, & morum doctrix, quæ sublata, virtus non iam virtus sed vitium erit.*

*Hom. 12. S. Basilij, eorum quæ agenda vel non agenda sunt cognitio, quam si quis recte sectatus fuerit numquam ab officio, virtuteque discedet, nunquam vitiorum pestem incurret.*

*Rom. 8. Non enim hic agimus de falsa & adulterina prudentia, quam Apostolus vocat, prudentiam carnis, quæ nihil nisi humanum & temporale spectat, propriisque commodis, propriæ utilitati & ambitioni iugiter inuigilat, atque ad id humanis medijs, humano artificio adnititur. Hæc siquidem prudentia mors est, ut idem Apostolus testatur, quia Deo inimica est.*

Sed loquimur de vera illa & supernaturali prudentia quam Dominus Discipulis suis in Euangelio commendavit, & columbinæ simplicitati sociandam esse præscripsit; dicimusque Christiano Sacerdoti virtutem hanc esse maximè necessariam, tum ad ritè obun-

obvenda officia ministerij sui propria, tum ad vitandos innumeros propè defectus, qui, nisi prudentia moderetur ea quæ agenda sunt, læpissimè incur-  
runtur.

Sanè cum ad Sacerdotem pertineat dijudicare inter lepram & lepram, inter sanguinem & sanguinem, inter causam & causam; cum ipsius sit, ut in Concilio Tridentino dicitur, pro qualitate criminum, & poenitentium facultate, quantum spiritus & prudentia suggererit salutare & convenientes satisfactiones iniungere: Cum eius labia custodiant scientiam, & ab eius ore legem requirant alij fideles; cum inquam ipsius sit in doctrina fidei & morum, separare pretiosum à vili, verum à falso, corruptum à sano, heterodoxum ab orthodoxo, iustum ab iniusto; quis non videt illum nisi vera lerenaque & Evangelica prudentia polleat, non modo sibi ipsi, sed & alijs pluribus periculosissimè nociturum esse: Sicut è contra, affulgent illius virtutis luce, non modo securè ac tuto sibi consulere, sed & salubriter alijs providere, manumque adiutricem utiliter porrigere poterit.

Ut igitur Sacerdos qui velut alter David nunc ingreditur ad Dominum, nunc egreditur ad populum, in omnibus

*Deut. 17*

nibus vijs suis prudenter agat, hunc discretionis ac prudentiæ spiritum à Deo in primis suppliciter exposcat: neque enim à proprii ingenij viribus, doctrina, aut sola humana experientia eruenda est prudentia illa, sed ex ipso fonte sapientiæ in excelsis haurienda: *optavi*, inquit hominum sapientissimus, & *datus est mihi sensus; inuocavi, & venit in me spiritus sapientia.*

Tum virtutis huius impedimenta tollere à se studeat, quorum præcipua sunt, passio, præcipitatio, pertinacia: adde etiam vitia omnia, præsertim vero ea quæ temperantiæ aduersantur: nam passio obscurat mentem, præcipitatio impellit in deuia pleraque, & abrupta, nec vlla præuisione uti finit, pertinacia obstruit aditum bonis consilijs, & peccatum quodcumque tenebras in animam offundit. Vnde præclare S. Ambrosius in *acquirendis*, inquit, *consilijs, plurimum adiungit vita probitas, virtutum prærogativa, frugalitatis gratia: quis enim in cæno fontem requirat? quis ex turbida aqua potum petat?*

*Lib. 2.  
offic. cap.  
12.*

Deinde legem ipsam diuinam tanquam omnium consiliorum suorum regulam sibi præstituat, ad cuius amussim omnis eius cogitatio, deliberatio, & resolutio semper & ubique dirigatur.

rigatur: iuxta illud Psalmistæ; *Testi-* Ps. 112.  
*monia tua meditatio mea est, & consilium*  
*meum iustificationes tue;* seruius liqui-  
 dem prudens non erit nisi sit fidelis;  
*neque est prudentia sine iustitia,* ut ait  
 S. Ambrosius, & *pietas in Deum initium* Lib. 1. de  
*intellectus.* Vnde postquam Scriptura offic. cap.  
 dixit, *pete à Domino ut vias tuas dirigat,* 27.  
 addit, & *consilia tua in ipso permaneant.*  
 Quare hoc primum in quibuscumque Tob. 4.  
 consilij, consultationibus, delibera-  
 tionibus, semper & ubique spectet, ut  
 nihil diuinæ legi aduersetur; imo ut  
 omnia diuinæ voluntati concordent,  
 utque in omnibus id fiat, quod magis  
 Deo placitum & honorificum esse  
 dignoscetur.

Postea eorum, quæ agenda vel  
 omittenda sunt, inquisitionem, &  
 considerationem sedulam, & pro ra-  
 tione negotij convenientem adhibe-  
 at: *Sapiens enim* (ut ait S. Ambrosius)  
*ut loquatur, multa prius considerat, quid*  
*dicat, aut cui dicat, quo in loco, quo*  
*tempore, & in summis quidem rebus*  
 (inquit S. Gregorius) *citum non oportet*  
*esse consilium:* in quibus sua prudentia  
 inniti non debet, nec esse sapiens apud semet-  
 ipsum. Nusquam enim maius errandi  
 periculum, quam cum pertinaciter  
 quis propriæ sententiæ adhæret, hæc  
 siquidem in proprio sensu obstinatio veluti  
 lepra quadam est, ut loquitur S. Ber-

Lib. 1.  
 offic. cap.  
 10.

Lib. 2.  
 epist. 6.

nardus, eo perniciosior quo magis occultus, & quanto plus abundat, tanto sibi quisque sanior esse videtur: hac illorum est qui sequentes errorem suum, & obstinati in eo, nullis volunt acquiescere consilijs; hi sunt unitatis diuisores, inimici pacis, charitatis expertes, unitate timentes, placentes sibi, & magni in oculis suis. Quare sicut leuitas cordis, & ad credulitatem nimia facilitas admittenda non est, sic etiam ea quæ ad aliud extremum vergit, pertinacia, & in proprio sensu obstinatio sollicitè deuitanda.

Quando igitur aliqua ratio subest sibi ipsi suæque prudentiæ diffidendi, in rebus præsertim grauib. & arduis, tunc eiudem prudentiæ erit, sapientum ac piorum adhibere consilia: *qui enim sapiens est audit consilia, & ubi*  
*Prou. 12 multa consilia, solus.* Porro quoad hoc, *amicis tibi suis plurimi, consiliarius autem*  
*Eccles. 6 unus de mille:* delectu siquidem opus est, nam *amicus fidelis medicamentum*  
*Eccles. 6 vita & immortalitatis;* qui autem *metuit Dominum, inuenient illum.*

Demum ubi consultum ac deliberatum diu fatisque est, ubi consultatione ac deliberatione, cognita & perspecta est diuina voluntas; ad executionem sine ulla dilatione veniendum  
 2. 2. qu. est: docet enim S. Thomas solere  
 52. art. 3. interdum accidere, ut quod rectè iudica-

dicatum est differatur, vel negligenter agatur, vel inordinatè, & ideo post virtutem quæ est bene iudicativa, necessaria est finalis virtus principalis, quæ est bene præceptiva.

*Scientia ergo nostræ (inquit S. Gre. Hom. 19 gorius) crescat ad fortitudinem, ut cum in Eze- uidet quid agendum sit, hoc agere per mentis fortitudinem possit; ne timore trepidet, & pauore collapsa non valeat bona peragere, quæ sentit.*

## CAPVT XIII.

*De modestia quæ Christianum Sacerdotem decet.*

**M**odestia quæ dicta est à modo *Ambro- sciendi quod decet, virtus est, quæ sius lib. ex optima quadam animi dispositione 1. offic. c. 18. ortum ducens, exteriorem hominis habitum, gestum, vniuersosque illius actus debitè componit, itaut exinde proximus ædificari possit.*

Quantum autem hæc modestiæ virtus Sacerdotem Christianum deceat, vel hinc patet, quod Christus Dominus in primo ad Discipulos suos sermone, hanc præsertim illis commendat: *Vos (inquit) estis lux mundi, non potest civitas abscondi supra montem*

*posita, neque accendunt lucernam, & ponunt eam sub modio, sed super candelabrum ut luceat omnibus, qui in domo sunt: sic luceat lux vestra coram hominibus, &c.* Quibus verbis eos oculis omnium expositos, & veluti mundo, Angelis, hominibus spectaculum-factos, admonet ita se exterius gerere, & tanta modestia, sermones, actusque suos componere, ut qui eos viderint ad Deum glorificandum excitentur.

Quod autem ipse Dominus eos verbo docuit, hoc etiam exemplo confirmavit; tanta siquidem in eius vultu, habitu, incessu, & quocumque actu effulgit modestia, ut simul admirationem, reuerentiam, amoremque in se omnium prouocaret; certè infen-

*Luce. 4.* *sisimi æmulatores, mirabantur in verbis gratia quæ procedebant de ore eius: & maiestas quadam diuinitatis occulta, ut*

*In cap. 9.* *obseruat S. Hieronymus, in eius facie*  
*Matth.* *re lucebat, qua illum videntes, ex primo etiam trahere poterat aspectu.*

Ac demum S. Apostolus tanquam fortissimum argumentum ad permouendos Corinthios adhibere volens:

*2. Cor.* *Obsecro vos (inquit) per mansuetudinem & modestiam Christi.* Has scilicet virtutes illis proponens, & in medium adducens, quæ maximè in Christo dum inter mortales ageret, eluxerant; & quibus ipse omnibus hominibus, sed

maxi-

maximè discipulis ac fidelibus suis se-  
se & amandum & reuerendum exhi-  
buerat.

His Christi Domini verbis, exem-  
plisque adiungere possumus Ecclesiæ  
vocem, quæ in Concilijs, Sacerdotes,  
Clericosque ad hanc modestiæ virtu-  
tem excolendam non modo hortatur,  
sed & præ cæteris Christianis pecu-  
liari ratione obstrictos esse declarat.  
In Concilio Moguntiaco edicitur, ut  
*Clerici à vulgari vita seclusi, non vagis* *Cap. 1.*  
*oculis, non effreni lingua, aut petulanti* *de vita*  
*fluidoque gestu, tumidoque gressu ince-* *Cleric.*  
*dunt, sed pudorem & verecundiam men-*  
*tis, simplici habitu, incessuque ostendant.*  
In Concilio Tridentino declaratur, *Sess. 22.*  
*sic decere omnino Clericos vitam moresque* *cap. 1. de*  
*suos omnes componere, ut habitu, gestu,* *ref.*  
*incessu, alijsque omnibus rebus, nihil nisi*  
*grave, moderatum ac Religione plenum*  
*præ se ferant.*

Huc facit id quod sanctus Ambro-  
sius refert libro primo officiorum, ubi  
„Clericos suos alloquens. Meministis  
„( *inquit* ) filij, quendam amicum  
„cum sedulis se videretur commen-  
„dare officijs; hoc solo tamen à me  
„non receptum, quod gestus illius  
„plurimum dedeceret. Alterum  
„quoque cum in Clero reperissem,  
„iussisse ne vnquam præiret mihi, quia  
„veluti quodam insolentis incessus



„verbere oculos feriret meos : nec  
 „fessellit sententia , vterque enim ab  
 „Ecclesia recessit , vt qualis incessu  
 „prodebat , talis perfidia animi de-  
 „monstraretur : nam alter Arianæ in-  
 „festationis tempore fidem dese-  
 „ruit ; alter pecuniarum studio , ne iudi-  
 „cium subiret , Sacerdotem se no-  
 „strum negauit : lucebat in illorum  
 „incessu imago leuitatis , & species  
 „quædam scurrarum præcursantium .

Cum igitur ex his tum authoritati-  
 bus , tum exemplis constet , modestiæ  
 virtutem in Sacerdotis , & cuiusvis  
 alterius Ecclesiastici viri actibus qui-  
 buscumque elucere debere : viden-  
 dum est qua ratione id fieri possit ,  
 quod vtrique melius ac certius non  
 perspiciemus , quam si sedulo atten-  
 damus ad ea , quæ sancti Patres de  
 virtutis huius praxi edixerunt .

In primis circa modestiam in vesti-  
 tu à Sacerdote Christiano seruandam ,  
 monet S. Basilii : Quod sicut pecu-  
 „liari quidam in vestitu est ornatus  
 „militis , alius Senatoris , itemque  
 „alius aliorum , vnde vtrplurimum  
 „de dignitate eorum capitur conie-  
 „ctura ; sic decorum est hominem  
 „sacris ministerijs addictum , in ve-  
 „stitu etiam præcipuum aliquid à  
 „cæteris seruare , per quod ab Apo-  
 „stolo traditum modestum illum or-  
 natum

In Re-  
 gult. sus.  
 disp. 94.  
 22.

natum conseruet: *Et alibi distinctius*  
*id explicans:* Tunica, inquit, seu ve- *Epist. 1.*  
 stis talaris cinctu appressa sit corpo- *ad Gre-*  
 ri, & astricta; cinctus neque mulie- *gor.*  
 brem in modum illa exuperet, ne-  
 que prælaxus tunicam fluxam effi-  
 ciat. Vnum hoc sit solummodo ve-  
 stitus propositum, operimentum  
 vt existat, ab ætus, frigorisue iniu-  
 ria corpus defendens: *¶ alio in loco.* *qu. sup.*  
 calceamentum nihil præ se ferat cu- *citato.*  
 riositatis, minimoque sumptu para-  
 ri possit, & ad necessarium modo  
 vitæ vsum sit satis.

Vilis tunica, inquit S. Hieronymus, *Epist. 4.*  
 contemptum sæculi probeat, ita *ad Ru-*  
 duntaxat, ne animus tumeat, ne *fic.*  
 habitus, sermoque dissentiant: *Et*  
*alibi monet,* ornatum vt fordes pari-  
 modo fugiendas esse, quia alterum  
 delicias, alterum gloriam redolet.

Circa modestiam in gestu, inces-  
 su, & alijs exterioribus actibus seruan- *Lib. 1. of*  
 dam, sic loquitur S. Ambrosius: *fic. cap.*  
 Est etiam in ipso motu, gestu, in- *18.*  
 cessu tenenda verecundia, habitus  
 enim mentis in corporis statu cerni-  
 tur: hinc homo cordis nostri ab-  
 sconditus aut leuior, aut iactantior,  
 aut turbidior, aut contra grauior,  
 & constantior, & purior, & matu-  
 rior æstimatur.

Incessus (inquit S. Basilus) esse *Epist. 1.*

*ad Gre-  
gor.*

*Ibid.*

„debet nec segnis, ne animum dis-  
„lutum declaret, nec rursus insolen-  
„ter incitatus, ne concitatos impetus  
„animi significet.

„*Circa risum & cachinnos idem mo-*  
„*net*, illud præsertim cauendum,  
„esse ab ijs qui pietati student, ne in  
„risum præter modum effusi sint, quia  
„risus immoderatus, intemperan-  
„tiam quandam mentis significat, &  
„in immanes cachinnos prorumpere,  
„& corpore subsultare, nequaquam  
„est eius qui animo composito sit,  
„& compote sui: *certè Scriptura monet*,  
„quod fatuus in risu exaltat vocem  
„suam, sapiens autem vix tacitè  
„ridebit.

*Lib. 1. of  
fic. cap.  
18.*

„*Circa sermonem*: Ne modum lo-  
„quendi prætergrediaris (*inquit S. Am-*  
„*brosius*) ne quid indecorum sermo  
„tuus resonet: Speculum enim men-  
„tis plerumque in verbis refulget:  
„ipsum itaque vocis sonum libret mo-  
„destia, nec cuiusquam offendat au-

*Orat. de  
mode-  
rat. ser-  
uand. in  
disput.*

„rem vox fortior. *Et S. Gregorius Na-*  
„*zianzenus monet*, parcè ac moderatè  
„de rebus diuinis loquendum esse,  
„aitque modestiæ contrarium esse in  
„diuinis disputationibus principatum  
„ac magisterium sibi vendicare, ac  
„supra alios supercilium attollere, ubi  
„humilitas non solum gloriam habet,  
„verum etiam securitatem.

Et

Et S. Prosper varia modestiæ officia simul congerens dicit, illius virtutis esse, quod reverentiam Senioribus exhibemus, æquales germanicus honoramus, inferioribus gratiam paterna dilectionis impendimus; quod præstamus Seniori silentium; quod non attollimus immoderatum in colloctionibus sonum; quod risus prurumpere in cachinnum non permittimus.

Sanctus Basilus similiter Ascetam, ac potiori adhuc ratione Christianum Sacerdotem de modestia in omnibus servanda instruens: Oportet, inquit, esse corpore quietum, non sordidum, sed honestum, voce moderatum, sermone compositum, in cibo potuque minime turbulentum, sed sedatum potius & gravem, cum maioribus natu silere, non esse ad risum proclivem, oculos habere ad terram deiectos, animum vero ad cælum erectum.

Denique S. Augustinus, In incessu, In Re- inquit, statu, & in omnibus motibus & gestibus nihil fiat quod cuiusquam offendant aspectum, sed quod deceat sanctitatem: oculi esse incurrant in aliquam feminarum, figantur in nulla: non sit notabilis habitus, nec affectetur vestibus placere, sed moribus.

Cum vero in omnibus & ubique Christianus Sacerdos modestiam servare debeat, tum maxime quando in Ecclesia sacris operatur, aut divinis

Lib. 3. de  
vit. con-  
templat.  
cap. 20.

Serm. de  
Ascese.

*Tir. 2.* interest officijs; aut etiam quando cum personis Laicis versatur, tunc enim iuxta monitum Apostoli, se ipsum prae-  
bere debet exemplum bonorum operum in integritate, in gravitate, verbum san-  
num, irreprehensibile, ut is qui ex aduer-  
so est vereatur, nihil malum habens dice-  
re de nobis.

## CAPVT XIV.

De castitatis Sacerdotalis  
custodia.

*Lib. de Virgin. cap. 13.* **C**astitas (inquit S. Augustinus) est in carne corruptibili incorruptio-  
nis perpetua meditatio. Et huius quidem  
virtutis merito & gratia, ut loquitur

*Lib. 6. instit.* Cassianus, carnales homines spiritu alibus  
Angelis imitatione conversationis aequan-  
tur; & per hunc adhuc in terra degentes  
habent (iuxta Apostolum,) municipi-  
um in caelis; quod deposita corruptela  
carnali habituros sanctos promittitur in fu-  
turum, hic iam in carne fragili possidentes.

Differunt quidem inter se homo pudicus  
*Epist. 42.* & Angelus, (ut obseruat S. Bernardus,) sed felicitate, non virtute, etsi enim huius  
castitas felicitior, illius tamen fortior esse  
cognoscitur.

Cum:

Cum igitur Sacerdos sit Angelus Domini exercituum, & ad Angelica ministeria, erga Deum obeunda destinatus, eius proinde dignitati ac officio maximè conuenit, ut in illa virtute quæ Angelorum propria est, excelsat, utque non modo castitatem, sed quantum poterit castitatis ipsius perfectionem assequi toto voluntatis studio enitatur.

Sanè in varijs Consilijs Ecclesia tulit, sæpiusque confirmavit legem de continentia perpetua ab ijs seruanda qui sacro aliquo ordine initiati essent; nec modo legem, sed & sollemnè illius asseruandæ votum ipsius sacri ordinis susceptioni adnexum esse voluit; idque ratione tum infinitæ Sanctitatis ipsius Christi Domini, cui in Sacrificio propiores assistunt; tum sacrarum ac prope diuinarum functionum quas exercent, tum etiam sollicitudinis ac curæ præcipuæ quam Ecclesiarum incolumitati, fideliumque salutis procurandæ impendere debent:

*qui enim sine uxore est* (inquit Apostolus) *sollicitus est qua Domini sunt, quomodo placeat Deo, qui autem cum uxore est, sollicitus est qua sunt mundi, quomodo placeat uxori. & diuisus est.* 1 Cor. 7

Ut ergo virtutem hanc integram, illibatamque inter tot vitæ præsentis illecebras custodire queant Sacerdotes.

res, alijque sacri Ecclesiæ ministri, hæc, quæ sequatur monita è Sanctorum Patrum libris selecta plurimum conferre poterunt.

*Epist. 22* In primis auscultandus est D. Hieronymus sic loquens, *Ecce magnis in hac vita inimicorum circumdamur agminibus; hostium ple. a sunt omni.;* caro fragilis, & cinis futura post modicum, pugnat sola cum pluribus; non querit diabolum homines infideles, & eos qui foris sunt; & quorum carnes Rex Assyrius in ollis succendit, de Ecclesia Christi rapere festinat, esca eius secundum Abacuc electa sunt; Iob subvertere cupit, & deuorato Iuda ad cribrandos Apostolos expetit potestatem. Quare hoc primum statuendum apud se nullam hic sibi pollicendam esse securitatem, nullam pacem sperandam inter tot & tam acerbos hostes, sibi proinde inuigilandum, & media omnia sedulo adhibenda quibus virtutis illius thesaurum, quem in vasis fictilibus circumferimus saluum & illæsum custodire valeamus.

*Sap. 8.* Cum vero (vt ait Scriptura) nemo  
*Lib. 6.* possit esse continens nisi cui Deus dederit;  
*Insuper.* ac (vt monet Cassianus) impossibile sit hominem suis, vt ita dicam, pennis ad præcelsa huius virtutis premium emolare, nisi eum gratia Domini de terra cæli eue-  
*Sup.* xerit. Idcirco iuxta Sapientis moni-  
 tum,

eum, *adeundus est Dominus & ex totis precordijs deprecandus*, idque exemplo S. Apollonii, qui cum stimulum carnis perferiret, & ab Angelo Sathanæ colaphisaretur, sæpius Dominum rogauit vt discederet ab eo. Ad orationem igitur recurrendum est, orationi insitendum, siue tentationis tempore, vt Deus opem ferat, siue extra tempus tentationis, ne in tentationem intrare permittat.

Quod si nihilominus vrgeat aduersarius, eiusque infestatio perseueret, exequendum erit id quod laudet Apostolus, *Resistite*, inquit, *Diabolo, & fugiet à vobis*, ipsi proinde circumeunti, & quem deuoret quærenti fortiter in fide resistendum, ac præsertim ipsius tentationis, v. g. suggestionis alicuius immundæ subrepentis initio, colligendæ vires, & repellendus hostis, & (vt loquitur S. Cyprianus) *primis diaboli titillationibus obuiandum est, nec coluber feriri debet, donec in serpentem formetur. Nolo, inquit Sanctus Hieronymus, sinas cogitationem crescere: nihil in te babylonum, nihil confusionis adolescat, dum parvus est hostis interfice. Et hoc eo fidelius fortiusque præstandum est, quo solius cogitationis peccata, eaque occultissima, nunquam* (vt monet Concilium Tridentinum) *animum grauius sanciant;*

*Serm. de ieiunio  
Græcæ*

*Epist. 22*

*Sess. 14.  
cap. 9.*



*& periculosiora sunt ijs qua in manifesto admittuntur.*

Verum optimus in hoc belli genere pugnandi & vincendi modus est fugere; fugere inquam, non modo mulierum colloquia, conuersationes, aspectus, aliasque illecebras eiusmodi & occasiones, de quibus postea in quarta huius operis parte plenius agetur: sed etiam fingere tentationem, pugnanteque ipsam quantum fieri potest detrectare, non defectu animi, sed studio humilitatis: *contra libidinis im-*

*Serm. 2. petum, (inquit Sanctus Augustinus)*  
*Domini apprehende fugam, si vis obtinere victo-*  
*nic. 25. riam; nec tibi verecundum sit fugere,*  
*post Trinit. si castitatis palmam desideras obtinere.*

Si ergo percipias v.g. te aliquem librum legendo, aut tabeliam vel quid simile inspiciendo, aut aliquid audiendo, vel parua aliqua temporis moram oriendo, vel alia qualibet de causa, tentationibus contra castitatem imperi, citò depone librum, auerte oculos, occlude aures, laborem intermissum repete, & quaecumque similem occasionem quantumuis parua sollicitè deuota. Sic castus Ioseph (ut notat S. Ambrosius) *ne ipsa quidem verba diu passus est; contagium enim iudicauit si diutius moraretur.*

*Lib. de S. Ioseph. Denique sensuum, praesertimque oculorum mortificatio, carnisque castiga-*

stigatio per ieiunia, vigilias, aliasque  
similes corporis afflictationes volunta-  
rie assumptas (de quibus proxime  
sequenti capite aliquid dicitur) op-  
timus & saluberrimus erit castitatis  
seruandæ modus. Nec omittendum  
illud, quod sapiënter obseruat D. Chry-  
sostomus, *animum ipsum feriri ac com-  
moueri, non impudica tantum, sed etiam  
pauca mulieris oculo*. Proindeque au-  
scultandum sapientis monitum, *Vir-  
ginem ne conspicias ne forte scandaliseris  
in decore illius*. Et sancti Hieronymi  
consilium nequaquam negligendum,  
qui ad Nepotianum suum scribens, in  
eiusque persona vnumquemque Ec-  
clesiæ ministrum admonens; *Officij  
tui est, inquit, non solum oculos castos  
custodire, sed & linguam; nunquam  
de formis mulierum disputes, &c.*

*Lib. 6. de  
Sacerd.  
cap. 5.*

*Eccl. 9.*

*Epist. ad  
Nepor.*

Optimè S. Carolus Borromæus ad  
personam quandam Ecclesiasticam  
in eminentissimo gradu constitutam  
scribens, cum præter alias virtutes in  
hoc sanctissimo statu castimoniam &  
quidem singularem omnino exigi dixis-  
set: adiunxit. *Hanc vero nunquam  
assequeris, nisi te carnis maceratione af-  
flictaueris, sensus omnes compresseris,  
otium ut pestem fugeris; denique nisi in  
huius domi pulcherrimæ conseruationem,  
quod Deus tibi custodiendum dedit, om-  
nem animi ac mentis tuæ vim intenderis:*  
mi-

*Epist. ad  
Anar.  
Battor.  
Card.*

mirum est enim quam facile ab ijs deper-  
datur, qui in eius conservationem non  
inuisigilant, nec aliam ob causam S. Pau-  
lus Timotheum quem ab infanzia educa-  
uerat, sacrasque litteras edocuerat, qui  
corpore erat imbecille & infirmo, qui ieiu-  
nijs & aqua potu carnis petulantiam fre-  
gerat, tam serio monet ut seipsum castum  
custodiat.

## CAPVT XV.

### *De mortificatione Sacerdoti Christiano pernecessaria.*

Ser. 52.  
in Cāt.

**M**ORTIFICATIONIS nomine intelli-  
mus virtutem illam, quæ nos  
peccato prauisque eius affectibus ac  
dispositionibus quibuscumque facit  
emori, ut Deo eiusque voluntati uiua-  
mus, de qua quidem morte S. Bernar-  
dus, *Vtinam, inquit, hac morte fre-  
quenter cadam, ut euadam laqueos mor-  
tis; ut non sentiam visa luxuriantis mor-  
tiferæ blandimenta; ut non obstupescam  
ad sensum libidinis, ad æstum auaritiæ,  
ad iracundiæ & impatientiæ stimulos, ad  
angores sollicitudinum & molestias cura-  
rum. Moriatur anima mea morte iusto-  
rum, ut nulla illam illaqueet frons, nul-*  
*la*

*la oblectet iniquitas; bona mors, qua vitam non aufert, sed transfert in melius.*

Est autem hæc mortificationis virtus duplex. vt docet D. Augustinus, *In serm. de Sanctis ser. I de S. Ioan. Bapt.* vna quæ corpus, altera quæ animum spectat; & viraque Christiano Sacerdoti pernecessaria, *omnis enim qui in agone contendit ab omnibus se abstinet,* vt monet Apostolus; quis autem ad pugnandum in agone huius vitæ magis expositus & obligatus quam is qui ex officio & munere suo, non tantum pro se, suaque salute, sed & pro alijs, ac etiam pro ipsa Ecclesia colluctari debet, *aduersus Principes & potestates, aduersus mundi Rectores tenebrarum harum, contra spiritualia nequitia in caelestibus. Ideoque idem Apostolus formam illius virtutis in seipso Christi militibus imitandam proponens; Ego igitur, inquit, sic curro non quasi in incertum, sic pugno non quasi aerem* *Sup.* *verberans, sed castigo corpus meum, & in seruitutem redigo, ne forte cum alijs pradicauerim, ipse reprobus efficiar.*

Certe quod de alia persona dixit idem Apostolus, hoc nos longe potiori ratione de quocumque Sacerdote dicere possumus; Sacerdos qui in delictijs est, viuens mortuus est; nomen est illi quod uiuat, sed mortuus est. *1. Tim. 5. Apoc. 3.*

Necesse est ergo illi si vita Christi viuere velt, vt iuxta monitum eiusdem

dem Apostoli mortificationem Christi  
Iesu semper in corpore suo circum-  
ferat, ut mortificet membra sua super  
terram, idque non modo ad edoman-  
das quascumque prauas habitudines,  
seu naturæ corruptæ inclinationes, aut  
ad propriam voluntatem diuinæ vo-  
luntati perfectius subiiciendam, pro-  
gressumque in virtutibus faciendum :

Coloss. 1.

sed etiam, ut adimpleat in corpore suo  
qua desunt passioni Christi, idque non  
modo pro se, suorumque peccatorum  
satisfactione, sed etiam pro alijs, sicq;  
ipsi Christo cōformis efficiatur, certis-  
simam inde arham educens quod si  
compatitur, etiam conglorificabitur.

Porro quæcumque huius virtutis  
excitatio & praxis potest maioris faci-  
lilitatis gratia ad hæc duo verba reduci.  
*abstine, sustine*, quæ olim ab Ethnico  
Philosopho prolata, istic à nobis in-  
sensu Christiano accipientur, itaut Sa-  
cerdos mortificationis studiosus in-  
hisce duobus verbis probè intellectis,  
& ad praxim fideliter redactis, huius  
virtutis summam reperire possit.

Primum igitur hoc apud se firmiter  
statuat, ut quandocumq; agatur non so-  
lum de peccato quocumq; vitando, sed  
etiam de opere aliquo virtutis exercé-  
do, v.g. de ministerio aliquo Ecclesiasti-  
co exequendo, de poenitente iuuan-  
do, de paupere instruendo, de Sacramé-

ro aliquo ministrando: demum quoties aliquid peragendum occurrit, quod Deo gratum & acceptum esse cognoscitur, & aliqua oblectationis, seu propriæ commoditatis aut utilitatis illecebra ob stare & auertere perspiciatur, tunc libentissimè ab illa quacumque utilitate aut commoditate seu oblectatione abstinendum est, ut opus illud bonum sedulò ac fideliter perficiatur, idque amore illius qui ut nostræ salutis opus absolueret, immensis coeli gaudijs & voluptatibus per tot annos quibus inter mortales vixit, seipsum abdicauit.

Et hoc est quod ipsemet Christus Dominus in Euangelio sæpius discipulos suos edocuit, cum ijs qui se sub se quæ vellent, abrenuntiationem omnium quæ ab ipsis possiderentur, abnegationemque sui ipsius proposuit, quæ abrenuntiatio alias in scripturis ablaetationis nomine, aut etiam expoliationis designatur.

Certe in Concilio Turonensi tertio edicitur, *Dei Sacerdotes abstinere debere ab omnibus quacumque ad aurium & oculorum pertinent illecebras, unde animi vigor emolliri posse credatur.*

Quamuis autem ea quibus interdum abstinendum erit parua videantur, ipsa tamen virtus per quam abstinetur non est exigui apud Deum meriti. Certe

in

*An. Do-  
min. 811  
can. 7.*

in scripturis laudatur David, quod in ardentissima siti, aquam sibi è cisterna Bethlemica allatam bibere noluerit, eamque in terram effuderit; quam idcirco ipse dicitur libasse Domino: ut ostendatur, calicem aquæ frigidæ non modo in eleemosynam porrectum, sed & propter Deum abstinendi gratia effusum, mercede sua coram Deo priuandum non esse.

Secundum, ad quod mortificationis praxim reduci diximus, est ut quodcumque similiter agitur de peccato quocumque vitando, vel virtutis actu exercendo, aut quouis opere perficiendo quod Deo acceptum esse credatur; & idcirco aliquod corporis incommodum, aut animi tedium perperi necessarium est, v. g. si ut aegroto spirituale aliquod subsidium aut solatium præstetur, nox aliqua insomnis ducenda sit, aut incommodum aliquod foetoris vel frigoris subeundum; si ad confessiones in Xenodochijs, aut carceribus excipiendas, aut rudes & ignaros in poenitentiae Sacramento iauandos, aut diffidentes inter se reconciliandos, discordiasque sopiendas & sedandas iras, alicuius opera desideretur, variaeque occurrant difficultates, animique molestiae in his charitatis operibus tolerandæ, tunc virtutis illius de qua loquimur par-

partes erunt, in his & similibus quibusuis casibus, ad sustinenda eiusmodi & alia quaecumque acerba & molesta, obfirmare animum; & non libenter modo; sed etiam gaudenter aliquid pro illo perpeti, qui tot & tantos dolores nostri causa suscipere & experiri voluit.

Neque solum quando instat peccatum aliquod deuitandum, aut bonum opus exercendum id præstare conuenit, sed etiam huius virtutis exercendæ gratia expedit quandoque plurimorum Sanctorum exemplo, quibusdam corporis afflictionibus sponte susceptis exerceri, tum vt ad vim aliquam nobis ipsis inferendam cum opus fuerit assuescamus, memores illius effati, quoniam *regnum cælorum* *Matth. 11.*  
*vim patitur & violenti rapiunt illud*; tum etiam vt eo magis conformes efficiamur Christo Domino qui fuit *vir dolorum, ac sciens infirmitatem*; *Isa. 53.*  
*liquidem; quos Deus præsciuit, hos & Rom. 8.*  
*prædestinauit conformes fieri imaginis filij sui.*





## CAPVT XVI.

*De patientia virtute à Chri-  
stiano Sacerdote peculia-  
ri studio consecranda.*

2. Tim.

cap 3.

In Psal.

55.

Ioan. 15

**S**icut mortificatio spōte susceptas, sic patientia ab alijs illatas aut diuinitus immixtas animi corporisue molestias æquo animo tolerare docet; quæ quidem cuilibet Sacerdoti piè ac fideliter cunctas muneris sibi impositi partes implere volenti nusquam deerunt, *Omnes enim ( vt monet Apostolus ) qui volunt piè viuere in Christo Iesu, persecutionem patientur, super quæ verba appositè S. Augustinus; Si non pateris, inquit, pro Christo ullam tribulationem, vide ne nondum cœperis in Christo piè viuere. Et implemet Christus Dominus; Non est, inquit, seruus maior domino suo, si me persequuti sunt, & vos persequantur, ( & ) Amen dico vobis plorabitis & flebitis vos, mundus autem gaudebit, vos verò contristabimini, & in mundo pressuram habebitis.*

En conditio eorum qui se veros Christi discipulos profiteri volunt, qui si officio suo debitè fungantur, ad calum-

lumnias, probra, insectationes, persecutiones, & alia quævis aduersa, a quo animo toleranda paratos se exhibere debent: *quare inquit S. Hieronymus, & inuenies singulos sanctos aduersa perpeffos, solus Salomon in delictis fuit, & ideo forsitan corrumpitur.* *Et ist. ad Eustoch. de cusp. tod. Virg.*

Et quid mirum si mundus illis aduersaturus est, si eos odio prosequitur, qui eius moribus contraire, eius axiomata conuellere, & vel ipso renitente, homines ad eius abiiciendas voluptates, diuitias parui faciendas, honores conculcandos continuo excitare & compellere debent? quid mirum si dæmon suscepti aduersus Ecclesiam belli pondus in eos vertat, & vrgeat, ipsosque acerbiorē ira impetatur, quos pro ipsius Christi castris stare, & in eius Ecclesia excubias agere, reliquosque fideles ab eius insidijs insultibusque protegere conspiciat.

Quare merito sibi dictum illud Apo. *Heb. 10.* stoli applicare debent, *patientia vobis necessaria est ut voluntatem Dei facientes reportetis re promissionem;* necessaria, inquam, quia illa virtute destituti, velut milites abiecto clypeo, depositisque armis, hostium quorumcumque insultibus patent. Certe Discipulos suos Christus alloquebatur cum dixit, *in patientia vestra possidebitis animas vestras.* *Luc 21.* Quæ verba expendens Illustrissimus

*Philot.* sumus Episcopus Gebennensis, *Ma.*  
*part. 3.* *gnum* (inquit) bonum hoc est, animam  
*cap. 3.* suam possidere, & quo perfectior erit pa-  
 tiētia, eo etiam perfectior erit possessio ipsius  
 animæ; quæ utiq; est margarita illa pre-  
 tiosa, cuius custodię præcipua cura inui-  
 gilandum est, pro qua nullā condignam  
 commutationem dari posse testatur  
 Christus Dominus; neq; prodesse, quod  
 quis uniuersum mundum lucretur, si  
 animæ suæ detrimentum patiatur.

*Heb. 12.* Igitur per patientiam curramus ad pro-  
 positum nobis certamen, aspicientes in  
 authorem fidei & consummatorem lesū,  
 qui proposito sibi gaudio suscepit crucem,  
 confusione contempta.

Atque in primis iuxta præfati præ-  
 sulis monitum, nullæ ipsi patientiæ li-  
 mites præfigendi sunt, sed extendere  
 se debet ad toleranda omnia, & quæ-  
 cumque aduersa, quæ Deus immitte-  
 re aut permittere voluerit. In omnibus,  
*2. Cor. 6* inquit Apostolus, exhibeamus nosmet-  
 ipsos sicut Dei ministros in multa patien-  
 tia, in tribulationibus, in necessitatibus,  
 in angustijs, in plagis, in carceribus, in  
 seditionibus, &c. Siue igitur tribula-  
 tio iuncta sit honori vel ignominiæ;  
 siue aliquid tolerandum à pijs vel  
 ab impijs, propinquis aut alienis,  
 æquè patienter tolerari debet; imò  
 quo acerbior est ipsa tribulatio, eo  
 patientia nobilior & perfectior.

Præ.

Præterea non solum aduersa quæcumque, sed & illorum accessoria omnia æquo animo ferre conuenit; si v.g. Deus morbum aliquem immitat, non modo ipse morbus, sed & eius incommoda quæcumque patienter sustinenda sunt; vt puta quod in tali loco, vbi omnium penuria sit, quod inter tales personas, quibus oneri esse oporteat: & eodem modo de alijs quibuscumq; aduersis sentiendum est; neque enim sine peculiari diuinæ providentiæ nutu ista euenire credenda sunt: *Examinandis siquidem no- is, vt loquitur Sanctus Cyprianus, atque explorandis diuersis imitantur labores, & multiplex tent. timentum qualitas irrogatur.*

*ser. 3. de bon. pat.*

Addamus & illud, quod qui verè patiens est, nusquam conqueritur, nec, vt ait S. Basilus, *patientia sua retributionem quærit ab homine;* adeoque nec plangi ab alijs appetit; & si causa morbi, vel doloris sit aperienda, id nudè ac simpliciter eatenus facit, quatenus ad inquirendum aut adhibendū remedium requiritur.

*in admonit. ad fil. spir.*

Quod si Sacerdos persecutionem aliquam patiatur propter iustitiam, puta quia muneri suo deesse non vult; quia peccatoribus nescit adulari, aut eorum delictis conuiuere; tantum abest vt idcirco à tramite patientiæ, deflectere debeat, quin potius ad eam

N exerc-

exercendam occasio eiusmodi maxime opportuna sit. *Hac est enim gratia*  
*1. Petr. 2* (ut edixit Apostolorum Princeps) si propter Dei conscientiam, sustinet quis tristitias, patiens iniuste: qua enim est gloria, si peccantes & colaphisati sufferatis; sed si bene facientes patienter sustineatis, hac est gratia apud Deum: in hoc enim vocati estis, quia & Christus passus est pro nobis, vobis relinquens exemplum, ut sequamini vestigia eius, qui peccatum non fecit, nec inuenus est dolus in ore eius, qui cum malediceretur non maledicebat, &c.

Quibus quidem postremis verbis sanctus Apostolus saluberrimum & efficacissimum ad patientiae virtutem medium suggerit, scilicet sedulam & attentam Passionis Christi Domini considerationem: si enim ut monet praefatus Gebennensis Antistes ipsum diuinum Saluatorem calumnijs impetiturum, vulneribus laceratum, doloribus immersum, tristitia, & odio, angore, ad mortem usque oppressum, oculis fidei conspiciamus, agnoscemus procul dubio mala nostra quaecumque illa sint, neque quantitate, non qualitate eius passionibus ullo modo comparari, nedum æquiparari posse; nosque nullatenus unquam eius amore toleraturos, vel minimam partem eorum, quæ ille amore nostri ferre,

ac

ac perpeti dignatus est.

Pro conclusione demum audiamus, & animis nostris infigamus hoc sanctissimum Apostoli monitum *Recogitate*, inquit, *eum qui talem sustinuit à peccatoribus aduersus semetipsum contradictionem, ut ne fatigemini animis vestris deficientes: nondum enim usque ad sanguinem restitistis, aduersus peccatum repugnantes. & oblii estis consolationis, qua vobis tanquam filiis loquitur, dicens, Filii mi, noli negligere disciplinam Domini, neque fatigeris, dum ab eo argueris: quem enim diligit Dominus castigat, flagellat autem omnem filium quem recipit, & omnis disciplina in presenti quidem videtur non esse gaudij, sed mœroris, postea autem fructum pacatissimum exercitatis per eam reddet iustitia.*

## CAPVT XVII.

*De paupertatis affectu, qui  
Christiano Sacerdoti ma-  
xime competit.*

**Q**uam alienus esse debeat Christi Sacerdos, & quiuis sacris eius ministerijs ascriptus, à cupiditate diuitiarum, & quo studio, & affectu

paupertatem à Christo Domino in  
Euangelij laudatam asseclari, satis  
superque euincunt ea quæ protulit  
beatus Apostolus ad charissimum sibi  
Timotheum scribens, ac in eius per-  
sona quosuis sacerdotes admonens.

1. Tim. Nihil (inquit) intulimus in hunc mun-  
6. dum, haud dubium quod nec auferre  
quid possumus: Habentes autem alimē-  
ta, & quibus tegamur, his co-venti si-  
mus, nam qui volunt diuites fieri, in-  
cidunt in tentationem, & in laqueum  
diaboli, & in desideria multa nocua,  
qua mergunt hominem in interitum, &  
perditionem. Radix enim omnium ma-  
lorum cupiditas, quam quidam appe-  
tentes errauerunt à fide, & inseruerunt  
se doloribus multis. Tu autem ò homo  
Dei hac fuge: sectare uero iustitiam,  
pietatem, fidem, charitatem, patientiam,  
mansuetudinem.

Quibus quidem verbis multa, &  
præclara, tum ad paupertatis illius  
studium excitandum, vitijque oppo-  
siti radices quasuis extirpandas, argu-  
menta; tum ad eiusdem virtutis pra-  
xim debitè consecretandam documenta  
proponit.

- Nihil (inquit) intulimus in hunc mū-  
dum, in quo scilicet tanquam aduena  
1. Pet. 2. & peregrini versamur, cuius proinde  
bonis transeundo uti, non inhaerendo  
1. Cor. 7 frui oportet; imo qui utuntur tanquam  
non

non utantur; praterit enim figura huius mundi.

Nihil etiam hinc auferre possumus. *Psal. 48*  
 Homo enim cum interierit non sumet  
 omnia, neque descendet cum eo gloria  
 eius. Sed relinquet alienis diuitias suas.  
 imo saepe, thesaurizat, & ignorat cui con- *Psal. 38*  
 gregat.

Quare habentes alimenta & quibus te-  
 gamur his contenti simus, paucis liqui-  
 dem natura contenta est, pauciori-  
 bus adhuc gratia; neque enim in abun- *Luc. 12.*  
 dantia hominis vita eius, & molius est *Psal. 36*  
 modicum iusto super diuitias peccatorum  
 multas: & quod spectat ad ea quæ vi-  
 tæ sustinendæ necessaria sunt, sic pa-  
 ter cælestis, quia his omnibus indigemus,  
 & si ex nostra parte modica aliqua *Matt. 8.*  
 cura adhibenda est, absit sollicitudo; no-  
 lite solliciti esse (inquit Christus Domi-  
 nus argumentum siquidem vera in ani-  
 mo paupertatis (vt loquitur Alber-  
 tus Magnus) est nullam sollicitudinem  
 habere de transitorijs, sed simpliciter &  
 secure se Deo committere. Nam *in Para-*  
 qui volunt diuites fieri incidunt in ten- *dis.*  
 tationem, & in laqueum diaboli, & *Anim.*  
 in desideria multa nocua, qua mergunt *cap. 5*  
 homines in interitum: tre nenda pror-  
 sus verba, quæ vix credi possent, nisi  
 ab ipso veritatis spiritu asserta foret:  
 non enim dixit, qui volunt aliena ra-  
 pere, aut vijs minus rectis & æquis



ad opes peruenire: sed qui volunt quibushbet modis etiam licitis diuites fieri: v.g. Sacerdotes alijque Clerici, qui beneficia ambiunt, qui bonis Ecclesiasticis ditescere cupiunt, hi maximè sibi cauere debent ne incidant in tentationem & in laqueum diaboli, & in desideria illa nociua quæ mergunt homines in interitum.

*Radix enim omnium malorum cupiditas*, præsertim in Ecclesia, Radix omnium inordinationum, omnium corruptelarum, omnium scandalorum, omnium abominatonum & desolationum: hinc Simoniarum & confidentiarum lues, hinc sacramentorum indigna contractatio, & indignior dispensatio; hinc vniuersi prope rerum sacrarum abusus. Euellere à Sacerdotibus, & ab vniuerso clero cupiditatem, & omnium illorum malorum & quorumcumque aliorum radicem abstulisti.

*Ep. 103. Quare ò homo Dei hæc fugè; si sapi-  
(inquit S. Bernardus) si habes cor, desine ea sequi, quæ & assequi miserum est; beatus utique qui post illa non abiit, quæ possessa onerant, amata inquinant, amissa cruciant; beatus verè qui post aurum non abiit, nec sperauit in pecunia thesauris; quis est hic & laudabimus eum?*

*Eccl, 31*

Vt vero talis euadas ò homo Dei, ò  
Sa-

Sacerdos & minister Christi, vt hanc cupiditatem radicitus ex animo tuo euellas; sectare iustitiam, pietatem, fidem, charitatem, patientiam, mansuetudinem: sectare virtutes illas omnes, quæ virum Ecclesiasticum decent: *Ve. Serm. 4. ra siquidem* (vt loquitur S. Bernardus) *in Ad. diuitia sunt, non opes; sed virtutes, quas uent. secum conscientia portat, vt in aeternum diues fiat. Illa proinde diuitia ambienda sunt, inquit S. Prosper, qua nos ornare pariter possint, & munire; quas nec ac- Li. 2. de quirere possumus inuiti, nec perdere; qua vit. Aët. nos contra hostiles impetus armant, à mī- c. 13 do determinant, Deo commendant, dilatant animas nostras atque nobilitant, nobiscum sunt, intra nos sunt.*

Et hoc quidem virtutum studium si feruens sit, multum confert ad eiusmodi cupiditatem euellendam ex animo, si iam radices aliquas misit; aut ad eundem animum aduersus illam præmunendum, si nondum sit eius laqueis irretitus: *Auaritia enim* (vt docet sanctus Gregorius) *non solet euenire illis qui viriliter currunt in via Domini, quibus Lib. 20. dicitur, viriliter agite, & confortetur cormor. c. vestrum; sed his maxime qui effœmina. 16. to gressu gradientes, per blandimenta sæculi resolvuntur.*

Neque verò satis est Christiano Sacerdoti non appetere opes, sed & easdem generoso animo contemnere.

debet, exemplo primorum illorum Christianorum, qui non ad manus, sed ad pedes Apostolorum pecuniam ex venditis bonis collectam afferebant; *Ut scilicet ostenderent*, inquit S. Hieronymus, *divitias esse calcandas*. Ideoque lōgè pluris æstimare debet cum Christo pauperem esse, quam quorumcūque mundi thesaurorum possessorem; cum Christo inquam, qui, ut loquitur Apostolus, *cum esset dives propter nos egenus factus est*; qui de seipso loquens, *vulpes*, inquit, *foveas habent*. *Et volucres cali nidus*, *filius autem hominis non habet ubi caput reclinet*.

*Epist. ad Deme- triad.*

*2. Cor. 8.*

Ut igitur hanc Christi paupertatem toto affectu confectetur, sæpè animo recolat & attentè perpendat verba illa, quæ solemniter protulit cum in clerum admissus est (*Dominus pars hereditatis meæ & calicis mei*) neque enim ioco, aut figurato aliquo loquendi modo, hæc dicenda ipsi Ecclesiæ præscripsit; sed ut talem se ore profiteretur, qualis corde animoque esse deberet. Proindeque cum Dominum in partem & portionem suam elegerit, nullæ aliæ ipsi extra Dominum partes aut portiones iam querendæ sunt, quia ut ait sanctus Hieronymus, *cum istis Dominus pars eius fieri non dignabitur*.

*Ep. ad Nepot.*

*Li. 2. de vit. alt.* Et certè quid ultra querit, cui omnia unus conditor sit? ut rectè loquitur S. Prosper

*ſper, aut quid ei ſufficit, cui ipſe non ſufficit?*

Sit ergo pauper ſpiritu, & ideò, vt *Philos.* monet Gebennenſis Antifites, *neque p. 3. c. 14 diuitias in animo, nec animum in diuitijs habeat*: & ſi quidem illæ affluant, cor non apponat, imò eas ſibi tanquam Chriſti œconomo diuinæ providentiæ nutu creditas agnoſcat, ſtrictamque de earundem diſpenſatione rationem, uſque ad vltimum quadrantem coram ſupremo iudice reddendâ eſſe cogitet. Quare illas non tanquam ſuas, ſed tanquam Chriſti opes exiſtimet, & quæ ad proprium uſum neceſſaria ſunt, quaſi quotidianum panem, quotidianamque eleemoſynam ex illius clementiſſimi Domini manu ſingulis diebus accipiat; neceſſaria, inquam, ſiue quoad victum, ſiue quoad veſtitum & ſupellectilem domeſticam, quæ quidem omnia in Chriſti Sacerdote & miniſtro ipſi ſuſmet Chriſti paupertatem ſpirare, & præ ſe ferre debent: quæ verò ſuperſunt, in opera charitatis, & Religio- nis fideliter impendat, prout ipſi Domino gratum magis & acceptum eſſe perſpiciet.

Cæterum vt verè pauper ſit ſpiritu, pauperes amet, amor enim amantes aut inuenit pares, aut facit: & ſi affectu ſincero diligit pauperes, ipſorum

confortium conuersationemque non  
refugiat, imò potius expetat, eos li-  
benter inuilet, aut inuisentes se aman-  
ter excipiat, cum ipsis benignè collo-  
quatur, eosque siue beneficio, siue con-  
silio, siue alia quacumque ratione iu-  
uare & solari studeat. Imò si sese  
offerat occasio, ipsis pauperibus in-  
seruire & ministrare non dedignetur,  
Christumque in illis agnoscens, liben-  
ter infra illos se demittat.

Quod si aliquando ipse iacturam  
aliquam bonorum incurrat, si incen-  
dis, eluisionibus, bellorum iniuria,  
aut quacumque alia de causa damnum  
incidat; hoc non modo patienter, sed  
& gaudenter accipiat, illoque imi-  
*Heb. 10.* tetur, qui ut testatur Apostolus, ra-  
pinam bonorum suorum cum gaudio su-  
sciperunt, scientes se habere meliorem  
& manentem substantiam.

Porro quæ huc usque dicta sunt,  
quamuis eos præsertim Sacerdotes  
spectet qui copiosam habent huius  
mundi substantiam, non tamen ideo  
negligenda sunt illis, quibus res do-  
mestica tenuis & exigua est: cauere  
enim debent ne alicuius necessitatis  
obrentu radicem illam omnium ma-  
lorum cupiditatem in animo suo fo-  
ueant: Ne (quod pluribus continge-  
re testatur Cassianus) cupiditatis illius  
vitiū, quod erga res pretiosas exercere non  
pos-

*possint, circa viles materias retineant.*

Ne nimis anxie quærant ea quibus opus habent, ne auidius oblata accipiant, ne diligant munera, aut sequantur retributiones; sed etsi interdum aliquid desit, si minus commodè se habeant, in hoc gaudeant quod Christo Domino similes magis efficiantur, quod eius sanctæ familiæ œconomiam tenuè & pauperem affectari queant, seque beatos æstiment, quod ab innumeris curis & solitudinibus liberi existant, sicque expeditiores ac promptiores ad ministerium suum exequendum esse possint.

## CAPVTVIII.

*De humilitate, quam peculiari cura Christianus  
Sacerdos affectari  
debet.*

**O**Mnibus quidem Christi fidelibus necessaria est humilitas: cum, *Ep. ad Cœlens.*  
(vt docet S. Hieronymus,) sit prima Christianorum virtus præcipuaque conservatrix, & quasi custos aliarum virtutum. Sed maximè, præ cunctis alijs,

requiritur in Christiano Sacerdote,  
tum ob dignitatem status, *quanto enim*

*Eccl. 3. quis maior est; ut monet Sapiens, tanto  
magis humilare se debes.* Tum ob sub-  
limitatem virtutum, quæ in eo repe-  
riri debent: *nam qui cogitat magnam*

*Ser. 10. D. Augustinus, prius de fundamento co-  
gitet humilitatis; & quantum quisque  
de verb. vult imponere molem edificiij, quanto*

*Dom. erit maius edificium, tanto altius fodit  
fundamentum.* Tum denique, quia hanc  
præferim virtutem discipulis suis, cun-  
ctisque proinde Sacerdotibus, Chri-  
stus Dominus commendavit, ac in se  
præ alijs imitandam proposuit: ete-  
nim non alios, quam discipulos suos  
alloquebatur, quando proposito ante  
oculos eorum paruulo, dixit: *Amen*

*Mat. 18 dico vobis nisi conuerſi fueritis, & efficiamini  
sicut paruuli, non intrabitis in regnũ  
celorum; quicumque ergo humiliauerit  
se sicut paruulus iste, hic maior est in  
regno celorum.* Et rursus alias, *Roges*

*Luc. 22 gentium dominantur eorum, & qui po-  
testatem habet super eos benefici vocan-  
tur: vos autem non sic, sed quicumque  
voluerit esse maior inter vos sit vester mi-  
nister, & qui prætor est, veluti mini-  
strator, &c, ecce ego in medio vestrum sum  
sicut qui ministrat.*

Denique seipsum proponens tan-  
quam perfectum huius virtutis exem-  
plar,

plar, Discite, inquit, à me quia mitis sū, Mat. II.  
 & humilis corde. A me, inquit, discite  
 ut obseruat S. Bern. non ad doctrinam  
 Patriarcharum, non ad Prophetarum li- apist 42.  
 bras ego vos mittere: sed me vobis exēplum, ad Hēr.  
 me formam humilitatis exhibeo. Senen.

Et hæc Christi Domini verba per-  
 pendens sanctus Augustinus, Hucine  
 redacti sunt, inquit, omnes thesauri sa- Li. de  
 pientia, & scientia absconditi in te, ut hoc sanct.  
 pro magno discamus à te, quoniam mitis virg.  
 es & humilis corde? itane magnum est as- c. 35.  
 se paruum, ut nisi à te qui tam ma-  
 gus es fieret, disci omnino non posset.

Iam quod spectat ad huius virtutis  
 praxim, obseruanda est sacti Ambrosii Li. 7. ep.  
 doctrina, multi habent humilitatis 42. ad  
 speciem, qui, ut ait S. ille Pater, virtutem Cōfāt.  
 non habent: multi eam foris pradicant,  
 & intus iniugiant; ad facum præsunt,  
 ad veritatem abiurant, ad gratiam ne-  
 gant: est enim qui nequiter se humiliat,  
 & interiora eius pleni sunt dolo: & est  
 qui numquam se submittit, ab humilitate  
 multa.

Quare sapienter monet sanctus Hie- Ep. ad  
 ronymus, Humilitas illa conseruanda Colant.  
 est non qua ostenditur, atque simulatur  
 gestu corporis, aut fracta voce verborum,  
 sed qua puro cordis affectu exprimitur:  
 aliud est enim virtutem habere, aliud vir-  
 tutis similitudinem: aliud rerum umbrā  
 sequi, aliud veritatem, multo deformior  
 est



*est illius superbia, qua sub quibusdam humilitatis signis latet, nescio enim quomodo turpiora sunt vitiis, qua virtutum specie calantur.*

Porro ut in huius virtutis praxi aliquis ordo seruetur: Christi Sacerdos in primis summam erga Deum, quoties aliqua religionis officia persolenda ipsi sunt, tenere debet humilitatem: qua & infinitam Dei maiestatem reueratur, & seipsum coram eo quam profundissime demittat, dicatque cum

*Psal. 38. Propheta, substantia mea tanquam nihilum ante te, vel cum alio, loquar ad*

*Gen. 27. Dominum meum cum sim pulvis & cinis.*

Prætereà ut omnes animæ suæ facultates, præsertimque voluntatem suam diuinę voluntati quam perfectissime submittat: ita ut in omnibus & singulis actibus suis, non nisi cum absolutissima illius supremi dominij dependentia, operetur: *Totius enim humilitatis summa (ut loquitur sanctus Bernardus) in eo videtur consistere, si voluntas nostra diuina, ut dignum est, subiecta sit voluntati, sicut ait Propheta, nonne Deo subiecta erit anima mea.*

Quod tamen obstare non debet quin iuxta monitum Christi Domini, cum fecerit omnia quæ præcepta sunt, humiliter & ex corde dicat, *seruus inutilis sum, quod debui facere; hoc feci.*

Erga

*Jer. de subiectione voluntatis.*

*Luc. 17.*

Erga seipsum eandem humilitatis  
 virtutem in praxim rediget, si non  
 modo ab omni, & quacunq; vana. *Tract de*  
 tatis aut diligentissimè sibi caueat, sed *grad. hu*  
 etiam *verissima sui agnitione* (vt lo. *mil.*  
 quitur Sanctus Bernardus) *sibi ipsi vile-*  
*scat*; si vel minima cuiuscumq; mi-  
 nisterij Ecclesiastici functione, mi-  
 nimo officio, & obsequio, nimis ho-  
 noratum se arbitretur; tantum abest  
 vt eiusmodi ministeria tanquam infra  
 se posita despiciat: si non quas per  
 diuinam gratiam virtutis actiones exer-  
 cuit, sed in quot & quantos defectus  
 eandem gratiam in vacuum recipien-  
 do incurrit, sibi frequenter ob oculos  
 ponat: demùm si ratione præterito-  
 rum delictorum, quibus toties & tam  
 grauitè diuinam læsit maiestatem, se  
 omni & quocumq; bono indignum,  
 omni & quocumq; malo dignum,  
 &, vt loquitur sanctus Bernardus, *di-*  
*gnum se omni dedecore & contemptu, di-*  
*gnum omni extremitate, & inferioritate,* *ser. 42.*  
*dignum etiam supplicijs & plagis, ex sin-* *in cant.*  
*cero cordis affectu, coram Deo agnoscat,*  
 & fateatur: prindeque siue ex illo,  
 siue alio simili motiuo omnes & quas-  
 cumq; humiliationes, abiectionesq;  
 non modo æquanimiter, sed & liben-  
 ter, amanterque suscipiat, & ample-  
 ctatur; dicatque cum Apostolo, *Placeo I. Cor.*  
*michi in infirmitatibus meis, in contumelijs, I. 2.*  
*in*

ser. 26  
in Cant.

in persecutionibus, in angustiis pro Christo; verus siquidem humilis, ut docet S. Bernardus, vilis vult reputari, non humilis predicari, & gaudet de contemptu sui.

Luc. 14.

Erga proximum denique exercebit humilitatem, si iuxta placitum Christi Domini, in nouissimo semper loco recumbat, saltem secundum affectum, & præparationem voluntatis. Si iuxta

Philip. 2.

S. Apostoli monitum omnes sibi superiores arbitretur, idque summa ratione, cum propria vitia & peccata notissima sibi sint, aliorum non item. Vnde

Homil.  
33. in  
Genes.

S. Chrysostomus sapienter & appositè dixit, honorem à nobis exhibendum esse, non eis tantum qui aetate nobis sunt maiores, vel etiam aequales; non est enim humilitas aliquid officij necessitate præstare: vera autem est, quando concedimus ijs qui nobis videntur esse minores, & eos veneramur qui nobis minus digni videntur. Quod si recte sapimus, nullos etiam nobis minores esse arbitramur, sed nos excelli ab omnibus hominibus aestimabimur: & hoc dico non de nobis, qui innumeris immergi sumus peccatis, sed etiam si quis sibi plurimorum bene gestorum conscius sit, nisi apud se sentiat, quod omnium sit postremus, nulla ei futura est utilitas ex omnibus suis bonis operibus.

ser. 26.

Optimè S. Bernardus, Non est (inquit)

se-

periculum quantumcumque te humilies, *in Cāt.*  
 quantumcumque reputes minorem quam  
 sis, hoc est quam se veritas habeat; est  
 autem grande malum, horrendumque  
 periculum, si vel modicè plus vero te  
 extollas, si vel uni, videlicet in tua cogi-  
 tatione, te praeferas, quem forte tibi pa-  
 rem veritas indicat, aut etiam supe-  
 riorem: quamobrem noli te homo com-  
 parare maioribus, noli minoribus, noli  
 aliquibus, noli uni. Quid scis o homo  
 si visus ille quem forte omnium vilissimum  
 atque miserrimum reputas, melior te in  
 mutatione dextera Excelsi, in se quidem  
 futurus sit, in Deo vero iam sit? & pro-  
 pterea Dominus non mediocre, non vel  
 penultimum, non ipsum saltem inter  
 nouissimos eligere locum nos voluit, sed  
 recumbe (inquit) in nouissimo loco.

## CAPVT XIX.

*De Obedientia Superioribus  
 Praepositisque Ecclesia-  
 sticis à Christiano  
 Sacerdote de-  
 ferenda.*

**O**bedientia iuxta D. Thomae do- 2.2. qn.  
 ctrinam) est virtus moralis, effi- 104. m.  
 ciens 2.

ciens hominem promptum ad exequendam voluntatem vel præceptum superioris : & hæc obedientia duplex est, alia enim est quæ debetur Deo superiorum omnium supremo, eiusque legibus quæ procul dubio quibusvis alijs legibus ac præceptis hominum, absolute præferendæ sunt : alia, quæ hominibus in legitima potestate constitutis, eorumque mandatis & decretis deferenda est.

Et de prima quidem non est opus hic multis agere, cum cuique vel solonaturæ lumine certo certius sit, Deo aliquid præcipienti obtemperandum esse, quod vel ipsi impijssimi confessi sunt, *iustum scilicet esse mortalem ha-*

*2. Mat. 9 minem esse subditum Deo.*

Hoc solummodo de Christiano Sacerdote dicimus, debere illum sicut alijs virtutibus, sic præsertim obedientia quam perfectissima, erga quemcumque diuinæ voluntatis nutum, alijs fidelibus prælacere, ut eius non verbis modo, sed maximè operibus exemplisque ad virtutem tantopere, necessariam efficacius excitentur. *Sacerdotes si quidem, ut loquitur S. Chrysostomus, magis videntur promittere obedientiam Deo, præcipue per hoc ipsum.*

*Hom. 40 quod spec. aliter in Dei ministerio consli-*  
*in Matt. tuntur.*

Quod vero ad illam obedientiam  
spe-

ſpectat, quam ſuperioribus, & præpoſitis ſuis Eccleſiaſticis Sacerdos exhibere tenetur, quoniam frequentius in illam peccatur; imo quoniam in ea tempora deuenimus, in quibus vix à plerisque Sacerdotibus, & Eccleſiæ miniſtris, ad cuiusmodi obedientiam vlla fiat attentio, ideo neceſſarium duximus in expendendis ijs, quæ ad virtutem illam ſpectant, paululum immorari.

Atque in primis dicimus Sacerdotes, & quoscumque alios clero Eccleſiæ aſcriptos, ad obedientiam Superioribus ac Præpoſitis ſuis Eccleſiaſticis exhibendam, non modo ipſius Eccleſiæ ſanctionibus, ſed & ipſa Diuina lege obligari. *Obedite* (inquit Apoſtolus) *præpoſitis veſtris, & ſubiacete eis, ipſi enim peruigilant quaſi rationem pro animabus veſtris reddituri, ut cum gaudio hoc faciant, & non gementes; gemitus ſiquidem ille* (inquit S. Chryſoſtomus) *quanis ultione durior eſt: quod maximè notandum.* Addit idem Apoſtolus *hoc enim expedit vobis: ſuper quæ verba S. Baſilius, hoc, inquit quod dicitur non expedire, maximi cuiusdam & valde pœnitendi detrimenti, quod agre correctionem admittat ſignificantiam habet.*

Heb. 13.

Homil.

34. id ep.

ad Heb.

in conſtit.

c. 23

Quamuis autem hæc Apoſtoli verbat cunctos fideles ſpectent, ad clericos

tamen aliosq; viros Ecclesiasticos speciali modo pertinere dignoscuntur, propter maiorem illorum cum praelatis, superioribusque suis in sacra hierarchia connexionem, & ab ipsis in sancto ministerio dependentiam, eosque proinde ad obedientiam præ cæteris laicis longe arctius obstringi.

Sanè S. Clemens Papa, quoscumque Sacerdotes, Diaconos, Subdiaconosque, ac reliquos Clericos Episcopis suis inobedientes, *non solum*  
*Epist. 3. infames, sed & extorres à regno Dei, & consortio fidelium, & à liminibus sanctæ Dei Ecclesiæ alienos declarat.*

Et sanctus Pius item Papa, si quis *Sacerdotum* (inquit) *vel reliquorum Clericorum suo Episcopo inobediens fuerit, &c. mox curia tradatur.*  
*Epist. 2.*

His diuinis, Ecclesiasticisque legibus adiungi potest & sollemnis illa obedientiæ ac reuerentiæ promissio, quam Sacerdos statim post ordinationem in manibus Episcopi emittit, ut quasi funiculo triplici nullatenus aberrumpendo, ad sacram illam subiectionem & obedientiam se strictum esse intelligat.

Hinc sequitur, vnumquemque Sacerdotem (quod de reliquis etiam Clero Ecclesiæ ascriptis dici debet) in ijs quæ ad fidei doctrinam, morumque ac ministeriorum sacrorum  
 di-

disciplinam spectant, primum Ponti-  
fici Romano, tanquam Christi Domi-  
ni vices in terris agenti, supremoque  
proinde Ecclesiæ Capiti & Pastori,  
veram perfectamque obedientiam,  
ac subiectionem debere: exinde pro-  
prio Episcopo & Prælo, quem *ut a-*  
*nima parentem* à quolibet Clerico su-  
scipi, obseruari, & amari vult S. Hie-  
ronymus: ac demum alijs sibi secun-  
dum canonicas sanctiones legitime  
præpositis; unicuique habita ratione  
dignitatis ac potestatis quam in Eccle-  
siastica hierarchia obtinet.

*Epist. ad  
Nepo-  
tiam.*

Cogitet proinde quilibet Sacerdos  
aut Clericus, diligenterque apud se  
perpendat, coram supremo Iudice,  
super illa obedientia præpositis suis  
Ecclesiasticis exhibenda, se prope-  
diem examinandum; sibi que reddenda  
fore rationem v. g. quam sincera  
& humili demissione, supremo Ponti-  
fici, errores aliquos fidei aduersos  
proscribenti & damnanti obtempera-  
uerit; intellectumque suum in obse-  
quium Christi, vicarij sui ore loquen-  
tis captiuauerit. Item, quam liben-  
ti & prompto animo Pontifici suo &  
Prælo modestiam & honestatem  
vitæ Clericalis tenendam, habitum  
Ecclesiasticum, tonsuramque defe-  
rendam, residentiam in beneficijs ser-  
uandam, aliaque similia iniungenti,  
obe-



obedientem se ac subditum præbuerit. Demum quam exactè leges sanctionesque canonicas, siue totius Ecclesiæ generales, siue cuiusque prouinciæ aut diocesis particulares seruauerit.

Neque vero, quæ de obedientia Ecclesiæ prælatis, à Sacerdotibus alijsque Clericis exhibenda dicta sunt, ullatenus præiudicant subiectioni, fidelitatisque quæ Regibus, Principibusque debetur, in ijs quæ temporalem regnorum prouinciarumque administrationem spectant; cum Apostolus qui Præpositis Ecclesiasticis obediendum & subiaccendum esse docuit, idem etiam edixerit *omnem animam potestatibus sublimioribus subditam esse oportere; siue regi præcelienti, siue ducibus tanquam ab eo missis.*

Rom 13  
vide Bel  
larm. t. 2  
lib. 1. de  
Clericis  
c. 28.

Tit. 3.

Orat. ad  
Cines  
Nazian.

Neque tantummodo ipsi Sacerdotes & Clerici, regum, principumque sæcularium legibus obtemperare tenentur, in ijs quæ legi diuinæ sacrisque canonibus minime repugnant, sed etiam ut ipsemet Apostolus præscribit, alios fideles admonere debent, *principibus & potestatibus subditos esse, dicto obedire, ad omne opus bonum paratos esse, neminem blasphemare &c.*

Appositè & optimè S. Gregorius Nazianzenus, *Subijciamur (inquit) sum Deo,*

Deo, tum alijs alijs, tum ijs qui imperium  
in terra gerunt : Deo quidem omnibus  
de causis, alijs autem alijs propter cha-  
ritatis fœdus; principibus denique, pro-  
pter ordinem, publicaque disciplina ra-  
tionem, idque tanto etiam magis, quanto  
clementioribus, moderatioribusque illis  
utimur.

---

## CAPVT XX

*De imitatione Christi, cui  
peculiari studio Sacer-  
dos incumbere te-  
netur.*

**P**ost enumeratas in præcedentibus  
capitulis, & vicumque explicatas  
virtutes illas, quæ Christianum [Sa-  
cerdotem maxime decent; ut eo-  
rum omnium quæ dicta sunt, aut e-  
tiam dicenda supersunt, compendium  
faciamus, omnesque virtutes Sacër-  
dotes sub vnum veluti aspectum  
ponamus, & facillimam simulq; perfe-  
ctissimam eas in praxim reducendi ra-  
tionem quasi oculis ipsis subiiciamus?  
in hoc ultimo huiusce tertix partis  
capitulo virtutum illarum absolutissi-  
mum prototypum, Dominum scilicet  
Ie-

Iesum cunctis Sacerdotibus imitandum, & in semetipsis exprimendum proponemus: quò scilicet in omnibus operentur iuxta exemplar quod illis in mystico illo monte demonstratur.

*ep. 3. ad Volunth* Quamuis autem ipse Dominus Iesus venerit quibuscumque hominibus magisterium, & adiutorium ad capeffendam aternam salutem, ut loquitur S. Augustinus, Apostolorum tamen, ac discipulorum suorum peculiari quadam ratione se Magistrum esse professus est. Vnde ad eos dixit, *Magister vester unus est Christus*, & alio in loco, *vos vocatis me Magister & Domine*, & benedixit, *sum etenim*: quomodo vero magisterium illud erga ipsos exercuerit, ostendens subdit; *exemplum enim dedi vobis, ut quemadmodum ego feci, ita & vos faciatis*.

*IOAN. 13*

Hæc si quidem diuini illius Magistri ratio, & methodus fuit, ut prius faceret, deinde doceret: prius opere, postea sermone discipulos suos instrueret; imo vtrumque iungeret, simulque & faceret & doceret: ut postea seipsum etiam in hoc discipulis imitandum proponeret, ipsisque efficacius dicere posset, *qui fecerit & docuerit, hic magnus vocabitur in regno celorum*.

*Matt. 5*

Neque solum diuino huic Magistro imitando studere tenentur Sacerdotes, quia ipsius Christi discipulorum success.

cessores sunt, hæredesque virtutum, sed etiam propterea quod ad illius imitationem alios inducere debent, eosque veluti *parturire*, donec in ipsis *Christus formetur*: ideoque posuit eos Dominus *pastores & doctores ad consummationem sanctorum, in adificationem corporis Christi, ut occurrant omnes in virum perfectum, in mensuram ætatis plenitudinis Christi*: hoc autem præstare nusquam poterunt, nisi prius in seipsis eundem Christum quam perfectissimè efformauerint, ut alijs postea vnusquisque illorum dicere cum Apostolo valeat, *imitatores mei estote, sicut & ego Christi*.

Galat 4

Eph. 4.

Phil. 3.

Certè hoc cuncti fideles à quolibet Sacerdote expetere, & expectare videntur, ut scilicet perfectam in ipsis nanciscantur imaginem charitatis, mansuetudinis, aliarumque Christi Domini virtutum, vnde ipsi ædificentur, & ad similitudinem virtutum proxim excitentur: quod si hoc in sacerdotibus minimè reperiant, vitiaque virtutibus illis contraria deprehendant, ut plurimum scandalizantur, virtutem fastidiunt, in vitia similia faciliè corruunt, putantque sibi licere ea, quæ à quouis Sacerdote fieri animaduertunt.

Addamus & Sacerdotes in plerisque ministerij sui functionibus, Christi  
 O vices

vices agere, Christi nomine loqui, proindeque conueniens, imo necessarium esse, vt non solum sermone, & lingua, sed & opere, ac exemplo ipsius Christi personam exhibeant, vt verè cum Apostolo dicere queant, *an experimentum queritis eius, qui in me loquitur, Christus?*

2. Cor.  
16

Serm. de  
renunt.

¶ Vt igitur Sacerdos hoc præstet, cum, vt ait Sanctus Basilius, *omnis actio Saluatoris, regula sit pietatis excolenda, virtutisque obeunda*, debet ipsius Christi vitam, tanquam vitæ suæ normam, & regulam sibi præstitueret, singulasque eius actiones, tum quæ Dei cultum, tum quæ proximi ædificationem, tum quæ ipsius vitæ necessitatem spectant intellectu & affectu apprehensas proprijs suis actionibus applicare, & quantum licebit commensurare.

Debet præterea ad ipsius Christi charitatem, patientiam, humilitatem, cæterasque virtutes attendere, easque per sedulam imitationem veluti suas facere, *expoliantes scilicet veterem hominem cum actibus suis, & induentes nouum qui secundum Deum creatus est in iustitia & sanctitate veritatis*, qui enim, vt ait S. Hieronymus, *conuersationem Christi imitatur*, vniuersasque eius virtutes in se exprimit, vt sit mansuetus, sicut ille fuit mansuetus & hu-

humilis corde, & ponat animam suam  
pro amicis, sicut ille posuit pro omnibus  
suis: verberatus non respondeat, male-  
dictus non remaledicat, sed vincat in  
humilitate. Superbiam: iste induit est  
reum hominem, & dicere cum Apo-  
stolo potest, vivo ego, iam non ego, vivit ve-  
ro in me Christus.

Neque solum leuiter, & strictim ipsas  
Christi actiones virtutesque inspicere,  
sed sedulo meditari, & vt loquitur  
Apostolus, *recogitare*; quemadmo-  
dum si pictor tabellam aliquam sibi  
propositam imitari & exprimere vel-  
let, frequenter tum in ipsam tabellam,  
tum in opus suum oculos iniiceret; sic  
& verus Christi imitator sese gerere  
debet: Idcirco enim Dei filius, vt ait  
Sanctus Basilus, *naturam nostram*  
*suscepit*; vt in se velut in quadam ta-  
bula, veram virtutem depingeret, tam- *ser de re*  
que nobis tamquam archetypum, imitan- *nunt.*  
dam proponeret: siquidem, vt loquitur  
S. Gregorius Nyssenus ipsius S. Basilij  
frater, *sua quisque vite pictor est*, arti- *ep. 1. de*  
fex huius operis est voluntas, colores *perf.*  
sunt virtutes, exemplar vero Christus es- *Christ.*  
se debet.

Porro inter ipsas Christi Domini  
virtutes, præstat eas in se præsertim  
delineandas imitandasque deligere,  
quæ cuiusque muneribus, functioni-  
busque magis accommodatæ, aut cuius-

que dispositioni magis utiles aut necessariz videntur: verbi gratia, is cui animarum cura commissa est, ipsius Christi Domini vigilantiam, mansuetudinem, zelum inter labores molestiasque indefessum, &c. attendat, ut eas imitetur: is qui choro, Ecclesiasticisque officijs, & publicis Religionis obsequijs deputatus, eundem Christum in templo orantem, vel alijs Religionis actibus & muneribus incumbentem sibi ob oculos ponat, & veluti præeuntem subsequatur. Is qui ambitionis aut vanæ gloriæ vento pulsatur, Christum in vita absconditæ mundi oculos refugientem, aut in passione humiliatum, & opprobrijs saturatum aspiciat; qui avaritiæ tentatione, diuitiarumque desiderijs inutilibus & nociuis impetitur, eundem Christum pauperem, & egenum propter nos factum attendat; qui otia & vitæ commoda sectari se deprehendit, ipsummet Christum circumspiciat, nunc propriis manibus laborentem & in ludore vultus sui pane vescientem; nunc villas & pagos, & castella circumeuntem & oves oberrantes quærentem, in ipsa inquisitione & circuitione sæpissime fatigatum; nunc in montibus sub dio pernoctantem & orantem; ac demum in passione sua, spinis, flagellis, clavis, lanceis, perfos-

fossam, lacerum, confixum, cruentatum: & sic de alijs.

Hæc est igitur summa totius perfectionis Sacerdotalis, Christum Dominum affectari, Christi vestigijs inharere, Christum induere, Christum viuentem, loquentem, operantem, patientem in se quantum fas est exprimere, & alijs reuerendum, amandum, imitandumque in se proponere: vix cogitari, nedum dici potest, quanta sit huiusmodi conformitatis cū Christo in ipso Sacerdote efficacia & virtus, quanta ædificatione qui eiusmodi est, cunctas ministerij sui functiones obeat, quanto & quam vberi fructu procurandę animarum salutis incumbat; proximisque suis ad bonum cuiusque spirituale operam impendat: & quanta eius ministerio & labore diuinus honor in dies accipiat incrementa: neque enim vllus maiorem Deo gloriam, aut Ecclesię vtilitatem in hac vita mortali asferre potest, quam qui

Christum Dominum ipsius Paternę glorię splendorem, melius  
& perfectius Deo, &  
mundo exhibet.





## PARS QVARTA.

De tentationibus quibusdam,  
& occasionibus periculo-  
sis, aduersus quas Sacerdos  
Christianus peculiari studio  
ac sollicitudine præmunire  
se debet.

---

### CAPVT PRIMVM.

*De tentationibus in genere  
quibus Sacerdos impetitur,  
earumque remedijs.*

**F** *LI accedens ad serui-  
tutem Dei, sit in in-  
stia & timore, & pra-  
para animam tuam ad  
tentationem, inquit Sa-  
piens, verbis illis ve-  
luti classicum canens  
omnibus quidem fidelibus, sed maxime  
ijs, qui se seruituti & ministerio Dei  
lo-*

solemni consecratione manciparunt. *Iob. 7.*

Cum enim *militia sit vita hominis* *Cant. 6.*  
*super terram, & ipsa Ecclesia in terris*  
 posita sit *quasi castrorum acies ordina-*  
*ta*, in qua Sacerdotes alijque Christi  
 ministri velut primipilarij milites in  
 sacri illius exercitus fronte constituuntur;  
 non mirum ipsis videri debet, si  
 primos hostium insultus acrioresque  
 impetus sustineant, *quia*, ut recte  
 monet sanctus Gregorius, *quanto magis*  
*eos sibi oppositos diabolus conspiciat*, *Lib. 24.*  
*tanto amplius expugnare contendit.* *mor. c. 13*

Præterea cum ipsi Sacerdotes in  
 militia Christi alios instruere, ratio-  
 nemque in pugna illa spiritali tene-  
 dam illos edocere debeant; quomo-  
 do id præstare possent, nisi propria  
 ipsi experientia erudirentur, varijsque  
 tentationibus probarentur: *qui enim*  
*(ut loquitur Sapiens) non est tenta-* *Eccl. 34*  
*tus, quid scit?* Vade & ipse Christus  
 dux & Imperator nollet tentari  
 voluit per omnia pro similitudine absque  
 peccato: in eo enim in quo passus est ip-  
 se & tentatus, potens est & eis qui ten-  
 tantur auxiliari. *Heb. 2.*

Sicut igitur gubernatorem navis tem-  
 pestas, Athletam stadium, in litem acies, *S. Basil.*  
 magnanimum calamitas; sic Christi mi- *ora. de*  
 nistrum tentatio probat, ut cum probatus *Pat.*  
 fuerit accipiat coronam vite. Quam  
 quidem coronam, ut ait S. Augustinus,

in Ps. 60

*accipere non potest, nisi uicerit, nec vincere potest, nisi certauerit, nec potest certare, nisi inimicum & tentationes habuerit.*

in Ps. 39

Quamuis autem, ut docet S. Thomas, cuiusque tentationis ordo à Deo sit, id est, quamuis ipse Deus pro infinita sua sapientia & clementia tentationes ipsas ordinet ad maius bonum eorum qui tentantur, dummodo gratiæ suæ non defint: quia tamen anceps & periculosa semper est illa colluctatio, tum ratione propriæ infirmitatis & imbecillitatis, tum etiam propter infensissimos hostes quibuscum nobiscum luctandum est, qui non solum aperto (ut dicitur) Marte, sed sæpissimè, occultis insidijs agunt, & *semper magis timendi sunt*, inquit D. Augustinus, *cum fallunt, quam cum feriunt*: ideo Christi Sacerdos qui ex officio suo pro aliorum salute dimicare tenetur, multo magis propriam ipse salutem tueri debet; & propterea præsidia omnia, & auxilia sedulo conquirere, quibus contra hostium illorum impugnationem tutus & securus esse, occasionesque omnes in tentationem inducentes sollicitè deuitare valeat.

De quibus quidem cum speciatim nobis agendum sit, insequentibus huius quartæ partis capitibus; hic solum quæ-

quædam remedia generalia aduersus  
quascumque tentationes vitiorumque  
illecebras breuiter proponuntur.

Atque in primis Christiano Sa-  
cerdoti auscultandum est monitum  
Christi Domini, qui discipulos suos  
alloquens, & in eorum persona quos-  
uis Ecclesiæ suæ ministerio addictos : *Mat. 26*

*Vigilate, inquit, & orate, ne intretis  
in tentationem :* quibus verbis duo pro-  
ponit veluti muniminum genera. Pri-  
mum est, vigilantia, qua super seipsos,  
actusque suos quoscumque exteriores  
& interiores inuigilent, ne scilicet in  
factis, dictis, aut cogitatis, aliquid  
admittant, quod tentationi aditum  
præbeat, eosque in discrimen peccan-  
di adducat; ideoque debent atten-  
dere sibi ipsis, semetipsos inspicere,  
diiudicare, quotidianumque examen  
conscientiæ instituire, quo vel pro-  
prij cordis occultissima sibi cognita  
sint & perspecta.

Quoniâ vero sine ope cælestis gra-  
tiæ quantacumque vigilantia non suf-  
ficit, ideo non modo vigilandum,  
sed & orandum esse docet Christus, *ut*  
*etiam vigilantes tentationis procella non* *S. Prosp.*  
*vincat.* Per orationem siquidem Deo *l. 2. de*  
coniuncti & vniti cum Propheta dice- *voc. gēt.*  
re possumus, *Dominus illuminatio mea*  
*& salus mea, quem timebo?* & per ean-  
dem orationem, auxilium diuinæ gra- *Psal. 26*

tiæ contra insultus hostium postulantes, illud facile impetramus ab eo qui dixit, *petite & accipietis, & si quid petieritis patrem in nomine meo dabit vobis.*

Porro diuina ope inuocata & exorata, manus etiam operi admouenda est, viriliter contra hostes decerrandū, tentationi obfistendum: *Resistite diabolo*, inquit Apostolus, *& fugiet à vobis*, foelix haud dubiè conatio huius belli licet alioquin periculosi, in quo (vt rectè adnotauit, & ex his verbis collegit Gebennensis Antistes) *certi sumus de victoria, dummodo contra hostes pugnare, ipsorumque insultibus resistere velimus.*

Præterea fugiendas esse tentationis occasiones cuius notum est, *qui enim oramus*, inquit D. Chrysostomus, *ne intremus in tentatio nem*, sane tentationis occasiones quærere non a. b. e. m. u. s. præsertim ipso Spiritu sancto commo-  
*Eccl. 3.* *te, quod qui amat periculum peribit in illo. Quantum igitur possumus, à lubrico recedamus, vt rectè Philolophus antiquus dixit, qui in sicco quoque, parum firmiter stamus.*

Neque solum ab exterioribus tentationis occasioibus, sed & ab interioribus earūdem causis sollicitè sibi ipsi cauendum est: quis est enim qui cum Apostolo non dicat *sento legem*

*in membris meis, repugnantem legi mentis mea, & captiuam me in lege peccati, & quod adhuc periculosius est, saepe tunc maxime oppugnaris, ut monet Sanctus Hieronymus, cum te oppugnari non sentis. Quare (ut idem pergit) noli securus esse, noli credere, licet in modum stagni fusum a quor arideat, licet vix summa elementi spiritu terga crispentur; magnos hic campus montes habet, intus inclusum est periculum, intus est hostis.*

Rom. 7.

ep. 1. ad  
Hel.

Denique aduersus quædam tentationum genera, saluberrimum est monitum Apostoli dicentis: omnia probate, quod bonum est tenete, & nolite omni spiritui credere, sed probate spiritus si ex Deo sunt. Ipse etenim Sathanas transfigurat se in Angelum lucis, & quid mirum si ministri eius transfigurentur velut ministri iustitie.

1. Thess.

5.

1. Ioã 4.

2. Cor. 11



## CAPVT II.

*De tentatione ambitionis, præsertim in appetitione beneficiorum, munerumque Ecclesiasticorum.*

2.2.9.  
131.

**A**mbitio, vt docet S. Thomas, *est inordinatus honorum & dignitatum appetitus*; cum quis scilicet honores & dignitates appetit, verbi gratia, Sacerdos aut quiuis alius clero ascriptus, beneficia vel officia Ecclesiastica, ad quæ tamen idoneum se minimè cognoscit; vel quando eadem appetit, non vt referat ad diuinam gloriam, sed vt propriæ gloriæ cupiditatem expleat.

Quam vero periculosa sit in Sacerdotibus alijsque Ecclesiæ ministris eiusmodi ambitionis tentatio, hinc patet, quod non modo eos impetat, qui se alijs cupiditatibus & vitijs manciparunt, sed illos etiam qui virtutis, ac pietatis sectatores se profitentur. Plurimos siquidem reperire est in Clero, vitæ alioquin, vt videtur, satis probatæ, nec vllis vitijs obnoxia, quos tamen, vbi vel leuissima aliqua ambitionis aura afflauerit, vbi aliqua beneficii cuiusuis captandi, aut dignitatis Ecclesiasticæ obtinendæ spes affulserit, conti-

tinuò videas velut è statu suo dimoueri, & pestifero illo flatu, plerumque in abrupta simoniarum aut confidentiarum propelli, aut certè procelloso mundanæ vanitatis spiritu exagitari, & tandem lethalis alicuius noxæ scopo allisos miserrimo naufragio perire.

Vnde S. Ambrosius: *hoc ipso, inquit, perniciosior est ambitio, quod blanda quadam est conciliatriculi dignitatum. & sæpe quos vitia nulli delectant, quos nulla potuit mouere luxuria, nulla auaritia subruere, hos facit ambitio criminosos. Etenim, vt monet Sanctus Cyprianus, etiam in sinu Sacerdotum ambitio dormit, ibi sub umbra recubat, in secreto thalami se fraudulenter occultat.* Lib. 1. in Luc. c. 4. ser. de ieiunio & tent.

Idcirco Christus Dominus discipulos suos alloquens, & in illis omnem Ecclesiæ suæ Clerum erudiens, ab hoc ambitionis vitio eos præsertim deterruit: Scitis, inquit, quia reges gentium dominantur eorum, & qui maiores sunt potestatem exercent in eos; non ita erit inter vos, sed quicumque voluerit inter vos maior fieri, sit vester minister: & qui voluerit inter vos primus esse, erit vester seruus. Mat. 20

Et alia occasione coram ipsismet discipulis acriter in Phariseos ambitione tumentes inuectus est. Dilatant, inquit, phylacteria sua, & Mat. 23 mi-



*magificent simbrias ; amant primos recubitus in coenis, & primas cathedras in Synagogis, & salutationes in foro, & vocari ab hominibus, Rabbi. Et exinde postquam ab eiusmodi fastu discipulos suos dehortatus est ; plurima eaque horrenda anathemata in ambitiosos illos Phariseos , veluti caelestia quædam fulmina vibrat : quæ utinam perspiciant , & attentè perpendant ij*  
*„ qui Phariseorum ambitiosa consilia*  
*„ æmulantur : qui , ut loquitur sanctus Gregorius , intra sanctam Ec-*  
*„ clesiam per speciem regiminis , gloriam affectant honoris , videri do-*  
*„ ctiores appetunt , transcendere cæ-*  
*„ teros concupiscunt ; atque attestan-*  
*„ te veritate , primas salutationes in*  
*„ foro , primos recubitus in coenis , pri-*  
*„ mas in conventionibus quærunt ca-*  
*„ thedras : qui susceptum curæ Pasto-*  
*„ ralis officium ministrare dignè tanto*  
*„ magis nequeunt , quanto ad hoc*  
*„ humilitatis magisterium ex sola elatione perueniunt .*

Ut igitur contra hanc ambitionis pestem , antidotum aliquod hic proponatur ; auscultandum est in primis monitum Sapientis sic loquentis : *Noli*

*Eccl. 7. quærere à Domino ducatum , neque à Rege cathedram honoris ; durissimum siquidem iudicium his qui præsumunt fieri , exiguum enim facile conceditur misericordia : poten-*  
*tes*

tes autem potenter tormenta patientur. Item Apostoli similiter dicentis: Nolite plures fieri magistri, fratres mei, scientes quoniam maius iudicium sumitis. *Jacob. 2.* Tanto certè quisque grauius corrumpit, inquit Sanctus Gregorius, quanto antequam caderet altius ascendit, & ut loquitur Ildorus, quanto quisque in superiori constitutus est loco, tanto in maiori versatur periculo; & quanto splendoris sum boni honore excelsior, tanto si delinquat peccator est maior. *Expos. in Ps. 60, Li. 3. de sum. bon. c. 31.*

Age ergo, inquit Sanctus Bernardus, quoniam iudicium graue his qui in declinaprasunt fiet, & potentes potenter tormenta patientur; ascende ad superbia tua semper, sequere regem tuum, omne sublimis videant oculi tui, festina multiplicare praebeas; inde ad Archidiaconatus euola, demum aspira ad Episcopatus, ne ibi quidem requiem habiturus, quoniam sic itur ad astra. Quò progredieris miser? an ut ab altiori gradu, casus sis grauior? neque enim sic paulatim decides, sed tanquam fulgur in impetu rehentis, quasi alter satanas subito deijceris.

Quare quisque honorum, dignitatum, munerumque Ecclesiasticorum appetitione titillatur, perpendat serio formidandam illam diuini iudicij stateram, ab humani iudicij bilance longè diuersam; perhorre-

icat

- scat illam supremi iudicis vocem ,  
*Dan. 5.* appensus es in stateri, & inuentus es  
 minus habens; cogitet quid de ipsis  
 muneribus, ac dignitatibus, in vl-  
 timo vitæ suæ termino constitutus,  
 sentiet? quem tunc ex illis fructum  
 recepturus est? & si sapit, si propriæ  
 salutis curam agit, magis eligat abiectus  
 esse in domo Domini, quam habitare in  
*Psal. 83* tabernaculis peccatorum.

- Ac demum ob oculos sibi ponat  
 exemplum illius: qui, vt loquitur  
*Phil. 2.* Apostolus, cum in forma Dei esset,  
 exinaniuit semetipsum formam serui ac-  
 cipiens; humiliavit semetipsum usque  
 ad mortem, mortem autem crucis. Quæ  
 quidem verba perpendens, Sanctus  
 Bernardus, Erubescere, ait, superbe ci-  
 uis: Deus se hominibus subdit, & tu  
 dominari gestiens hominibus, tu te  
 praponis authori? &c. quoties ho-  
 minibus præesse desideras, to-  
 ties Deum tuum  
 praire con-  
 tendis.

*serm. I.  
 in Mis-  
 sus est.*



## CAPVT III.

*De luxu in vestibus, supellectili, alijsque rebus à Christiano Sacerdote maxime cavendo.*

**A**D tentationem ambitionis, proximè accedit luxus in vestibus, supellectili, alijsque quotidianæ vitæ expensis: qui quidem luxus eo culpabilior censetur in Sacerdote, & quovis alio Ecclesiæ ministro, quo per illum Christo perfectionis totius exemplari dissimilior efficitur.

Quid enim diuinus ille Saluator, tum per se, tum per Apostolos suos sæpius ingessit, quam mundi gloriam spernere, fastum sæculi calcare, vitæ superbiam fugere, superflua abijcere, paupertatem sectari: & ut doctrinam firmaret exemplis, ipse nasci voluit in stabulo, reclinari in præsepio, vilibus pannis inuolui, totaque vita, domo, lectulo, omnique ferè humano solatio destitui: *Vulpes, inquit, foveas habent, & volucres cali nidos, filius autem hominis non habet ubi caput reclinet.* MAT. 8.

Sa-

Sane Catholica Ecclesia supremi illius Pastoris vestigijs inhærens ; nihil fere instantius in Concilijs commendat Sacerdotibus & Clericis, quam frugalitatem & parcimoniam in vestitu, supellectili, alijsque vitæ necessarijs: nihil acrius arguit, quam superfluitatem, excessum, ac luxum in iisdem.

- In Concilio Agathensi sancitum  
 an. 506. fuit, *ne liceat Clericis uti vestimentis, aut*  
 can. 20. *calceamentis, nisi qua religionem deceant;*  
*& si qui illorum comam nutriant, etiam*  
*inuisi ab Archidiacono tondeantur* In Con-  
 cilio Matisconensi, *ut nullus Clericus*  
 an. 581. *sagum aut vestimenta secularia, nec ni-*  
 can. 5 *si qua Religionem deceant induere presu-*  
*mat, quod si post hanc definitionem cle-*  
*ricus, aut cum indecenti veste, aut cum*  
*armis inuentus fuerit; à Seniore ita*  
*coërceatur, ut triginta dierum inclusione*  
*detentus, aqua tantum & modico pane*  
*singulis diebus sustentetur.*

- In Quini sexta Synodo, *ut nullus*  
 can. 27. *eorum qui in Clericali catalogo relati sunt,*  
*vestem sibi non convenientem induit, ne-*  
*que in ciuitate degens, neque iter faciens;*  
*sed utatur vestibus, qua Clericis attri-*  
*buta sunt: si quis autem tale quid fecerit,*  
*una septimana segregetur.*

- In Concilio Niceno secundo edi-  
 can. 16. *citur, omnem iactantiam & ornatum*  
*corporealem esse à Sacerdotali statu, &*  
 or-

ordine alienum, &c. item omnem virum  
Sacerdotalem cum moderato, & honesto  
inamento versari debere; & quicquid  
non propter usum, sed ostentatorium or-  
natum assumitur, in nequitia reprehen-  
sionem incurrere.

In Concilio Rhemenfi sub Eugenio can. 2  
Tertio prohibetur clericis, ne in su-  
perfluitate vestium, aspectum offendant  
intuentium, quorum forma & exēplum  
esse debent; sed potius ut luxum illum  
ita suis actibus condemnent, ut amo-  
rem innocentia conversatione demonstrēt.

Demum in Concilio Tridentino,  
omnibus & quibuscumque Ecclesia-  
sticis etiam Superioribus & sublimio-  
ribus, quanto magis inferioribus; prae-  
scribitur: ut non solum modesta supelle-  
ctili, & mensis, ac frugali victu contē-  
ti sint; verum etiam in quocumque vita  
genere, ac tota domo caueant, ne quid ap-  
pareat, quod à sancto hoc instituto sit alie-  
num, quodque non simplicitatem, Dei ze-  
lum, & vanitatum contemptum prae se  
ferat.

sess. 24.  
c. 1. de  
ref.

„ Verum dicunt aliqui, ut obseruat li 3. de  
„ & sibi met obijcit sanctus Bernardus, conf. c. 5  
„ num de vestibus cura est Deo, &  
„ non magis de moribus? at forma  
„ hæc vestium deformitatis mentium  
„ & merum indicium est: quid enim  
„ sibi vult quod Clerici aliud esse,  
„ aliud videri volunt? id quidem mi-  
nus

„nus castum, minusque sincerum ;  
 „nempe, habitu milites, quæstu Cle-  
 „ri, actu neutrum exhibent ; nam  
 „neque pugnant ut milites, neque ut  
 „Clerici euangelizant, cuius ordinis  
 „sunt? cumvtriusq;esse cupiunt,vtrûq;  
 „deserunt,vtrumq;confundunt: Vnui-  
 „quisq;inquit Apostolus, in suo ordi-  
 „ne resurget, isti in quo? an qui sine  
 „ordine peccauerunt, sine ordine  
 „peribunt?

*Amo. 6.* „ Væ qui opulenti estis in Sion ( in-  
 „quit Propheta) & confiditis in monte  
 „Samarie, Optimates, capita popu-  
 „lorum, ingredientiessompaticè do-  
 „mum Israël, qui dormitis in lectis  
 „eburneis, & lasciuitis in istratis ve-  
 „stris, bibentes vinum in phialis, &  
 „optimo vnguento delibuti, & nihil  
 „patiebantur super contritione Io-  
 „seph.

Heu quam timendum est, ne qui in  
 mystica Sion, id est, in Ecclesia  
 Christi, adhuc pompas sæculi am-  
 biunt, qui mundi cultum, & luxum  
 exquirunt, aliquando poenitentiam  
 nimis feram agant, & præ angustia  
 spiritus ingemiscetes dicant, *quid*  
*nobis profuit superbia, aut diuitiarum*  
*inastantia quid contulit nobis? transferunt*  
*Sap. 5. omnia illa tanquam umbra, & tan-*  
*quam nuntius præcurrens, &c.*

Ut igitur hoc infortunitatis præcipi-  
 tum

ium deuitare queat Christi Sacerdos,  
 & quiuis alius clero Ecclesiæ ascri-  
 ptus, serid cogitet, & apud se perpen-  
 dat, quantum status sui sanctitati re-  
 pugnet hæc pomparum sæculi asse-  
 ctatio; quam indignum & turpe sit il-  
 lum qui gloriari nullatenus debet, ni-  
 si in cruce Domini Iesu Christi, mun-  
 danæ gloriolæ auram ex vano aliquo  
 exteriori apparatu venari? Sed quam  
 iniustum & inhumanum, ea quæ pau-  
 peribus debentur, quæ eorum victui  
 necessaria sunt, in superfluos & vanos  
 vsus impendere: *Clamant nudi &*  
*dicunt, nostrum est quod effunditis, &*  
*his crudeliter subtrahitur, quicquid ina-*  
*niter expenditur: & nos etiam Dei plas-*  
*matio, & nos Christi sanguine redempti*  
*sumus; nostris necessitatibus detrahitur,*  
*quicquid accedit vanitatibus vestris.*

Gal. 6.

S. Ber.  
ep. ad  
Henr.  
Seno.

Cogitet, inquam, & perpendat,  
 quod sicut de reliquis omnibus, sic e-  
 tiam de bonorum temporalium vtu &  
 expensa coram supremo Iudice ratio-  
 nem redditurus sit; idque vt ipsemet  
 edixit usque ad nouissimum quadran-  
 tem; quem igitur tunc fructum habi-  
 turus est, in illis in quibus nunc ipsi  
 est erubescendum?

Heu quot opera charitatis excer-  
 re, quot pietatis ac Religionis confi-  
 lia promouere, quot animas è diaboli  
 faucibus eripere, & Christo lucrari

po-



potuisset, vel mediocri aliqua parte, tot inutilibus expensis subtracta? Neque verò luxus in magnis duntaxat expensis caueri debet, sed & in ijs omnibus in quibus aliqua superfluitas mediocritati & parsimonie Clericali opposita reperiri potest: nec exigui coram Deo meriti est, sibi interdum parua quædam minus necessaria subtrahere, eaque pijs vsibus applicare.

---

## CAPVT IV.

### *De vana gloria illecebris à Christiano Sacerdote fugiendis.*

**N**on solum in exteriori apparatu, & sæculari pompa, sed in plerisque alijs rebus, & etiam in ipsismet pietatis, ac Religionis exercitijs inanis gloriæ illecebra Christiano Sacerdoti præcauenda est; & quidem eo maiori sollicitudine: quo, vt monet Cassianus, *Cœnodoxia seu vana gloria spiritus multiformis, varius, atque ita subtilis est, vt. quibuslibet perspicacissimis oculis non dicam caueri, sed peruideri deprehendique vix possit. Et scire, vt possit.*

li. 11.  
inst. c. 1.  
cap. 4.

ita subdit, cui sub specie niida vestis,

scis, cœnodoxiam non potuit diabolus generare, pro squalida & inculta conatur inserere. Quem scientia & elocutionis ornatu nequiuit extollere, gravitate taciturnitatis illudit. Si ieiunet palam, gloria vanitatis pulsatur: si illud contemnenda gloria causa cortexerit, eodem vitio elationis obtunditur. Quid plura? cap. 6.

omnia vitia superata marcescunt (ut idem inferius loquitur) & denicta per singulos dies infirmiora redduntur, hoc vero deiectum acrius coarlescit: cetera genera vitiorum eos tantum impugnare solent, quos in certamine superarint; hoc vero suos victores acrius insectatur, quantoque fuerit valuius elijum, tanto vehementius victoria ipsius elatione congreditur.

Sanè Dominum Iesum videmus in Euangelio peculiari cura discipulos suos de vitio hoc præcauendo commonefacere: *Attendite*, inquit, ne iustitiam vestram faciatis coram hominibus ut videamini ab eis, alioquin mercedem non habebitis apud Patrem: & alibi ieiunia, orationes, eleemosynas, aliaque bona opera sollicitè ab huius vitij tentamētis custodienda præcipit: & Phariseos, scribasque inanis gloriæ affectatores acriter reprehendit: ac demum discipulos ab excursionem aliqua Apostolica redeuntes, & de potestate sibi in dæmones tradita exultantes, ac dicentes, *Domine etiam in* Luc. 10. *nomi-*

*nomine tuo damonia subiiciuntur nobis ,*  
 Luc. 20. ferijs verbis increpauit, ipsiusque dæ-  
 monis inſœlici, ob impiam elatio-  
 nem, caſu ob oculos poſito, com-  
 peſcuit.

Nec ſolum verbis, ſed & exemplis  
 ad peſtem illam vanæ gloriæ præca-  
 uendam inſtruxit, vnde & plurima  
 facta & miracula ſua ſilentio regi vo-  
 luit, & ijs quos à varijs languoribus,  
 dæmonumque vexationibus exeme-  
 rat, non modo prohibuit, ſed &  
 Matt. 5. *comminatus eſt, ne id vllatenus euul-*  
*garent.*

Cum vero Chriſtiani omnes his  
 Chriſti Domini documentis & exem-  
 plis inſtrui ac proſectum facere debe-  
 ant, tum maximè Sacerdotes alijsque  
 Eccleſiæ miniſtri, qui ſicut ex munere  
 ſuo maxima quædam & præclara  
 opera pro animarum ſubſidio & ſalu-  
 te exequi debent, ita crebrioribus  
 gloriæ alicuius inde captandæ occa-  
 ſionibus, maioribusque proinde pe-  
 riculis exponuntur.

*erm. 45. Va autem ijs, inquit ſanctus Ber-*  
*in cant. nardus, qui bene de Deo & ſentire, &*  
*eloqui acceperunt, ſi conuertant ad ina-*  
*nam gloriam, quod ad lucra Dei accepe-*  
*runt erogandum: ſed alta ſapientes, humi-*

*Gal. 5. libus non conſentiant; Non efficiamur*  
*in conſt. ergo inanis gloria cupidi, imò vt mo-*  
 6. 11. *net ſanctus Baſilius, fugiamus inanem*  
*gloriam,*

*gloriã, dulcem spiritualiũ operũ expilatricem, incundum animarum noſtrarum hoſtem, tineam virtutum, blandiſſimã bonorum noſtrorum depradatricem, eandemque mellis illi tu, fraudis veneni ſui coloratricem, & mortiferi ꝑeculi porrectricem.*

Ut autem peſtiferi huius vitij illecebras non modo fugere, ſed & effugere queat Chriſti Sacerdos, hæc quę ſequũtur remedia ſi libuerit impendat.

In primis Apoſtoli monitum perpendat, & ſecum attentẽ meditetur: Quis te diſcernit? quid habes quod non accepisti? ſi autem accepisti, quid gloriaris quaſi non acceperis? Et ſanẽ quidem (vt rectẽ loquitur S. Bernardus) Vnde tibi gloria, ò homo? ò putide pulvis, vnde tibi de vitæ ſanctitate? ſed ſpiritus eſt, qui ſanctificat; ſpiritus, non dico tuus, ſed Dei: & ſi prodigiis, aut ſignis effulgeas? in manu tua ſiũt, ſed virtute Dei. An blanditur popularis fauor, quod verbum bonum, & bene fortẽ deprompleris? ſed Chriſtus donauit os & ſapientiam: nam lingua tua, quid niſi calamus ſcribæ? & hoc ipſũ mutuo accepisti, talentum creditum eſt, repetendum cum uſura.

I. Cor. 4

ſerm. 13  
in can.

Præterea eiſdem S. Bernardi monitũ alterũ auſcultetur: Nihil, inquit, *in ſerm. hon. vit.*

*de te unquam loquaris; quod laudem importet, quæ tumcunque familiaris sit ille cum quo loqueris: imo potius plus labora celare virtutes, quam vitia.*

Familiale siquidem est huic vitio, lingua propria tanquam aptissimo instrumento uti; nihilque dulcius videtur quam opera egregie facta, labores pro Dei honore susceptos, laborumque ipsorum fructus narrare: sed nihil periculosius, & sæpè nihil perniciosius: quamvis enim illud interdum alijs ad similia opera prouocandis, aut ad Deum glorificandum excitandis conferre possit, tamen nisi præsentissimæ cautelæ adhibeantur, intentioque ad Deum solum erecta sedulo teneatur, periculum vndequaque imminet; in lubrico grades, in medio laqueorum pertransis, proindeque sollicitè caue tibi ipsi, quisquis de te ipso loqui cupis; & nisi urgeat, aut superioris id exigentis auctoritas, aut euentissima proximi utilitas seu necessitas, hoc tibi, quod olim sanctissimo viro, cælitus dictum puta, *fuge, quiesce, tace.*

*in vita  
S. Arsē.  
in vit.  
pat.*

Neque solum silentio rectè facta, regenda sunt, sed & quantum fieri poterit occultanda, ac semper secretum virtuti quærendum. Et si tale opus sit quod aliorum oculos latere non valeat, quodque ad ædificationem proximi palam fieri expediat; in eo casu,

fu, vt monet Sanctus Gregorius, ita fiat opus in publico, vt tamen intentio maneat in occulto: vt & de bono opere proximis præbeamus exemplum, & tamen per intentionem qua soli Deo placere quarimus, semper optemus secretum.

Denique ad illam vanitatis vmbra effugandam, optimum remedium erit, diuinæ præsentia lucem sapius, imò semper expetere, & cum Propheta continuo apud semetipsum dicere, *Prouidebam Dominum in conspectu meo semper, quoniam à dextris est mihi ne commouear.* Vnde Sanctus Basilii propositæ sibi quaestioni, quomodo quis posset captanda humana laudis vitium declinare, sapienter & appositè respondit, si sibi certo persuaferis ubique Deum adesse; si quidem nemo est qui cum in oculis Domini sit, cum illius dedecore, conseruo suo malit gratiosus esse quam Domino.

homi.  
iz Eu

Psal. 1

in reg.  
bren.

q. 34.



## CAPVT V.

*De respectibus humanis à  
Christiano Sacerdote di-  
uinae voluntati pos-  
ponendis.*

**H**IC lapis est offensionis, hæc pe-  
tra scandali, in quam sæpissimè  
non solum è populo Christiani, sed e-  
tiam è Clero Sacerdotes alijsque Eccle-  
siæ ministri impingunt. Hæc nimirum  
humanorum respectuum tentatio, &  
Petrum Apostolici collegij principem  
ad negationis trinx præcipitium adeg-  
git; & reliquos Apostolos ad fugam  
tempore Passionis compulit, & prima-  
rios Iudæorum in Christum credentes  
ab ipsius Christi confessione deterruit:  
*Propter Phariseos enim non confitebantur,  
Ioan. 12. ut è Synagoga non eijcerentur, dilexerunt  
enim gloriam hominum, magis quam  
gloriam Dei.*

Et quot sunt hodie in Ecclesia Sa-  
cerdotes, Pastores, Doctores, alijsque  
qui sine pudore, siue timore, siue fauo-  
re, siue quocumque respectu humano,  
facillimè se à bono dimoueri, & ple-  
rumque ad malum impelli siont.

Quot

Quot sunt, qui faciem potentis extimescentes, & ut loquitur Sanctus Basilius, *ad fastum persona sublimis toti p. more contracti*, vel veritatem eloqui, vel iustitiæ patrociniū suscipere non *in p. 33* audent.

Quot sunt qui beneficia vel officia Ecclesiastica, fauori, commeationi, importunitati potius quam virtuti, aut merito largiuntur; qui ne amici cuiuspiam animum offendant, ab Ecclesiasticæ disciplinæ tramite quauis oblata occasione deflectunt: qui delinquentes corrigere, peccantes admonere, proteruos compescere, nescio quo metu vel pudore humano prohibentur.

Quot sunt sacris ordinibus initiati, vel muneribus Ecclesiasticis ascripti, quos vitiosorum quorumdam conuersatio, à tonsura, habitu, aliisque vitæ clericalis insignibus deferendis absterret; quos ordinum vel munerum suorum functiones obire, seque Christi seruos profiteri pudet.

Hi omnes, & si qui alij sint illorum similes seriò perpendere debent terribile illud Christi Domini effatum:

*Qui me confusus fuerit, & verba mea in generatione ista adultera & peccatrice, & filius hominis confundetur eum cum venerit in gloria Patris sui cum Angelis suis: & qui me erubuerit, & meos ser-* *Marc. 8.*  
*mones,* *Luc. 9.*



in Scor-  
piac.

mones, hunc filius hominis erubescet, cum venerit in maiestate sua, & Patris & sanctorum Angelorum. Nempe, ut ait Tertullianus, confusio*n*i confusione*m* comminatur; sciebat enim a confusione vel maximè formari negationem, mentis statum in fronte consistere, prioremque esse pudoris quam corporis plagam. Quomodo vero (inquit Sanctus Cyprianus) potest esse cum Christo, qui ad Christum pertinere, aut erubescit, aut metuit.

Ep. 28.

Neque hic prætermittendi sunt illi, qui erroris alicuius noui contagione infecti, dum erubescunt corrigere errorem, ut loquitur Sanctus Augustinus, non erubescunt permanere in errore; quod utique potius erubescendum fuit: hoc est istud quod scriptura non tacuit; est confusio adducens peccatum, & est confusio adducens gratiam & gloriam: confusio adducit peccatum, cum erubescit quisque prauam mutare sententiam, ne aut inconstans putetur, aut diu errasse seipso iudice teneatur. Confusio autem adducit gratiam & gloriam, cum erubescit quisque de propria iniquitate, & pœnitendo, in melius commutatur.

Vt ergo malus iste pudor, & vanus timor, & quicquid alius respectus humanus ab animo Sacerdotis, & cuiuslibet alterius ministri Ecclesiastici eliminetur; discat in primis mundum, & ea quæ

quæ in mundo sunt nihili facere, Heb. 11.  
 studeatque imitari virtutem illius, qui  
 „ (vt loquitur Apostolus) negauit se  
 „ esse filium filia Pharaonis, magis  
 „ eligens affligi cum populo Dei, quam  
 „ temporalis peccati habere iucundi-  
 „ tatem: maiores diuitias æstimans  
 „ thesauro Aegyptiorum improperiũ  
 „ Christi. Super quæ verba Sanctus  
 „ Ambrosius: Moyses, inquit, noluit in ps. 118  
 „ esse rex cum posset, sed opprobriũ  
 „ Christi thesauris Aegypti arbitratus  
 „ est præferendum: sed fugiendo po-  
 „ tentiam, potentior factus est; factus  
 „ est enim in Deum Regi Pharaoni,  
 „ hoc est Regi ipsi terribilis, quem  
 „ Rex timeret, &c. Et tu si vis tan-  
 „ quã Deus, peccatoribus esse terrori,  
 „ Regibus reuerentiæ, contemne quæ  
 „ sæculi sunt, & Dominicæ Passionis  
 „ opprobrium cõtende omnibus præ-  
 „ ferre diuitiis.

Præterea iuxta ipsius Apostoli  
 monitum, *aspiciat in autorem fidei,*  
 & consummatorem Iesum, qui propo- Heb. 12.  
 sito sibi gaudio sustinuit crucem  
 confusione contempta: illiusque diui-  
 ni Saluatoris vestigia consecretans, a-  
 nimum erigat, & ipsam confusionem  
 humanam, ipsummet mundi contem-  
 ptum, contemnat; nec quid mun-  
 dus cogitet, sed quid Deus iudicet;  
 apud se perspiciat: & ab illius v

nus nutu totus pendeat; ac in omnibus quæ facienda, vel omittenda sunt non hominum opinionem, sed Dei solius voluntatem attendat, Deoque soli, non verò hominibus placere appetat, memor illius dicti Apostolici, *si adhuc hominibus placerem*

*Gal. 1. Christi servus non essem.*

Denique ardentem in animo foueat charitatem, & facile humani timoris, aut pudoris sensum effugabit, *perfecti siquidem charitas foras mittit timorem*; studeat perfectè

*I. Ioã. 4. Deum diligere, & pro nihilo ducet mundo displicere, imò gaudebit, & gloriabitur aliquid confusionis pro Deo sustinere, Sanctorum Apostolorum exemplo, de quibus dicitur, quod ibant gaudentes à conspectu*

*Concilij, quoniam digni habiti sunt pro nomine IESU consummeliam*

*Act. 5.*

*pati.*



## CAPVT VI.

*De inordinato propinquorum  
affectu, quem Christia-  
nus Sacerdos com-  
pescere debet.*

**Q**Uam noxius quibuslibet Ecclesie ministris, ac proinde quâ sollicitè cauendus sit immoderatus ille propinquorum affectus, vel ex solempni illo Concilij Tridentini decreto colligere est, in quo Ecclesiasticis quibuscumque *interdicitur omnino, ne ex redditibus Ecclesia consanguineos, sess. 24. familiaresque suos augere studeant, cum c. 1. de & Apostolorum canones prohibeant, ne res ref. Ecclesiasticas, quæ Dei sunt, consanguineis donent, sed si pauperes sint, ijs ut pauperibus distribuant: eas autem non distrabant, nec dissipent eius causa; imò quam maxime potest eos sancta Synodus monet, ut omnem humanum hunc erga fratres, nepotes, propinquosque carnis affectum, vnde multorum malorum in Ecclesia seminarium extat, penitus depellant.*

Certè Christus Dominus discipulatus sui condiciones proponens: si

*Luc. 14. quis, inquit, venit ad me, & non odit patrem suum, & matrem, &c. non potest meus esse discipulus. Super quæ verba sanctus Gregorius hanc sibi proponit*  
*hom. 37 difficultatem, quomodo, inquit, pa-*  
*in Euāg. rentes & propinquos precipimur odisse, qui iubemur, & inimicos diligere? cuius solutionem postea proponens: si vim,*  
*inquit, præterti perpendimus, utrumq; agere per discretionem valeamus, ut eos qui nobis carnis cognatione coniuncti sūt, & quos proximos nominamus diligamus, & quos aduersarios in via Dei patimur. ex diendo & fugiendo nesciamus.*

Ex qua sancti Gregorii doctrina intelligere possumus, quis sit ille inordinatus amor propinquorum qui prohibetur, & qua ratione cuius Christi Domini minister, iuxta Evangelicam regulam, & propinquos sancto odio prosequi, & eisdem sincera & Christiana charitate complecti debeat. Quotiescūque enim parentes, aut propinqui vel a bono retrahere, vel ad malum inducere nituntur, verbi gratia, si impedimento sint ne Sacerdos ministerii sui functiones debite exerceat; ne operibus charitatis libere vacet, ne beneficiorum reditus qui necessarijs vitæ & status expensis superfluent, in eleemosynas & alios pios usus erogat.

Si prohibeant ne vitam secundum

Ecclesiasticæ disciplinæ normam insti-  
tuat, & è contra, si ad conuersatio-  
nes periculosas inducant, si curis &  
negotiis sæcularibus implicent, si ad  
ambitiosa consilia impellant, aut  
tentationis alicuius occasionem sub-  
ministrant, tunc eos tanquam in-  
via Dei aduersarios odisse & fugere  
tenetur.

Imò quamuis nihil eiusmodi mo-  
liantur, si tamen ipse Sacerdos sen-  
sibili quodam affectu erga parentes,  
aut propinquos propendere se videat,  
diligenter cauere debet, ne affectus il-  
le Ecclesiastici spiritus, feruorem ex-  
tinguat, aut diuinæ gloriæ zelum vl-  
latenus imminuat: Ideoque præstat  
omnes eiusmodi peccatorum funes ex-  
scindere, & quascumque exterior-  
es occasiones, quæ minus ordinatum  
illum amorem fouere possunt, ampu-  
tare: quod tamen non obstat quin  
veram erga eisdem charitatem retine-  
re, eorumque bonum spirituale pro  
viribus promovere studeat: *Aliud etenim est* ( vt obseruat idem S. Grego-  
rius ) *quod sponte impenditur natura ,*  
*aliud quod præceptis dominicis ex charitate* Sup.  
*debetur obedientia,* & longe diuersus est  
amor qui carnaliter, & qui spirituali-  
ter impenditur.

Proindeque vt perfectè dilignantur  
propinqui, eorum dilectio Christi er-

ga nos dilectioni conformari debet, ad hoc amandi sunt, ut idem S. Pater loquitur, ad quod Christus nos amavit; nec ullum periculum est, imò eximium charitatis officium si in salutis negotio quoad fieri potest iuvenitur, si à peccati occasione vel statu eruantur, si ad virtutis iter, capeffendum excitentur; si denique ea omnia bona illis procurentur, vnde illorum æterna felicitas, & maior Dei gloria obueniat.

## CAPVT VII.

*De quibusdam periculosis conuersationibus, contuberniisque à Christiano Sacerdote vitandis.*

*Homil. quod Deus nō sit author malorum. li. 1. ep. 4.* **S**icut in pestilentibus locis (inquit sanctus Basilus) sensim attractus aër latentem corporis morbum inicit: sic in praua consuetudine, ac conuersatione, maxima mala hauriuntur. etiamsi statim incommodum non sentiatur. Siquidem, ut monet sanctus Ambrosius, noxia ut conuersationes cum infipientibus. & inficiunt sobriam mentem ac decolorant: quia

*sicut adherens sancto, sanctus eris; ita  
cū peruerso peruersus eris. Frequenter enim  
accidit, ut quis contra propositum suum,  
intemperantem audiens, cum velit ipse  
continentiæ disciplinam tenere, fuso insi-  
pientia decoloretur, meritoque contraria  
sibi sunt & repugnantes disciplina, atque  
insolentia.*

Quare quotiescumque agitur de cō-  
uersatione, maxima cautio cuius Sa-  
cerdoti & Ecclesiæ ministro adhiben-  
da est, ut prauorum & indisciplinato-  
rum quorumcunque confortia deu-  
tet: utque iuxta monitum Apostoli,  
*subtrahat se ab omni fratre ambulante* 2. *Thess.*  
*inordinatè:* Idque non modo propter 3.  
peruersionis periculum, qui enim teti-  
gerit picem inquinabitur ab ea, & corrup-  
pant bonos mores colloquia praua: sed etiā  
propter scandalum, quod ex eiusmodi  
conuersatione suboriri potest: unde  
„ Sanctus Hieronymus; Fuge, inquit  
„ personas in quibus potest malæ con- *Ep. ad*  
„ uersationis esse suspicio; nec para- *Nep.*  
„ tum illud habeas è timore, sufficit mi-  
„ hi conscientia mea, non curo quid  
„ de me loquantur homines. Certe  
„ Apostolus providebat bona non  
„ tantum coram Deo, sed etiam co-  
„ ram hominibus, ne per illum  
„ nomen Dei blasphemaretur in gen-  
„ tibus.

Ad hoc autem delectus habendus  
est



li. 1. off. est eorum quibuscum quisque verfe-  
c. 43. ritur: *Etenim* ( vt monet Sanctus Am-  
brosius ) *necessaria est conuersationis ele-  
ctio, vt adiungamur probatissimis qui-  
busque, &c. qui enim cum sapiente gra-  
ditur sapiens erit.*

Quod si calus occurrat, in quo cum  
peccatoribus necessario cōuersandum  
sit, tunc id præcipuo studio curare  
oportet, vt *simus sine querela & re-  
prehensione* ( vt loquitur Apostolus ) *in  
mediationis praua & peruersa: inter  
quos lucere debemus sicut luminaria in  
mundo; verbum vite continentes: &  
iuxta S. Petri monitum, talis, debet ef-  
se nostra conuersatio, vt peccatores  
ipsi ex bonis operibus nos considerā-  
tes, glorificent Deum in die visitatio-  
nis.*

Sed præsertim viro sacris ministe-  
riis addicto, fugiendæ sunt conuersa-  
tiones, & contubernia foeminarum;  
dici enim vix potest, quot & quanta  
inde damna & scandala proueniant.  
*Prima tentamenta Clericorum* ( inquit  
Sanctus Hieronymus ) *sunt foeminarum  
frequentes accessus; iste sexus reprehensi-  
bilis exhibet Clericos: quid tibi reuera-  
cum foeminis qui ad altare cum Domino  
fabularis? te in publico cuncti, te in a-  
gro rustici, aratores, ac vinitores quotidie  
licerabunt, si contra depositum fidei, cum  
foeminis habitare contendis, &c. Mihi  
crede*

*crede, non potest toto corde cum Domi-  
ne habitare qui facinororum accessibus co-  
pularur.*

Atque in primis commoratio in ea-  
dem domo cum quacumque muliere,  
( si mater, vel soror, aut amita, seu ma-  
tertera excipiantur ) interdicta est ijs,  
qui sacris ministerijs addicti sunt, idque  
tories repetitis Conciliorum decre-  
tis, vti nil magis Ecclesia in votis ha-  
buisset videatur, quod videre est in  
illis, quæ ad marginem citata. *In Cœc.*  
reperientur. Certè in Concilio Aga- *Niceno*  
thenensi, quo deest ex antiquissimis no- *c. 3. Car*  
stræ Galliæ, peculiari decreto sancitum *thag. 3.*  
est, *ut ancilla ab eadem mansione, in c. 17.*  
quæ Clericus manet, remoueantur. Et in *Car-*  
Concilio Moguntino ( vt habetur capi- *thag. 4.*  
te ( *inbibendum est* ) extra de cohabita- *cap. 46.*  
tione Clericorum & mulierum, pro- *Aurel. 3*  
hibetur ne Sacerdos, etiam mulieres il- *cap. 4.*  
las quas canones concedunt, matrem, ami- *Tur. 2.*  
tatem, & sororem, secum in eadem domo *c. 10.*  
retineat: quia instigante diabolo, & in *Tolet, 4.*  
illis scelus perpetratum reperitur, aut *c. 41.*  
etiam in pedisequis earum, & Sanctus Nanne-  
Gregorius refert quod beatus Augusti- *tenf. c. 3*  
nus, nec cum sorore habitare consenserit, di- *Metens.*  
cent, *qua cum sorore mea sunt, sorores mea*  
*non sunt.* *c. 3.*

*Agath.*  
Præstet ergo ( vt cum S. Cypriano *c. 11.*  
loquamur ) singularitatem laboriosam *lib. 7. ep.*  
pro pudore seruando potius retinere. *39.*  
*quam*

*Li. de* quam sine labore ad dedecus perue-  
*singular. nire.*

*Clericor.* Neque solum commoratio, & con-  
 tubernium foeminarum à quouis Christi  
 ministro vitari debet, sed & cōuersatio  
 & familiaritas nimia cum personis il-  
 lius sexus cauenda est, & omnino im-  
 probanda illorum viuendi ratio, qui (ut  
*Lib. 2. de* loquitur S. Prosper) *asunt se virginibus*  
*vit. act.* *sacris aut viduis; ipsique tanto ag-*  
*c. 4.* *glutinantur affectu, ut facilius ab Eccle-*  
*sia (quod dictu quoque nefas est) quam ab*  
*earum communionem discedant; qui etsi cū*  
*illis forte non peccant, tamen mala sus-*  
*picionis de se prabendo materiam, vitam*  
*suam maculis sinistra opinionis infamant.*

*Epist. ad* Sane S. Hieronymus obseruauit, ex  
*Cresi-* illo Sacerdotum, Clericorumue gluti-  
*phont.* no cum mulieribus, obortas esse in  
 Ecclesia perniciosissimas hæreses, ipsi-  
 que hæresiarchis familiare fuisse cum  
 mulieribus habere colloquia, congres-  
 sus, & frequentes consiliorum com-  
 municationes: Simon (inquit) Magus  
 hæresim condidit Helena meretricis adiu-  
 tus auxilio: Nicolaus Antiochenus om-  
 nium immunditiarum repertor choros du-  
 xit foemineos: Marcion Romam promi-  
 sit mulierem, qua decipiendos sibi animos  
 prapararet: Apelles Philumenem suarum  
 comitem habuit doctrinarum, Montanus  
 immundi spiritus predicator, multas Ec-  
 cle-

clesias per Priscam & Maximillam nobiles, & opulentas fœminas, primum auro corruptit, deinde hæresi polluit, & Arrius ut orbem deciperet, sororem principis ante decebit. Donatus per Africam, ut infœlices quosque fœtentibus pollueret aquis, Lucilia opibus adiutus est.

Quare danda est opera, inquit S. Basilus, ut quantum fieri poterit mulierum colloquia congressusque fugiamus, sin id non possit, in eo enitendum est certe, ut quam rarissimè illa, & quam breuissimè fiant. Etenim, ut monet Sanctus Cyprianus, sunt aliqua necessitates qua nos quoque priuatim fœminas videre compellant, ac etiam ipsa diuini operis, vel præcepti imperant efficaciam; ut uisamus, ut solatia præbeamus, ut hortamenta vitalia salubriter intinemus: nec tamen & in his officijs minor cura agenda est pro moribus nostris, ut clarescant in nostra operatione indicia puritatis; seueritas non desit, qua cum clerico fœminam possit astringere, ut ipsam consolationem nostram suscipiat cum tremore, & ita sentiat uisitationis affectum, ut Clericum veneretur.

in const.

c.4

Lib. de  
sing.  
cler.

Et ut capitulum istud iisdem verbis concludamus quibus sanctus ille Pater librum aureum de singularitate Clericorum, & dignissimum qui à quolibet clerico sæpius euoluatur: perditionis meditatio est (inquit)

„quit) frequentatium inter mulieres  
 „celebrare processum, de qua re no-  
 „bis Salomon moderamen imposuit,  
 „dicens; In medio mulierum noli assi-  
 „daus esse: Sic igitur ambulate, sic  
 „agite, vt semper in Clericis Ecclesiæ  
 „Senatus candidus constet. Seueritas  
 „in vobis erga foeminas, vigeat, au-  
 „thoritas polleat, vigor teneatur, gra-  
 „uitas veneretur. Et vt semel omnia  
 „colligamus ad clausulam, breuiariū  
 „relegimus vobis, quod ad compen-  
 „diosam plenitudinem redigens Pau-  
 „lus Apostolus insinuat. De cætero  
 „fratres, quæcunque sunt vera, quæ-  
 „cumque pudica, quæcumque iusta,  
 „quæcumque sancta, quæcumque  
 „amabilia, quæcumque bonæ famæ,  
 „Si qua virtus, si qua laus discipli-  
 „næ, hæc cogitare quæ accepistis,  
 „& didicistis & audistis, & vi-  
 „distis in me, hæc agite, &  
 „Deus pacis & dilectio-  
 „nis erit vobiscum.  
 „Amen.



## CAPVT VIII.

*De frananda potus, cibique  
in Christiano Sacerdote  
intemperantia.*

**N**ullus palmam spiritualis certaminis  
apprehendit, vt loquitur Sanctus Lib. 3 1.  
Gregorius, qui non in semetipso prius per mor.  
afflictam veneris concupiscentiam, carnis c. 26.  
incentiua deuicerit: neque erim ad con-  
flictum spiritualis agonis assurgitur, si non  
prius intra nosmetipsos hostis positus gula  
videlicet appetitus edomatur.

Cum ergo Sacerdos in spiritali a-  
gone non militis modo, sed & ductis  
respectu aliorum Laicorum partes su-  
stineat, hinc sequitur illum aduersus  
omnia intemperantiæ tentamenta pro-  
bè instructum esse oportere: Confusio  
certè & ignominia est Iesum Christum  
crucifixum, pauperem, & esurientem fa-  
tis predicare corporibus; & ieiuniorum Cap. Ec-  
clesia  
doctrinam rubentes buccas, tumentique princi-  
pes, dist.  
ora proferre. Et quamuis eiusmodi scan- 35  
dalum utcumque tegatur in ijs, qui ne-  
que Christum, neque ieiunium pradi-  
cant, intemperantiæ tamen vitium  
adeo

*In de-  
clamat.*

adeo ex seipſo, non modo indecorum,  
ſed & virtutibus quibuſcumque no-  
xium & aduerſum eſt, vt Sacerdoti-  
bus & Clericis præcipuo ſtudio cau-  
dum eſſe cenſeatur. *Va, va, tibi clericus*  
(exclamat ſanctus Bernardus) *mors in*  
*olla, mors in delicijs eſt i non modo quia*  
*ſecus introitum delectationis poſita eſt*  
*ſe cognoscitur, ſed ob id maximè quia*  
*populi conſtat eſſe peccata qua comedis.*

Porro cum huius vitij tentatio plu-  
rimis ſeſe modis ingerat, variique  
ſint occurſus, in quibus virtus illi op-  
poſita periclitatur; nihil tamen hic  
de irritamentis ebrietatis dicere nobis  
propoſitum eſt, cum a deo infame &  
foedum ſit vitium iſtud in quolibet ho-  
mine, vt inſtar monſtri, ac prodigij ha-  
beat in Sacerdote: quod ſi quiſpiam  
ex illo gradu, in hoc pluſquam beſtia-  
le vitium deuolueretur: iam non vt  
Sacerdos, imò ne quidem vt homo ra-  
tionis particeps, ſed vt viliffimum cra-  
pulæ mancipium frænari, & in ordinem  
redigi promereretur.

*Lib. 6.  
inſtit.  
c. 6.*

*Cum vero (vt ait Caſſianus) non ſola*  
*vini crapula mentem inebriare conſue-*  
*uerit, verum etiam cunctarum eſcarum*  
*nimietas vacillantem eam, ac nutabun-*  
*dam readat, omniſque integritatis, ac*  
*puritatis contemplatione deſpoliet: ideo*  
*cuiſlibet Eccleſiaſtico miniſtro ſicut*  
*in potu, ſic etiam in cibo intemperan-*  
*tia*

tia omnis vitanda est, & frugalitas sedulo conſectanda; ac in primis ipſius intemperantiæ occaſiones quæcumque fugiendæ, quæ ſicut in tabernis, comeſſationibus, compotationibus, conuiuiis, frequentiores ſunt, & periculoſiores, ſic etiam peculiari cura ab iſtis omnibus, & aliis ſimilibus gulæ illecebris Sacerdoti cauendum eſt: ac præſertim quoniam interdum ad conuiuia Laicorum ſpecie honeſtatis ipſi Sacerdotes aduocantur, Eccleſia tamen eiufmodi frequentius adeunda Clericis prohibuit: Conuiuia, inquit Concilium Aquileienſe, & nimiam laicorum familiaritatem, multarum offenſarum & ſcandalorum originem, Clerici in quocumque gradu conſtituti, declinare ac fugere debent: & in tertio Concilio Rauenſi edicitur, ne Clerici Laicorum conuiuiis frequentent; quia valde honeſtatem dedecet clericalem, ipſorumque clericorum vileſcere facit auctoritatem. Siquidem, vt ait D. Hieronymus, facile contemnitur Clericus, qui ſæpe vocatus ad prandium, ire non recuſat. Quare, vt ibidem ſubdit, conſolutores nos potius ipſi laici in mœroribus ſuis, quam conuiuas in proſperis nouerint.

Neque ſolum in lautioribus conuiuiis, ſed & priuatis eduliis violatur tem-

can. de  
vit. &  
hon. cler

ep. ad  
Nep.



*Ecel.* 37  
*l. b. 2. in*  
*Iou.*

temperantiæ lex, si auidè nimis, aut immoderatè sumantur. Noli auidus esse in omni exultatione, inquit Sapiens, & non te offendas super omnem escam, & D. Hieronymus, ex vilissimis etiam cibis, inquit, vitanda est satietas; nihil enim ita obruit animum, ut venter plenus & exastuans.

*Collat.* 2  
*c. 23.*

Cassianus autem constituendum esse docet, hunc generalem continentia modum, ut secundum capacitatem virium, vel corporis, vel ætatis, tantum sitimet cibi unusquisque concedat, quantum sustentatio carnis, non quantum desiderium saturitatis exposcit. Et quamvis exquisiti & lautiores cibi à mensis Sacerdotum, Clericorumque abesse debeant, tamen, ut monet Sanctus Gregorius, non tam cibus, quam appetitus in vitio est, & plerumque culpa committitur, etiam cum abiecta & vilia sumuntur.

*lib. 10.*  
*mor. c.*  
*27.*

*In En-*  
*chir.*  
*paruul.*  
*docq. l. I*

Quare ut recte concludit Ludouicus Blosius ) cum necesse sit singulis diebus cibo, potuque uti, ingluuiesque à plerisque superari difficilius soleant, quam cetera cordis vitia: ideo inuigilet vir spiritalis, qualem decet esse Sacerdotem, & quemvis Ecclesiæ ministeriis ascriptum, in quotidiana aduersus gulam pugna, & Dei auxilium sedulo impleret, ne vincatur: indacentem amidiætem, turbulentamque

cupiditatem inter edendum, etiam in simplicibus escis franet, ipsum cibum modestè sumens, & eum honestè sensimque mandens. Et quamquam delectationem terrenam sentiat (sine qua refectio corporalis ab homine famente vel sitiente nequaquam sumitur) non tamen eidem delectationi inhareat, neque eam ad intima sua admittat, & sanè qui piè secum retrahat atque recogitat, Dominum Iesum fel, & acetum, pro nobis gustasse, facilius gula illecebras spernit; facilius delitiosis escis, & potibus carere potest; atque ipsamet deliciosa edulia a què temperanter & inculato sumit sicut minus sapia & vilia.

## CAPVT XIV.

*De oris & lingue custodia  
Christiano Sacerdoti maxime necessaria.*

**S**I quis (inquit Apostolus) putat se Iac. i.  
Religiosum esse non refranans linguam  
suam, sed seducens cor suum, huius ual. Trac. de  
na est Religio. Super quæ verba Sanctus Bernardus, postquam dixit: vir. 1<sup>us</sup> Dem. c.  
tutis Religionis, quæ diuini cultus mi- 27.  
ni-

nistros præsertim spectat, proprium esse, religare linguam; ac sine ipsius lingua religatione vanam Religionem esse, coniungit; ciunt homines spirituales quantum auferat deuotionis, quantum afferat dissolutionis intrinsecus, frequens lingua resolutio: periculum etenim est non solum falsa dicere, ut ait S. Ambrosius, sed etiam vera, si quis ex insinuet quibus non oportet.

in psalm  
118.

Neque verò hic intendimus differere de cohibenda lingua à periurijs, blasphemijs, calumnijs, contumelijs, alijsque similibus vitijs, quæ inter Sacerdotes ne quidem nominari debent, sicut decet Sanctos: sed quibusdam alijs linguæ deliquijs, quæ licet non ita vituperabilia in ore Laicorum videantur, maximè tamen à quouis Sacerdote cauenda sunt: *Nuga siquidem*, ut ait S. Bernardus, *inter saculares, nuga sunt, in ore autem Sacerdotis blasphemia.*

lib. 2. de  
consid.  
c. 15.

Ac in primis vana & otiosa colloquia esse, satis euincit illud Christi Domini effatura: *Amen dico vobis, quoniam omne verbum otiosum quod loquuti fuerint homines reddent rationem de eo in die iudicij.* Otiosum autem verbum illud est, ut explicat, sanctus Hieronymus, quod sine utilitate & loquentis dicitur &

Mat. 12.  
in illum  
locum.

Hom. 6.  
in Enchiridion

„audientis : vel , vt docet sanctus  
 „Gregorius , quod aut utilitate re-  
 „ctitudinis , aut ratione iustæ neces-  
 „sitaris caret ; vel denique ( vt cen-  
 „set sanctus Bernardus ) otiosum  
 „illud verbum est quod nullam ra-  
 „tionabilem causam habet : quæ  
 „igitur ratio , inquit ille S. Pater ,  
 „reddi potest de eo quod est præter  
 „rationem : nemo itaque parui æ-  
 „stimet tempus quod in verbis con-  
 „sumitur otiosis , siquidem nunc  
 „tempus acceptabile est , & dies sa-  
 „lutis , volat verbum irreuocabile ,  
 „volat tempus irremeabile , nec ad-  
 „uertit insipiens quod amittat .

Quod si verba otiosa & inutilia de-  
 uitanda sunt , multo magis verba scur-  
 rilia & petulantia , quæ modestiæ ad-  
 uersantur , & sæpè charitatem læ-  
 dunt . Sanè in Concilio quarto Car-  
 „thaginenfi decernitur : Clericum  
 „scurrilem , & verbis turpibus iocula-  
 „rem ab officio remouendum esse :  
 „& in Concilio Tridentino edicitur ,  
 „*tanquam* diuini verbi temeratores ,  
 „& violatores , acrioribus pœnis co-  
 „ercendes esse eos , qui sententias &  
 „verba sacre Scripturæ ad scurrilia  
 „& vana conuerterint .

Præterea sanctus Apostolus dile-  
 ctum sibi Timotheum , & in eius per-  
 sona quemcumque sacris ministerijs

Q man-

Hom. 6.  
in Euaḡ

Serm de  
triplici  
custod.

cap. 6.

sess. 4.

2. ad  
Tim. 2.

1. Cor. 11. *manipatum admonens: Noli, inquit, contedere verbis, ad nihil enim utile est, nisi ad subuersionem audientium. Et alio in loco, si quis videtur contentiosus esse, nos talem consuetudinem non habemus, neque Ecclesia Dei.*

2. 2. q. 38. ar. 1. *Obseruat autem D. Thomas verborum contentionem vituperabilem esse, proindeque deuitandam, non modo cum quis veritatem pertinaciter impugnat, quod proprium est hæreticorum; verum etiam cum etsi veritatem propugnet, & ad euertendam falsitatem disputet, id tamen facit modo inordinato, verbi gratia, eo gestu, eo vocis sono, ijs verbis, quæ & modestiæ minimè congruant, & audientium adificationi obsint. Quod simili ratione intelligendum est, quando quis aduersus alterum, de quibuscumque rebus contendit, vel absque sufficienti ratione, vel præter debitum moderamen ipsius rationis.*

*Sicut contentio, sic etiam diuersa quidem, sed adhuc potiori ratione adulatio omnis, & assentatio ab ore Sacerdotis procul eliminanda est, ut enim docet D. Hieronymus; Adulatio proprium est hæreticorum, qui per dulces sermones, & benedictiones seducunt corda innocentium. Et D. Chrysostomus asserit, longè peius esse collaudare delinquentes, quam delinquere: siquidem*

*dem is qui dum peccat, condemnat interius peccatum suum, poterit aliquando ad se redire: at qui laudat malitiam, is se priuauit curatione, quam affert pœnitentia.*

Et tamen in ea tempora deuenimus in quibus, quod de suis conquerebatur D. Hieronymus, *maximè regnat hoc vitium*, vti nam ne in Sacerdotibus & alijs Ecclesiæ ministris, *quodque est grauissimum, humilitatis ac beneuolentia loco ducitur, unde fit, ut qui adulari nescit, aut inuidius, aut superbus putetur.*

De vitio detractiōis nihil attinet hic dicere, cum eo manifestius sit & cognitu facilius, quo inter homines hodie frequentius perpetratur. Hoc tantum admonemus ex eodem Sancto Hieronymo, *paucos admodum esse qui huic vitio renuntient; raroq; inueniri, qui ita vitam suam irreprehensibilem exhibere velint, ut non libenter reprehendant alienam: tantamq; huius mali libidinē mentes hominum inuasisse, ut etiam qui procul ab alijs vitijs recesserunt, in istud tamen quasi in extremum laqueum incidunt.* Quare peculiari sollicitudine cuiuslibet viro Ecclesiastico inuigilandum est, ne vlli vnquam detractiōi os suum aperiat, ne in colloquijs aut conuersationibus, alterius famam vllō modo impetret: & si aliqua iustitiæ, vel charita-

tis ratio ad aperienda alterius delicta compellat, id non nisi cum summa consideratione & cautione præster, neque ultra præscriptas sibi recta ratione metas vliatenus euagetur.

Sup.

De mendacio similiter ac iuramento, illud solummodo cuius Sacerdoti ex eodem Sancto Hieronymo proponimus, *mentiri, & iurare lingua tua prorsus ignoret; tantusque in te sit amor veri, ut quicquid dixeris iuratum putes.*

Sup.

Quoniam verò hæc, quæ supra relata sunt linguæ vitia, aliaque similia non sufficit agnoscere ac deprehendere, nisi etiam iisdem curandis sedulo incumbatur: idcirco remedia aliqua hic subiungemus, ex Sanctis Patribus excerpta, quibus uti poterunt, qui se illis indigere conspicient.

Supr.

Primo igitur (iuxta præfati Sancti Hieronymi doctrinam) Sermo in omnibus sit moderatus & parcus; & qui necessitatem magis loquendi indicet, quam voluntatem. Etenim in multiloquio non

Pro. 10.

deest peccatum, ut monet Sapiens, qui autem moderatur labia sua, prudentissimus est; vnde Sanctus Ambrosius, com-

Lib. 1. of *plures, inquit, vidi loquendo peccatum fac. c. 2. incidisse, vix quemquam tacendo; ideoque tacere nosse, quam loqui difficilius est: scio namque loqui plerumque, cum tacere pe-*  
*sciant:*

sciunt: rarum est tacere quāquam, cum sibi loqui nihil profit; sapiens est ergo qui nouit tacere: denique sapientia Dei dixit, Dominus dedit mihi linguam. eruditionis ut sciam quando oporteat sermonem dicere.

Præterea ( ut idem S. Pater alia occasione docet ) sapiens ut loquatur, multo prius considerat, quid dicat, & cui dicat, quo in loco, & tempore: & ( ut ait Sanctus Gregorius ) frango consilij retinet præcipitationem verbi; & caute considerat, ne relaxando lingua lasciuia, auditorum conscientiam incauta locutione transfigat.

Quod si pruritus aliquis linguam ad loquendum efferat; alligat sermonem tuum ( inquit sanctus Ambrosius ) ne luxuriat, ne lasciuat, & multiloquio peccata sibi colligat; sit restrictior, & ripis suis coerceatur; sit ori tuo ostium, ut claudatur ubi oportet, & obseretur diligentius. Et Sanctus Chrysostomus; Refræna ( inquit ) linguam, & si non patitur reticere dentium morſu quiescat, & tanquam carnis fici dentibus tradatur. O quantum fructum affert, ( exclamat S. Gregorius Nazianzenus ) pulsato intus atque incitato pectore, linguam loqui gestientem interdum cohibere.

Verum iuuat hic cum sapiente conqueri, quis dabit ori meo custodiam, & super labia mea signaculum certum, ut

sup. c. 10

Lib. 5  
mor. c.  
12.Lib. 1. of  
fic. c. 3.Orat. ad  
bapti-  
sand.

Eccli. 22




notadam ab ipsis, & lingua mea perdat me omnes enim natura bestiarum & volucrum, & serpentium, & ceterorum domantur, ut ait Apostolus, & dormita sunt à natura humana, linguam autem nullus hominum domare potest.

Iacob. 3. de Quare, ut monet Sanctus Augustinus, verb. si linguam nullus hominum domare potest, ad Deum confugiendum est, qui domet linguam nostram: ideoque cum dom.

ib. 19. eodem sæpius inclamandum, quotidiana forna x est lingua nostra: imperas nobis & in hoc genere continentiam: da confess. quod iubes, & iube quod vis? tu nosti de cap. 37. hac re ad te gemitum cordis mei, & flumina oculorum meorum. Et cum Prophe-

Psal. 140. ta; Pone Domine custodiam osi meo, & ostium circumstantia labijs meis; & rursus, Domine labia mea aperies & os meum annuntiabit laudem tuam.



## CAPVT X.

De otiositate à Sacerdote  
Christiano fugien-  
da.

**F**ugienda otiositas, inquit S. Bernar-  
 dus, *maternugarum, nouerca vir-*  
*tutum; multam quippe malitiam do-*  
*cuit otiositas. Sicut enim per rimam sen-*  
*tina, vt idem alio in loco dixit, aqua*  
*latenter intrat, & excrefcit, donec na-*  
*uis per nantarum incuriam demergatur;*  
*ita ex otiositate, & ignauia, cogitatio-*  
*nes praua, & concubiscientia multiplican-*  
*tur, donec nauis cordis eis succumbens in*  
*peccato periclitetur.*

Lib. 2. de  
 co fid. c.  
 13  
 Eccli. 33  
 Serm. de  
 S. An-  
 drea.

Sed maxime Sacerdotibus hoc vi-  
 tium fugiendum esse constat, ex eo  
 quod ipse Christus Dominus edixit, in  
 persona discipulorum suorum, cunctos  
 Ecclesiæ suæ ministros alloquens. Ego  
 (inquit) *posui vos vt eatis, & fructum*  
*afferatis, & fructus vester maneat: non*  
*vtique vt otio torpeatis, vt inutiliter*  
*tempus teratis, vt inanes & vacuos dies*  
*elabi finatis; sed vt eatis, & fructum*  
*afferatis.*

*Tit. de vit. et honest. Cleric.* Vnde in Concilio quarto Mediolanensi dicitur, quod unusquisque Clericus illud apud se repetere debet, se non ad inertiā & ignauiam, sed ad spiritualis & Ecclesiastica militia labores vocatum esse.

*in cap. 1. 1/a.* Sane inter pleraque alia quæ Deus specialis odio prosequitur (vt monet sanctus Basilius) una hæc est otiositas seu cessatio ab his, quæ nos ex officio attinet facere.

*Luc. 13.* Otiosus, nempe sacerdos, vel Clericus, ficulnea est illa infructuosa, plantata in vinea Domini, de qua post plurimum annorum patientiam, tandem iudicium illud fertur. Succide illam, vt quid etiam terram occupat. Omnis enim *Mat. 20* arbor quæ non facit fructum bonum excidetur, & in ignem mittetur.

Porro huius vitæ quam currimus tempus (vt monet Spiritus sanctus in varijs Scripturæ locis) est tempus sementis: in hac vita licet nobis, quod volumus seminare, cum ista vita transierit, operandi tempus auferetur. Vnde & Saluator ait; Operamini dum dies est, veniet nox quæ dñō nemo potest operari. Cum igitur tempus illud adeo breue sit, & prætereant signa huius mundi, cauendum maxime est ne inutiliter elabatur; Nolite errare (inquit Apostolus) Deus non irridetur, quæ enim seminauerit homo, hæc & metet, quoniam qui seminat in carne, de carne metet corruptionem,

*nem, qui autem seminat in spiritu, de spiritu metet vitam aternā, & rursus alio in loco. Qui parce seminat, parce & metet, & qui seminat in benedictionibus, de benedictionibus & metet; ac demum unusquisque propriam mercedem recipiet secundum suum laborem.* 1. Cor. 3.

Vt igitur perniciosum illud otiositatis vitium effugiat quiuis Ecclesiæ ministerio ascriptus, aduertat duplex esse otiositatis genus, & vtrumque maxime cauendum.

Primum est, cum quis nihil agit; quod quidem quamuis nemini probeatur, non infrequenter tamen in plerisque Sacerdotibus reperitur, idque cum ingenti totius ordinis Sacerdotalis dedecore: quot enim videre est in pagis, villis, castellis, alijsque locis, qui ubi officium, ac missam qualitercumque absoluerint, maximam diei partem, sedentes, otiantesque, aut deambulantes in propatulo, vanis confabulationibus cum quibuscumque obuijs insunt: interim dum alij sæculares varijs laboribus distenti in sudore vultus sui vescuntur pane suo.

Secundum est, cum quis aliud agit, quam eius debitum exigit, v. g. cum Sacerdos tempus illud omne quod illi ab officio & missa superest impendit curis sæcularibus, negotiationibus, litigijs, aut etiam ludis, venationibus, & alijs

*in specul.*

& alijs similibus otiosis occupationibus (vt loquitur Blosius) & à Clericali munere alienis. Et vtrumque hoc otij genus cuius Ecclesiæ ministro æque fugiendum est, cum in vtroque non modo temporis iactura, sed & populi Christiani scandalum, & Ecclesiæ dedecus, & Diuini Numinis offensio reperitur.

Ad hos proinde atque ad illos pertinet illa S. Apostoli denuntiatio, *quoniam si quis non vult operari, nec manducet.* Et maxime vtriusque timendū est; ne, vnūquemq; illorū attingat euangelica hæc condemnatio, *inutilem seruum eijcite in tenebras exteriores.*

*2. Thess. 3. Matth. 25.*

Quod quidem vt ab ipsis deuitetur, vtque conuenienter ac fructuose impendatur tempus; vtilissimum ac saluberrimum ipsis erit ordinem sibi agendorum proponere, & quid quaque diei parte faciendum sit, sibi præscribere: v. g. qua hora surgendum, quando & qua ratione meditationi vacandum, horæ recitandæ, Missæ celebrandæ? studiis incumbendum, operibus charitatis, aut honestæ & utili conuersationi vacandum, refectiōni, & recreationi alicui modestæ indulgendum, & alia similia muneri suo conuenientia, aut certe ab ipso minime aliena præstanda; itaut

*Ecc. 14. non defraudetur quis à deo bona,*

*neq.*

nec ulla diei bona particula illum praterat.

Proderit etiam salubre illud Petri  
Blesensis monitum: Redde conscientia  
tua de quotidianis actibus rationem; vide  
si diem & noctem sine cuiusque peccati  
macula transigisti, sin minus legisti, &  
orasti, & scias non modicam esse temporis  
iacturam quod in otio aut fabulis impen-  
ditur. Tute omnibus exhibe, cogitans te  
omnium seruum, nec tibi sed cunctis ge-  
nitum te viuere credas, datum in doctis  
doctorem, consolatorem solatiumque op-  
pressorum, patrem orphanorum, defensor-  
em viduarum, & omnibus debitorem.

De instit.  
Episc.  
ca. 4.

## CAPVT XI.

De modo cuius Sacerdoti in-  
ludis, & recreationibus  
tenendo.

**A** Nimo, corporique relaxatio-  
nem aliquam quandoque indul-  
gendam esse dicit Gebennensis an-  
tistes, in tertio Philotheæ suæ parte;  
idque probat Diui Ioannis exemplo  
& dicto, ex Cassiani libris relato; vn-  
de concludit, non modo ab humani-  
tate, sed & à virtute alienum esse.

adeo rigidum ac ferum se præbere, ut neque sibi, neque alijs ullam relaxationem recreationemq; permittere quis velit.

Porro in quouscūq; recreationum generibus, quæ à Sacerdotibus, alijsque personis Deo sacris usurpari possunt, tria maxime observari convenit.

*Sup.* Primum est, ut nihil in illis repariatur quod Divinis vel Ecclesiasticis legibus sit prohibitum; & de Divinis quidem legibus nulla est difficultas; de Ecclesiasticis autem, certum est quædam esse ludorum, & recreationum genera Clericis interdicta, v. g. alearum, quarum prohibitionem præfatus Antistes etiam ad ipsos Laicos extendit: & varijs rationibus illius prohibitionis æquitatem probat.

*can. 42.* In Canonibus certe Apostolicis, excommunicationis censura plectendus edicitur Episcopus, aut Presbyter, aut Diaconus aleis ludens; quia poena etiam cuius Clerico aleatori, *can. 50.* in sexta Synodo Generali infligenda decernitur.

Simili ratione ex varijs Conciliorum decretis constat spectacula histrionum, mimorum, aliorumque eiusmodi, Clericis esse interdicta: *Non oportet*, inquit Concilium Lao dicenum, *ministros altaris, vel quoslibet Cle-*

*Clericos, spectaculis quæ in scenis exhibentur interesse : quod & similiter prohibutum reperitur in Concilio Lateranensi sub Innocentio tertio, cap. 16. in Concilio Parisiensi sub Ludouico & Lothario l. 1. cap. 38. & permultis alijs.* can. 54.

Venatio item, illa præsertim, quæ fit cum strepitu, & clamore, interdicitur Clericis, in Concilio Romano sub Eugenio secundo cap. 12. Agathensi, cap. 55. & alijs. Appositè sanctus Hieronymus; *Esau, inquit, venator erat, quoniam peccator erat, & penitus non inuenimus in scripturis sanctis sanctum aliquem venatorem.* cap. 2.

In Concilio Senonensi prohibetur, ne Clerici publicè ludant pila; aut alijs ludis, maxime cum Laicis. Prescribiturque ut à ludo alearum, cæterisque quibâ forte pendunt abstinant, neque ludentium fautores, spectatores, aut testes existant. Quod item rigidius adhuc in Concilio Mediolanensi 4. interdicitur. Mich. an. 528. c. 25.

Neque dicat quis in plerisque ex ludis illis aut recreationibus prohibitis, nihil inessentiale: nam præterquam quod in eis multa reperiuntur, quæ status Ecclesiastici sanctitatem parum decent: Sanè ut sapienter dixit sanctus Ambrosius) *quid interesset inter populum & Sacerdotem, si iisdem astringe-*  
ge-



*gerentur legibus: debet utiq. praponderare vita Sacerdotis, sicut praponderat gratia.*

Secundum quod Sacerdotes & Clerici in ludis & recreationibus observare debent, est, ut nihil in illis fiat aut reperiatur quod scandalum, aut offensionem aliquam proximo afferre possit: *omnia mihi licent*, aiebat Apostolus, *sed non omnia expediunt*: pleraque animi relaxandi causa inculpabiliter fieri & dici possunt privatum inter ipsas personas Ecclesiasticas, quæ coram quibusdam Laicis forsan reprehensioni obnoxia viderentur: proindeque ipsis sollicitè cavendum est ne tali utantur licentia: *qua, ut loquitur Apostolus, offendiculum fit infimis; sic enim peccantes in, fratres & pervertentes eorum conscientiam infirmam in Christum peccant.*

1. Cor. 6.

1. Cor. 8.

Tertium denique est, ut in ipsis recreationibus & ludis, modus debitus observetur, viteturque quivis excelsus, siue in tempore quod ludo & recreationi conceditur: siue in ipsius ludi expensis, siue in ludendi affectu; quantumvis enim inculpata & honesta sit aliqua recreatio, ut rectè monet Antistes Gebennensis, nimius erga ipsam affectus semper vitiosus est; in ludendo quidem delectationem aliquam percipere licitum est, nusquam

Sup.

quam tamen cor & affectum lud-  
apponere, ita vt ipse ludus cum  
ardore quodam animi quærat, aut  
expetatur.

---

## CAPVT XII.

*De procurationibus rerum se-  
cularium, alijsque mundi  
negotiationibus & curis  
à Christiano Sacer-  
dote fugiendis.*

**N**emo militans Deo implicat se nego-  
tijs secularibus, inquit Apolto- 1. Tim.  
lus, vt ei placeat cui se probauit. Ea nam- 2.  
que conditione Sacerdotes & Clerici  
nomen Christi militiæ dederunt, ea  
lege in eius castris profitentur, vt expe- Cone. Fo  
diti ab omni sæculi præsentis impedimen- roinl.  
to, intrepidi in prima acie persistentes, post can. 5  
palam victoria triumphaticis, glo-  
ria coronam, ab eo Rege qui de anti-  
quo hoste triumphauit, suscipere me-  
reantur.

Miles sane, vt ait Sanctus Basilus,  
non domos adificat, non comparat agros, In Asce-  
non vacat mercatura; in plateis taberna- tic. ser. 1.  
culum sibi ponit, cibum sola necessitate  
me-

metitur, somni tantum, quantum natura requirit: itinera frequentia, itemque vigilia, acris ad frigora, caloresque tolerandos patientia: periculorum cum aduersarijs certaminū crebra susceptio; & in ijs saepe se ita fors ferat, gloriosa mors, &c.

*id. bid.*

*Lib. de  
fuga sa-  
culi & re-  
fertur  
l. 2. q. 1.  
c. qui  
portio.*

„Age igitur, ò miles Christi, qui  
„iam tenuia hæc ex rebus humanis  
„exempla inspexeris, subeat animum  
„tuum sempiternorum bonorum,  
„cogitatio; solutus esto, atq; ab  
„omnibus vitæ curis liber, &c. Si  
„quis, inquit Christus, mihi mini-  
„strat me sequatur, & ubi ego sum,  
„illic sit & minister meus; ubi ergo  
„Christus Rex noster est? in cælo  
„haud dubiè; huc proinde tuus tibi,  
„ò miles Christi, dirigendus est cur-  
„sus; obliuiscere quicquid hic in-  
„terris impedimenti haberi potest.  
„Optimè & appositè sanctus Am-  
„brosius: Cui portio Deus est, in-  
„quit, nihil debet curare nisi Deum,  
„nec alterius impeditur necessitatis  
„munere; quod enim ad alia officia  
„confertur, hoc Religionis cultui, at-  
„que huic nostro officio decerpitur,  
„Hæc enim vera est portio Sacerdotis  
„abdicatio domesticorum, & quæ-  
„dam alienatio charissimorū vt suis se  
„abneget, qui seruire Deo elegerit.  
„Et Petrus Blesensis: Vacuum, inquit,  
„à sæcularibus oportet esse animum di-  
uina

„uinæ feruitutis obsequio consecra-  
 „tum: Magnis addictus es, noli mi-  
 „nimis occupari: minima, & vilia sunt,  
 „quæcumq; ad sæculi quæstus, & non  
 „ad lucra pertinent animarum.

Et hæc quidem attendens sancta Ec-  
 clesia, sollicitè cauit, ne Sacerdotes  
 aliq;ue sacris ministeriis ascripti, rerum  
 sæcularium procurationibus, aut mun-  
 di curis, negotijsue implicarentur:  
 super quare insigne præ cæteris est de-  
 cretum Concilii Calcedonensis quod  
 hic exseripsimus.

„Peruenit ad Sanctam Synodum,  
 „quia de ijs qui in Clero cõnumeran- *Cap. 5. et*  
 „tur, quidam propter turpis lucri gra- *idem cõ-*  
 „tiam alienarum possessionum con- *stitutum*  
 „ductiones, & causas sæculares susci- *habatur*  
 „piunt, & à sacris quidem officiis se *in conc.*  
 „per desidia separant, ad domos au- *Later.*  
 „tem sæcularium concurrunt, & sub- *sub In, 3*  
 „stantiarum eorum gubernationes a- *c. 16. &*  
 „uaritiæ causa suscipiunt. Decreuit er- *in cont.*  
 „go sancta Synodus, nullum Cleri- *Later.*  
 „cum deinceps, aut Monachum con- *sub 'A-*  
 „ducere possessiones, aut misceri sæ- *lex 3. c.*  
 „cularibus procurationibus, nisi fortè *12.*  
 „qui legibus ad minorum ætatem tu-  
 „telas, siue curationes inexcusabiles  
 „attrahitur: aut cui ciuitatis ipsius E-  
 „piscopus Ecclesiasticarum rerum cõ-  
 „miserit gubernacula, & orphanorum  
 „aut viduarum, quæ indefensæ sunt,  
 & ea-

„ & earum personarum, quæ maximè  
 „ Ecclesiastico indigent adminiculo  
 „ propter timorem Dei. Si quis vero  
 „ transgressus fuerit hæc præcepta,  
 „ Ecclesiasticæ correctioni subiaceat.

Sanè indecorum est, & ab Ecclesia-  
*sub Lud.* stica dignitate & sanctitate valdè alie-  
*& Loth.* num, videre Sacerdotes, vt loquitur Cō-  
*c. 1. c. 29* cilium Parisiense, pro forensibus negotiis  
*huc* illucque currentes & discurrentes, in-  
*terim dum ex eorum absentia, & loca*  
*Deo dicata debito cultu priuantur, & ho-*  
*mines sine confessione, & infantes sine*  
*baptismi regeneratione plerumque mori-*  
*tur.* Quibus postea illud Prophetæ  
*Thren. 4* summa cum ratione applicat, quomodo  
*obscuratum est aurum, mutatus est color*  
*optimus, dispersi sunt lapides sanctuarij in*  
*capite omnium platearum.* Quod bea-  
*Past. l. 2* tus Gregorius ita exponit: *Quid nam.*  
*c. 7.* *que auro quod metallis ceteris præeminet,*  
*nisi excellentia sanctitatis? quid colore*  
*optimo, nisi omnium amabilis reuerentia re-*  
*ligionis exprimitur? quid sanctuarij la-*  
*pidibus nisi sacrorum ordinum persona*  
*designantur, &c. aurum igitur obscura-*  
*tur, cum terrenis actibus sanctitatis vita*  
*poliuitur, color optimus commutatur, cum*  
*eorum qui degere religiosè credebantur, æ-*  
*stimatio antea acta minuitur: nam cum*  
*quilibet post sanctitatis habitum terrenis*  
*se actibus inserit, quasi colore permutato,*  
*ante humanos oculos, eius reuerentia de-*  
*specta*

*specta palle; cit sanctuarij quoq; lapides in  
plateis disperguntur, cum caesarum  
secularium lata itinera expetunt hi, qui  
ad ornamentum Ecclesie internis myste-  
rijs quasi in secretis sanctuarij vacare  
debuerunt.*

Et Concilium Aquisgranense se- Part. 3.  
c. 8.  
„ cumdum statuit, illos Sacerdotes  
„ qui contra statuta canonum villici  
„ sunt, turpia lucra sectantur, &  
„ per diuersos mercatores indiscretè  
„ discurrunt, summa districtione  
„ & seueritate coercendos esse; ne  
„ scilicet per eorum illicitam inde-  
„ centemque actionem, & ministe-  
„ rium Sacerdotale vituperetur, &  
„ quibus debuerant esse in exemplum  
„ in eorum deueniant scandalum.

Urgitur his Ecclesie monitis &  
decretis libentiùs obtemperet, cuius  
Sacerdos aut Clericus, consideret, &  
sedulo perpendat, quam vana sint  
& flocci facienda omnia hæc transi-  
toria, pro quibus inter huius sæculi Eccl. 1.  
homines tanto impetu & ardore,  
discurritur, disceptatur, litigatur,  
belligeratur: *Vanitas vanitatum*, in-  
quit Ecclesiastes, *vanitas vanitatum*  
& omnia vanitas, quid habet amplius ho-  
mo de uniuerso labore suo quo laborat sub  
sole? &c. ecce uniuersa vanitas, &  
afflictio spiritus & cassa sollicitudo men-  
tis.

*Audiat S. Apostolum monentem,*  
**I. Cor. 7** *tempus breue est, reliquum est, ut qui  
 utuntur hoc mundo tanquam non utan-  
 tur: praterit enim figura huius mundi.  
 & iuxta eiusdem præscriptum, radi-  
 cem sicut omnium malorum, sic e-  
 tiam illarum perturbationum & inor-  
 dinationum, cupiditatem & auari-  
 tiam ex animo penitus euellere con-  
 tendat. De qua proinde, in sequen-  
 ti capite aliquid dicendum nobis  
 est.*

## CAPVT XIII.

*De auaritia, & cupiditate ab  
 animo Christiani Sacer-  
 dotis radicitus ex-  
 tirpanda.*

*Sub  
 Lud. &  
 Ioth. l. 1.  
 c. 13;*

**C**Auendum summopere est. San-  
 „ cerdotibus, inquit Concii-  
 „ lium Parisiense, ut ab auaritiæ peste,  
 „ quæ est idolorum seruius, & à cupi-  
 „ ditate, quæ radix omnium malorum  
 „ est, se compescant, &c. grauius  
 „ quippe, atrociusque hæ pestiferæ  
 „ lues in illis damnantur, quam in ijs  
 „ qui eorum dictis, & exemplis  
 „ ab his coerceri debuerunt. Solent  
 nam-

„namque à nonnullis multifariæ oc-  
 „casiones obtendi, quæ necessitatis  
 „nomine palliantur: & re vera dum  
 „exteriùs necessitas prætenditur, in-  
 „teriùs auaritia regitur. Ait itaque  
 „Dominus in Euangelio; Nolite the-  
 „saurizare vobis thesauros in terra,  
 „Scribit etiam Beda quod nonnulli  
 „Sacerdotum ac Doctorum loco po-  
 „titi ( quod dictu quoque graue &  
 „lugubre est) dum ignem cupiditatis  
 „igni supernæ dilectionis anteponunt  
 „igne supernæ vltionis absumuntur:  
 „quorum perpetua damnatio, tem-  
 „porali filiorû Aarō morte figurata est.

Sanè inter mala plurima eaque gra-  
 uissima, quæ vitij huius contagio secum  
 inuehit, vnum ex perniciosissimis est,  
 quod tenebras effundat, animum que  
 veluti quadam cæcitate percutiat:  
*Itant, quod in præfato Concilio ob-*  
*seruatur, Presbyteri quos pestis illa inua-*  
*fit, suisque retinaculis vinxit, captiuosq;*  
*effecit, instar cæcorum ne sciant quò eant,*  
*nesciant, quid esse, vel quid agere*  
*debeant.*

Sup. c.  
29.

Ex quo fit vt veluti clausis oculis  
 in horrenda quandoque Simoniarum,  
 confidentiarumque præcipitia dela-  
 bantur; vel in ministeria, & of-  
 ficia Ecclesiastica contra ius falque  
 se ingerant, & beneficia beneficiis  
 accumulare studentes, sæpè infan-  
 dis



Ser. de  
ieiunio  
& tent.

dis criminibus sacrilegijque Dei sanctuarium polluant. Et quid mirum? Quando) ut S. Cyprianus loquitur) usque ad mortem Domini amor lucri se ingerit, nec vita Saluatoris quaestus desiderium parcat.

Verè igitur & cum summa ratione dixit sanctus Hieronymus. ignominiam esse Sacerdotum, proprijs studere diuitijs. Ignominiam, inquam, huic vitio turpiter mancipatum esse, quod æternam proditori Saluatoris infamiam attulit, quod eum ex Apostolo apostatam, ex Christi amico dæmonis mancipium, ex salutis æternæ præcone ignis æterni pabulum effecit.

LUC. 2.

Videte itaque & caute ab omni auaritia, inquit Christus Dominus, cunctos fideles, sed maximè discipulos & ministros suos alloquens: Videte & caute, oculi aperiendi, fax fidei præferenda, non secundum prauas mundi consuetudines, aut naturalis desiderij passionem, sed secundum Euangelij axiomata, ferendum est de agendis iudicium, gressusque animæ dirigendi: & hoc sit primum aduersus hanc auaritiæ pestem antidotum, quando v. g. occasio alicuius beneficii obtinendi, aut muneris Ecclesiastici capeffendi sese offert, hoc salubre Christi monitum animo re-

repetendum. *Videte & caute ab omni auaritia*: Videndum, idque sincere & coram Deo, qua intentione quis feratur, quid animum præsertim alliciat; & sollicitè cauendum *ab omni auaritia*: si quis alicuius impedimenti canonici sibi conscius sit, si se à Deo nullatenus vocatum, si minime idoneum conspiciat, vel si iam beneficium aliquod possideat quod honestæ sufficiat sustentationi, cauendū *ab omni auaritia*, & animus contra quasunque cupiditatis illecebras sedulò præmuniendus.

Cogitet præterea qui huius vitij tē-  
tatione infestatur. qui cupiditatis iaculis se impetitum perferit, cogitet, inquam, quia *non in abundantia hominis vita eius*: vt subsequētibz verbis idem Christus Dominus admonet; neque enim opus, aut diuitiæ quantumcumque copiosæ vitam vel vnico tēporis momento prorogare possunt; sibi que proinde dictum putet, quod ibidem subiungitur: Stulte hac nocte repetent animam tuam à te, & hæc  
 „ omnia quæ præparasti, cuius erunt?  
 „ quem fructum tunc habiturus es in  
 „ iis in quibus tunc erubescis? nam  
 „ finis illorum mors est: neque enim  
 „ homo cum interierit sumet omnia,  
 „ neque descendet cum eo gloria eius.  
 „ Nihil utique intulimus in hanc mundum;

„dum; haud dubium quod nec aufer-  
 „re quid possumus: habentes igitur  
 „alimenta, & quibus tegamur his cō-  
 „tenti simus: nam qui volunt diui-  
 „tes fieri, incidunt in tentationem,  
 „& in laqueum diaboli, & in desi-  
 „deria multa, & inutilia, quæ mergūt  
 „hominem in interitum, & perditio-  
 „nem; Radix enim omnium malo-  
 „rum est cupiditas, quam quidam  
 „appetentes errauerunt à fide, & in-  
 „seruerunt se doloribus multis. Tu  
 „autem ò homo Dei hæc fuge.

## CAPVT XIV.

*De quouis scandalo solli-  
 citè præcauen-  
 do.*

2.2.9.  
 43.47.1.

**S**candali nomine Theologi com-  
 munitè cum S. Thoma intelligūt  
*dictum vel factum minus rectum præ-  
 bens occasionem ruinae.*

*Dictum, vel factum*, quia exterior  
 duntaxat actus alteri notus potest ha-  
 berè rationem scandali, tanquam  
 obex scilicet in virtutis via obiectus.

*Minus rectum*, neque enim ad ra-  
 tionem scandali necesse est dictum  
 illud

illud vel factum esse absolute ex se  
malum, sed sufficit habere speciem  
mali: unde Apostolus non tantum à  
quouis malo, sed & *ab omni specie* 1. Thess.  
*mali* abstinendum esse docet. 5.

*Præbens occasionem ruinæ*, nec enim  
requiritur ut causam, sed satis est ut oc-  
casionem præbeat; interdum siquidem  
contingere potest ut quis alterum scā-  
dalizet, actu aliquo suo alioquin bo-  
no, quem tamen, ob solam circumstā-  
tiam effectus, scilicet ruinæ alterius,  
prætermittere debebat: v. g. si quis a-  
ctum correctionis fraternæ exerceat  
in eum quem præuidit, aut præuide-  
re debuit, peiorem ex eius correctione  
futurū: tunc enim ipsa correctio frater-  
na, quæ ex se bona est, proinde nullius  
mali causā directè esse potest, occa-  
sionē tamen præberet peccatō alterius.

Iam quantopere Sacerdos, & quivis  
Ecclesiæ ministerio ascriptus cauere  
debeat, ne vllam vnquam præbeat  
scandali occasionem, neue ex eius  
dicto aliquo, vel facto minus recto  
quis in peccatum inducatur, hinc pa- *in past.*  
tet, quia, ut ait S. Gregorius, *si quid in p. 5. c. 5.*  
*Sacerdote, vel Clerico iuste reprehendi-* *ser. 1. de*  
*tur, eius vitio ipsa Religio nostra asti-* *conuers.*  
*matio grauat, & ut loquitur san-* *S. Paul.*  
*ctus Bern. misera Sacerdotū conuersatio* *Ezech.*  
*fit misera plebis Domini subuersio: laquens* 44  
*siquidem ruina populi Sacerdotes mali.*

R

Di.

Dici enim vix potest quantas animarum strages ediderit, & quam deflendam vastitatem Ecclesiæ intulerit inordinata Sacerdotum & Clericorum vita, quot inde Religionis detrimenta, quot veræ pietatis, ac virtutis damna inter fideles processerint.

„ Nullum certe, inquit Sanctus Gregorius, maius præiudicium tolerat  
*hom. de* „ Deus, quam cum eos, quos ad a-  
*cur. past.* „ liorum correctionem posuit, dare  
 „ de se exempla prauitatis cernit: quã-  
 „ do ipsi peccamus, qui aliorum com-  
 „ pescere peccata debuimus, quando  
 „ pereunti populo mortis auctores su-  
 „ mus cui ad vitam duces esse debui-  
 „ mus. Quod si (vt notat sanctus Chry-  
*hom. in* „ soltomus) ei qui vnã scandalizat a-  
*ep. ad* „ nimam, expedit vt mola asinaria  
*Tir.* „ suspendatur circa collum, & emer-  
 „ gatur in profundum maris; qui in-  
 „ numeras animas scandalizat, & vr-  
 „ bes integras, & plebes, viros, mu-  
 „ lieres, pueros, quid pati merebi-  
 „ tur?

*Mat. 18* Va mundo à scandalis, inquit Christus,  
 Va homini illi per quem scandalum ve-  
 nit. Sicut enim quantoscumque aliquis  
*ser. 163* exemplo sancta vita adificauerit, verba  
*de temp.* sunt sancti Augustini, cum tantis mer-  
 cedem retributionis beata vita accipiet; ita  
 quantiscumque exemplum mala conuer-  
 sationis, etiamsi eum illi non sequantur  
 pra-

*præuerit, prætantis se malis rationem  
nouerit redditurum.*

*Et nunc ad vos mandatum hoc, à Sa-  
cerdotes, edicit Dominus per Prophe-  
tam, quia recessistis de via, & scandali-  
stis plurimos in lege, & irritum fecistis* Malac.  
*factum Leui: propter hoc, ego aedi vos* 9.  
*contemptibiles, & humiles in omnibus  
populis. Neque enim alia ratio qua-  
renda est, quare nunc Sacrdotalis or-  
dinis maiestas in tantum viluit, cur cle-  
ricalis status splendor adeo infuscatus  
est; iusto Dei iudicio contemptibiles  
& humiles facti sumus ipsi, quibus ob  
viciosos & inordinatos mores, & actus  
scandali ac ruinæ occasionem dedi-  
mus; hinc Prælatorum authoritas im-  
minuta, ut non dicam plerumque  
conculcata, hinc Ecclesiæ potestas à  
Laicis usurpata, hinc Sacrorum ca-  
nonum neglectus, & sæpius à aduer-  
sus eosdem peruicacia.*

*Ut igitur tot tantisque malis reme-  
dium aliquod inueniamus, præciden-  
da est, aut potius euellenda, & penitus  
extirpanda est illorum radix, & cuius-  
que Sacerdotis, ac viri Ecclesiastici stu-  
dium, & opera in eo præsertim collo-  
candanda est, ut sedulo quatuor-  
etiam minimas scandali alius dandi  
occasiones deuiter. Ideoque hoc ap-  
ud se in primis firmiter statuat, ut nul-  
lum quantumuis leue videatur pecca-*

tum, coram aliis, imò coram Deo deliberatè committat, nullū in quibuslibet actionibus suis defectum admittat, nihil denique vnquam sibi indictis, aut factis minus rectum permittat.

Et de peccato quidem mortali, nihil hic dicere attinet, monstri siquidem ac portenti instar est coram oculis Dei & Angelorum, Sacerdos peccato aliquo mortali inquinatus; *vñs ex vobis diabolus est*, ait Christus de *Joan. 6.* vno discipulorum suorum qui sola voluntate peccatum mortale conceperat. De peccato veniali hoc solū monemus, longè diuersa esse iudicia Dei à iudiciis hominum; multa plerumq; ex se leuia, & venialia peccata, quæ in Sacerdotibus, propter sanctitatem status, coram Deo lethalia censentur: multa item, in quibus ratione scandali infirmorum, grauior quam credatur inest prauitas: quid quod plurima etiam opera virtutis, defectu prudentiæ, ac discretionis, aut alicuius circumstantiæ ad integritatem bonitatis moralis necessariæ, offendant potius, quam edificent.

Quare vigilantia opus est, vt tot laquei sibi, alijsque sollicitè deuitentur, sæpiusque iterandæ cuiusuis peccati sedulo cauendi resolutiones, ac cælestis gratia, qua in bono proposito firmi

firmi consistamus, iugiter imploranda. Præterea Christianus Sacerdos ad hoc diligenter attendere debet, ut omnes & quascumque mali cuiuslibet suspiciones à se amoveat, quod ex ipsius Apostoli exemplo discere potest, cū. a. elemosynæ quædam ad fideles Hierosolymam transmittendæ, in eius manibus à Coriathiis fuissent depositæ: veritus ille ne minus rectæ, aut sinceræ gestionis apud aliquos suspectus esset, alios secum ad pecuniarum illarum dispensationem veluti testes assumere voluit: *nequis, inquit, nos vituperet in hac plenitudine, qua ministratur à nobis: providemus enim bona non solū corā Deo, sed etiam corā hominibus.*

2. Cor. 8

Quod quidem sancti illius Apostoli factum perpendens D. Chrysost. à nullo sine peccato, inquit, tantum absumus, quantum à furto aberat Paulus; insania enim mera quid suspicari de beato viro, atque admirabili animo Pauli; nihilominus hanc suspensionem sic iniquam & absurdam procul repellere studuit. Unde concludit longè potiori ratione quævis Sacerdotem teneri ad studium adhuc maius adhibendum, quo malas de se suspiciones & opiniones non solum quando erumpunt diuellat: sed procul unde erumpere possent prospiciat, & causas ipsas, è quibus oriri possent longo ante tempore interimat.

lib. 6. de  
sac.



Denique sollicitè caueat, non solum  
 ne pluribus, sed ne vel vni, ne vel mi-  
 nimo cu que, vllam quantulamcumq;  
 præbeat offendiculi, vel scandali oc-  
 casionem: prohibet siquidem Christus  
*scandalizari vel unum de pusillis qui in-*  
*eum credunt.* Et Apostolus protestatur,  
 Mat. 18 *si esca scandalizat fratrem meum, non*  
 1. Cor. 8 *manducabo carnem in aeternum* Hoc igitur  
 in quibuslibet factis, aut dictis suis  
 sedulo perspiciat, quis adfit, quis videat  
 vel audiat? vt diiudicare possit, num-  
 talia dicere, vel facere conueniat? num  
 inde pusilli alicuius animus occasiõẽ  
 ruinæ sumpturus sit? & è contra eo  
 modo se gerat in omnibus, quæ actur-  
 us, aut locuturus est, vt pro-  
 ximo suo placeat in bonum ad  
 Rom. 15 *edificationem, & omnia*  
 1. Cor. *sua ad edificatio-*  
 14. *nem fiant.*





## PARS QUINTA.

De medijs quibusdam, & adiumentis, quæ Christiano Sacerdoti, tum ad profectum, tum ad perseverantiam in virtute, maximè conducere possunt.

### CAPVT I.

*Quantum intersit Sacerdotem Christianum in vera virtute progredi, & perseverare.*

**D**iscipulus proficiens gloria est magistri, inquit sanctus Bernardus, Ep. 141  
 & quisquis in schola Christi non proficit; eius magisterio indignus est, nunquam

R 4 etc.

Epist.

242.

etiam, ut idem alio in loco dicit, iustus arbitratur se comprehendisse, nunquam dicit satis est, sed semper esurit, sititque iustitiam; ita ut si semper viveret, semper quantum in se est iustior esse cōtenderet, semper de bono in melius proficere totis viribus conaretur: non enim ad annum, vel ad tempus, instar mercenarii, sed in aeternum, diuino se mancipat famulatu.

Quare, ut cum sancto Augustino in ps. 69 loquamur, quantumcumque hic vixerimus, quantumcumque hic profecerimus, nemo decet, sufficit mihi, iustus sum: qui enim dixerit, remansit in via, non novit pervenire; ubi dixerit sufficit, ibi haesit.

„ Moueat certe nos ipsum quoque  
 ep. 341. „ secularis cupiditatis exemplum (ut  
 „ recte monet sanctus Bernardus) quē  
 „ enim ambitiosum vidimus aliquan-  
 „ do contentum adeptis dignitatibus,  
 „ ad alias non anhelare? sic & curiosi  
 „ cuiusquam non satiatur oculus visu,  
 „ nec auris impletur auditu: quid eo-  
 „ rum qui avaritiæ serviunt, aut ama-  
 „ tores sunt voluptatum, seu vāas  
 „ consecretantur laudes, nonne & ipso-  
 „ rum insatiabilia desideria arguunt  
 „ nos negligentiam, & tepiditatis? pu-  
 „ deat certe spiritualium nos bonorū  
 „ minus cupidos inueniri.

Apoc. 1.

Denique urget nos ipsa diuinæ veritatis vox: esto fidelis usque ad mortem,  
 & dabo

*Et dabo tibi coronam vita, & qui perseue-*  
*rauerit usque in finem hic saluus erit: su-* *Mat. 24*  
 per quibus verbis obseruat sanctus Au-  
 gustinus Dominum non dixisse, *qui* *li. de con*  
*bene inchoauerit, sed qui perseuerauerit* *tin. c. vl.*  
*usque in finem; non enim coepisse, sed* *ep. ad Vi*  
*permansisse virtutis est, inquit S. Hiero-* *talem.*  
 nymus.

Quisquis igitur sacris ministerijs ad-  
 dictus est, hoc apud se firmiter statuatur, in  
 Christi famulatu non sufficere quod  
 ad Ecclesiasticos Ordines quis dignè  
 promotus fuerit, quod suæ promo-  
 tionis initio functiones ordinum illo-  
 rum proprias debite exercere studue-  
 rit, quod virtutes muneri suo con-  
 gruenter aliquanto tempore affecta-  
 tus fuerit, tentationesque tunc irruen-  
 tes fortiter repulerit: ulterius eundem  
 est, *grandis adhuc restat via, ambulan-*  
*dum est, usque ad montem Dei, & ut ait* *Sup.*  
*Sanctus Augustinus, tota vita pergendum*  
*est, usque dum ad vitam incommutabilem*  
*perueniatur.* Proindeque progressus in  
 vita virtutis iugiter faciendus, & in illo  
 progressu fideliter usque ad exitum  
 vitæ perseuerandum est.

Quod ut facilius, firmitusque exequi  
 possit, aliquot media aptissima, & salu-  
 berrima in hac quinta huius operis  
 parte suggerentur, si prius duo vel tria  
 monita utilissima: & obseruatu di-  
 gnissima, istic fuerint apposita.

Primum est ut Christianus Sacerdos aut quicquid alius Ecclesiasticis ministeriis mancipatus obliuiscatur eorum, quæ recte vecumque gessisse sibi videtur, & latuiturum mentis solummodo ferat in ea quæ agenda supersunt. Hoc monitum nobis suppeditat beatus Paulus non verbo solum, sed & exemplo suo in Epistola ad Philippenses, *Fratres, inquit, ego me non arbitror comprehensisse, vnum autem, quæ quidem retro sunt obliuiscens, ad ea vero quæ sunt priora extendens in ipsum, ad destinatum persequor, ad præuium supernæ vocationis Dei in Christo Iesu; quicquidque ergo perfecti sumus, hoc fertur in nos.*

Quibus quidem verbis indicat, si proficere quis velit, non debere meminisse bonorum quæ perfecit, sed cogitare solummodo ea quæ ipsi perficienda restant. Nam, ut in illum locum rectè scripsit sanctus Chrysostomus, nihil a deo rectè factæ euacuat, & in ventrem abigit, atque memoria bonorum, quæ nos operati sumus: duo si quidem mala parit, segiores enim facit, & in arrogantiam extollit; Si igitur, ut postea subdit, Paulus post mille mortes, post tanta pericula, istud arbitratus est de se, multo magis nobis obliuiscenda rectè facta. & à tergo relinquenda sunt: etenim & qui erit, non reputat quantum spatium

confecerit, sed quantum adhuc desit: & nos non quantum virtutis impleuerimus reputemus, sed quantum adhuc supersit. *in ps. 83*  
 Felix igitur ille est, inquit sanctus Hieronymus, qui quotidie proficit, qui non considerat, quid heri fecerit, sed quid hodie faciat, ut proficiat.

Secundum est ut quotidie viam virtutis ingredi se arbitretur, proficendique ac perseuerandi propositum, singulis diebus innouet: idque iuxta magni Antonij monitum, qui, ut refert sanctus Athanasius sæpè suis inculcabat: Hoc sit primum cunctis in communem mandatum, nullum arrepti propositi vigore laceffere, sed quasi incipientem augere semper debere quod coeperit, praesertim cum & humana vita spatia aeternitati comparata breuissima sint & parua. Ut enim rectè dixit Sanctus Gregorius, *lib. 22. mor. c. 20*  
 nescit mens per torporem veterascere, qua studet per desiderium semper inchoare; hinc Psalmista qui ad perfectionis culmen iam peruenerat, quasi inchoans dicebat; Ego dixi nunc coepi; quia videlicet si laceffere ab inchoatis bonis nolumus, valdè necesse est, ut inchoare nos quotidie credamus.

Tertium denique est, ut Dei auxilium gratiamque sine qua nihil se posse cognoscit iugiter inuocare studeat: Beatus, siquidem, vir *ps. 83.*  
 cuius est auxilium abs te, ascensio.

*nes in corde suo disposuit in valle lachrymarum in loco quem posuit: etenim benedictionem dabit Legislator.*

— Et huius quidem benedictionis obtinendæ modum præscribens ipse Legislator Christus Dominus: *Petite,* Luc. I 1. *inquit, & accipietis, quarite & inuenietis, pulsate & aperietur vobis: omnis enim qui petit, accipit, & qui quatit, inuenit, & pulsanti aperitur. Et Pater vester celestis dabit spiritum bonum petentibus se.*

---

## CAPVT II.

*Suggeruntur varia media quibus Christianus Sacerdos in progressu, & perseverantia iuuari poterit. quorum primum est, ordo vitæ quem sibi ipse præscribere debet.*

sess. 6.  
c. 13.

**Q**uamuis certissimum sit ex facto „ Tridentino Concilio, perseverantiae donum aliunde haberi „ non posse, nisi ab eo qui potens „ est, eum qui stat statuere, ut perseveranter iter, & eum qui cadit, restituere: nihilominus eadem „ Synodus monet, ut unusquisque „ in Dei auxilio firmissimam spem col-

„ collocans , salutem suam opere-  
 „ tur in laboribus , in vigilijs , in elee-  
 „ mosynis , in orationibus , & obla-  
 „ tionibus , alijsque similibus pieta-  
 „ tis operibus : quia nimirum , ut postea  
 „ subdit , benè operantibus usque in  
 „ finem , vita æterna proponitur , &  
 „ tanquam gratia , filius Dei per Je-  
 „ sum Christum misericorditer promif-  
 „ sa , & tanquam merces , ipseus Dei  
 „ promissione bonis ipsorum operi-  
 „ bus fideliter reddenda .

Ex quo sequitur optimum & salu-  
 berrimum medium ad ipsius perseue-  
 rantiam munus obtinendum à Deo , es-  
 se si vitæ præsentis tempus in quoti-  
 dianis virtutû exercitiis fideliter im-  
 pendatur ; ad quod quidem pluri-  
 mum conferre poterit , si quondiana  
 illa pietatis exercitia rectè & aptè in-  
 ter se disponantur : *Ordo* siquidem  
 ut ait S. Aug. *dux est ad Deum , & qua* *lib. de*  
*à Deo sunt ordinata sunt.* *ord. c. I.*

Præterea experientia ipsa constat  
 ordinem in quotidiana virtutum pra-  
 xi seruatum maiorem ipsas virtuosas  
 actibus non modo decorem & perfe-  
 ctionem , sed etiam facilitatem ac  
 suauitatem conciliare ; diemque , ver-  
 bi graria , à Christiano Sacerdote in  
 orationibus , studijs , charitatis ope-  
 ribus , alijsque functionibus Ecclesi-  
 asticis ordinate tractatum longè me-  
 lius



*Lib. de  
ord. c. 1.*

lius ac lenius effluere, quam si nullo  
suarum occupationum habito dele-  
ctu, nunc hoc, vel illud ageret, &  
*ubi esset impetus spiritus, illuc graderetur.*

*Sep. 8.*

Ut igitur coelesti aspirante gratia,  
diuinæque ipsius sapientiæ vestigia cō-  
sectando, *atingat à fine ad finem forti-  
ter, suauiterque disponat omnia*, consul-  
tissimum ipsi erit, vitæ suæ, actuum-  
que suorum ordinem aliquem sibi præ-  
stituere, idque quantum fieri poterit  
de viri alicuius pij ac prudentis consi-  
lio.

Ac in primis generatim occupatio-  
nes illas præ alijs deligere, quæ sibi  
magis congruæ sint & viles: verbi  
gratia, quæ studiorum genera, quæ  
Religionis opera, quæ virtutum exer-  
citia præsertim amplecti debeat? qui-  
bus hebdomadæ diebus carceres,  
xenodochia, aut alia pia loca visita-  
re? quæ charitatis seu misericordiæ,  
tum spiritualis, tum corporalis opera  
exercere? Item, quarum personarum  
conuersationem expetere? & de qui-  
bus rebus cum illis potissimum con-  
ferre? quas etiam expensas domesti-  
cas pro ratione status sui facere? &  
quam seruorum ac familiæ curam &  
solicitudinem gerere ipsi magis expe-  
diat?


- Cuiusvis etiam diei ordinem, tan-  
quam

quam vitæ quotidianæ regulam, sibi ex eodem consilio præstituat: verbi gratia, ut tali hora è somno surgat; euigilans cor & mentem in Deum erigat; & statim è strato desiliens ipsum adoret, actus omnes, & seipsum eius honori & obsequio dedicer, gratiamque illius suppliciter exposcat; tum meditationi, seu orationi mentali per aliquod tempus vacet, (quod quidem meditationis quotidianæ exercitium nunquam satis commendari potest, cum experientia ipsa constet, inter alia quæcumque veræ pietatis ac virtutis in animo fouendæ media istud præ cæteris aptissimum & saluberrimum esse) exinde si matutinum nocte præcedenti absoluit, partem aliquam diurni officij recitet; postea Missæ sacrificium quanta poterit animi puritate ac deuotione celebret; gratijque Deo actis, capitulum aliquod ex sacro Euangelio, alijsque noui testamenti libris, si libeat, idque (ut sanctus Carolus Borromæus fecisse memoratur genibus flexis, & capite aperto, legat: reliquumque temporis ante prandium, studio aliqui necessario vel utili, aut cuiuspiam simili pietatis seu Religionis exercitio impendat.

Post prandium animo, recreatione aliqua honesta & moderata, paululum

lulum relaxaro, vespertinas horas recitet, exinde vtilibus & pijs conuersationibus, vel charitatis exercitijs, aut pietatis negotijs det locum: tum pia aliqua lectione animum reficiat; & ante vel post coenam, si ita magis expedit, matutinum officium cum laudibus persoluat; ac denique ante somnum examen conscientiae cum alijs solitis exercitijs non omitrat.

En rudi penicillo expressa leuis aliqua delineatio illius ordinis quem quisque Sacerdos, & Clericus, longè melius ac perfectiùs sibi praestituere poterit, cuius beneficio, vitae suae tempora conuenienter ac fructuosè impendere, diesque suos plenos in hora mortis tandem inuenire, & sic ad beatum diem æternitatis tandem merebitur peruenire.



## CAPVT III.

*Secundum medium ad perse-  
uerandum, constans ha-  
bitus tonsuraeque  
Ecclesiasticae  
gestatio.*

**N**ON est hic nobis propositum,  
longiorē instituere disputationē,  
de obligatione ad habitum, tonsuram-  
que clericalem iugiter deferendam,  
quæ cuius sacris ordinibus initiato,  
aut ministeriis Ecclesiasticis per ali-  
cuius beneficii titulum ascripto in-  
cumbit: vel attexere canones penē  
innumeros, quibus id strictissimē præ-  
scribitur: præcipuorum & maximē  
insignium seriem, ad marginem ad-  
notatam lector, si libuerit, peruide-  
re poterit.

Illud solum hic obiter adnotare  
sufficiat, Ecclesiasticā hanc legem  
circa tōsuram & habitum clericalem,  
tot in Concilijs Synodisque siue anti-  
quioribus, siue recentioribus latam,  
totiesque renouatam & confirmatam  
fuisse, vt manifestum sit vniuersatim.

Ec-

*Conc.  
Nic. 2.  
can. 6.  
Barr.  
sub Vigi-  
lio. Pap.  
can. 3.*

*Rom. sub* Ecclesiam tam primis, quam hisce,  
*Greg. 12.* nouissimis temporibus, ad religiosā  
*ult. Rom.* illam tonsuræ habitusque clericalis  
*sub. Zach.* deferendi consuetudinem & praxim  
*can. 31.* continuo magis ac magis stabilien-  
*Tribur. sub* dam, veluti conspirare voluisse; pro-  
*Formoso c.* indeque non sine graui peccato, à  
*27.* Clericis, ijs præsertim qui ad sacrum,  
*Mog. 1. sub* aliquem ordinem promoti sunt, vel  
*Leone 4.* beneficium aliquod Ecclesiasticum,  
*4a. 15. A-* obinent, hanc vel contemni, vel ne-  
*quisgr. 1.* gligi posse.  
*sub Steph.* Hic igitur solummodo intendi-  
*5 c. 1. La-* mus persuadere Christiano Sacerdoti,  
*ter. sub In-* quod quamuis tot legibus & canoni-  
*noc. 3. ca.* bus communita non esset hæc tonsu-  
*16. Lat.* ræ clericalis habitusque deferendi  
*sub. Leone* praxis, vel eo solo nomine fideliter  
*10. in Bull.* exacteque seruanda foret, quod sit  
*refor. Oxõ.* optimum saluberrimumque medium,  
*sub Hono-* tum ad disciplinæ Ecclesiasticæ teno-  
*rio 3. S. de* rem iugiter conseruandum, tum ad  
*hab. cler.* tentationes plerasque sollicitationesq;  
*Rauen. sub* ipsius mundi repellendas, aut etiam  
*Hon. 4. rubr* præueniendas, variasque peccati oc-  
*3. Palent.* casiones deuittandas. Experientia  
*sub Vrb. 6-* siquidem quotidiana compertum est,  
*rubr. de* Sacerdotem, veste talari indutum,  
*cler. Seno.* tonsura Ecclesiastica conspicuum,  
*c. 24. Trid.* aliaque ministerij sui insignia circump-  
*sess. 14. c. 6* ferentem, aduersus plerasque sæculi  
*ac ref.* illecebras, habitu illo & tonsura tan-  
 quam lorica iustitiæ, & salutis galea.

tu-

tutum esse ac securum : ne quidem  
audet mundus ad vanitates , aut insa- *Rhem.*  
nias suas prouocare , aut aliquid vir- *an. 1583.*  
tuti aduerum ab eo expetere : & *Turon. an.*  
quamuis auderet , pueret sanè ipsum *1583. Bi.*  
in eiusmodi habitu aliquid illicitum , *tur an.*  
aut indecorum perpetrare . *1583.*

Præterea ipse habitus Ecclesiasti- *Aquens.*  
cus est veluti commonitor assiduus , *an. 1585.*  
qui quibuslibet in locis , & inter quas- *Tholo. an.*  
cunque personas , præsertim Laicas , *1585.*  
Sacerdoti ipsi dignitatem ac sanctita- *Burdig. an.*  
tem ministerij sui oculos ponit , *1624.*  
prohibetque ne vel in scurrilitates nu-  
gasque verborum inaniter effunda-  
tur , vel modestiæ terminos exce-  
dat .

Neque solum ipsi deferenti , sed &  
alijs proficius est clericalis ille habi-  
tus ; siquidem Ecclesiæ habitum illū  
imponentis benedictione , & com-  
precat one , quasi cælesti quodam ro-  
re perfusus , fragrantiam veluti san-  
ctitatis ac gratiæ ubique spirat : itaut  
de Sacerdote illum fideliter deferen-  
te , ipsa Ecclesia dicere possit *Gen. 27.2.*  
*odor filij mei , sicut odor agri pleni cui be-*  
*nedixit Dominus : eique aptari queat il-* *Cor. 2.*  
*lud Apostoli , Christi tonus odor sumus*  
*in omni loco : Vnde fit vt non modo ip-*  
*sus Sacerdotis sermones quide-*  
*pierate , etiam in familiari conuersa-*  
*tione instituuntur , ex habitu illo Ec-*  
*cle-*

lib. de  
pallio.  
c. ult.

clesiastico virtutem quandam & efficaciam hauriant: *sed etsi eloquium quiescat, ut ait Tertullianus, ipse habitus sonat, occursumque suo vitia suffundit.* Quare merito cum eodem concludere possumus, grande esse habitus illius Ecclesiastici beneficium, *sub cuius recognitione reprobi mores erubescunt.*

Quod igitur de prisco Atheniensium duce refertur, illum scilicet quoties vestem ducalem indueret, sibi ipsi dicere solitum: *vide, ne quid indumento isto indignum feceris:* hoc longè potior ratione cuius Christi ministro apparari potest, ut scilicet sacri illius ministerij habitum insigniaque reliqua tanti faciat, seque adeo illius gestatione honoratum reputet, ut nihil unquam admittat, quod eius dignitati quovis modo aduersetur, nihil quod illius sanctitatem minus deceat, aut Religionis pietatisque odorem ex eo diffundendum usquam impediatur, proindeque habitum illum tonsuramque exactè constanterque deferendo, sibi aduersus quæcunque salutis pericula tutelam, alijs verò & edificationem, & utrisque ad virtutes incitamentum indefinenter procuret.

Porro qualis debeat esse habitus & tonsura clericalis, quæ illius ratio & forma, iuxta sacrorum canonum sanctiones non hic differimus, cum

id

id in plerisque alijs libris, ac præsertim in appendice medullæ nostræ Theologicæ explicatum reperiri possit.

## CAPVT IV.

*Tertium medium, conuersatio & contubernium cum ijs, qui vitæ Ecclesiasticæ san-ctimonia commendabiles se exhibent.*

**M**elius est esse duos simul quam unum (inquit Sapiens) habere vim emolumentum societatis suæ: ut soli, quia cum ceciderit non habebit subleuantem se. Et rursus alio in loco, cum sapientibus & prudentibus tracta, & viri iusti sint tibi conuiuæ; &, qui cum sapiente graditur, sapienter erit. Eccl. 4.  
Eccl. 9.  
Prc. 13.

Quibus quidem verbis ostendit, appetendam esse bonorum ac iustorum societatem tanquam valdè proficuum, & salutarem: quod cum cuique consultissimum sit, tum maximè Christiano Sacerdoti, & cuius Ecclesiastico viro non modo utile, sed & aliquo pacto necessarium esse videtur: cum enim ratione ministerij sui frequenter in mundo, tanquam in medio nationis. Phil. 2.

pra-



*praua ac peruersa* vt loquitur Apostolus, *versari debeat*, ac tanquam luminare, quoddam, virtutum exemplo præfulgere; necesse habet aliquod sibi constituere perfugium, vbi in laboribus solarium quærere, ac in tentationibus auxilium nouasque vires resumere queat: hoc autem nullibi melius aut commodius quam in piorum Sacerdotum, aliorumque probatorum Ecclesiasticorum conuersatione reperire potest, cum in ea, & ex ea, plurima & varia emolumenta spiritualia colligantur.

Ac in primis exemplum illorū, tū ad vitiorum, si quæ supersint, emendationem tum ad repiditatis, & pusillanimitatis correctionem, feruorisque innouationem efficacissimum est: *Malum enim quod nemo videt nemo arguit*, vt sapienter obseruat D. Bernardus, & ubi non timetur reprehensor, securius accedit tentator, & liberius perpetratur iniquitas. Vnde, vt idem alio in loco rectè docet, *nihil periculosius est quam solum luctari* *ser. 3. de* *circ.* *nihil tutius quam multorum una pugnantium manibus ad uari.*

Præterea in illa bonorum locierate, si quæ occurrat in ministerij Ecclesiasticis difficultas, auxilium faciliè reperitur; si quæ dubitatio, præsto est consilium: si quæ molestia, aut angustia premit, non longè est solatium; ac de-

demum in quibuscumq; vitæ casibus, & etiã in ipsa morte, subsidia & adiumenta quæcumque spiritualia, imò etiam corporalia suppetunt,

Ex quibus patet quantum conferre possit ad profectum & perseverantiam in virtute, piorum ac probatorum Ecclesiasticorum conuersatio, & etiam potiori adhuc ratione contubernium, id est, si non modo quis cum iis crebro versetur, quod quidẽ semper vtile est, sed & si fieri possit cum iisdem commoretur, illisque tum habitatione tum vitæ Ecclesiasticæ exercitiis iunctus sit.

Suadet autem sanctus Ambrosius, *l. 1. off. c. 43.* præsertim iunioribus clericis, ut adiungantur probatissimis quibusque senioribus nam ut aequalium usus dulcor, ita senum tutior est, qui magisterio quodam & ductu vitæ colorat mores adolescentium, & velut murice pietatis inspicit; nã si hi qui sũt ignari locorum, cum solerti viarum ter adoriri gestunt; quanto magis adolescentes cum senibus debent nouum sibi iter vitæ ingredi, quominus errare possint, & à vero virtutis tramite deflectere.

Ex quibus quidem huius S. Patris verbis obiter colligere possumus, quã salubre sit ipsis, præsertim iunioribus Clericis, aliquanto tempore in seminario aliquo Ecclesiastico commorari, ut ibi tum probatissimorum Sacerdotum exem-

exemplo, & conuersatione proficiant  
tum vt in solidæ pietatis praxi insti-  
tuantur, tum etiam, vt in muneribus  
functionibusque Ecclesiasticis exer-  
ceantur.

Ex hac insuper sancti Ambrosii do-  
ctrina, aliud pietatis axioma, idque  
maximi momenti elicitur; quod etiam  
illustrissimus Antistes Gebénensis in  
p. I. c. 4. sua Philothea præcipuè commêdat, ni-  
mirum non modo piorum exemplis &  
conuersatione, sed etiam peculiari  
duce ac magistro in virtutis semita o-  
pus esse; nusquam enim inter varias  
periculosissimasque vitæ huius tenta-  
tiones tutiùs ambulari potest, nusquã  
certiùs voluntas diuina dignosci, quam  
eiusmodi spiritualis magistri consilio,  
ac monitis. Vnde etiam illustrissimus  
alter Antistes sapientissimè edixit, *hoc*  
*Arch.* *remedium datum esse à Deo, vt qui sua*  
*Brac. lib.* *se prudentia curare non potest, aliena iuue-*  
*de mor.* *tur: & quamuis contingat eum falli, &*  
*pres. p. 1* *errare qui consilium dat. non fallitur sa-*  
*men qui accipit, quando ex mandato*  
*Domini sequitur consilium eius.*

Quare vt cum Sapiente hoc capitu-  
lum concludamus, cum viro sancto  
Eccl. 27 assiduus esto, quemcumq; cognoueris obser-  
uantem timorem Dei, cuius anima est se-  
cundum animam tuam, & qui cum tibi  
baueris in tenebris condolebit tibi: cor boni  
consilij statuet tecum, nõ est enim tibi aliud  
pluris illo.

C A.

## CAPVT V.

*Quartum medium ad p. rse-  
uerandum, crebra de  
rebus Ecclesiasti-  
cis collatio-  
nes.*

**Q**uantum ad solidæ virtutis incre-  
mentum, & in incremento illo  
perseuerantiam conducere  
possint collationes illæ, quæ de rebus  
ad pietatem religionemque spectan-  
tibus instituuntur, & quam vberes  
fructus afferre soleant, præter exem-  
pla propè innumera sanctissimorum  
virorum, qui, ut ex SS. Basilio, Hiero-  
nymo, Cassiano, & alijs discimus, hac  
præsertim ratione ad perfectionem  
consecrandam vsi sunt vel ex ipsa  
quotidiana experiëntia constat: si enim  
inquiratur quid ad Cleri reformatio-  
nem promotionemque in bonum, his  
vltimis tēporibus potissimū contule-  
rit, inuenietur inter alia media, quæ  
illustrissimorum Præsulum vigilantia,  
& zelo ad hunc finem adhibita sunt,

*Basil. in  
reg. fus.  
c. 14.  
Hier. ep.  
22. ad  
Eustoc.  
Cass. in  
præ ad  
collat.*

vnum ex præcipuis & saluberrimis  
fuisse indiçtionem congregationum ,  
quarundam inter Pastores, Sacerdo-  
tes, aliosque viros Ecclesiasticos, sta-  
tis temporibus in sua cuiusque Dico-  
cesi habendarum, in quibus de rebus  
ad mores, aut Ecclesiasticam disci-  
plinam pertinentibus colloqui inter  
se & conferre deberent.

Sanè ipse Sanctus Carolus Borro-  
maus, cuius indefessum zelum in in-  
stauranda disciplina Ecclesiastica ne-  
mo nescit, adeo vtilis, & proficuas  
eiusmodi collationes existimauit, vt  
*In inst.* (quod ex Mediolanensis Ecclesiæ actis  
*sem. e. 5.* discimus) tria congregationū genera,  
in quibus eiusmodi collationes fierent  
haberi voluerit. Vnam per singulas  
hebdomadas in ipsiſedibus Archiepi-  
scopalibus, ad quam qui in Seminario  
instituebantur conuenire deberent, vt  
de ijs, quæ ad studia, mores, discipli-  
namque Ecclesiasticam pertinebant,  
*Conc. 2.* colloquerentur. Alteram in vnaqua-  
*Med. tit.* que Parochia, cui adscripti forent ad  
*2.* minus quinque Sacerdotes, quos bis  
per hebdomadam quamque à Paro-  
cho conuocari oporteret, vt inter se  
de aliqua vel Catechismi Romani le-  
ctione, vel Theologiæ moralis qua-  
stione, aut Synodi Prouincialis, seu  
Dioecesanæ constitutione conferrêt,  
ad quam congregationem etiam Cle-  
rici

rici qui inter illius Parochiæ fines habitabant, admittebantur. Tertiam denique inter ipsos Parochos. Qua de causa Mediolanensis Diocæsis in quasdā regiones partita fuerat, quarum vnicuique Vicarius foraneus præfectus erat, qui congregationi Parochorum cuiusque regionis præesse debebat: & in hac congregatione ipsi Parochi de ijs præsertim rebus, quæ ad boni Pastoris officium, & ad curā animarum rectè gerendam spectabant, colloquebantur.

*Corc. 4.  
Medio-  
lan. tit.  
de par.*

Neque hæc congregationum & collationum institutio sine maxima ratione ab illo sancto, alijsque Episcopis eius virtutis æmulatoribus facta est: Cum enim (ut loquitur Isidorus) sit utilis ad instruendum lætio, adhibita tamen collatione maiore præbet intelligentiam: melius est enim conferre quam legere; collatio siquidem docibilitatem facit, &c. quid enim obscurum, aut dubium est, conferendo cito perspicitur. Et quod præcipuum est, in illis collationibus experitur quisque quàm verum sit id quod Christus Dominus in Euangelio edixit: Vbi duo, vel tres congregati fuerint in nomine meo, ibi sum in medio eorum.

*lib. 3. de  
sum. c. 14*

*Mat. 18*

Si igitur ad commune ipsius Ecclesiæ bonum collationes illæ adeo sa-

lubres sunt & proficua: certè ad particularem cuiusq; Sacerdotis profectum non nisi aptissimæ & utilissimæ esse possunt: ac proinde quando in eo loco versatur in quo institutæ sunt, ad illas quantum in ipso est aditum sibi procurare, & si pateat, in iisdem assiduum se præbere, studiumque & operam ad fructum inde colligendum ponere debet.

Imo si illic ubi commoratur nullæ eiusmodi habeantur collationes, ad zelum illius spectabit, omnibus quibus poterit modis eniti, ut Superiorum auctoritate instituantur, sacerdotesque & alii Ecclesiæ ministerio mancipati ad collationes illas frequentandas convenientibus modis excitentur.

Porro plurima sunt eaque diversa, quæ in eiusmodi collationibus utilissimè pertractantur; quidam enim de casibus ( ut vocant ) conscientia in illis colloquuntur, proponuntque, v.g. quæstionem aliquam morali Theologiæ discutiendam; super qua refertur, quod quisque ex privata lectione in probatis authoribus dedicerit. Alii de scripturis disserunt, & excerpto themate aliquo, verbi gratia, ex Evangeliorum libris, aut psalterio, super illius explicatione cō-

su-

fulunt vnusquisque sanctum aliquem Patrem, aut alium probatum interpretem, & quod apud illum legerint, hoc ad communem vtilitatem & instructionem conferunt.

Alij rituale Romanum, aut suæ Dioecesis proprium, præ manibus assumunt, & de optima praxi eorum, quæ inibi continentur, inter se differunt. Alij præcipuas muneris Sacerdotalis functiones, verbi gratia, Catechisticam instructionem, & alias similes deligunt, & quis sit optimus eas exequendi modus inquirunt. Alij denique de virtutibus Sacerdotum, Clericorumque inter se colloquuntur, quaruntque qua ratione illis acquirendis & exercendis, vitijsq; oppositis radicitus euellendis incubere possint.

Optimum videtur ista intermiscere, & ad animum magis excitandum, vitandumque fastidium, nunc de illo subiecto conferre, nunc de alio: ita nihilominus vt præcipuus locus detur studio earum virtutum quæ ad perfectionem Sacerdotalem assequendam magis æstimantur necessarie, aut vtilis. Et de quocumque subiecto ipsa collatio instituatur, illud præsertim obseruandum erit, vt ea quæ dicuntur, non ad pompam, aut ingenij, seu doctrinæ, vel elocutionis ostentationem, sed eo simplici, & vni-



eo intuitu in medium proponantur, ut unusquisque (sicut ait Apostolus) in ea vocatione qua vocatus est dignè ambulet; ac in veræ pietatis virtutisque studio proficiat, & perseueret; seque ad maiorem Dei gloriam & Ecclesiæ ædificationem procurandam magis, ac magis aptum & idoneum reddat.

## CAPVT VI.

*Quintum medium ad perseuerandum, frequens, ac deuota sanctissimi Missæ sacrificij celebrationio.*

**Q**UOT & quantæ gratiæ, ac benedictiones per sanctissimi huius sacrificij celebrationem, in ipsius Sacerdotis celebrantis animâ deriuantur; quam salutaria & efficacia auxilia, tum ad superandas tentationes, tum ad virtutes consecretandas ex eodem hauriantur, nullus pro dignitate explicare, imò nec intelligere sufficit; siue enim mysterium hoc confide-

videretur sub ratione sacrificii, quod à Sacerdote offertur, siue sub ratione Sacramenti, in cuius communionem admittitur: vnde quaque amplissima dona, vberissimi fructus, saluberrimi effectus ex illo diffuunt.

Panis iste supersubstantialis, calixque benedictione solemniter sacras (ut loquitur sanctus Cyprianus) ad totius hominis vitam salutemque proficit, simul & medicamentum & holocaustum, ad sanandas infirmitates & purgandas iniquitates exstans, & sanctus Ambrosius: omnia, inquit, habemus in Christo, & Christus omnia nobis est. Si vulnere curationem desideras, medicus est; si febris astuas, fons est; si iniquitate grauaris, iustitia est; si auxilio indiges, virtus est; si mortem times, vita est; si tenebras refugis, lux est; si cibum quaris, alimentum est; si calum desideras, via est.

Cum igitur Sacerdos ut homo infirmitate circumdatus in huius vitæ peregrinatione variis conflictetur miseriis, ac sæpissimè auxilio, luce, refrigerio, refocillatione; aliisque spiritualibus subsidiis indigeat: opus illi est quam frequenter ipsam gratiam, ac misericordiam fontem adire: ut in ipso, & ex ipso aquam illam hauriat, quæ fiat in eo fons aquæ salientis in vitam æternam.

*ser. de  
cæn. Dñ*

*lib. de  
Virg.*

2 m. 13  
n Cant.

Vt enim optimè dixit sanctus Bernardus : *Orgo fontium & fluminum mare, virtutum & scientiarum Dominus Iesus Christus ; proindeque si quid sapientia, si quid virtutis habere te putas, uni Dei virtuti, uni sapientia deputa Christo.*

Pf. 22.

Et sanè experientia satis constat, & testis sibi met ipsa est Sacerdotis conscientia, quantum gratiarum ex digna & frequenti diuini huius sacrificii celebratione percipiat, quantum inde virtutis, ac roboris aduersus impugnationes dæmonum, quantum lucis ad directionem animarum, quantum subsidii, & solatii in quacumque necessitate, & aduersitate accipiat, ut verè dicere possit, & debeat, *parasti in conspectu meo mensam aduersus omnes qui tribulant me ; impinguasti in oleo caput meum, & calix meus inebrians quam praeclarus est, & misericordia tua subsequetur me omnibus diebus vitae meae.*

Sap. 7

Verè, inquam, de salutari illa hostia, quam offert & accipit, profiteri debet : *omnia bona venerunt mihi pariter cum illa, & innumerabilis honestas per manus illius ; idque eo plenius, & affluentius, quo gratia hæc celestis, velut per geminæ canale in eius animam irrumpit, sacrificii scilicet, & Sacramenti ; cuius viriusque virtutè*  
per


per huius mysterii celebrationem, in se percipit, cum enim Sacerdos Missam celebrans, & sacrificium offerat, & Sacramentum sumat; nemini dubium est, quin ex utroque, quoties rem diuinam facit, non modo amplissimum iustitiæ, ac sanctitatis incrementum, sed & maximam diuinorum auxiliorum copiam accipiat: si tamen nullum ipsi gratiæ obicem ponat, dispositionesque requisitas afferat: & proinde quo dignius & frequentius diuino altari sacrificaturus assistit, eo plenius ac vberius aquas illas salutis e fontibus Saluatoris haurit.

Quare Christiano Sacerdoti in virtutis semita proficere, ac perseuerare cupienti consultissimum est, quotidie ad sanctissimum hoc Missæ sacrificium celebrandum, quam maxima poterit religionē, ac deuotione sese disponere, idque exemplo sanctissimorum quorumcumque Sacerdotum de quibus cum plura, & varia referantur virtutum exercitamenta, illud fermè commune omnibus legitur, eos quotidie diuinæ huius hostiæ immolationem peregissee, eidēque participasse; quod & hoc tempore à piis quibuslibet Sacerdotibus, vbique cum summa totius Ecclesiæ ædificatione, & ipsorummet celebrantium profectu fieri perspicimus.

S s

Ad

Ad hanc autem quotidianam Missæ celebrationem dignè exequendâ, tum iis quæ parte secunda huius libri capite septimo dicta sunt, iuari poterit, tum maximè vitæ, ac morum sanctitate, ac iugi obseruatione eorum, quæ toto eiusdem libri decursu proposita sunt: sic enim) vt cum Sancto Bernardo concludamus) *no-*  
*l. de ord. bis viuendum est, vt panem illum*  
*vir. supersubstantialem semper acciper-*  
*mereamur, quia. va ei qui se alie-*  
*num fecerit ab eo; & multum va*  
*illi, qui spurcus & immundus accef-*  
*serit, utrobique grande periculum,*  
*ideo magna necessitas instat,*  
*ne indigni inuenia-*  
*mur.*



## CAPVT VII.

*Sextum medium ad perse-  
uerandum, Specialis er-  
ga sanctissimam Vir-  
ginem Deiparae  
deuotio.*

**P**urimæ quidem suppetunt ratio-  
nes, ob quas Christianus Sacer-  
dos specialem Deiparae Virgini ob-  
seruantiam, ac deuotionem deferre  
tenetur; varij eximijque tituli, qui-  
bus veluti totidem sacris vinculis, pe-  
culiari erga eam venerationi & cultui  
astringitur: si enim illa æquè in Ec-  
clesia militante in terris, ac triumphā-  
te in cœlis, Domina & Regina a-  
gnoskitur, & colitur, sanè ab eo præ-  
fertim, cultus & honor illi deferen-  
dus est, qui tâquam Ecclesiæ minister,  
in officiis Religionis, ac pietatis alio-  
rum Christianorum vices supplere  
debet: Si Christi Dei, & Domini no-  
stri mater est, hâc haud dubiè pe-  
culiari affectu, amore, ad deuotione  
prosequi debet is, qui cum Diuino eius  
Filio, quadam Religionis veluti affi-  
nitate speciatim coniunctus, cum eo

sanctissimis mysteriis perficiendis iugiter cooperatur; illumque ipsum in manibus quotidie deservit, quem hæc purissima virgo & mater toties inter vlnas & in sinu gessit.

Sed præ cæteris titulis, rationibusque, hoc præsertim nomine deuotus illi esse debet, quod ad diuinum ministerium delectus, plurimis eximisque gratiæ donis indiget ad illud fideliter perfecteque implendum, plurimis maximisque subsidis ad superandas difficultates occurrentes, tentationesque vincendas: ad illa autem auxilia & subsidia efficaciter impetranda, quantum sanctissimæ illius Virginis valeat intercessio, & patrocinium nullus fidelium ignorat.

*ser. 2. in  
Missus  
est*

*Ipsa namque, vt eloquitur Sanctus Bernardus, est nobilis illa stella ex Iacob orta, cuius radius vniuersum orbem illuminat, cuius splendor & præfulget in supernis, & inferos penetrat, terras etiam perlustrans, & calefaciens magis mentes, quam corpora, fouet virtutes, excoquit vitia. Ipsa namque est præclara & eximia stella super hoc mare magnum & spatiosum subleuata, micans meritis, illustrans exemplis.*

Pergit deinde: *O quisquis igitur te intelligis, in huius sæculi profluvio, magis inter procellas & tempestates fluctuare, quam per terram ambulare; ne auer-*  
*tas*

tas oculos à fulgore huius syderis, si non vis obrui procellis. Si insurgant venti temptationum, si incurras scopulos tribulationum, respice stellam, voca Mariam. Si iactaris superbia vasis, si ambitionis, si detractiois, si amulationis, respice stellam, voca Mariam. Si iracundiâ, aut auaritia, aut carnis illecebra nauticulâ concusserit mentis, respice ad Mariam, &c. in periculis, in angustiis, in rebus dubijs, Mariam cogita, Mariam inuoca; non recedat ab ore, non recedat à corde.

In quibuscumque periculis, inquit *Opusc. 8*  
 Doctor Angelicus, à quouis malo liberari, salutemque obtinere gloriosa huius Virginis intercessione potes; hac est enim mystica turris: a qua, ex qua mille elypei pendunt, id est quatuor remedia, aduersus omnia & quavis pericula; potes etiam in omnibus occasionibus exercenda virtutis subsidium auxiliumque ab eadem Virgine accipere, ideo enim dicit, in me omnis spes vita, & virtutis.

Et quoniam ad promerendam huius sanctissimæ Virginis beneuolentiam, non sufficit eam vel honorem prosequi, vel precibus inuocare, nisi etiam eius veluti colores gerat, id est; nisi virtutes eius imitetur, is præsertim qui Christi filii eius ministerio deinctus est, ac veluti domesticus effectus: idcirco sanctus Bernardus verbis



bis supra relatis addit, & ut impetrea  
eius orationis suffragium, non deseras  
conuersationis exemplum; ipsam namq;  
sequens, non denias; ipsam cogitans, non  
erras, &c.

Hæc autem omnia, siue ad cultum  
& honorem, siue ad inuocationem,  
siue ad imitationem huius sanctissimæ  
Deiparæ Virginis spectantia, fusius ex-  
posita reperientur in libro ante ali-  
quot annos Gallico idiomate à nobis  
edito, cui titulus est, *Traditio Ecclesiæ,*  
*circa specialem deuotionem Christiano-*  
*rum erga sanctissimam Virginem Mariam*  
*Deiparam, ex sacris Scripturis, actis Cõ-*  
*ciliorum, sanctorumque Patrum, ac ce-*  
*liberrimorum. historia Ecclesiastica*  
*scriptorum libris collecta; cum eiusdem*  
*deuotionis praxi, secundum documenta,*  
*ac exempla Sanctorum, usumque & au-*  
*thoritatem Ecclesiæ.*

In quo quidem libro Christianus  
Sacerdos si libeat, multa & præclara  
Religionis Christianæ monumenta  
per cuiusque sæculi seriem dispo-  
sita, plurima etiam ad praxim illius  
erga sanctissimam hanc Virginem de-  
uotionis, ex ijsdem fontibus hausta  
reperiet: vnde non sibi modo, sed &  
aliis prodesse, ipsiusque Deiparæ cul-  
tum, in suo aliorumque animo ac cor-  
de fouere, ac promouere poterit.

## CAPVT VIII.

*Septimum medium ad perseverandum, secessus annuus.*

**S**I omnibus veræ ac solidæ pietatis Spectatoribus utilissimum est, ut non dicam aliquo pacto necessarium, interdum ab alijs negotijs & occupationibus se se subducere, & soli Deo, sibi que ipsi in secessu aliquo spiritali vacare, quod vel ipsa experientia satis constat: multo magis hoc de Sacerdotibus, alijsque Ecclesiæ ministris censendum est, ut pote qui ad altiorem sanctitatis gradum euecti, & nihilominus varijs curis sollicitudinibusque pro cultu Religionis, animarumque subsidio distenti, maioribus & efficacioribus adiumentis, ad pietatis vigorem charitatisque fervorem fouendum, ac conservandum indigent.

Dum enim per varias actiones, inquit Sanctus Leo, vita huius sollicitudo distenditur, necesse est de mundano pulvere, etiam religiosa corda sordescere: unde, *Serm. 4. de quad.*  
magna diuina pietatis dignatione prouisum

*sum est, ut ad reparandam mentium puritatem aliquot dierum nobis exercitatio mederetur.*

Præterea (ut rectè adnotauit illustrissimus Episcopus Gebennensis) naturæ fragilitas, & carnis concupiscentia, quæ omnibus filiis Adam communis est, animum continuò deprimat, & ad infima detrahit; nisi ipse diuina subnixus gratia, per affectiones & resolutiones pias crebrò iteratas, veluti quasdam spirituales pennas, seipsum ab inferioribus abstrahere; & versus Deum eleuare contendat; quod quidem ut melius & efficacius præstet, opus est interdum, à tumultu rerum temporalium, ut loquitur sanctus Gregorius, secessum petere, in quo Deus tantò purius cernitur, quantò cum se solo, solus inuenitur.

Phil p. 5  
6. 1  
hb. 4.  
mor. c.  
28.

Dicat igitur, si libet, quiuis Christi ministerio addictus, prouectionis suæ & perseuerantiæ in virtute cupidus; Dicat, inquam, interdum cum Propheta, *contristatus sum in exercitatione mea, & conturbatus sum à voce inimici, & à tribulatione peccatorum: cor meum conturbatum est in me, & formido meritis cecidis super me: & dixi, quis dabit mihi pennas sicut columba, & volabo & requiescam, ut sic fugiens, & conturbationibus mundi elongatus, maneam in*

Pf. 54.

in solitudine, & ibi expectem eum,  
*qui saluum me faciat à pusillanimitate  
 spiritus, & tempestate.*

Porro, vt rectè ac fructuosè instituat<sup>r</sup> hic spiritualis secessus (quem quotannis per octo aut decem dies, si commodè possit, fieri expedit) quædam hic breuiter adnotabimus, quæ vtilia sunt obseruatu minimè inutilia.

Primum est, vt qui secessum illum meditat<sup>r</sup>, priùs apud se perspiciat, quo fine illum appetat, quidve in eo potissimum efficere intendat: neque enim solummodo quietis & tranquillitatis al cuius in eo degustandæ gratia, aut spiritualis cuiuspiam operis, quod ardet, exercendi, aliaue simili de causa secedendum ipsi est; sed vt iudicalem veluti quendam processum in semetipsum instituat, cunctasque animi sui dispositiones perspiciat, ac diiudicet; & si quas in se vitiosas habitudines, aliosque morales defectus deprehendat, ra-<sup>ti</sup>o citùs euellere nitatur, ad idque gratiæ diuinæ auxiliū suppliciter expetat, eiusque robore subnixus ad acquirendas virtutes sibi maximè necessarias, vocationisque suæ perfectionem adpiscendam, sese disponat, & ad id præsertim meditationes, lectiones, aliaque spiritualia exer-

exercitia, in secessu fieri solita ordinet, & impendat.

Secundum est, ut illud secessus animi exercitium libenti animo aggrediatur, non ex tristitia, aut ex necessitate, *hilarem enim datorem diligit Deus*: & si quod tedium, aut fastidium natura persentiat, meminerit quoniā (ut monet Apostolus) *omnis disciplina quidem in presenti nō est gaudij, sed maioris; postea autem fructum pacatissimū exercitatis per eam reddet iustitia*. Dicat igitur in secessum ingrediens, *ecce nunc tempus acceptabile, ecce nunc dies salutis, in his ergo diebus exhibeamus nosmetipsos sicut Dei ministros, &c.*

Tertium est, ut omnes & quascunque sæculi cogitationes & curas ab animo excludat, cogitetque *unum esse necessarium*, vnique proinde illi vacandum, *quid enim prodest solitudo corporis (ut ait sanctus Gregorius) si solitudo defuerit mentis?*

Certè cum trecentis & sexaginta quinque diebus constet annus, nonne rationi consentaneum est, ut cum reliquos omnes in conuersatione hominum impendat, saltem aliquot ex illis seligat quibus vni Deo vacet, seque ad ea disponat, quæ illi accepta & placita esse nouerit.

Quartum est, ut & in illo secessu confessionem peccatorum, velit institue-

tuere, vel generalem totius vitæ, vel ab vltima dumtaxat generali, prout magis expedire videbitur: ad hanc sese ea diligentia præparet, tanquam postrema hæc ipsi confessio facienda foret, vt revera aliqua tandem postrema futura est, & ista æquè, ac alia talis proculdubio esse potest; præsertimque conuenienti peccatorum facta discussione, veros perfectæ contritionis actus elicere studeat, eosdèque sæpius iteratos tanquam saluberrimas ad poenitiæ Sacramentum dispositiones præmittat; exinde cum summa sinceritate animi sui occultissima quæque confessario, seu patri spirituali aperiat, humiliterque eius monita, & consilia auscultet, ac postea fideliter exequatur.

Quintum denique est, vt ordinem sibi agendorum in illo successu præscribat, quo & ædium omne tollatur, & acceptabile illud tempus piè ac fructuosè impendatur. Sûnt autem varia pietatis opera, quibus vnamquamque secessus illius diem, vtilissimè impendere poterit, quorum præcipua sunt: Meditatio seu oratio mentalis, quæ ter, aut quater, singulis diebus instituetur, pro cuiusque facultate & dispositione. Officij diuini attempta, & deuota recitatio, sanctissimi Missæ sacrificij celebratio, lectio spiri-  
ritua.

ritualis, &c. quæ quidem & alia similia exercitia eo ordine si ita videbitur disponet, ut scilicet hora certa præstituta, quæ è somno surgere debeat, post exercitium matutinum, primam inchoet meditationem : quæ finita, præcipuas ( si expedit ) resolutiones in ea assumptas scripto breuiter adnotet, postea horas canonicas primam & tertiam recitet, tum ad Missæ sacrificium celebrandum se disponat : Missa peracta tempus aliquod lectioni spirituali impendat; exinde hora conuenienti secundam instituat meditationem, & immediatè ante prandium sextam recitet, ac recollectionem aliquam faciat super exercitiis toto tempore matutino peractis.

Ipsum verò prandium moderata aliqua subsequatur animi relaxatio, quæ nihilominus talis sit, ut nullum mundi cogitationibus, aut curis adiutum præbeat : postea nonam recitet, tum spirituali lectioni vacet : deinde tertiam peragat meditationem, vel si hora minus commoda videatur, loco meditationis, considerationem aliquam piam & utilem instituat præsertim de optima ratione agendorum, & delictu mediorum aptissimorum ad virtutes consecretandas, vitiaque ex animo eliminauda; & adnotatis ijs, quæ vide-

debuntur, recitet vesperas cum completorio, tum lectioni spirituali aliquantulum vacet, exinde ultimam perficiat meditationem: ac demum hora competenti maturinum officium sequentis diei cum laudibus exoluat; & post coenam, modicamque aliquam animi remissionem examen conscientie instituat, solitisque precibus completis, hora destinata se ad quietem necessariam captandam in lectulo modestè componat.

En quibus exercitiis possit vnaquæque dies in illo secessu fructuosissimè impendi, quæ hic rudi penicillo vtrique adumbravimus, quod minimè ob stare debet, quin vnusquisque de consilio præsertim alicuius pij, ac prudentis viri, ordinem illum supra descriptum, vt sibi commodius videbitur immutare, & alia insuper virtutis exercitia præcedentibus adiungere queat; hoc solum hic admonere sufficiat, plurimum referre, vt omnia hæc singula pietatis, ac religionis opera, quam fidelissimè & exactissimè paragatur, idque eò magis, quo is qui in secessu est, actuum tuorum tunc solum Deum restem habet, illiusque solius oculis placere contendit: & præsertim in meditationibus, eo quo poterit meliori modo instituendis operam collocet, cum præcipuus ex ijs fructus

ex-



expectetur, & talis ferè quisque sit in aliis exercitiis, qualem se in oratione, & meditatione exhibuit.

Quamvis autè plurimi reperiantur ijque optimi libri; ex quibus meditationum illarum, quæ in secessu fiunt, varia materia, eaque ordine pulcherrimo digesta peti possit: attamen ut nihil hic desideretur eorum, quæ ad Christiani Sacerdotis subsidium conferre queunt; certa quædam capita eius obligationibus officijsque maximè apta & conuenientia selegimus, atque in triginta meditationes distributa, ad huius operis calcem subiecimus; quibus si addantur decem aliæ in prima eiusdem operis parte exscriptæ, ex illis omnibus quivis haurire poterit ea, quæ devotioni eius & dispositioni magis congruere videbuntur.

Atque ut maiori cum luce & fructu in illis meditationibus procedatur, omnia & singula ad perfectionem Sacerdotalem spectantia eo disponentur ordine; ut primum in Christo Domino considerentur, tanquam in primo & summo Sacerdote, virtutumque omnium Sacerdotalium absolutissimo exemplari: Deinde perspiciatur qua ratione quivis Sacerdos ipsum Christum affectari, seseque illi conformare in quacumque actione & virtute quam perfectissimè possit.

M E.

## MEDITATIO I.

*Christus Dominus; perfectissimum Sacerdotum exemplar.*

I. **C**onsidera filium Dei, è cælis in terras à Deo Patre idcirco fuisse missum, ut diuinam imaginem, in homine per peccatum oblitteratam, & fermè deletam quam perfectissimè instauraret: & ea ratione, ipsum filium Dei incarnatum, seipsum tanquam absolutissimum virtutum exemplar cuilibet homini proposuisse, ut se illi conformando, Diuinæ similitudinis splendorem recuperaret.

Obstupefce super calamitoso illo humanæ naturæ statu: Verè, *homo cum in honore esset non intellexit, comparatus est iumentis insipientibus, & similibus factus est illis.* Mirare Dei bonitatem: Domine quid est homo, quod memores eius? Gratias age pro diuino illo exemplari, æquè tibi atque alteri cuilibet homini ad imitandum proposito.

Pl. 48.

2. Con-

2. Considera Christum Dominum præsertim discipulis suis, & proinde Sacerdotibus suis se in exemplar & formam virtutis, ac perfectionis dedisse, ideoque se illorum Magistrum peculiari ratione professum esse: *Magister vester*, inquit, *unus est, Christus*, qui scilicet virtutis affectandæ, perfectionisque assequendæ rationem, & modum ostenderet; idque tum saluberrimis documentis, tum etiam maximè præclarissimis exemplis. *Exemplum enim*, inquit, *dedi vobis, ut sicut ego feci, ita & vos faciat*.  
*Mat. 23*  
*Ioan. 15*  
*ll. 2. de*  
*virg.*

*Primus discendi ardor*, inquit S. Ambrosius, *nobilitas est magistri* Quid nobilius ipso Dei filio: & tamè quis pudor, sub diuino illo Magistro, tã infelicitè proficere, tã lètè progredi, imò deficere potius quam proficere, regredi potius quam progredi; Sed quam stupenda & damnaibilis insensibilitas, ipsius Dei propter nos hominis facti exemplis, vix, aut nullatenus promoueri? excutiamus igitur torporem illum, *exuamus nos veterem hominem cum actibus suis, & si portauimus imaginem terreni, portemus & imaginem celestis*.  
*Coloss. 3*

3. Considera Christianum Sacerdotem alio adhuc titulo teneri ad imitationem ipsius Christi: quia  
 sci-

scilicet alios Christianos non verbo solum, sed præsertim exemplo suo ad diuinum illum Saluatorem imitandum debet inducere : ita vt cuique dicere possit cum sancto Apostolo, *imitatores mei estote, sicut & ego Christi.*

Phil. 3.

Vide igitur, an hoc verè dicere queas? aut saltem an talis esse velis, qui hoc verè aliis dicas? & ad hunc finè, ipsius Christi imitandi nouū firmumq; propositum concipe : perspice in quibus præsertim imitatio illa tibi sit necessaria : requite in Euangelis quomodo diuinus ille Magister te in omnibus gessit : *Inspice & fac secundum exemplar, quod tibi propositum est: & ad hoc gratiam illius adiutricem suppliciter exposce.*

Exod.  
25.

## MEDITATIO II.

*Christi Domini vita, regula  
vite Sacerdotalis.*

I. **C**ONSIDERA Sacerdotis Christiani vitam adeò sanctam & perfectam esse debere, vt, iuxta effatum Apostolicum, *in eius carne mortali vita Christi manifestetur;* itaut cum eodem verè dicat, *vino ego, iam non ego,*

2. Cor. 4

T vi-

*Gal. 2.* *vixit vero in me Christus.* Hoc autem præstare nullatenus potest, nisi ipsius Christi vitam tanquam vitæ suæ normam & regulam sibi proponat, à qua, ne minimum quidem sibi deflectendum esse arbitretur.

Vide igitur an talem te exhibueris? an vita Christi vitæ tuæ norma fuerit & etiamnum sit? heu, si hoc coram Deo attentè perspexeris, quanta vitæ tuæ ab illius diuinæ vitæ norma & regula diuersitas? & si dicere liceat, quanta & quam infelix vitæ tuæ enormitas, & irregularitas à te deprehenditur: si igitur huc usque *alienam regulam* sequutus es, à modo propone vitam tuam, sensus, sermones, & actus tuos dirigere, *secundum mensuram illius regula, qua mensus est tibi Deus.*

*Ibid.*

2. Considera normam illam, & regulam vitæ Christi Domini præsertim reperiri in sacris Euangelis, ideoque à te in illis sedulo requirendam esse; & Euangelia ipsa deuote humiliterque tibi esse legenda & meditando, consecretandumque illius sanctæ Virginis pium & religiosum studiū, de qua dicitur, quod *Euangelium Christi portabat in pectore suo, & neq; diebus, neq; noctibus ab illius meditatione vacabat.* Itaut illa æternæ vitæ verba geras transfixa visceribus tuis.

Ad

Ad hoc autem plurimum conferre poterit, si quotidie capitulum aliquod ex sacris euangelijs, aut alijs noui testamenti libris attente, ac deuotè perlegas; idque exemplo sancti Caroli Borromæi, nudo capite, flexisque genibus.

3. Considera Diuinam hanc regulam, humano sensui, & gustui paulo duriores, & asperiores initio videri, sed crede potius ipse finis veritati asserenti *ingum eius suauis esse, & onus eius leue*; hacq; solummodo ratione veram solidamque animæ tuæ requiem posse inueniri: crede Apostolo edicenti *quicumque hanc regulam sequuti fuerint, pax super illos, & misericordia*; proindeque licet reclamante natura, mundo aduersante, fremente diabolo, hanc regulam salutis toto corde amplectere; hanc vt verus & fidelis Christi discipulus, constanter profirere; in hac perseueranter vsq; ad vltimum vitæ tuæ spiritum remanere propone propositumque illud offer, Deo, & eius gratiam ad illud implendum suppliciter exposce.

Mat 11

Galat. 6

## MEDITATIO III.

*Christi Domini virtutes ab  
eius Sacerdotibus præser-  
tim confestanda.*

I. **C**onsidera, quod quamvis Christus Dominus virtutes omnes in gradu superexcellētissimo habuerit, non tamen omnium actus æqualiter exercere voluit; sed eas sibi peculiari studio affectandas delegit, quas muneri sibi à Deo Patre imposito magis congruere arbitratus est: eas scilicet, quæ ad salutem hominum procurandam utiliores, aut aptiores erant; cum ad hoc in hunc mundum venisset, ut peccatores saluos faceret. Ideoque Sacerdos, qui in partem illius Diuini ministerii vocatus est, quique se totum pro saluandis animabus impendere, & superimpendi debet, hac peculiari ratione tenetur virtutes easdem sibi deligere, & Domini sui vestigiis inhaerere.

Heu quantos profectus in Ecclesia faceret is qui se talem exhibere niteretur? & quid mirum si vsque modo

do in Christi Domini Ecclesia seruus inutilis extitisti, cum in affectandis illius virtutibus adeo negligentem te præbueris.

3. Considera Christum Dominum eas sibi virtutes exercendas delegisse, non quæ maiorem in oculis hominum fulgorem emitterent. sed quæ ex se solidiores, & excellētiore essent, ac Deo Patri suo acceptiores: proindeque eas virtutum occasiones libenter amplexatum fuisse, in quibus perfectior Dei dilectio & glorificatio, fructuosior animarum edificatio, & suipsius maior humiliatio, abnegatio, & mortificatio reperiretur: hoc in natiuitate, hoc in toto vitæ decursu, hoc denique in passione, & morte constanter perfecit.

En qua ratione optimè te geras in delectu virtutum, vt scilicet eas præsertim conſecteris, non quarum praxis tibi magis arridet, aut quibus famam tibi, & existimationem apud alios conciliare possis; sed quæ te Christo Domino magis conformem, & ministerio tuo exequendo aptiorem efficere queant.

3. Considera Christum Dominum non modò delegisse virtutes illas quas muneri suo aptissimas, & Deo Patri suo acceptissimas esse nouerat,



sed & eas excellentissimo modo exercuisse, proindeque ipsas virtutes in eo fuisse perfectissimas, & omnibus numeris suis absolutissimas: ex quo discere debes quâ ratione regeas in virtutum illarum delectarum praxi, non perfunctoriè, non oscitanter, non remissè, aut repidè, sed cum diligentia & sedulitate, cum feruore, & affectu, tanquam Deo per omnia placere exoptans; ideoque præstat non plarium virtutum simul, sed vnius duratæ exercitium (aliis tamen minime neglectis) peculiari studio per aliquod tempus amplecti, illius nimirum, quam tibi maxime necessariam, aut muneri tuo magis congruam, vel vtilem esse deprehendes, idque si opus sit, de pij alicuius, ac prudentis viri consilio.

## MEDITATIO IV.

*Christi Domini humilitas.*

- I. **C**onsidera Christum Dominum iugiter semetipsum humiliasse, idque à primo conceptionis instanti, usq; ad mortem, mortem autem crucis; (yt loquitur Aposto-

stolus) hancque præsertim humilitatis virtutem ex se discendam proposuisse discipulis suis, cum dixit, *discite à me quia mitis sum & humilis corde;* Mat. II. nec solum ad eius præsim eos inuitasse exemplis, sed & verbis comminatorijs compulisse; cum proposito coram illis paruulo edixit; *Amen dico vobis, nisi conuersi fueritis, & efficiamini sicut paruuli, non i- trabitis in regnum cælorum.*

Mat. 18

Vide igitur quo animo hæc Christi Domini exempla, documenta, præcepta de humilitatis virtute aurea exceperis, aut saltem nunc excipere velis? an ipso Dei filio humilitatem prædicante, superbiam, relationem, vanitatem adhuc ambire audeas? imo perspice quousq; teipsum demittere debeas, vt Dei ipsius humilitatem imitari vtrumque possis.

2. Considera Christum Dominum triplici præsertim modo humilitatis virtutem exercuisse, primò erga Deum Patrem, quem tanta tamquæ perfecta sui ipsius demissione alloquutus, deprecatusque est, vt vel pro ipsa sua reuerentia exaudiri meruerit.

Secundo, erga seipsum, cum tot annis in abiecta fabri conditione contemptus & despectus latere voluit, & deinceps quando ipsum oportuit ma-

nitescere mundo, quosuis tamen honores, licet sibi meritissimè debitos, tantoperè auersatus est, ac tandem in passione & morte faciem suam confusione cooperiri, seque ipsum opprobrijs saturari sustinuit.

Tertio, erga alios quoscunque, cum nullum nequidem sceleratissimum peccatorem dedignatus est; imo cum ipsis peccatoribus & publicanis familiariter conuersatus est; seque discipulis suis, tum in coena lavando pedes eorum, tum in alijs occasionibus veluti ministrum exhibuit; *Luc. 22. ecce inquit ego in medio vestrum sum sicut qui ministrat.*

Perpende sedulo hanc omnimodam ipsius filii Dei humilitatem, reque ipsum ab illius tam perfecta praxi aded disitum conspiciens, confundere, ingemisce, propone, diuinæque gratiæ auxilium instanter deprecare.

3. Considera modum saluberrimum & efficacissimum ad virtutem humilitatis obtinendam & conseruandam, esse peccatorum commissorum recordationem tibi frequenter ob oculos ponere.

Cogita igitur vel minimum ex omnibus peccatis mortalibus à te perpetratis (quod tamen coram Deo.

Deo grauissimum est ) te reddidisse indignum quocumque bono, quocumque honore, quacumque fama, aut existimatione, quacumque amicitia, quocumque solatio; & ( quod grauius est ) quacumque gratia, & misericordia Diuina : & è contra, dignum quocumque malo temporali, quacumque ignominia, confusione, angustia, calamitate, derelictione, & quod magis horrendum est, dignum æterna priuatione Dei, dignum æternis gehennæ flammis & supplicijs.

Qui ergo te his omnibus dignum fuisse certissimè agnoscis, qui nescis vtrum nunc amore, vel odio dignus sis, vllamne reperire poteris gloriandi occasionem : sed nonne maximam in remetipso agnoscere debes, cuiuscumque etiam

abiectionis demissionis consequenda ratio-  
nem.



## MEDITATIO V.

*Christi Domini patientia.*

I. **C**ONsidera Christum Dominum, per hanc præsertim, patientiæ virtutem mundum redemisse, hominumque salutem fuisse operatum: neque enim usquam à lethali peccatorum ægitudine sanari potuissemus, nisi languores nostros ipse tulisset, & dolores nostros ipse portasset; neque Divinæ vaquam iustitiæ satisfactum fuisset, nisi ipse vulneratus fuisset propter iniquitates nostras, & attritus propter scelera nostra.

Quod si intelligere velis, quæ fuerit illius in tot acerbitatibus patientia, audi quæ sequuntur: tanquam ovīs ad occisionem ductus est, & sicut agnus coram tondente se obmutuit. En igitur perfectissimum huius virtutis exemplar nobis in Christo expressum, ut scilicet illud imitando, curramus per patientiam ad Heb. 12. propositum nobis certamen.

Sed heu quam pauci sunt qui se illi

illi verè conformare studeant quam  
rari qui Christum patientem sequi,  
ne dum assequi velint : aliquos for-  
tasse inueniet Diuinus ille Saluator  
qui montem Thabor secum cōscen-  
dāt, sed in horto oliuarum, in mon-  
te Caluariz, omnes relicto, illo dif-  
fugiunt : Vide an & tu sis ex illis &  
vsque quo Saluatorem tuum subse-  
qui & comitari velis ?

2. Considera hanc patientiz vir-  
tutem Christiano Sacerdoti, ea quæ  
ministerii tui sunt fideliter adimplere  
volenti, esse maximè necessariam; *Ioan. 3.*  
*neque enim est seruus maior Domino* 2. *Tim.*  
*suo: & omnes qui volunt pie viuere* 3.  
*in Christo Iesu persecutionem patien-*  
*tur; Proindeque seipsum exhibere*  
*debet, tanquam Dei ministrum in* 2. *Cor. 6.*  
*multa patientia, in tribulationibus, in* 1. *Pet. 2.*  
*angustiis, in plagis, &c. Hac est enim*  
*gratia si propter Dei conscientiam susti-*  
*net tristitias patiens iniuste, &c. si bene-*  
*faciendo patienter sustineat.*

En igitur conditio sub qua Christi  
militiz ascriptus es, vt scilicet para-  
tum te temper exhibeas, ad quæcum-  
que aduersa pro eius honore & amo-  
re non libenter modo, sed & gauden-  
ter perferenda; idque exemplo San-  
ctorum Apostolorum, qui ibant gau-  
dentes à conspectu Contitij, quoniam  
digni habiti erant pro nomine Iesu contu-

*meliam pari. Cauene ob molliem tuam indignus habearis, qui pro Christi gloria, & obsequio aliquid perferas.*

3. Considera, si Christum patientem perfectè affectari velis, nullos patientiæ tuæ limites esse præfigendos, proindeque patientiam tuam extendendam esse ad ea omnia perferenda, quæ Deus immittere, aut permittere voluerit; siue aliquid tolerandum sit per infamiam, aut bonam famam: à piis, vel ab impiis: propinquis, aut alienis: quocumque in loco, vel tempore: idque cum omnimoda voluntatis submissione, erga diuinum beneplacitum, hanc præclaram Christi patientis orationem sæpius iterando: *Pater si possibile est transeat à me calix iste, verumtamen non mea, sed tua voluntas fiat; non sicut ego volo, sed sicut tu vis.*

## MEDITATIO VI.

*Christi Domini obedientia.*

1. Considera Christum Dominum non modo semetipsum

ipsum humiliasse, sed & factum esse *Phil. 2.*  
*obedientem usque ad mortem; & si ultra*  
 mortem aliquis adhuc obedientiæ su-  
 perest locus, etiam nunc in statu su-  
 pereminentiſſimæ illius gloriæ, in  
 qua *sedet ad dexteram maiestatis in*  
*excelsis*, hanc virtutem exercere, & *Heb. II.*  
 quod omnem admirationem superat,  
 ipsum Dei filium quotidie obedi-  
 tem se præbere voci hominis, & ple-  
 rumque voci peccatoris, Sacerdotis  
 scilicet Missæ sacrificium celebran-  
 tis: seque eodem momento, quo  
 verba consecrationis prolata sūt præ-  
 sentem Sacramento exhibere, & ita  
 præsentem, vt in illo Sacramentali  
 statu totum se ipsius Sacerdotis ar-  
 bitrio permittat.

Obstupeſce, ò Sacerdos, hanc  
 quotidianam Domini Deique tui etiã  
 erga te obedientiam ob oculos ha-  
 bens, tuamque recogitans erga  
 illum inobedientiam, & peruica-  
 ciam,

2. Considera obedientiam Chri-  
 sti Domini adhuc inter mortales a-  
 gentis, præsertim in eius Passione &  
 Morte eniuisse: dum non modo  
 Deo Patri mortem imperanti, sed  
 & impiis Pontificibus, sceleratis iu-  
 dicibus, & ipsis etiam carnificibus  
 sese in omnibus, & quibuscumque  
 etiam durissimis, & acerbissimis sup-  
 pli-



*Isa. 50.* plicis obtemperantem præbuit: Ego, inquit ipse per Prophetam, non contradico; retrorsum non abij, corpus meum dedi percutientibus, & genas meas vellentibus; faciem meam non auerti ab increpantibus, & conspuentibus in me.

Heu cum ipse Dominus in tremendo iudicio suo, hanc obedientiam ob oculos ponet, quid illi respondere, quam excusationem afferre poterit Sacerdos, qui legitimis suis Superioribus, iusta, & rationabilia præcipientibus, obedire noluit, aut si aliqua interdum obedientia ab eo exhibita est; adeo manca fuit, & imperfecta, ut vix obedientiæ nomen mereretur.

3. Considera Christum Dominum non modo sese obedientem præbuisse, sed & obedientiam eius fuisse omnibus numeris absolutissimam; obediuit siquidem simpliciter, sine contradictione; promptè, sine dilatione; alacriter, sine querela, aut murmuratione; perseveranter, sine radio, aut instabilitate.

Vide igitur an ita obedientem te exhibueris? aut saltem an ita deinceps obedire paratus sis? teq; Domino tuo obedienti conformare, ac pro eius honore & amore quascunque dispositiones huic perfectæ obedientiæ

tiae contrarias, si quas in te deprehenderis, confestim ex animo tuo abilcere? præsertim quoties agetur de obedientia exhibenda Romano Pontifici, in ijs quæ ad fidem, aut mores spectant: nec non Prælato tuo, & aliis tibi legitime præpositis.

Cogita serio, te super hac obedientiæ virtute propediem coram Iudice Diuino examinandum: vide quid tunc egisse voles, & illud seculo perficere nunc itude.

## MEDITATIO VII.

### *Christi Domini paupertas.*

I. **C**onsidera & perpende hæc Christi Domini verba de seipso loquentis: *Vulpes, inquit, foras habent, & volucres calididos; filius autem hominis non habet, ubi caput reclinat.* En quo te redigere voluit cæli, ac terræ Dominus, idque nostri causa: cum enim, ut inquit Apostolus, *esset diues, propter nos egenus factus est, & adeo egenus, ut ne quidem haberet ubi caput reclinaret.*

Mat.  
28.

Ve-

Vestiga, & perspice Bethleemicum antrum in quo natus est, Aegyptiacum perfugium in quo Herodianam persecutionem fugiens latuit, omnia paupertatem spirant; perlustra deinde alia loca in quibus humana redemptionis operi vacans hospitium aliquod quaesivit, videbis illum nunc pernoctare in montibus, nunc in desertis loca secedere, nunc fatigatum ex itinere sedere sic supra fontem: & ubique tanquam pauperem, & mendicum, vel omni hospitio excludi, vel aliena domo excipi, ac oblati elemosynis, suam, suorumque discipulorum vitam sustentare.

Hoc igitur paupertatis studium in Domino tuo considerans, vide an eius vestigiis inhaereas ab eo praesertim tempore quo eius ministerio addictus es? teque maximè ab eo distitum, & terrenarum rerum affectibus adhuc implicatum conspiciens, erubescere, ingemiscere, & hanc quorumcumque malorum radicem cupiditatem ex animo tuo penitus euellere contende.

2. Considera qua ratione Christi Domini tui paupertatis studium utcumque imiteris: nimirum si ut ipse docuit in Evangelio, *pauper spiritu* existas, id est, si neque diuitias in animo, neque animum in diuitiis habeas,  
eal;

earque neque exoptes, ac ne quidem de illis cogites.

Et siquidem diuitiæ illæ tibi aliquantisper affluant, cor non apponas: imò eas non tanquam tuas reputes, sed tanquam Christi Domini tui proprias, ab eo tibi tanquam œconomo conceditas, & iuxta eius voluntatem, solummodo dispensandas: proindeq; cum vteris aliqua parte illarum, arbitreris te quotidianum panem, quotidianamque eleemosynam, ex illius clementissimi Domini manu singulis diebus accipere.

Præterea ut sis verè pauper spiritu, pauperes ipsos ama, eorum conuersationem ne despice: imò potius expecte, illos libenter inuise, & te conuenientes amanter excipe, cum ipsis benignè colloquere, & si occasio sese offerat, illis etiam inferuire & ministrare idque tuis expensis ne recuses.

Quod si res domestica tibi tenuis & exigua est, in hoc te magis Christo assimilari gaude; sanctæque eius familiaris modicam, & pauperem œconomiam libenter affectare, & sedulo caue ne alicuius necessitatis obtentu, cupiditatem vllam in animo tuo foueas, ne anxie nimis quæras ea, quibus indiges, ne auidius oblata accipias, *ne diligas munera, sequaris retributiones.*

Con-

3. Considera, & animo tuo hæc Apostoli discipulum suum admonentis præclara verba inscribe, quibus in teipso terrenarum rerum contemptum, & paupertatis Christi affectum, excitare, & fouere studeas. *Nihil inulimus*, inquit, *in hunc mundum*, *haud dubium quin nec auferre quid possumus: habentes igitur alimenta, & quibus tegamur, his contemni simus, nam qui volunt diuites fieri, incidunt in tentationem, & in laqueum diaboli; & in desideria multa inutilia & nocina, qua mergunt hominem in interitum & perditionem, Radix enim omnium malorum est cupiditas, quam quidam appetentes orrauerunt à fide, & inseruerunt se doloribus multis. Tu autem o homo Dei has fuge, sectare vero iustitiam, pietatem, fidem, charitatem mansuetudinem, hæc inquam verba serio perpende, actum fidei super illis sapius elicere stude, in illis veritatem ipsam te alloquentem & admonentem ausculta, & iuxta illorum tenorem desideria tua, consilia tua, vitam tuam componere deinceps apud temetipsum firmiter statue.*

## MEDITATIO VIII.

*Christi Domini casti-  
tas.*

1. **C**onsidera Christum Do-  
minum præ cæteris vir-  
tutibus castitatem dile-  
xisse, & erga illam peculiari ra-  
tione affectum fuisse: ita vt non  
modo eam perfectissimam & super-  
excellentissimam in se habuerit, sed  
& exterius adeo castè se gesserit, vt  
vel infensissimi hostes nullam vnquã  
vel minimam de contrario vitio il-  
lum calumniandi occasionem non  
solum reperire, sed nequidem apud  
se excogitare potuerint: & refertur  
in Euangelio, quod cum Aposto-  
li ipsum semel alloquentem Sama-  
ritanam quandam mulierem, pro-  
pè fontem inuenissent, mirabantur,  
*quod cum muliere loqueretur, tanquam* Ioan. 14  
in eo tunc viderent quid insolitum,  
& ab eius vitæ usu & consuetudine  
abhorrens.

O quam pulchra est, sed quam  
rara his temporibus, *casta generatio Sap. 4.*  
*cum claritate procedens!* quam pau-  
ci,

ci, qui corpore & spiritu casti, & sancti, dignum Christo Virginum regi & sponso ministerium exhibeant!

Vide quænam sint animi, corporis-  
quetui super hac virtute dispositio-  
nes? an aliquid intra te, vel extra  
te sit, quod huic virtuti, vel mini-  
mum aduersetur? an sint tibi aliqua  
conuersationes, aliqua colloquia,  
etiam sub prætextu pietatis, ac Re-  
ligionis, quæ illius nitorem quomo-  
documque infuscare possint? & si sa-  
pis, si Domino tuo placere cupis,  
sollicitè vel minima vitii contrarii  
blandimenta caue, perhorresce, fu-  
ge.

2. Considera Christum Domi-  
num non modo in se, & in aliis si-  
bi propinquioribus hanc virtutem  
præsertim dilexisse; ideoque castis-  
simam, & sanctissimam omnium  
Virginum, sibi in matrem delegis-  
se, & ipsi matri sponsum castitate  
perfectissima præditum cooprasse;  
& inter Apostolos beatum Ioannem  
eiusdem virtutis prærogatiua in-  
signem, peculiari dilectione prose-  
quutum fuisse: ac denique Eccle-  
siæ suæ voce, huius virtutis obliga-  
tionem, omnibus & quibuscumque  
sacro altaris sui ministerio addictis  
imposuisse, nec nisi sanctos, & cas-  
tos

flor sibi in Diuinis mysteriis assistere voluisse: & si qui immundi, & contrario vitio infecti ad sacra perficienda accedere ausi sunt, illorum quandoque sacrilegam impietatem, poenis horrendis ultum fuisse, ut ipsorum exemplo reliquis omnibus testatum foret, quanto horrore & odio immunditiam quamcumque prosequeretur.

Cū igitur diuino nutu delectus fueris, qui quotidie Domino tuo propior assistas, & cum ipso Diuina mysteria opereris: vide quanta, & quam perfecta corporis, animique puritate, & castitate id perficias? & quanta cura & sollicitudine non modo peccata, sed & defectus quoscūque virtuti illi oppositos deuitare tenearis?


3. Considera quibus modis virtutem hanc in te perfectam habere, & illibatam seruare valeas: nimirum si à Deo singulis diebus illam suppliciter expolcas, *nemo quippe potest esse continens nisi cui Deus dederit*: & præterea si Diuinæ gratiæ cooperando, viriliter resistas tentationibus, & præsertim illarum initiis, & prius spiritus immundi suggestionibus: si sollicitè fugias qualcumque vitij contrarij occasiones; si corporis tui sensus,

ac



ac præsertim oculos tuos mortifices, & à quibuslibet illicientibus obiectis auertas: si carnem rebellantem, ieiuniis, vigiliis, aliisque voluntariis afflictionibus, & poenis edomare, ac spiritui subiicere studeas: si post quantascumque victorias aduersus tentamenta; & vicia castitati contraria reportatas, semper nihilominus tibi ipsi diffidere, & omni custodia cor tuum seruare noveris.

En quibus armis thesaurum illum quem in vase fictili circumgestas, custodire possis? vide quo affectu, qua fortitudine, qua fidelitate ijs uti cupias? & coram Deo firmum super ea re propositum concipe: ac si tibi ipsi non credis, conceptum illud propositum in inanibus sanctissimæ Deiparæ Virginis Mariæ depone, ut ipsa te tuasque resolutiones in specialem suam tutelam recipiat, & à cunctis quibuscumque aduersantibus prote-  
gat.



## MEDITATIO IX.

*Christi Domini mortificatio.*

I. **C**onsidera, quod quamvis Christus Dominus nunquam huius virtutis subsidio indiguerit, utpotè qui omnes animæ facultates, omnes corporis sensus, & motus haberet semper optimè compositos, & diuinæ rationi, ac voluntati perfectissimè subditos: nihilominus hanc nostri causa sedulo affectari voluit, vitamque ab ipsa infantia duri, & asperis rebus exercitum ducere; tum ut merita sua satisfactionesque copiosius nobis applicaret: tum etiam ut exemplo suo ad illius virtutis praxim, nobis adeo necessariam efficacius prouocaret.

Quis vero in huius virtutis exercitio Christum magis imitari tenetur, quam is, qui ratione muneris sibi impositi modo quodam peculiariter debet exhibere corpus suum hostiam viventem, sanctam, Deo placentem & ad. Rom. 12  
implere in carne sua ea; qua desunt passioni Christi.

*Coloss. 1*

Vide igitur an talem te exhibueris, aut saltem exhibere velis? an ex sacro illo calice quem Christus in passione sua hausit, tibiq; propinauit, exiguam aliquam guttulam libenter degustes? heu quamcumque assumpseris mortificationis praxim, nusquam vel minimam partem perferentis aculeorum, & dolorum illorum, quos tuæ salutis causa Christus in vita & morte sua pertulit.

2. Considera omnes & quoscunque sanctos, hac præsertim virtute subnixos, ad fastigium perfectionis, & inde ad culmen gloriæ conscendisse: neque solum viros fortes, sed & mulieres infirmas, tenerasque virgines mortificationem Christi Iesu in corpore suo circumtulisse, magisque elegisse cum Diuino illo Salvatore affligi & asperrimam plerumque vitam ducere, quam mortiferam sæculi degustare iucunditatem.

Quid igitur, non poteris quod illi, & istæ potuerunt? erubescere saltem & confundere præ pusillanimitate, & contende utcumque sequi si assequi non vales; pete ut Deus animum virtutemque tibi adaugeat.

2. Considera huius virtutis praxim ad duo præsertim capita posse reuocari.

Primum est, ut quandocumque  
age.

agetur non solum de vitando aliquo peccato etiam leuissimo, sed etiam de quocumque virtutis opere exercendo, putà de ministerio aliquo Ecclesiastico debitè obeundo, & aliqua cōmoditatis, seu oblectationis, vel etiā vtilitatis aut cuiuscumque alterius propriæ satisfactionis illecebra obstat; tunc huius qualiscunque temporalis boni seu commodi, aut oblectamenti iacturā aut priuationē libentissime feras, idq; amore illius qui per tot annos quibus inter mortales vixit, seipsū tui causa immēsis cœli gaudijs abdicauit.

Secundum est, vt quodcumque similiter agetur non solum de vitando peccato, sed etiā de quouis bono opere exequendo, quod Deo acceptū esse credatur, & idcirco incommodū aliquod vel tædium, aut aliquid naturę molestum & acerbum perferendum est; illud non libenter modo, sed & gaudenter perpetiaris, imo & vltro amplectaris, ob amorem diuini illius Saluatoris, qui tot & tam immanes dolores, & cruciatus in se tuæ salutis causa perferre voluit.

Neq; solum cum instat aliquod peccatum deuittandū, aut bonū exequendum; sed etiam plerumq; expedit vt vim tibi aliquā inferas, & volūtarias aliquas corporis afflictiones assumes, tū vt mortificationis praxi assuescas, sic

V que

que ad eam cum opus erit facilius & perfectius exercendam paratus sis; tum etiam ut pro peccatis tuis, aliorumque, Diuinæ iustitiæ, saltem ex aliqua parte, satisfacias; tum denique ut Christo Domino tuo magis conformis efficiaris, & vere inter discipulos eius recenseri dignus sis, *qui enim Christi sunt, carnem suam crucifixerunt.*

*Galat. 5*

## MEDITATIO X.

### *Christi Domini modestia.*

I. **C**onsidera tantam tamque perfectam in Christo Domino modestiam eluxisse, ut simul & reuerentiam, & amorem omnium in ipsum excitaret; peccatoresque, & publicani vel ex solo eius aspectu converterentur; & illius etiam æmuli, & aduersarij mirarentur in verbis gratiæ quæ procedebant de ore eius: & ipse demum Apostolus ad obtestandos fideles, Christi Domini modestiam, tanquam fortissimum argumentum interponeret.

Quod si qui hanc diuini illius Saluatoris virtutem peculiari studio in se exprimere debent, maximè illi quæ eius

eius altaribus propiores assistunt, quique ipsum cæteris fidelibus in se quodammodo exhibere tenentur.

Cum igitur in eorum numerum adlectus fueris, vide qua ratione te geras, itaut modestia tua nota sit omnibus quibuscum versaris: & si ad hanc virtutem consecrandam minus quam par esset, hucusq; attentum te præbueris; de illo defectu in futurum emendando cogita, & coram Deo, inuocata eius gratia, propone.

2. Considera Christum Dominum perfectissimam, & omnibus numeris sui absolutissimam modestiam, semper & ubique seruasse, in vultu, aspectu, gestu, incessu, habitu, sermone, & aliis omnibus, quæ oculis aliorum paterent: nihilque vnquam illum fecisse, aut dixisse, quod non esset huius virtutis decore optimè temperatum.

En modestiæ perfectissimum exemplar, quod præ oculis tuis habeas, in illudque iugiter inspicias, ac iuxta illius formam te ipsum & omnes actus, sermonesque tuos debitè componas.

Et quamuis semper & ubique virtutem illam debeas consecrari, etiam cum solus es, propter Diuinæ præsentiae reuerentiam, & Angeli tui custodis assistentiam: nihilominus pecu-

liari cura inuigilandum est tibi, tuisque actibus, gestibus, sermonibus, &c. quando cum aliis versaris, & præsertim quando publica Religionis officia peragis, sacrisque muneribus in templo defungeris, itaut tunc maxime *luceat lux tua coram hominibus, ut glorificent patrem tuum qui in cælis est.*

*Matt. 5.*

3. Considera hanc modestiæ virtutem in quolibet Sacerdote tanti esse momenti, ut nullam ministerii sui partem debite exequi possit, nisi omnes illius actus, gestus, sermones, &c. hac virtute regantur, ac veluti condiantur; ideoque præcipuam curam sollicitudinemque impendere debet, ut illam sibi propriam faciat; utque non solum peccata & vitia, sed & defectus quoscumque huic virtuti aduersos, si quos in se deprehendat, serio emendare curet: & ad hoc, si opus sit, aliorum admonitionem, & correctionem exposcat, & præsertim gratiæ cælestis opem suppliciter inuocet.

Vide igitur, ut hoc consilium tibi ipsi applies, & siue fidi cu uspiam amici auxilio, siue examine aliquo particulari super hac re per aliquod tempus instituendo, siue alia quauis ratione, hanc virtutem gratia Diuina opitulante, quam perfectissimè obtinere contendas.

M E-

## MEDITATIO XI.

*Christi Domini prudentia.*

I. **C**onsidera quam sublimis & perfecta fuerit Christi Domini prudentia, & quantum præcelluerit vniuersæ mundanæ prudentiæ, & sapientiæ, quæ in comparatione illius mera infania & dementia est: in Diuino illo Salvatore *siquidem*, reconditi fuerunt omnes thesauri sapientiæ, & scientia Dei; & ipsemet fons sapientiæ verbum Domini in excelsis; hinc peculiarit quadam ratione in scripturis vocatur *consiliarius*, quia scilicet ipse solus est, à quo vitæ æternæ consilia petenda sint.

Col. 2.  
Ecc. 1.  
Isa. 9

Vide igitur quanti facere debeas Diuini huius consiliarii monita & efata in Euangelis expressa; & quo studio æmulari & consecretari supereminentem illam Christi Domini sapientiam & prudentiam, ac secundum illius regulas, & teipsum & alios dirigere? hocne vique modo fecisti? sed nunquid aliquando *animalis*, & *terrena*, vt non dicam *etiam diabolica sapientia axiomata* *se-*  
*ctatus es?*

Iac. 3.



Hanc igitur & quamcumque aliam adulterinam & falsam prudentiam coram Deo nunc eiura, teque totum Christo *Dei virtuti, & Dei sapientia*, ducendam, & dirigendum trade.

2. Considera quantum Christi Domini prudentia opposita sit mundanæ prudentiæ: *hac siquidem* (ut ait Sanctus Gregorius) *sibi obsequentibus præcipit honorum culmina quarere, ad ipsa gloria temporalis vanitate gaudere, irrogata ab aliis mala multiplicius reddere*; lucra & emolumenta temporalia sollicitè appetere, corporis cōmoda, carnisque blanditias & voluptates consecrari, verum finis horum omnium mors est.

At verò Christi sapientia, & prudentia docet honores mundi fugiendos esse, calcandam huius sæculi vanitatem, & superbiam, voluptates abigendas, sectandam humilitatem, paupertatem diligendam, crucem amplectendam, ferendamque, &c. *verum fructus horum divinarum consiliorum est sanctificatio anima, finis verò vita æterna.*

Vide igitur cui credere debeas? cuiusnam, mundi, an Christi sectatorem te profiteri velis? si sapias nullus hic erit deliberandi locus, sed tanquam verus Christi discipulus, fidelque minister, tota mente, toto corde,

vui

vni diuinæ sapientiæ adhærebis: perspice ergo, quæ illius axiomata tibi sint nunc præ aliis maximè necessaria, & ea sedulo confectari stude.

2. Considera quibus mediis prudentiam illam Christi obtinere, & in ea proficere possis? *Optavi* (inquit sapiens) *& datus est mihi sensus: innotuisti mihi, et venit in me spiritus sapientia, & proposui illam regnis et sedibus, et proposui pro luce habere illam.* Sap. 7.

En quatuor media ad cælestem illam prudentiam & sapientiam obtinendam & conseruandam saluberrima.

Primùm, agnosce, quantum prudentia illa necessaria sit tibi in Ecclesiæ specula constituto, ad tuam, & plurimorum aliorum salutem, proindeque ex toto animi tui affectu exopta illam.

Deinde, suppliciter à Diuina misericordia huius veræ prudentiæ spiritum exposce, ora Patrem tuum cælestem, & ipse spiritum bonum tibi petenti haud dubiè dabit.

Præterea, præfer illam prudentiam illiusque consilia, & monita, omnibus & quibuscumque humanæ, terrenæ, mundanæ, diabolicæ sapientiæ axiomatibus, quocumque in casu; & omnes sæculi honores, diui-

tias, voluptates præ illius bonis nihili æstima.

Denique, propone tibi pro luce habere illam, & in cunctis actibus, negotiis, consiliis tuis illius ductum sequi, eiusque effatis & decretis semper & constanter ubique adherere.

## MEDITATIO XII.

*Christi Domini charitas erga homines.*

1. **C**onsidera, nulla vnquam cogitatione dignè concipi posse, ne dum sermone explicari, qualis fuerit eximia illa, & (vt Apostoli verbis utamur) *nimia charitas* qua Dei filius dilexit nos, & cuius impulsu *semetipsum dedit redemptionem pro omnibus, venitque in hunc mundum peccatores saluos facere, ac ipsis vitam tribuere, & abundantius tribuere*: idque plurimos, eosque molestissimos labores pro ipsis subeundo, grauissimosque dolores perferendo, ac denique mortem oppetendo acerbissimā, quæ perfectæ illius charitatis veluti sigillum extitit: *maiores siquidem charitatem nemo habet quam ut animā suam ponat quis pro amicis suis.*

Vide

Vide quam gratiarum actionem Diuino illi Saluatori offeras; quam ipsi dilectionem pro tanta charitate rependas, & qua ratione hanc eius virtutem erga proximos tuos imiteris.

2. Considera hanc charitatis virtutem ab ipso Domino iam Passioni, & Morti proximo, discipulis suis, adeoque cunctis Sacerdotibus peculiari affectu fuisse commendatam: *Ioan. 15.*  
*Hoc est praeceptum meum, inquit, ut diligatis inuicem sicut dilexi vos, & in hoc cognoscent omnes, quia discipuli mei estis, si dilectionem habueritis ad inuicem.*

En certa & legitima discipulorum Christi tessera, & nota; en ratio qua fidelis Christi Minister & Sacerdos dignosci possit: vera scilicet in alios charitas, sine qua non iam dici meretur Sacerdos, imò sine charitate Sacerdos dici potest, perfectè esse non potest.

Attende igitur tibi ipsi, & vide, an solus tibi sit Sacerdotis titulus, & (vt dicitur) magni nominis vmbra? an etiam Sacerdotii spiritum, & virtutem habeas? inspice quale sit cor tuum erga proximos tuos? an diligas eos propter Deum? an sicut te ipsum? an sicut Christus te & vnumquemque hominum dilexit? an vera charitate

complectaris illos etiam, à quibus minus diligeris? an paratus sis charitatis obsequia, & subsidia quaecumque impendere iis, à quibus nullum grati animi testimonium sperare potes, imò à quibus plurimum oneris & incommodi expectandum tibi est, à quibus multas contradictiones & fortasse persecutiones sustinere te oportebit.

3. Considera conditiones charitatis illius qua Christus dilexit homines, ut eas imitari studeas.

*Act. 10.* In primis dilexit efficaciter, id est, nō solo affectu, sed etiam effectu, *pertrā-  
sit benefaciendo, & sanando omnes op-  
pressos à diabolo: laborantes quoscum-  
que, & peccatorum sarcina oneratos  
misericorditer vocavit, & ad se ve-  
nientes iuuit, solatus est, refecit.*

*1. Ioan. 3.* Noli igitur tantum *diligere verbo  
aut lingua, aut simplici aliquo affectu,  
sed opere & veritate.*

Præterea dilexit suauiter; & quamvis esset omnium Dominus, omnibus tamen omnia factus est: fleuit cum flentibus, & publicanis, & peccatoribus manducauit, & cum turbis, & populis tanquam cum filiolis mutauit vocem suam, ad eorum captum se demisit, loquebatur illis in parabolis, & similitudinibus, sermone vulgari  
& tri-

& trito, vt vel minimus de turba facillime intelligeret.

Hæc serio recogitans, obſtupefce Verbum Diuinum, æternam Dei Sapientiam ad hæc humillima charitatis officia, ſeſe tanta ſuauiſſime demittere; & pro pudor! te leuiuſculæ fortaiſſis alicuius ſcientiæ vento diſſertum, in ſimilibus charitatis officiis, Chriſti Domini tui imitationem faſtidire.

Denique dilexit fortiter, & conſtanter, aquæ multæ non potuerunt eius charitatem extinguere, nec flumina illam obruere; & quamuis præſciret plurimos eius meritis & gratiis abuſuros, eius ſanguinem conculcaturus, ideoque in æternum perituros; nihilominus vincente præſcientiam bonitate, eos perfectè dilexit, pro ijs redimendis & ſaluandis quantum ex ipſo erat, ſanguinem fudit, mortem pertulit, ſequæ ipſum hoſtiam propitiationis obtulit.

Diſce illius Diuini Saluatoris exemplo, quoſcumque homines ſalutis æternæ capaces quamuis peruiſaces, & obſtinatos conſtanti charitate diligere, eoſque quantum poteris iuare, & ſi nihil aliud vales, ſaltem pro ipſis orare: & potiori adhuc ratione eos diligere, quibus ſpeciali charitatis vinculo nexus es, vt conſacer-

dotas tuos, domesticos, &c. vel quorum necessitas peculiare à te charitatis subsidium exigit, ut rusticos, pauperes, & alios eiusmodi qui spiritualibus auxiliis magis destituti videntur.

## MEDITATIO XIII.

*Christi Domini mansuetudo  
& benignitas in toleran-  
dis aliorum defecti-  
bus & pecca-  
tis.*

1. **C**onsidera ineffabilem Christi Domini mansuetudinem, non modo in tolerandis imperfectionibus, verbi gratia, tarditate, rusticitate, ignorantia, stupiditate eorum quibuscum agebat, sed præsertim in perferendis peccatis infensissimorum inimicorum, à quibus atrocissimas accipiebat iniurias. Poterat, & quidem iustissimè illos acriter increpare, illis comminari, poenaeque acerbissimas illis infligere; poterat, vel solo nutu eos ad nihilum redigere, aut certe ad inferni barathrum deturbare.

Et tamen nihil horum fecit: *cum*

*ma-*

*malediceretur, inquit Apostolus, non maledicebat, cum pateretur, non comminabatur; imo (ut sanctus Bernardus loquitur) flagellis casus, spinis coronatus, clavis confossus, affixus patibulo, opprobrijs saturatus, omnium tamen dolorum immemor, hoc tantum dixit, Pater ignosce illis, quia nesciunt quid faciunt.* 1. Petr. 2.

Quis hæc attentè perpendens non miretur tantam, tamque perfectam mansuetudinem? quis non omni honore, & amore prosequatur adeo benignum, & mansuetum Dominum? Sed quis apud se non proponat hic & nunc omnem iram, indignationem & amaritudinem animi penitus exuere, & induere viscera misericordiae, benignitatem, mansuetudinem, &c.

2. Considera hanc mansuetudinis virtutem cuius Sacerdoti pernecessariam esse, idque eo magis quo frequentiores in ministeriis Ecclesiasticis occurrunt illius exercendae occasiones: degendum siquidem illi est ut plurimum in medio nationis pravae & perversae, agendum cum peccatoribus, sepe peruicacibus, & obstinatis, conciliandi, & conuertendi hominum animi, per varia peccata, tum à Deo, tum à proximo maximè auersi, & alieni, eorumque  
pas -



passiones plerumque acres demulcendæ.

Hæc autem nusquam præstare poterit, nisi peculiari, eaque eximia mansuetudine præditus sit; hanc igitur sollicitè, ac sedulò acquirere, & perfectè obtinere stude.

3. Considera varia esse media, quibus hanc virtutem acquirere, in eaque proficere valeas.

Primum est, ut quotiescumque aliqua ex parte proximi prævidebis tibi fore toleranda; cogites contumelias, probra, insectationes, & alia eiusmodiquæ Christus Dominus & in Passione sua tanta mansuetudine pertulit; pudebit sanè ob verbum aliquod durius prolatum, ob alicuius animum erga te paulo iniquiorem, itatim excandescere, & in iras abripi.

Secundum est; ut leuioribus, si quæ occurrant, contradictionibus, cum lenitate animi perferendis, assuescas, quo magis paratus sis ad grauiora, & acerbiora quæq; quando opus erit, placidè toleranda.

Tertium denique ut teipsum defectusque tuos attendas, & (ut loquitur sanctus Gregorius) *cum excessus alienos aspicias, tua quibus in aliis excessisti delicta cogites*; proindeque (ut monet Apostolus) *et si praecipuus fueris homo*

Ab 5.  
mor.  
e. 34.

*homo in aliquo delicto huiusmodi instrue  
in spiritu lenitatis, considerans teipsum.*

---

## MEDITATIO XIV.

*Opera misericordiae quae cor-  
pus spectant à Christo  
Domino exer-  
cita.*

1. **C**onsidera, quod quamvis Christus Dominus dum in terris ageret, egenus & opis alienae indigus esse voluerit, nunquam tamen ideo ab operibus misericordiae, etiam illis, quae proximi corpus spectant, secum dispensauit; sed ex penuria, & tenuitate victus sui saepe sibi subtraxit, ut egenis aliquid daret; saepe etiam infirmos visitauit, & solatus est, populumque esurientem ieiunus ipse refecit; idque haud dubie ut ostenderet, quam placita, & accepta sibi esset haec misericordiae virtus, & quam necessaria illis, qui ministerio suo mancipati eum in omnibus assistari debent.

Vide igitur quali affectu haec misericordiae opera exercueris, qualem te erga pauperes exhibueris: & animo

mo tuo hæc Prophetę verba inscri-  
be, *beatus qui intelligit super egenum,*  
*& pauperem, in die mala liberabit eum*  
*Psal. 40 Dominus.*

2. Considera, quod si omnes ad  
elemosynam ex superfluo erogandā  
diuinis præceptis obligantur, potiori  
adhuc ratione Sacerdotes alioque  
Christi ministros ad id obstringi, eos-  
que maximè qui beneficia Ecclesia-  
stica obtinent, quando ipsis, post suf-  
ficientem, & moderatam sustenta-  
tionem, aliqua supersunt; quę quidē  
absque grauissimo peccato non pos-  
sunt aut in superfluos vsus impen-  
dere, aut propinquis, minime indi-  
gentibus donare, aut sibi inutiliter  
reseruare.

Neque solum ex beneficiis Eccle-  
siasticis, sed & ex quibuscumque bo-  
nis temporalibus superflua pauperi-  
bus erogare tenentur: imò quamuis  
non nisi modicos, & necessarios pro-  
uentus habeant, non tamen ideò ab  
hac virtute exercenda penitus se  
liberos arbitrentur: sed quacumque  
ratione poterunt, pauperibus, &  
egenis debent præsto esse, eosque  
prout occasio sese offeret solari, &  
iuuare.

Perspice igitur, qualem te hac in  
parte exhibueris, & scito te prope-  
diem

diem super hac misericordiæ virtute  
in supremo iudicio examinandum ;  
vide ne in illorū numero recensearis  
quibus à diuino iudice dicetur, *discedite  
à me maledicti &c. esurientes enim, & non  
dedistis mihi manducare, &c.*

Mat. 25

3. Considera huius virtutis opera  
non qualitercumque à Christiano Sa-  
cerdote, sed quam perfectissimè ex-  
ercenda esse: ideoque non ad iactan-  
tiam, aut largitatis decorem dan-  
dam esse eleemosynam, quod procul  
à quouis Christi ministro abesse de-  
bet, sed eleemosynam erogandam,

1. Cum humilitate, itaut tuis apud  
Deum patronis potius munera offer-  
re, quam egenis dona largiri videaris.

2. Cum spiritu misericordiæ, com-  
patiēdo super proximī angustis, &  
afflictionibus.

3. Cum prompto & libenti animo,  
*non ex tristitia, aut ex necessitate, hilarem  
enim d. itorem diligit Deus.*

2. Cor. 9

4. Denique cum discretionē, vt bo-  
na dispensentur non effundantur, ac  
præsertim vt ceteris paribus elee-  
mosynæ illæ quibus animæ salutē si-  
mul & corporis incolumitati pro-  
uideretur, aliis eleemosynis, quæ so-  
lum ipsius corporis solatium spectant  
anteponantur.

## MEDITATIO XV.

*Opera misericordiae spiritua-  
lia à Christo Domino  
in praxim reda-  
cta.*

1. **C**onsidera Christum Domi-  
num ex perfecto charita-  
tis affectu, grauissimis, & pernicio-  
sissimis hominum miseriis, iis scilicet  
quæ animæ salutis officiant, & no-  
cent condoluisse, illisque insuper re-  
media saluberrima suppeditasse,  
1. Tim. 1

Et hoc quidem præcipuum fuit il-  
lius diuini Saluatoris opus, *peccatores  
nimirum saluos facere*; hac de causa  
è cælis in terras venit, & inter morta-  
les agens, tot labores suscepit, tot iti-  
nera confecit, tot miracula patrauit,  
tot conciones in templi porticibus, in  
Synagogis, in montibus, in littori-  
bus, in locis campestribus habuit,  
seque ipsum exhibuit sub specie  
boni Pastoris, vel unicam ouem  
errantem tanta sollicitudine requi-  
rentis.

En typus cui assimilari debet verus  
Christi

Christi Sacerdos; in expressissima Divini illius Saluatoris vestigia, eius ministro ad consecrandum proposita: *Qui enim mihi ministrat, inquit, me sequatur.* Ioan. 12

Vide quo animo hæc & alia eiusmodi misericordiae spiritualis opera, Domini tui exemplo, exequi velis?

2. Considera inter alia huius virtutis opera, duo præcipua esse, quibus peculiari studio incumbere debet Christi Domini Sacerdos: nimirum, ut eos instruat qui laborant inscitia, rerum ad salutem necessaryarum, & eos corripiat qui in peccatum prolapsi ab eo emendari minimè curant. Vtrumque hoc præstantissimum est misericordiae exercitium, cui ipse Christus Dominus, eiusque Apostoli, & alij quicumque Apostolici viri summo studio seipsum impenderunt.

Vide igitur quomodo vtrumque illud convenienter peragas, qua methodo & ratione, siue publicè, siue priuatim ignaros in fidei mysteriis erudias? quo charitatis affectu peccatores salubri correptione ab bonâ mentem reducas?

Et foelicem, ac beatum illum diem reputa, in quo tibi animam aliquam Christo Domino lucrari contigerit: vide ne tua segnitie ab eiusmodi diâ bona unquam defrauderis, nec ullam

occasionem aliquod tale opus exercendi vnquam elabi finas.

3. Considera qua ratione fraternam illam correctionem, in qua interdum maior reperitur difficultas conuenienter & salubriter exequaris.

Nimirum vt non ex ira, seu indignatione, aut aliqua alia animi commotione, sed ex sincera proximi tui dilectione, ad illud charitatis officium mouearis: *ut eum corripias in misericordia, et in spiritu lenitatis instruas*, vt non temere, ac precipitanter, sed cū discretionē, ac deliberatione opus hoc aggrediaris, & ad id tempus opportunum assumes, modumque correctionis talem adhibeas, quo peccator efficaciter permoueatur, & ad meliorem frugem reducat. *ur.*

Sicut autem prudenter, ac suauiter, sic etiam fortiter & constanter, huic charitatis officio insistentum tibi est; cauendumque maximè ne vllus pudor, aut timor, aut respectus humanus, te ab illa muneris tui parte conuenienter exequenda vnquam retrahat, aut tardiozem, vel segniozem efficiat.

## MEDITATIO XVI.

*Christi Domini zelus ad procurandam, & promouendam animarum salutem.*

1. **C**onsidera quantus, & quā feruidus fuit ille zelus, quo diuinum Christi pectus exarsit; ex quo subinde varix scintillæ; & plerumque faces, & flammæ prorumpabant; puta cum diceret, *ignem veni mittere in terras, & quid volo nisi ut accendatur?* & de passionē ac morte sua discipulis suis proloquens: *Baptismo,* Luc. 12.  
inquit, *habeo baptisari, & quomodo coarctor, usque dum perficiatur?* sed quis ardor? quantum amoris incendium in eius Passione, cum cruci affixus, in ipsa extrema acerbissima mortis agonia positus, immemor dolorum suorum, sed memor salutis animarum, etiam pro ipsis crucifixoribus, & par- ibid.  
ricidis orauit?

*Mira res,* inquit sanctus Bernardus, *Iudas clamabant crucifige, & Iesus clamabat, ignosce. Heu quis ista recogitans,*



tans, non exardescat in amorem diuini illius Saluatoris? simulque non concipiat perfectum zeli illius imitandi desiderium?

2. Considera hunc zelum Christiano Sacerdoti maximè necessarium esse, vt Domini sui vestigiis inherendo, ea fortiter perficiat, quæ ministerii sui propria sunt.

Putat, vt toto voluntatis affectu studeat semper, & vbique Diuinæ gloriæ incrementum quærere; & eo fine peccatorum conuersionem bonorumque in virtute profectum, quantum in ipso est; procurare; peruersis, impiorum conatibus constanter obistere, errores & abusus irrepentes funditus tollere: Religionem, ac pietatem fouere, pia & sancta consilia promouere, & ad id præstandum, nullos labores recusare, imo paratū se semper exhibere ad incommoda, quælibet subeunda; ad tolerandas, quascumque animi corporisque molestias, denique ad vitam ipsam, si opus sit cum sanguine profuadendam.

Hæc autem nusquam præstare poterit, nisi Diuino illo zelo totus fuerit incensus. Postula igitur vt pectoris tui glaciem ignis ille cœlestis absumat, animumque tuum diuinis ardoribus impleat, quo totus sacro illo Christi

Christi Domini zelo ignescas.

3. Considera quænam esse debeant zeli conditiones, ut verus, ac perfectus sit.

1. Ut discretionem regatur, nec nisi cum prudentiæ moderamine vlla pietatis opera peragenda suscipiantur, aut urgeantur: idque prius semper consulto per orationem Diuinæ voluntatis oraculo.

2. Ut cum singulari animi fortitudine, ac firmitate iunctus sit, animis siquidem opus est & pectore firmo, ad ea quæ supra enumerata sunt exequenda; hæc autem fortitudo & firmitas ab eo expectanda est, qui quodcumque ipsi placitum est, *infirmam mundi eligit, ut fortia quæque* 1. Cor. I confundat.

3. Ut quotiescunque de gloriæ Diuinæ prorogatione animarumque salute agatur, solus Deus respiciatur, nec vlllo modo acquiescatur carni, aut sanguini.

Quarta denique zeli conditio est, ut malis quibus mederi non potest ingemiscat, & si nihil aliud valet, saltem dolorem & lachrymas sinceræ charitatis testes Deo offerat.

Vide igitur, an eiusmodi dispositiones in teipso deprehendas: ut, si minus, eas obtinere studeas, tum piis precibus diuinam opem exposcendo.

do, tum etiam Sanctorum acta & historias perlegendo, in quibus illius zeli præclara quædam exempla reperias, quæ postea occasione quacunque oblata imiteris.

## MEDITATIO XVII.

*Christi Domini zelus ad propugnandam diuinam  
veritatem.*

- I. **C**onsidera Christi Domini zelum maximè effulxisse in diuinaveritate propugnanda, idque præsertim tempore passionis suæ, in qua licet coram impiis satellitibus, & iniquissimo Iudice, constanter tamen professus est, *se in hoc natum esse, & ad hoc venisse in mundum, ut testimonium perhiberet veritati* Vnde & ipsi infensissimi hostes confessi sunt, quod *verax esset, viamque Dei in veritate doceret, & quod ipsi cura non esset de aliquo, nec respiceret personam hominum.*
- Ioan. 18
- Mat. 22

Et quamuis diuinus ille Saluator, ideò præsertim se à Iudæis crudelissima morte præsciret occidendum, quod veritatem quam auersabantur

pa-

palam ediceret; non tamen propterea ab ipsa veritate profitenda, & propugnanda vnquam destitit.

En typus zeli quo animari debet fidelis Christi minister ad propugnandam semper & vbique ipsius veritatem: ipseus, inquam, non verò alicuius particularis Magistri doctrinam, non proprii ingenii præsumptionem, sed veritatem Christi ab Ecclesia in Conciliis generalibus, vel ab Ecclesiæ Capite in fidei decretis propositam.

Perspice igitur qualiter super hac diuinæ veritatis propugnatione affectus sis; & si quid tibi ad perfectionem zeli deest, expete à Deo.

2. Considera, vt Sacerdos Diuinam veritatem fortiter propugnet, prius requiri, vt illam fideliter profiteatur, eique humiliter in animo suo acquiescat; adeoque vt fidem illam quam tum in baptismo, tum in ordinatione professus est, sinceram & illibatam tenere, eamque ab omni periculo erroris, ab omni nota & colore non suo, sartam rectam custodire sollicitè curet; paratimque se semper & vbique exhibeat, ad quæcumque aduersa si opus sit, pro eius propugnatione subeunda.

Proba igitur temetipsum, ipse te ipsum tenta, si es in fide; inspicere qua-

lis sit illa fides tua, quam sincera, & illibata, quo fundamento innixa; pete cum Apostolis à Domino vt augeat tibi fidem: vel si te quomodo-cumque in ea vacillantem deprehendas, inclama cum illo altero, vt adiuuet incredulitatem tuam.

3. Considera medium optimum ad tenendam veram Christi fidem, illiusque proinde veritatem propugnandam, esse ipsius Ecclesiæ iudicio, summique Pontificis decretis in materia fidei humiliter & inconcussè stare, abnegato proprio, aut quorumcumque aliorum iudicio.

Discat proinde Christianus Sacerdos, suoque exemplo reliquos edoceat, captiuare intellectum in obsequium fidei, omnemque proinde in rebus fidei abigere curiositatem.

Sicut autem à vera fide aberrantes, ad ipsius veritatis tramitem reuocare, illisque manum adiutricem porrigere præcipuo charitatis affectu debet; sic etiam in erroribus damnatis obstinatos & contumaces auersari, eorum amicitiam repudiare, consortiumque & alloquium quantum fieri poterit deuitare, Sanctorum ipsorum exemplo tenetur; tum ad propriam cautelam, tum ad aliorum exemplum, vt scilicet hinc reliqui fideles discant quo studio, qua cura  
ab

ab eiusmodi hominibus cauere debeant.

Vide igitur & coram Deo attentè perspice qualiter te habeas in hoc fidei negotio ; an aliquis respectus humanus , aliqua prudentia sæculari & politica obftet , quominus ea , qua decet constantia , pro vera Christi fide milites , teque illius propugnatorem asseras : pete ab ipso Christo , fidei robur , animique fortitudinem tibi necessariam .

---

## MEDITATIO XVIII.

*Christi Domini amor erga Deum Patrem.*

**C**onsidera nullum intellectum humanum, vel Angelicum , cogitatione assequi posse, quam nobilis , quam præcellus , & quam omnimodè perfectus fuerit ille amor quo Dei filius , homo factus , Deum Patrem dilexit : & quæ fuerit illius dilectionis longitudo , latitudo , sublimitas , & profundum .

Nemo quippe ad supereminentem illam scientiam charitatis Christi pertingere potest ; sufficiat hic agnosce-

re omnem Patriarcharum , Apostolorum , Martyrum , & Sanctissimorum quorumcumque erga Deum , amorem licet flagrantissimum , omnes Seraphinorum quantumvis ignitos & flammeos charitatis affectus , meram glaciem videri , imò glacie ipsa frigidiores repurari , si cum sacris diuini illius pectoris ardoribus comparentur : solus ille diuinus Saluator amoris diuini præceptum quod ipse promulgauerat , perfectissimo modo in terris adimpleuit ,

Pete igitur ab eo vt vel scintillam illius ardentissimi amoris in cor tuum immittat , quæ illud purificet , excitet , accendat , incendatque , ac tandem feliciter in Diuinis illis ardoribus consumat.

2. Considera Sacerdotem Christianum ad perfectiorem Dei dilectionem peculiari ratione præ aliis obstringi ; tum quia maiorem præ illis perfectionem conlectari tenetur , quæ utique in maiori charitate consistit : tum quia maioribus diuinæ gratiæ beneficijs præuentus , ad maiorem quoque illorum authori dilectionem rependendam obligatur ; tum denique quia ratione sacrorum ministeriorum Deo propior factus , arctiori etiam charitatis vinculo ipsi vniri debet.

Vide

Vide igitur an specialibus illis amandi Dei obligationibus pro muneris tui debito respondeas? an te à Christo Domino tot vinculis charitatis trahi sinas? ora, vt fortiùs & efficacius adhuc trahat: dic illi, *traheme post te, curremus in odorem unguentorum tuorum.*

Offer illi cor tuum, voluntatem tuam, te ipsum & omnia tua; vt totus illius sis, totus illi viuas, totum te pro eius amore superimpendas.

3. Considera varios modos quibus in Deum per veram charitatem tendere vales.

In primis affectû quemcumque cordis tui à creatis rebus abstrahendo, & in Deum solum transferendo, ita vt nihil ames nisi Deum, aut in Deo, aut propter Deum: nullam mensuram, nullum modum in charitate ponendo, Deumque summè diligendo, & ea quæ illi placita sunt, omnibus & quibuscumque aliis rebus præponendo: creberrimos etiam & intèssimos amoris in Deum actus eliciendo.

Præterea non modo affectibus, sed & effectibus, tuæ in Deum dilectionis probationem exhibendo, & ea exequendo quæ Deo grata & accepta esse perspicias: imò libenter diuini amoris causa perferendo



quarumque molesta & aduersa .

V de igitur vt virtutem illam diuinam in te otiosam esse non finas , sed eius actus siue elicitos , siue imperatos , quam perfectissimè , & quam creberrimè exerceas , imò omnes actus , sermones , sensusque tuos , iugiter diuino amorì dedices .

---

## MEDITATIO XIX.

*Christus Dominus ad gloriam Dei Patris sui sese omniaque sua referens .*

I. **C**onsidera Christum Dominum huac sibi præcipuum , imò vnicum actionum & passionū suarum scopum proposuisse , scilicet vt Deum Patrem suum glorificaret , vt eius honorem in mundo collapsum instauraret .

Hanc nimirum Diuinam gloriam in exequendo Incarnationis suæ mysterio spectauit ; ad hanc cogitationes suas , sermones suos , opera sua , vitam suam , mortem suam , omnia denique sua & seipsum , semper & ybi-

vbique retulit ; & intentionem illam diuinæ gloriæ ita sibi in animo præsentem , cordique suo infixam habuit, vt nullo vel tempore , vel loco , quauis de causa , neque diu , neque noctu , vel vnico momento eam interruperit ; vnde in Scripturis per quandam eminentiam vocatur *gloria Dei*, eo quod perfectissimè , & constantissimè in omnibus Deum Patrem suum honorificauerit, eiusq; gloriæ instaurandæ , & propagandæ se ipsum totum , semper & vbique impenderit . Iſa 60.

En exemplar cui te conformare quodque in te exprimere debeas : ideò nempe corpus , & animam , & vitam , omniaque reliqua dona , tum naturæ, tum gratiæ à Deo accepisti , vt omnia illa , & te ipsum totum ad eius gloriam referas ; & non tibi , neque mundo , sed Deo soli viuas : ac præsertim ad hunc finem Sacerdotalis ministerij gratia collata tibi est , ideoque ab Apostolo vocaris *homo Dei*, id est homo qui tuus esse desij- 1. Tim. 6  
sti , totusque Dei esse debes .

2. Considera quantum aberraueris ab illo Diuinæ gloriæ scopo , quem tamen solum & vnicum spectare debuisti : quot actiones à te elicite fuerunt , quibus Deum , quem glorificare debebas , inhonorasti ?

quot negotia suscepta, in quibus quæsiuisti quæ tua sunt, non quæ Iesu Christi? quot opera præcipitanter, & solius naturæ impulsu à te exercita? quot vitæ tuæ tempora, quot dies, quot horæ, quot momenta inutiliter elapsa, in quibus nullam Deo gloriam dedisti? & quando aliquid pro eius honore utcumque operatus es, quam tepidè, quam imperfectè id à te præstitum.

Hæc sedulo recogitans, ingemisce, confundere, veniam pete, & in posterum aliquid melius propone.

3. Considera ut honorem illum, quem Deus à te iustissimè expetit, ipsi exhibeas, intentionemque tuam ad eum glorificandum perfectè dirigeas, hoc præsertim tibi cauendum esse, ne vnquam vlli obliquæ, aut minus rectæ intentioni, in quocunque opere tuo, aditum præbeas; nullam vanæ gloriæ auram vllatenus admittas, in iis præsertim ministerii tui functionibus quæ palam, & in aliorum oculis fiunt: in quibus proinde tibi ipsi sollicitè inuigilare debes, ut semper, & vbiq; vnicam Dei gloriam intendas, & ad hanc intentionem eo modo concipiendam, & dirigendam te assuescias.

Neque solum in præcipuis Religionis & pietatis operibus, sed & in

in quibushbet aliis actionibus etiam indifferentibus, hunc unicum finem spectes, & iuxta monitum Apostoli, siue manduces, siue bibas, siue quid aliud facias, omnia facias in gloriam Dei.

---

## MEDITATIO XX.

*Christus Dominus actiones  
Religionis exer-  
cens.*

I. **C**onsidera quam perfectæ fuerint animi, corporisq; dispositiones, quibus Christus Dominus actus quoscumque Religionis exercuit, siue in teneriori ætate, quando sanctissimâ Virginem matrem vna cum S. Ioseph., templum Hierosolymitanum adeuntem affectabatur; siue in prouectiori, cum tanquam Mediator & summus Sacerdos in eodem templo Patrem orauit, eique seipsum Religioso cultu obtulit, & ad omnia quæcumque gloriam illius, hominumque salutem spectaret, paratum sese exhibuit? quanta pu-

tas humilitate & reuerentia, quanta deuotione & dilectione, hæc & alia eiusmodi Religionis officia peregit? qualis tunc in eius vultu, ac totius corporis habitu, gestu, & compositione, modestia effulset.

Vide igitur vt facias iuxta diuinum illud exemplar, quod tibi propositum est.

2. Cōsidera quæ sit Sacerdotum aliorumque Ecclesiæ ministrorum obligatio ad ritè peragenda quæcumque religionis officia, sacraque functiones debitè obeundas. Ideò si quidem in ordinatione gratia illis collata est, quæ vtique ab illis negligenda non est.

Neque enim Christiano Sacerdoti satis est, quod à peccatis grauioribus abstineat, nisi etiam ea Religionis & pietatis opera, quæ ministerij sui propria sunt, conuenienter exequatur: puta vt Diuinis officijs intersit, sacro altari famuletur, chorum subsequatur, Sacramenta ministret, doctrinam Christianam prædicet, & alias eiusmodi Ecclesiasticas functiones exerceat, quæ sunt veluti sacri quidam fructus quos ab eo Deus exposcit.

Caue tibi ipsi, ne ista negligendo, aut segniter, vel perfunctorie exequendo, sis in Ecclesia Christi veluti  
ar-

arbor infructuosa, quæ ad nihil aliud apta sit, nisi vt excidatur & in ignem mittatur.

3. Considera, qua ratione teipsum excitare debeas ad hæc Religionis officia eo quo decet modo peragenda; si nimirum cogites quantus tibi sit honor, quanta gloria, eundem Deo famulatum impendere in terris, qui à beatis Angelis in cœlo ipsi exhibetur: sanè si iustus rerum esse velis æstimator, plaris facies, vel minimum in Ecclesiasticis ministeriis obsequium Deo exoluere, vel abiectissimum cuiuslibet ordinis inferioris officium exercere, quam sublimioribus ipsius mundi potiri dignitatibus, & qualiscumque authoritatis, aut potestatis sæcularis munera obire: imò quam regna & imperia terrena obtinere; sublimior siquidem & gloriosior longè est Christi seruitus regum opibus & potentia.

Vide igitur vt ministerium tuum honorifices, illudque, vt par est, impleas, & ad hoc cælestis gratiæ opem suppliciter exposce.

## MEDITATIO XXI.

*Christus discipulos suos mo-  
dum orandi edo-*

*cens.*

I. **C**onsidera discipulorum Christi pium orandi studium, cum à Domino expetierunt ut doceret eos orare, & vicissim admirabilem plane clementiam, & benignitatem ipsius Domini eos modum debite orandi edocentis, seseque eorum, & nostræ imbecillitati tam suauiter accommodantis.

Quis enim Rex vaquam subditos suos edocuit qua ratione aliquid ab eo exorandum esset? eosque ut quodcumque ipsis libuisset, ab eo postulerent, inuitavit? hoc nempe illius solius proprium est, cuius natura bonitas, cuius opus misericordia.

Vide igitur qualiter te erga Dominum adeo clementem & benignum gerere debeas? qua attentione, quo affectu eum orare, te docentem auscultare, quæ ab eo didiceris fideliter exequi?

Con-

2. Considera excellentiam illius orationis, quam Christus discipulos suos edocuit, & quam ipsa Ecclesia, in sacris officiis ministeriisque sapientius à quolibet Sacerdote quotidie repeti voluit; perpende singula eius verba, ut eam deinceps eo quo conuenit deuotionis sensu proferas.

*Pater*, vide ne forte dignus non sis, qui ab eo voceris filius?

*Noster*, ergo & alii fratres tui sunt?

*Qui es in cœlis*, ergo quæ sursum sunt querere debes, quæ sursum sunt sapere.

*Sanctificetur nomen tuum*, hocne primum & præcipuum est tuæ voluntatis desiderium, ad quod omnia alia desideria, & consilia, & opera, tua referas?

*Adueniat regnum tuum*. Sentisne poenam exili tui? & cum cœlestis patriæ tuæ recorderis, ad illamne toto affectu anhelas: potesne dicere cum Prophetâ, sicut desiderat ceruus ad fontes aquarum, ita desiderat anima mea ad te Deus.

*Fiat voluntas tua sicut in cœlo & in terra*. Vide an Dei voluntatem, in omnibus & quibuscumque, tuæ voluntati præferas? an ex animo dicas: *Pater*, non me, sed tua voluntas fiat; non sicut ego volo, sed sicut tu vis.

Con-



3. Considera quatuor reliquas petitiones, quæ tum corporis, tum animæ necessitates spectant.

*Panem nostrum quotidianum da nobis hodie*, vide an aliquid amplius appetas? an habens alimenta, & quibus regaris his contentus sis.

*Et dimitte nobis debita nostra, sicut & nos dimittimus debitoribus nostris*. Vide an post decem millia talentorum tibi condonata, centum denarios à conseruo tuo, cum rigore, imo plerumque cum dispendio iustitiæ, vel charitatis, velis exigere?

*Et ne nos inducas in tentationem*, vide ne temetipsum vltro tentationis laqueis implices? ne des locum diabolo.

*Sed libera nos à malo*; caue ne liberatus, iterum relabaris? ne spiritus nequam rediens, septem alios spiritus nequiores se inducat, fiantque nouissima tua peiora prioribus? pete vt Diuinus ille Saluator non modo te liberet ab omni malo, sed & ostendat tibi omne bonum.

---

## MEDITATIO XXII.

*Christus Dominus perfecta  
orationis conditiones  
proponens.*

I. **C**onsidera sex orationis conditiones, quas Christus Dominus in Evangelio proposuit, easque discipulis suis suggessit velut sex alas mysticas, quibus instar Seraphinorum, usque ad Deum cogitatione & affectu euolarent.

Harum duæ priores sunt, ut oratio fiat cum attentione & reuerentia; *Mat. 26. Videte, vigilate, & orate*, inquit Christus, mentis oculi aperiendi, vigiliq; & intento in Deum animo exhibenda est oratio.

Rursus idem Dominus, non verbis solum, sed maximè suo demonstra-uit exemplo, qua reuerentia: tum interiori, tum exteriori, orandus esset Deus; legimus siquidem in Evangelii ipsum, licet Deo Patri equalem, ferè semper flexis genibus, & sæpe in faciem prostratum orationem fuisse. & in quocumque situ oraret, vultu, oculis & toto corporis, habitu,

tu, summam in Deum reuerentiam restatum fuisse, propter quam etiam illum speciatim exauditum fuisse dicit Apostolus.

2. Considera duas alias orationis conditiones: scilicet vt fiat in spiritu humilitatis, & in animo contrito. Vtramque expressit Dominus in Publicano, qui cum in templum atcendisset oraturus, à longè stans, ne quidem pro summa sui demissione audebat oculos leuare in cælum, ac in signum contriti cordis percutiebat pectus suum dicens, *Deus propitius esto mihi peccatori: vnde & præ Phariseo quantumuis ieiunante, & decimas exolvente, non modo exauditus, sed iustificatus descendit in domum suam.*

Et prodigus dissipata licet substantia, quia tamen cum humilitate & contritione ad Patrem reuerus dixit: *Pater peccavi in cælum & coram te, iam non sum dignus vocari filius tuus: ideo non modo veniam delictorum, sed & paternos amplexus, & in pristinum gradum restitutionem promeritus est: cor siquidem contritum, & humiliatum nunquam despiciet Deus.*

3. Considera, duas vltimas orationis conditiones, nimirum vt fide-ter & perseueranter fiat: & confi-  
den-

dentiam quidem ac spem excitauit  
 Christus Dominus, cum assenerauit  
 illud omne à Patre suo impetrandum  
 fore, quod in eius nomine postularetur:  
 perseverantiam verò exegit, cum  
 semper orandum & nusquam ab ora-  
 tione deficiendum esse dixit; illudque  
 exemplo pauperis viduæ ab iniquo  
 iudice vindictam de aduersario per-  
 seueranter postulantis, & ab eo vel in-  
 uito perseverantia sua extorquentis,  
 declarauit.

Disce igitur ab illo diuino Magistro  
 quales esse debeant orationis tuæ cō-  
 ditiones, [& eas quotiescumque ora-  
 tioni vacabis, ac præsertim quādo di-  
 uinis officiis exoluendis incumbes,  
 quam perfectissimè obseruare stude.

## MEDITATIO XXIII.

*Christus Dominus Sacramen-  
 torum conficiendorum, &  
 administrandorum potestate  
 discipulis suis conferens.*

1 **C**onsidera, præcellentiam  
 illius sacrae potestatis, quā  
 Christus Dominus discipulis & Sa-  
 cerdotibus suis ad maius Ecclesiæ suæ  
 bonum contulit: quam tamen nulli  
 beatorum Angelorum concessam es-  
 se

se voluit: Suspice, & mirare effusā in te, licet immeritissimū, Diuinæ magnificentiæ largitatem: agnosce quantus honor, & quāta dignitas, ex cōcessa potestate dona illa coelestia dispensandi, tibi obueiat? caue ne ministerium adeo excelsum & diuinum in te vilescat? *ne in te reperiatur potestas summa, & vita infima.*

2. Considera, quantā sollicitudinem adhibere debeas in Diuinis illis Sacramentis ritè, ac debitè dispensandis, quanta cura cauere ne margaritas illas cælestes mittas ante porcos, neve Sanctum dare canibus velis.

Perpende seriò, non leuiorem quā impietatis, aut sacrilegii reatum, in indebita illorum administratione incurri, & de hac administratione strictissimam tibi coram supremo Iudice reddendam esse rationem. Perspice igitur ne dum aliorum salutem promouere studes, tibi ipsi damnationem acquiras; & indignis Sacramenta illa diuina dispensando, indignationem, ac iram Dei super te, & super illos inducas.

3. Considera quod si in iis, qui Sacramenta suscipiunt condignæ requiruntur dispositiones, multo magis adhuc in Sacerdote dispensante, cui non sufficit ad sacrum illud ministerium debitè obeundum, quod nullius le-  
thalis

thalis culpæ sibi conscius sit, quodque ea quæ ex Christi Domini institutione, aut Ecclesiæ constitutione necessaria sunt, rite obseruet: nisi præterea fidem, ac deuotionem, quam ab aliis exigit, in seipso habeat. Quoties igitur Sacramentum aliquod administraturus es, perpende coram Deo quid acturus sis: quam præcellens, quam diuinum sit illud munus ad quod peragendum accigeris? vt & intentionem conuenienter dirigas, & fidem, reuerentiam, deuotionem, aliasque similes dispositiones afferas, & ad id gratiæ cælestis opem implores.

## MEDITATIO XXIV.

*Christus Dominus corporis sui Sacramentum Discipulis suis sumendum, & alijs dispensandum tradens.*

.1 **C**onsidera Diuini huius Sacramenti excellentiam, inexplicabilem; in eo siquidem Christus Dominus diuitias sui erga homines amoris velut effudit: *memoriam faciens suorum mirabilium*. Suspice ps. 110. ineffabilem Saluatoris tui in hoc mysterio charitatem: non satis illi erat homines immensis donis & gratis

cē-

ecclētiis cumulasse, infinitaque merita sua illis applicasse, nisi etiam seipsum sub speciebus huius Sacramenti totum illis donaret.

Sed præ reliquis fidelibus Sacerdotes peculiarem illius Divini Salvatoris benevolentiam agnoscere debēt in hoc Sacramento, quod ipsis, tum quotidie in sacro altari offerendum, & sumendum, tum aliis dispensandū tradidit. Perpende quanti, & quam inestimabilis valoris sit thesaurus ille cælestis, cuius quotidiana participatio & communicatio tibi concessa est, & dispensatio credita? nonne vere dicere potes: *ecce Dominus meus omnia sua mihi tradidit, nec quicquam eius est quod non sit in mea potestate.*

Gen. 29

2. Considera quod quanto excellentius & sanctius est hoc Sacramentum præ reliquis Sacramentis, ex quibus nimirum rivi duntaxat gratiarum effluunt, in isto autem scaturit ipse fons gratiarum, & benedictionum cælestium; tanto etiam maiori religione ab ipso Sacerdote non modo sumi, sed & dispensari fidelibus debet.

Et quāvis de aliorum Sacramentorum administratione coram supremo Iudice sit illi respondendum, de istius tamen non modo sumptione, & dispensatione, sed & correctione, as-

asseruatione, aliisque eius cultum spectantibus, longè strictior ratio ab eo exigetur: neque verò leues cēsendi sunt illi defectus, quibus ex culpabili aliqua negligentia, aut præcipatione, seu inaduertentia peccatur in reuerentiam, aut obseruantiam illi debitam; *honor quippe Regis iudicium diligit*

Perspice igitur serio qualiter te geras non modo in sumptione & communicatione huius diuini Sacramenti, quæ quo frequentior est, eo perfectiorem haud dubiè requirit dispositionem, sed etiam in eius dispensatione & reliquo cultu? Vide qua cura & religione illud administres, illud contrectes, aut eiusdem custodiæ inuigiles, & reliqua officia, & obsequia sacris canonibus præscripta illi exhibeas.

3. Considera vnā ex præcipuis partibus sacerdotalis ministerii esse, vt quantum fieri potest non modo impediatur indigna diuini huius Sacramenti sumptio. & à sacra mensa publici peccatores publicè arceantur occulti occultè: idq; nullo habito respectu dignitatis, cōditionis, aut cuiuscumque alterius rei: sed etiam, vt prohibeatur quauis irreuerentia, & irreligiositas, in Templis in quibus asseruatur; & è contra inducantur fide-



deles, tum ad frequentē & dignā illius communicationem: tum etiam ad honorem & cultum condignum ipsi deferendum, religiosamque modestiam coram eo retinendam.

Vide igitur ne aliquis respectus humanus, aut noxius pudor obstat, quominus hanc ministerii tui partem fideliter exequaris: & quibus poteris modis procura, ut eliminentur ab Ecclesiis prophana, & vana colloquia, gestus indecentes, obambulationes, strepitus, & quæcumque alia, sanctitati loci, in quo Dominus tuus adest, minus conuenientia.

## MEDITATIO XXV.

*Christus Dominus incruentum corporis sui sacrificium à Sacerdotibus offerendum instituens.*

I. **C**onsidera Maiestatem, ac sanctitatem illius Divini sacrificii, quod Christus Dominus in ultima coena instituit, & à discipulis Sacerdotibusque suis, ubiuis terrarum, omnibus diebus, usque ad con-

consummationem sæculi offerri præcepit. Sanè cum Diuinus ille Saluator in omni vita sua tenuitatem, & paupertatem affectatus fuerit, in hac duntaxat actione ornatum quendam, & splendidum apparatus adhiberi voluit: coenaculum siquidem delegit grande stratum in quo sanctissimū hoc sacrificium institueret, vasa etiā gemmea & exquisita (quæ huc vsque in quibusdam Ecclesiis asseruata sunt) in quibus pretiosam illam hostiā deponeret, & offerret: vt nimirum significaret qualis deberet esse, non modo exterior, sed præsertim interior cuiuslibet Sacerdotis, ad diuinam illam actionem apparatus & ornatus; & qua fide, qua religione, qua reuerentia, & deuotione viuifica illa hostia per ipsius Sacerdotis manus quotidie offerenda esset. Vide qualiter in tremendo illo sacrificio teipsum geras? quales tum corporis tum animi dispositiones ad illum celebrandum afferas,

2. Considera dispositiones illas triplicis esse generis, aliæ siquidē antecedere debent diuinum hoc sacrificium, aliæ comitari, aliæ subsequi: ac in primis eximia quædam animi puritas requiritur, ideoque sacramentalis peccatorum confessio, corde contrito & humili expressa, frequenter

ter peragenda est ; actusque fidei ,  
 ipei , charitatis , religionis sapius  
 elicendi ac præmittendi , & dirigen-  
 da ipsa intentio , aliaque omnia  
 requisita ad sacram hanc actionem  
 sollicitè prævidenda & præparanda ;

Tum in ipsa actione , oportet in  
 Sacerdote celebrante singularem  
 quandam elucere modestiam , &  
 deuotionem , & ea quæ dicuntur  
 distinctè & attentè ab eo proferri ,  
 piisque in Deum affectibus velut  
 animari ; vt scilicet religiosa illa  
 & solemnis oratio , sicut incensum  
 in conspectu Dei dirigatur : & hoc  
 quidem in toto actionis decursu , sed  
 præsertim in consecratione attentio  
 innouanda est , ac interim dum  
 Diu nus ille Agnus super altari , instar  
 caletis cuiusdam victimæ fixus est ,  
 ibique seipsum inter flammæ suæ  
 charitatis , in Dei Patris honorem  
 mysticè immolat ; tunc maximè ac-  
 cendi & efferuescere debet deuotio  
 Sacerdotis .

Ac demum peracto & consumma-  
 to sacrificio , aliquanto tempore  
 animus recolligendus & orationi  
 vacandum , in qua gratiæ Deo pro  
 immensis eius beneficijs per hoc sa-  
 crificium collatis agantur , & ipse  
 Sacerdos semetipsum illi , suaque  
 omnia offerat *tanquam hostiam vi-  
 uentem.*

*uentem, sanctam, Deo placentem, & omnimodum illi obsequium impondeat.*

Perspice an eiusmodi dispositiones afferas, & si quæ desit, sedulo supplere cura.

3. Considera quantum Christiani Sacerdotis intersit Diuinum sacrificium debite perficere, proindeque supradictas dispositiones afferre: *maledictus* siquidem dicitur, *qui facit opus Dei negligenter*: atqui satis constat nullum aliud opus adeo Sanctum & Diuinum à Christi ministris tractari posse, quam hoc ipsum tremendum mysterium; & ex consequenti, vt in sacro Concilio Tridentino edicitur, omnem operam & diligentiam in eo à quouis Sacerdote ponendam esse, vt quanta maxima fieri potest interiori cordis munditia, & puritate, atque exteriori deuotionis, & pietatis specie peragatur.

Sanè si eximius huius sæculi vir, sanctitate, & religionis zelo conspicuus, audito Sacerdotis cuiuspiam, post primam duntaxat Missam celebratam, decessu, verè dicere potuit, summam illi coram Diuino Iudice, de unico illo sacrificio, reddendam esse rationem: quid de teipso cogitare debes, post tot Missas, tam exili ac prope nullam dispositione, imo fortassis cum magna indispositione celebras.

## MEDITATIO XXVI.

*Christus Dominus gratia sue  
mysteria discipulis suis  
aperiens.*

1. **C**onsidera sex præcipuas circa  
Diuinam gratiam veritates,  
Christiano Sacerdoti scitu maxime ne-  
cessarias, & ex iis conuenientes affe-  
ctus elicere stude.

*Prima est omnem gratiam à Christo  
Domino tanquam à radice procede-  
re, nosque omnes de eius plenitudine  
accipere; vnde ipse in Euangelio di-  
scipulos suos alloquens, ego sum vitis,  
Ioan. 15 inquit, vos palmites; qui manet in me, &  
ego in eo, hic fert fructum multum, ad-  
ditque, quia sine me nihil potestis facere,  
quibus verbis declarat, non modo ab  
ipso esse omne bonum quod in nobis  
est, sed sine ipso, nihil boni prorsus in  
1. Cor. 3 nobis inesse posse, nosque proinde suffi-  
cientes non esse cogitare aliquid ex nobis,  
quasi ex nobis, sed sufficientiam nostram  
ex Deo esse. Vide igitur quantum diuino  
illi Saluatori obstrictus sis, & quam  
humiliter de teipso sentire debeas.*

*Secunda est gratiam illam esse nobis  
indebitam, & ex mera ipsius Christi  
Domini beneuolentia ortum ducere:  
ipsum*

ipsum singulis diuidere prout vult, his quidem copiosius, aliis parcius: neque tamen inde vllum conqueri posse, alias audire mereretur: *tolle quod tuum est, & vade; an non licet mihi quod volo facere?* Mat. 20  
 Humiliare igitur sub potenti manu Dei, & gratias quas accipis, tibi maxime indebitas agnosce.

*Tertia est, Christum, veram lucem, illuminare omnem hominem venientem in hunc mundum, nullique gratiæ suæ opẽ denegare, quandocumque necessaria est ad aliquod peccatum deuitandum, aut præceptum obseruandum: nemini- que proinde mandata Dei esse obseruatu impossibilia, alioquin frustra ipse Christus Dominus dixisset: Venite ad me omnes: si aliqui essent quibus vires ad veniendum necessarias subtraheret, nec iugum eius suauẽ, aut onus leue foret; si sub interminatione mortis æternæ præciperet impossibilia. Agnosce igitur ineffabilem erga te Dei bonitatem, quæ licet immensissimum, nusquam tamen gratiæ suæ donis, & auxiliis priuauit, sed ea in te non modo sufficienter, sed & largiter effudit.* Mat. 11

*Quarta est gratiam ita iuuare, vt tamen nullam inferat agendi necessitatẽ: proindeque illum interdum, & nimis sæpè, praua hominum voluntate repelli & abiici; vnde conqueritur Christus in Euangelio, quoties volui con-* Mat. 23

**LUC. 10.** gregare filios tuos quemadmodum gallina  
**IOH. 12.** congregat pullos sub alas, & alio in loco;  
*Va tibi Bethsaida, va tibi Corozaim, quia  
 si in Tyro, & Sidone facta fuissent virtutes  
 qua in te facta sunt, olim in cinere, & cilicio  
 poenitentiam egissent. Caue ne aliquando si-  
 milis aduersus te fiat exprobratio, am-  
 bula dum lucem habes, ne nox illa te  
 comprehēdat in qua nemo potest am-  
 plius operari.*

**LUC. 17** Quinta est eos, qui gratiæ cooperan-  
 tur, nullatenus inde gloriari in seipsis  
 posse, & quamuis omnia fecerint, quæ  
 ipsis præcepta sunt, sese tamen semper  
 (vt monet Christus Dominus) *seruis  
 inutiles agnoscere, & profiteri debere; si  
 quid enim boni in ipsis est, non est ex  
 ipsis, sed ex Deo, omne quippe bonum  
 defursum est, descendens à Patre lu-  
 minum. Si quando igitur aliqua tibi co-  
 gitatio gloriandi obtepat: Audi Apo-  
 stolum commonentem, quis te discer-  
 nit? quid habes quod non accepisti? si autem  
 accepisti, quid gloriaris quasi non acceperis?*

**I. COR. 4** Sexta denique ab iis qui copiosas  
 magis, ac speciales gratias accipiunt,  
 maiores etiam & vberiores bonorum  
 operum fructus præ aliis exigere: cui enim  
 multum datum est, inquit Christus, mul-  
 tum quæretur ab eo, & is qui quinque  
**LUC. 12.** talenta acceperat, alia quinque lucratus est,  
 nullam recepturus laudem, imò fortas-  
 se repulsam passurus, si duo tantum  
 ex lucro retulisset. Per-

Perpende igitur quantas & quam  
 speciales gratias præ innumeris aliis  
 accepisti, quot sanctis cogitationibus  
 illustratus, piis motibus excitatus, &  
 aliis specialibus auxiliis præuentus: vi-  
 de ut teneas quod accepisti; ut nemo  
 coronam tuam accipiat; cum timore  
 itaque ac tremore operare salutem  
 tuam, fideliter gratiis tibi collatis coo-  
 perando: & caue ne propter legnitiam  
 tuam in diuino iudicio audias, *seruum*  
*inutilem & pigrum eijcite in tenebras ex-* Mat. 25  
*teriores.*

## MEDITATIO XXVII.

*Christus Dominus discipulos  
 suos ad commanendum  
 sibi inuitans.*

1. **C**ONsidera singularem prorsus,  
 ac ineffabilem Christi Domi-  
 ni erga discipulos suos dilectionem,  
 cui nimirum non erat satis illos gratiis  
 specialibus, & copiosissimis cumulas-  
 se, ipsarumque gratiarum veluti fontē  
 in eos refudisse, nisi arctiori adhuc a-  
 moris vinculo eosdem sibi vniret: *Ma-*  
*nete, inquit, in me, & ego in vobis,* quasi  
 intimum cordis sui sinum illis aperies,  
 & vnum quid cum illis esse exoptans?  
 Perpende sedulo vim & significatio.



nem verborum illorum: vide post tam singulare charitatis testimonium, quē sensum, quem affectum erga. amantissimum illum Dominum tuum concipere. velis, quid ex tua parte præstare debeas, ut tu in illo manearis, & ille vicissim in te.

2. Considera fructus qui ex illa desiderabili mansione reciproca consequuntur. *Qui manet in me*, inquit, & ego in eo, *hic fert fructum multū: item, si manseritis in me, & verba mea in vobis manserint, quodcūq; volueritis petetis, & fiet vobis.* Si igitur manes in Christo, & Christus in te, labora, operare, fiducialiter age, etenim ipse Dominus dabit benignitatem & terra tua dabit fructum suum. Orationes tuas & preces cum fiducia funde; spiritus quippe Christi in te manens adiuuabit infirmitatem tuam, orabitque tecum, & pro te, gemitibus innarrabilibus. Sed nunquid parum tibi videtur in ipso Christo cōmanere nōne hoc vnum satis superque tibi esse deberet, etsi nullus alius inde sequeretur fructus? Dic igitur, *michi adhaerere Deo bonū est, quid enim mihi est in caelo, & à te quid volui super terram: Deus cordis mei, & pars mea Deus in aeternum.*

3. Considera varios modos quibus tu in Christo manearis & Christus in te:  
1. Per vnionem potentiarū animæ tuæ cum illo: nimirum iugiter de illo cogi-

gitando, eius actiones, passiones, & reliqua diuinæ illius vitæ mysteria meditando, cum eo per orationem colloquendo, eius charitati & misericordiæ infinitæ innitendo, ipsum toto voluntatis affectu & conatu diligendo, crebrosque erga eundem amoris actus eliciendo, omnia tua & teipsum ad eius gloriam referendo, voluntatem tuam eius voluntati, quam perfectissimè submittendo. 2. Per ipſus Christi Domini imitationem, teipsum in omnibus illi conformando, virtutes illius, & vitā in te exprimendo; & veluti ipſammet Christum in te, aliis exhibendo; *Qui enim dicit se in illo manere, debet sicut ille ambulauit & ipse ambulare.*

4. Per frequentem, imò quotidianam & condignam sanctissimi Sacramenti Eucharistiæ participationem, & in illo Sacramento intimā animæ tuæ cum ipſo Christo vnionem, idque non solo affectu, sed & effectu; verè siquidem, ac realiter in te manet Christus, & tu in illo: vide igitur quomodo tam eximiis charitatis vinculis Domino Deo tuo ita vniaris, vt neque tribulatio, neque angustia, neque mors ipsa te vnquam ab illo diuellere aut separare possit.

## MEDITATIO XXVIII.

*Christus Dominus discipulos  
suos aduersus tentationes  
præmunens.*

1. **C**onsidera eximiam Christi Domini erga discipulos suos charitatem: siquidem cū iam iam passioni proximus esset, mortisque illius atrocissimæ quam subire debebat, imago ipsi ob oculos obuersaretur, immemor tamen sui, & de suorum tantummodo salute sollicitus, eos alloquens: *Ecce,*  
*Luc. 22. inquit, Sathanas expetiuit vos, ut cribra-*  
*ret sicut triticum.*

En monitio Christi Sacerdotibus maxime perpendenda, ut scilicet probè intelligant, si fideliter in ministerio suo gerere se velint, varias & interdum infestissimas tentationes illis esse subeundas. Certum est quippe illos in prima Ecclesiæ militantis acie constitutos, & non pro sua tantum, sed & pro aliorum salute dimicatu-  
 res hostium impetus experturos esse.

Quare illud sapientis tanquam tibi dictum ausculta: *fili accedens ad seruitu-*  
*tem Dei, sta in iustitia & timore, & prapa-*  
*ra animam tuam ad tentationem, & caue*  
*ne, ut ait sanctus Hieronymus, tunc ma-*  
*ximè oppugneris, cum te oppugnari min-*  
*mè sentis.*

Con.

2. Considera Christum Dominum non solum suos admonuisse de tentationibus obuenturis, sed & illos edocuisse rationem, qua possent non modo ipsarum tentationum periculum euadere, sed & de hostibus impugnantibus victoriam reportare: *Vigilate*, inquit, & *orate*: en duo media optima & saluberrima, quibus quisque valeat, tum aduersus tentationes futuras animum suum præmunire, tum etiam ipsas tentationes irruentes propulsare. Mat. 26

Primum est, vigilantia, quæ super seipsum actusque suos exteriores & interiores continuò inuigilet: dicatque cum Propheta, *anima mea in manibus meis semper, & legem tuam non sum oblitus*. Ps. 118.

Secundum est, oratio, quæ humiliter inuocet Dei auxilium, sine quo, ipsa vigilantia, quantacumque sit, minime sufficit.

Quisquis es igitur sacræ Christi militiæ ascriptus, vide, ut Imperatoris tui monita exequaris: *Vigila, & ora*; vigila tibi ipsi maximè diffidens: ora, in diuinæ misericordiæ subsidium omnino confidens, & singulis diebus hæc duo tibi in mentem reuoca.

3. Considera aliud mediū aduersus quascumque tentationes præstantissimum, nimirum ut non modo cum tentatio ipsa vrget & infestat, sed etiam antequam insurgat, vnusquisq; ad pugnam

quam se præparat, ita ut non solum periculosas quasque deuitet peccandi occasiones, non modo aditus omnes per quos hostis irrumpere posset occludat; sensusque suos exteriores sollicitè custodiat; sed & in iis virtutibus sedulo seipsum exerceat, quæ tentationis tempore sibi auxilio & præsidio esse valeant, ne videlicet sit ex illorum numero qui (ut Christus Dominus dixit) *radices non habent*, id est, ipso Christo per continuū virtutum exercitium radicati & fundati non sunt, ideoque *in tempore tentationis recedunt*.

Igitur dum in huius vitæ militia tempus te iuuat, & datur tibi aliqua cessatio ab hostium insulibus: vide ut te denuo ad pugnam præpares, mortifica

*Coloss. 3* *membra tua quæ sunt super terram; scilicet iram, iustitiam, pietatem, fidem, charitatem, patientiam, mansuetudinem, aliarum*

*1. Tim. 6* *que eiusmodi virtutum, quas tibi maxime necessarias esse noneris, actus sedulo exerce, ut postea his cælestibus armis instructus, certare possis bonum certamen, fidem seruare, cursum consummare, ut tandem repositam tibi coronam iustitiæ valeas obtinere.*

*2. Tim. 4.*

## MEDITATIO XXIX.

*Christus Dominus discipulos  
suos ad perseverandum  
adhortans.*

**C**onsidera hoc monitum Christi Domini discipulos suos alloquentis (*qui autem perseverauerit usque in finem hic saluus erit*) quod quidem semel atque iterum illis suggessit, idque postquam prædixisset impiorum aduersus ipsos calumnias & odia, tyrannorum persecutiones, populorum seditiones, trageque regnorum, & in hac rerum confusione hæreses vndequaque emergentes & multos in errorem mittentes, subiicit nihilominus, inter has quantalcumque procellas, mundique corrueutis clades, nusquam à recto tramite virtutis ipsis deflectendum esse; fortiterque usque in finem perseverandum: illumque solummodo saluum fore, qui finalem illam perseverantiam tenuerit.

Mar. 10.

Vide igitur & sedulo apud te metipsum perpende quam necessaria tibi sit illa perseverantiæ virtus: proindeque non satis tibi esse, quod ad Ordines digne promotus fueris, quod tuæ promotionis initio functiones sacras debite exerce-

re

re studueris, quod virtutes muneri tuo congruentes aliquanto tempore affectatus fueris. tentationesque aliquas fortiter repuleris: vltcrius adhuc eundem tibi est, grandis tibi etiamnum restat via, pergendum tibi, laborandum, militandum, ac denique vsque in finem perseverandum. Quare animum erige, gratis acceptis fideliter vttere, & nouas amplioresque, ac præsertim ipsius perseverantiæ gratiam singulis vitæ tuæ diebus instanter exposce.

2. Considera vnum ex præcipuis mediis quibus hanc perseverantiam tandè obtineas, esse eorum omnium, quæ te vtrumque bene gessisse opinaris, obliuisci; & S. Apostoli exemplo, ad ea quæ perficienda supersunt, extendere seipsum: quotidieque nouo affectu ad destinatum supernæ vocationis brauiû contendere, imo si sapiis quotidie te quasi incipientem, & virtutis stadium ingredientem arbitrari.

Si enim sanctissimus Prophetæ, qui (vt ait S. Gregorius) *ad culmen perfectionis iam peruenerat, quotidie tamen quasi incipiens sic loquebatur, Ego dixi nunc capi*; Quanto magis te id præstare decet, qui vix vno passu in veræ virtutis semita perrexeris, imò qui fortasse iter illud nondum ingressus fueris.

3. Considera alia media quæ te ad eandem perseverantiam obtinendam iuuare poterunt. Pri-

Primum est, vt vitæ tuæ tempus in quotidianis virtutum exercitiis fideliter impendas, ideoque quotidiana illa virtutum exercitia, rectè & aptè inter se disponas, ordinemque tibi aliquem vitæ tuæ præscribas.

Secundum, vt exactè ac constanter ministerii tui insignia circumferas, ac semper & vbique habitum, tonsurâq; clericalem velut *loricam iustitia*, *salutisque galeam* aduersus plerâq; mundi illecebras, iuxta sacrorum canonum normam gestès.

Tertium, vt piorum probatorumque Sacerdotum conuersationem, imo & contubernium exquiras, ac etiam inter eos fidelem quempiam amicum seligas, *cuius anima sit secundum animam tuam*, & à quo consilium, auxiliumque ac directionem expetas.

Quartum, vt collationibus, quæ de Ecclesiastica disciplina, & pietate habentur, frequens intersis: vnde nouum animum, nouasque vires resumere valeas.

Quintum, vt ad sanctissimum Domini corporis sacrificium dignè celebrandum, quotidie, quantum licuerit, te ipsum, vt par est, dispositum exhibeas: ex quo nimirum, tanquam ex Saluatoris & salutis fonte, vberrimas gratias, ipsarumque gratiarum præcipuam, perseverantiam scilicet, haurias.



Sextum, ut quotannis, quantum interit, secessum aliquem spirituales instituas, in quo ea quæ benefacta forent denuo instaurare, nouumque perseuerandi propositum firmiter concipere, & conceptum fouere, & perficere possis.

---

## MEDITATIO XXX

*Christi Domini obseruantia  
& pietas erga sanctissimam  
Virginem matrem, cuius Sa  
cerdoti sedulo imitanda.*

I. **C**onsidera qualis & quam eximia fuerit Christi Domini pietas & obseruantia erga sanctissimam Virginem matrem suam, quam etiam in sacro Euangelio maximè testatam esse voluit; ex quo nimirum discimus illum totos triginta annos, quibus cum ea commoratus est, his præsertim pietatis, obseruantiaque obsequiis impedisse: cumque haud dubiè per illud tempus varia eaque perfectissima Religionis, charitatis, aliarumque virtutum opera exercuerit, nihil tamen ex illis in Euangelio adnotatum esse voluit, nisi quod sanctissimæ Matri subditus esset, cuius etiam gratia castissimo eius spòso  
fimi-

similem submissionem detulit.

Vide quo honore & cultu eam prosequi debeas, cuius etiam ipse Dei filius subditum se esse professus est.

2. Considera aliis etiam nominibus & titulis Christianum Sacerdotem ad specialem cultum huic sanctissimæ Virgini exhibendum obstringi, ac præsertim eo quod Dei mater sit: vnde sequitur quod cum Sacerdos pro aliis hominibus constituatur in iis quæ sunt ad Deum, similiter etiam (seruato tamen ordine debito) muneris illius sit, aliorum, erga sanctissimam hanc Deiparam, cultum & obseruantiam supplere; proindeque non suo tantum, sed & totius Ecclesiæ nomine, huic cæli, terrarumque Reginæ honorem condignum deferre. Quid quod cum ipse Sacerdos Christo Domino ejus filio quadam Religionis veluti affinitate speciatim conuinctus sit, eundemque quotidie in manibus deferat, & in sacrificium offerat, quem hæc purissima Virgo & Mater toties inter vlnas & in sinu gessit: nonne hinc sequitur illum peculiari quadam pietatis & obseruantia lege erga sanctissimam hanc Deiparam teneri, eique proinde se præ aliis devotum profiteri debere. Vide igitur qua ratione huic religioso debito erga hanc sanctissimam Virginem satisfacias, quem cultum illi quotidie exhibeas, quid in ejus honorem præstare velis. Con.

3. Considera aliam adhuc rationem quæ te ad specialem huius sanctissimæ Virginis cultum, & deuotionem inuiter, nimirum quod ad Christi Domini eius filii ministerium delectus; plurimis & specialissimis diuinæ gratiæ auxiliis, ad illud fideliter implendū, indigeas; plurimis itē maximisque subsidiis, ad superandas difficultates occurrentes, tentationesque vincēdas, ad quæ auxilia & subsidia impetrāda, quantum ipsius sanctissimæ Virginis valeat patrociniū & intercessio, testari potest quisquis illam ex animo coluit, & in necessitatibus inuocauit.

Quare si in virtutum sacerdotium studio firmus & perseverans esse cupis, nullam vitæ tuæ diem finis elabi, quin ad huius clementissimæ Deiparæ præsidium confugas; & ex toto cordis affectu te ipsum tuamque omnia illi cōmendes, ipsiusque apud Deum intercessionem & patrociniū inuoces: & quo efficacius illius misericordiam permoueas, eius erga Diuinum Filium reuerentiæ ac Religionis obsequia imitari, teque illi quantum poteris conformare contendere.

*Omnia ad maiorem Dei optimi  
maximi gloriam.*





